

श्री

सागरासुधाचिन्ता



संपादक : संशोधकश्च

प्र. पन्त्यास श्री जितेन्द्र विजयजी गणिवर

श्री हर्षपुष्पामृत जैन ग्रन्थमाला-ग्रन्थाङ्कः-७५

श्री महावीर जिनेन्द्राय नमः ।

तपोमूर्ति पूज्याचार्यदेवश्रीविजयकपूरसूरिगुरुभ्यो नमः ।

हालारदेशोद्धारक-पूज्याचार्यदेवश्रीविजयामृतसूरिगुरुभ्यो नमः ।

श्री आगमसुधासिन्धुः

अष्टमो विभागः

अनेक-पूज्य-श्रुतस्थविर-मुनिवर-विरचित-प्रकीर्णकदशकात्मकः
मतान्तरेण च प्रकीर्णकदशकान्तर्गतप्रकीर्णकद्वयोपेतः

卐

संपादकः संशोधकश्च

तपोमूर्तिपूज्याचार्यदेवश्रीमद्विजयकपूरसूरीश्वर-पट्टालङ्कार-हालारदेशोद्धारक-
कविरत्न-पूज्याचार्यदेवश्रीमद्विजयामृतसूरीश्वर--विनेयः

पन्न्यास श्री जिनेन्द्रविजय गणी

卐

प्रकाशिका-

श्री हर्षपुष्पामृत जैन ग्रन्थमाला

लाखाबावल-शांतिपुरी (सौराष्ट्र)

પ્રકાશિકા-
શ્રી હર્ષપુષ્પામૃત જૈન ગ્રન્થમાલા
લાલ્લાવાલ-શાંતિપુરી (સૌરાષ્ટ્ર) ગુજરાત

✱

બીર સં. ૨૫૦૧]

વિક્રમ સં. ૨૦૩૧

[સન્ ૧૯૭૬

આ આગમના અધિકારી યોગવાહી ગુરુકુલવાસી
સુવિહિત મુનિરાજો છે.

મૂલ્ય રૂ. ૨૫-૦૦

મુદ્રક:-
ગૌતમ આર્ટ પ્રિન્ટર્સ
બ્યાવર (રાજસ્થાન)

સંપાદકીય નિવેદન

નિષ્કારણબંધુ વિશ્વવત્સલ ચરમશાસનપતિ શ્રમણ ભગવાન મહાવીર દેવે ભવ્યજીવોના હિતને માટે સ્થાપેલ શાસન આજે વિદ્યમાન છે અને વિષમકાલમાં પણ ભવ્યજીવોને માટે સર્વજ્ઞ પરમાત્માનું એ શાસન પરમ આલંબન રૂપ છે. તીર્થંકરદેવોની અવિદ્યમાનતામાં તેઓશ્રીની વાણી શાસનના પ્રાણ સ્વરૂપ હોય છે. તીર્થંકરદેવોએ અર્થથી પ્રરૂપેલ અને ગણધરદેવોએ સૂત્રથી ગૂંથેલ એ જિનવાણી હિતકાંક્ષી પુન્યાત્માઓ માટે અમૃત તુલ્ય છે.

વિદ્યમાન આમમ શ્રુતજ્ઞાનમાં મુખ્યત્વે ૪૫ આગમ ગણાય છે. તે ઉપરાંત પણ ૮૪ આગમની ગણતરીને હિસાબે બીજું પણ કેટલુંક આગમ રૂપી શ્રુતજ્ઞાન વિદ્યમાન છે. આગમ સૂત્રો ઉપર નિયુક્તિઓ, ભાષ્યો, ચૂર્ણિઓ અને ટીકાઓ રચાઈ છે. અને એથી સૂત્ર સહિત આગમની એ પંચાંગી જૈન શાસનમાં માન્ય છે. તેના આધારે વર્તમાન જ્ઞાનાચાર, દર્શનાચાર, ચારિત્રાચાર, તપાચાર અને વીર્યાચાર રૂપ વ્યવહાર પ્રવર્તે છે. સમ્યગ્દર્શન સમ્યગ્જ્ઞાન અને સમ્યગ્ચારિત્ર રૂપ મુક્તિ-માર્ગ પ્રવર્તમાન છે.

પંચાંગીનો વાચના પૃચ્છના, પરાવર્તના, અનુપ્રેક્ષા અને ધર્મકથા રૂપ પંચલક્ષણ સ્વાધ્યાય જેટલો જોરદાર તેટલી શ્રી સંઘમાં સમ્યગ્ જ્ઞાનની શુદ્ધિ જોરદાર, તેનાથી જ્ઞાનાચાર ઉજ્વલ, ઉજ્વલ જ્ઞાનાચારથી દર્શનાચાર ઉજ્વલ, ઉજ્વલ દર્શનાચારથી ચારિત્રાચાર ઉજ્વલ, ઉજ્વલ ચારિત્રાચારથી તપાચાર ઉજ્વલ, અને એ ચારે ઉજ્વલ આચારથી વીર્યાચાર ઉજ્વલ. વીર્યાચારની ઉજ્વલતાથી જૈનશાસન ઉજ્વલ, એ જૈન શાસન સદા જયવંત વર્તે છે.

આમ શાસનનો આધાર કહો કે પાયો કહો, મૂલ કહો કે પ્રાણ કહો, એ શ્રી જિનવાણી છે. અને તે જિનવાણી ૪૫ મૂલ આગમ સહિત પંચાંગી સ્વરૂપ છે. પંચાંગીને અનુસરતા પ્રકરણ ગ્રંથો યાવત્ સ્તવન સજ્જાય કે નાના નિબંધ કે વાક્ય સ્વરૂપ છે. ઉપશમ વિવેક સંબર-એ ત્રિપદી સ્વરૂપ જિનવાણીથી ઘોર પાપી ચિલાતીપુત્ર પણ પતનના માર્ગથી નીકલી પ્રગતિમાર્ગના મુસાફર બની ગયા હતા.

૪૫ મૂલ આગમના અધિકારી યોગવાહી ગુરુકુલવાસી સુવિહિત મુનિવરો છે. સાધ્વીજી મહારાજો શ્રીઆવશ્યક સૂત્ર આદિ મૂલ સૂત્રોના તેમજ શ્રીઆચારાંગ સૂત્રના યોગવહન કરવા પૂર્વક અધિકારી છે. શ્રાવક શ્રાવિકાઓં ઉપધાન વહન કરવા પૂર્વક શ્રી આવશ્યક સૂત્ર ઉપરાંત દશવૈકાલિકસૂત્રના ષડ્જીવ-નિકાય-નામના ચોથા અધ્યયન પર્યંતના શ્રુતના અધિકારી છે. આમ આગમશ્રુતના અધિકારી મુનિવરો યોગવહન કરવા પૂર્વક યોગ્યતા મુજબ અધ્યયન આદિ કરીને પોતાના જ્ઞાન દર્શન ચારિત્રને નિર્મલ બનાવે છે અને યોગ્યતા મુજબ ધર્મકથા દ્વારા જિણવાળીનું પાન કરાવી સાધુ સાધ્વી શ્રાવક શ્રાવિકા રૂપ ચારે પ્રકારના સંઘને તેમજ માર્ગાભિમુખ જીવોને મુક્તિમાર્ગ પ્રદાન કરે છે.

૪૫ આગમસૂત્રો ૬ વિભાગોમાં વહેંચાયેલ છે (૧) અંગસૂત્રો-૧૧ (૨) ઉપાંગસૂત્રો-૧૨ (૩) પયન્નાસૂત્રો-૧૦ (૪) છેદસૂત્રો-૬ (૫) મૂલસૂત્રો-૪ (૬) ચૂલિકાસૂત્રો-૨. આ સૂત્રોનું સ્વાધ્યાય આદિ અધ્યયન વધે તે માટે ઉપયોગી બને તે રીતે ૪૫ મૂલ સૂત્રો શ્વેતાંવર મૂર્તિપૂજક શ્રીસંઘમાં સઠંગ મુદ્રિત નથી અને જેથી આગમ સૂત્રોના સ્વાધ્યાય આદિની અનુકૂલતા થાય તે માટે શક્ય પ્રયત્ને સંશોધન કરીને પ્રગટ કરવાની યોજના વિચારવામાં આવી છે, તે યોજના મુજબ ૪૫ આગમસૂત્રો ૧૪ વિભાગમાં સંપાદન થશે પ્રથમ વિભાગ પ્રગટ થઈ ગયો છે. આ આઠમો વિભાગ પ્રગટ થાય છે. બારમો અને તેરમો વિભાગ પણ નજીકમાં પ્રગટ થશે.

આ આઠમા વિભાગમાં દશ પયન્ના સૂત્ર આપવામાં આવ્યા છે. સાથે મતાંતરથી દશ પયન્ના સૂત્રોમાં ગણાતા બે પયન્ના સૂત્ર પણ આપવામાં આવ્યા છે તે અનુક્રમ જોવાથી રુચાલ આવશે. આ સૂત્રોમાં જુદી જુદી પ્રતો મેળવવા સાથે ટીકામાં રહેલા પાઠાન્તરો મેલવીને મૂલ સૂત્રો સાથે કોશમાં આપેલા છે. પૂ. આગમોદ્ધારક આચાર્યદેવશ્રી સાગરાનંદસૂરીશ્વરજી મહારાજ દ્વારા સંશોધિત શ્રી આગમ મંજૂષા, બાબુશ્રી ઘનપતસિંહજી દ્વારા પ્રકાશિત પયન્ના સંગ્રહ, આગમોદય સમિતિ દ્વારા પ્રકાશિત પ્રકીર્ણક દશક છાયા સહ તથા ગચ્છાચાર પ્રકીર્ણક સટીક, પૂ. આ. શ્રી વિજયક્ષમાભદ્ર સ્વ. મ. સા.સંપાદિત કેશર બાઈ જ્ઞાનમંદિર પ્રકાશિત શ્રી ચંદ્રવેધ્યક પ્રકીર્ણક, શેઠ દેવચંદ લાલભાઈ પુસ્તકોદ્ધારક ફંડ પ્રકાશિત શ્રી તન્દુવૈયાલિકપ્રકીર્ણક સટીક તથા ચતુઃશરણ પ્રકીર્ણક સાવસૂરિ, શ્રી વિજય સિદ્ધિસૂરિજી જૈન ગ્રંથમાલા પ્રકાશિત આરાધના સાર સંગ્રહ માં પ્રકાશિત પ્રકીર્ણકો, પૂ. આચાર્ય દેવશ્રી વિજય જંબૂસૂરીશ્વર જિનાગમ રત્નકોશ(હમોઈ)ની વીરસ્તવ પયન્નાની હસ્તપ્રત વિગેરેનો આધાર આ સૂત્રો માટે સંશોધનમાં લેવામાં આવ્યો છે.

શ્રી શ્રમણસંઘમાં આગમો કંઠસ્થ કરવામાં સ્વાધ્યાય કરવામાં વિસ્તૃત ટીકાઓના વાંચન પછી મૂલસૂત્રોનું પુનરાવર્તન કરવામાં આ મૂલ સૂત્રોના સંયુક્ત સંપાદનથી ઘણી

અનુકૂલતા રહેશે અને એથી હોંશે હોંશે ઉત્સાહી મુનિ ભગવંતો સૂત્રો કંઠસ્થ કરીને આગમ શ્રુતને ધારણ કરવા માટે પળ સમર્થ બની શકશે. ૨, ૫, કે ૧૦, ૨૦ સૂત્ર કંઠસ્થ કરનારા અને પુરતો પ્રયત્ન થાય તો એક લાખ શ્લોક પ્રમાણ મૂલ સૂત્રો કંઠસ્થ કરી ધારી રાખનારા અનેક ગણો મુનિવરોમાં થઈ શકશે. 'જ્ઞાનધનાઃ સાધવઃ' 'શાસ્ત્રચક્ષુષઃ સાધવઃ' એ વિધાન મુજબ શ્રમણ સંઘના પ્રાણ સમાન આ આગમ સૂત્રોનું શ્રી શ્રમણ ભગવંતો દ્વારા વિશેષ પરિશીલન થતાં શ્રીસંઘને માટે શ્રી શાસન ને માટે ઘણી ઉજ્જ્વલતા ફેલાશે. અને એ આશયથી સ્વપરના શ્રેયકારી આગમ સૂત્રોનાં સંઘોધન સંપાદન રૂપ શ્રુતભક્તિમાં સ્વપરના શ્રેયની ભાવના પૂર્વક રસ લઈ રહ્યો છે.


ચરમ તીર્થપતિ શ્રમણ ભગવાન મહાવીર દેવે પ્રકાશેલ જિનવાણીનો પ્રભાવ પાંચમા આરાના છેડા સુધી રહેશે. એ જ્વલંત જિનવાણીનો પ્રકાશ આપણા આત્માને અજવાલનારો બને તે માટે યોગ્યતા અને અધિકાર મુજબ જિનવાણીની ઉપાસના ભક્તિમાં આવોલ્લાસ પૂર્વક સૌ ઉજમાલ બનીએ એજ મારા અંતરની શુભ ભાવના છે.

વીર સં. ૨૫૦૧ વિ. સં. ૨૦૩૧
આષાઢ સુદ ૧ શુક્રવાર
શાંતાક્રુષ્ણ

હાલાર વેશોદ્ધારક કવિરત્ન પૂજ્ય આચાર્યદેવ શ્રીમદ્વિજય-
અમૃતસૂરીશ્વરજી મહારાજાનો ચરણ સેવક-
પં. જિનેન્દ્રવિજય ગણી



પ્રકાશકીય નિવેદન



અમારી ગ્રન્થમાલા તરફથી આ શ્રીઆગમસુધાસિન્ધુ આઠમો વિભાગ પ્રગટ કરતા આનંદ અનુભવીએ છીએ-હાલમાં ૪૫ આગમ મૂલ અને કેટલાક આગમ ટીકા સહિત પ્રગટ કરવાનું કામ શરૂ કરતાં આ ગ્રન્થ નાગરી લિપિમાં મોટા ટાઇપમાં પ્રગટ કરેલ છે.

આ ગ્રન્થનું સંશોધન સંપાદન હાલારદેશોદ્ધારક કવિરત્ન સ્વ. પૂ. આચાર્યદેવ શ્રીમદ્-વિજયઅમૃતસૂરીશ્વરજી મહારાજના શિષ્યરત્ન પૂ. પંન્યાસ શ્રી જિનેન્દ્રવિજયજી ગણિવરે ઘણી સંત થી કરેલ છે.

કાગળ છપાઈ આદિના ભાવ વધવાને કારણે સ્વર્ચ ધાર્યા કરતાં વધુ આવે છે. મોટા ટાઇપમાં મુદ્રિત કરાતાં પેજ વધારે થાય છે. પરંતુ ટકવાની અને અભ્યાસની દૃષ્ટિએ અનુકુલતા રહેશે.

આગમ સૂત્રોના અધિકારી યોગવાહી ગુરુકુલવાસી સુવિહિત મુનિઓ છે. એ શાસ્ત્રવિધિ મુજબ પૂજ્ય શ્રમણસંઘમાં આગમ વાંચનાદિમાં અનુકુલતા થાય તે રૂપ આ શ્રુતભક્તિ કરતાં અમે આનંદ અનુભવીએ છીએ.

૪૫ મૂલ આગમ ૧૪ વિભાગમાં પ્રગટ થશે. સટીક આગમોમાં શ્રીમદન્તકૃદશા, શ્રીમન્દતરોપપાતિકદશા અને શ્રીમદુપાસકદશા સૂત્ર તૈયાર થઈ ગયાં છે. મુદ્રણ માટે શ્રી ગૌતમ આર્ટ પ્રિન્ટર્સના વ્યવસ્થાપકોએ સારી સંત રાખી છે તે માટે તેમનો આભાર માનીએ છીએ.

ધીર સંવત્ ૨૫૦૧
વિ. સં ૨૦૩૧
અષાઢ સુવ ૬ સોમવાર
તા. ૧૪-૭-૭૫

લિ:-

નેમચંદ વાઘજી ગુહકા
નવીનચંદ્ર બાબુલાલ શાહ

॥ अनुक्रमणिका ॥

१ श्री चतुःशरण प्रकीर्णकम् (गाथा-६३) (श्लोक-८०)	१
२ श्री आतुरप्रत्याख्यान-प्रकीर्णकम् (गा० ७०) (श्लोक १००)	५
३ श्री महाप्रत्याख्यान-प्रकीर्णकम् (गाथा १४२) (श्लोक १७६)	६
४ श्री भक्तपरिज्ञा-प्रकीर्णकम् (गाथा १७२) (श्लोक २१५)	१८
५ श्री तंदुलवैचारिक-प्रकीर्णकम् (गाथा) (श्लोक १३८)	२८
६ श्री संस्तारक-प्रकीर्णकम् (गाथा १३३) (श्लोक १५५)	४८
७ श्री गच्छाचार-प्रकीर्णकम् (गाथा १३७) (श्लोक १७५)	५५
८ श्री गणिविद्या-प्रकीर्णकम् (गाथा ८२) (श्लोक १०५)	६४
९ श्री देवेन्द्रस्तव-प्रकीर्णकम् (गाथा ३०७) (श्लोक ३७५)	६८
१० श्री मरणसमाधि-प्रकीर्णकम् (गाथा ६६३) (श्लोक ८७५)	८६

॥ मतान्तरेण प्रकीर्णकदशकगत-प्रकीर्णकद्वयम् ॥

१ श्री चन्द्रवेद्यक-प्रकीर्णकम् (गाथा १७५)	१२६
२ श्री वीरस्तव-प्रकीर्णकम् (गाथा ४३)	१३७



* शुद्धिपत्रकम् *

पृष्ठं	पंक्तिः	अशुद्धं	शुद्धं
२	३१४।६।७।६	हंतु	हंतु
३	५	च (वि) चिक्का	च(चि)चिक्का
३	२२	कालत्तएहि	कालतएहि
४	३	बोगञ्चहरं	बोगञ्चहर
४	४	सुचरिओमंच	सुचरिअरोमंच
४	१०	गरिहाति	गरिहामि
१४	१७	घन्ना	घन्ना
१४	१९	(वा)	(चा)
२०	१७	महरं	महरं
२०	१७	छ	अ
२२	२२	अन्नाणिऽवि	अन्नाणीऽवि
२४	९	०बहुओ	०बहुओ
२५	१७	जं	जं च
२६	१६	सुहित्तिलअं	सु(सु)हित्तिलअं
३४	२०	चित्तेयव्व	चित्तेयव्वं
३९	१४	पणूणि	पाणूणि
४४	६	सोसघडो-	सोसघडी-
४५	६	अप्पणा	अप्पणो
४५	१०	इत्थयाओ	इत्थियाओ
५२	६	पडिघन्नो०	पडिघन्नो०
५६	११	निच्चं	निच्चं निच्चं
५६	१२	छत्तीसगुसमन्ना	छत्तीसगुणसमन्ना०
५८	८	बिबि-	बिव-
६०	२०	निच्छयओ	निच्छयओ
६१	१६	०पत्तं	०पवत्तं
६१	२१	संजमुठ्ठट्टा	संजमुठ्ठट्टा
६२	५	मसणो	समणो
६२	१४	गिहत्थाणं	गिहत्थाणं
६२	१७	०संखडाई	०संखडाइं
६३	४	घरघोडा०	खरघोडा०
६३	१५	कमेमाणि	करेमाणी
६३	१६	संसार	संसारं
६३	१८	०कप्पओ	०कप्पाओ

पृष्ठं	पंक्तिः	अशुद्धं	शुद्धं
६४	२	नवल०	नवबल०
६५	१	०पिट्ठिओ	०पिट्ठो
६५	३	अनिव्वाणि	अनिव्वाणो
६५	१९	मिगसिरे	मिगसिरं
६७	३	दिवसमुहत्ता	दिवसमुहत्ता
६६	२१	जसपमे	जलपमे
७३	६	जह	जहि
७६	४	०लोगिम्म	०लोगम्मि
७८	१६	०कप्पवइणो	०कप्पवइणो
८४	७	विरायति	विरायंति
८२	१५	य ज	य जे
८५	१३	वट्ठंतो	वट्ठंतो
१०१	१८	तिविहेणं	तिविहेण
१०२	२	अट्टमय-	अट्टमय-
१०३	१२	कारण०संथरो	कारण०संथारो
१०४	१८	जीवो	जीवो
१०४	१६	जिणमदेसियं	जिणदेसियं
१०४	१९	अठ्ठभुज्जयं	अठ्ठभुज्जयं
१०४	२४	०बंधणाया यं (इं)	बंधणाया(इं)यं
१०५	३	धिइनिच्चल०	धिइनिच्चल०
१०६	११	सव्वस्सवि	सव्वस्स
१०७	२२	वेयणणावसट्टा	वेयणावसट्टा
१०८	८	उपमाई	पउमाई
१११	१५	इम	इम
११४	१२	कयपूओ	कयपूओ
११६	२	रागे	रोगे
११७	१४	विसया-	विसयाणु
११८	१७	विग्गमहणए	विग्गहणए
१२०	२०	आणे हि	आसेहि
१२५	६	असुइय	असुइयं
१२७	१६	लद्धं	लद्धं
१३०	२३	मुखक	मुखं
१३२	१८	निबलम्मे	न वि लम्मे
१३३	२	सारागधम्मंमि	सारागधम्मंमि

सादर समर्पण—

कलिकालकल्पतरु, संधस्थविर, शताधिकवय भोगवनार,
शासनसंरक्षक, प्रकृष्टतपोमूर्ति, प्रातःस्मरणीय
परमशासनप्रभावक, सिद्धांत निष्ठ
पूज्यपाद आचार्यदेवेश—

श्रीमद् विजयसिद्धिसूरीश्वरजी महाराज
(पूज्य बापजी महाराज)

जेओश्रीना सानिध्यमां आराधनादि करतां तेओश्रीं वरसावेल आराधना
मार्गनी पुष्टि माटेनी वात्सल्य अमीवर्षाना महान उपकारनी पुनीत
स्मृतिमां यत्किंचित् कृतज्ञता रूपे

श्री आराम सुधा सिन्धु
अष्टम विभाग

तेओश्रीने सादर वंदना साथे अर्पण करी धन्यता अनुभवुं छुं.

गुरुदेव चरणचंचरिक
जिनेन्द्रविजय

॥ अर्हम् ॥

॥ अथ प्रकीर्णकानि ॥

—०—

॥१॥ अथ श्रीचतुःशरण-प्रकीर्णकम् ॥

सावज्जजोगविरई १ उक्तिगण २ गुणत्रयो अ पडिवत्ती ३ । सलि-
अस्स निंदणा ४ वणातिगिच्छ ५ गुणधारणा चेव ६ ॥ १ ॥ चारित्तस्स
विसोही कीरइ सामाइएण किल इहयं । सावज्जेअरजोगाण वज्जणासेवणात्त-
णाओ ॥ २ ॥ दंसणायारविसोही चउवीमायत्थणा किञ्चइ य । अच्चभुअ-
गुणकित्तणरूवेण जिणवरिंदाणं ॥ ३ ॥ नाणाईआ उ गुणा तस्संपन्नपडिवत्ति-
करणाओ । वंदणाएणं विहिणा कीरइ सोही उ तेसिं तु ॥ ४ ॥ सलिअस्स
य तेसि पुणो विहिणा जं निंदणाइ पडिकमणं । तेण पडिकमणेणं तेसिंपि
अ कीरण सोही ॥ ५ ॥ चरणाईयारा(इयाइया)णं जहक्कम्मं वणाति-
गिच्छरूवेणं । पडिकमणासुद्धाणं सोही तह काउसग्गेणं ॥ ६ ॥ गुणधार-
णरूवेणं पच्चक्खाणेण तवइआरस्स । विरिआयारस्स पुणो सव्वेहिबि
कीरण सोही ॥ ७ ॥ गय १ वसह २ सीह ३ अभिसेअ ४ दाम ५ ससी
६ दिणायरं ७ भयं ८ कुंभं ९ । पउमसर १० सागर ११ विमाण-भवण
१२ रयणुच्चय १३ सिहिं १४ च ॥ ८ ॥ अमरिंदनरिंदमुणिंद-वंदिअं वंदिउं
महावीरं । कुसलाणुबंधि बंधुरमज्झयणं कित्तइस्सामि ॥ ९ ॥ चउसरणागमणा
१ दुक्कडगरिहा २ सुकडाणुमोअणा ३ चेव । एस गणो अणावरयं कायव्वो
कुमलहेउत्ति ॥ १० ॥ अरिहंत सिद्ध साहू केवलिकहिओ सुहावहो
धम्मो । एए चउरो चउगइहरणा सरणं लइइ धनो ॥ ११ ॥ अह
सो जिणभत्ति-भरुच्चरंतरोमं-चकंचुअकरालो । पहरिसपणउम्मीसं सीसंमि

कयंजली भण्ड ॥ १२ ॥ रागदोसारीणं हंता कम्मट्टगाइ अरिहंता । विसय-
 कसायारीणं अरिहंता हुँतु मे सरणं ॥ १३ ॥ रायसिरिमुवक्कमि(सि)त्ता तव-
 चरणं दुच्चरं अणुचरित्ता । केवलसिरिमरिहंता अरिहंता हंतु मे सरणं ॥ १४ ॥
 थुइवंदणमरिहंता अमरिंदनरिंदपूअमरिहंता । सासयसुहमरहंता अरिहंता हंतु मे
 सरणं ॥ १५ ॥ परमणगयं मुणंता जोइंदमहिंदभाणमरहंता । धम्मकहं अर-
 हंता अरिहंता हंतु मे सरणं ॥ १६ ॥ सब्वजिआणमहिंसं अरहंता सच्चव-
 यणमरहंता । बंभव्वयमरहंता अरिहंता हंतु मे सरणं ॥ १७ ॥ ओसरण-
 मवसरित्ता चउतीसं अइसए निसेवित्ता । धम्मकहं च कहंता अरिहंता
 हंतु मे सरणं ॥ १८ ॥ एगाइ गिराओगे संदेहे देहिणं समंछित्ता ।
 तिहुयणमणुसासंता अरिहंता हंतु मे सरणं ॥ १९ ॥ वयणामएण भुवणं
 निव्वाविंता गुणेषु ठवंता । जिअलोअमुद्धरंता अरिहंता हंतु मे
 सरणं ॥ २० ॥ अच्चब्भुयगुणवंते निअजसससहर-पसाहिअदिअंते । निअ-
 यमणाइअणंते पडिवन्नो सरणमरिहंते ॥ २१ ॥ उज्झिअजरमरणाणं समत्त-
 दुक्खत्त-सत्तसरणाणं । तिहुअणजणसुहयाणं अरिहंताणं नमो ताणं ॥ २२ ॥
 अरिहंतसरणमलसुद्धि-लद्धसुविसुद्ध-सिद्धबहुमाणो । पणायमिररइय-करकमल-से-
 हरो सहरिसं भण्ड ॥ २३ ॥ कम्मट्टक्खयमिद्धा साहाविअनाणदंसाण-
 समिद्धा । सब्वट्टलद्धिसिद्धा ते सिद्धा हुँतु मे सरणं ॥ २४ ॥ तिअलोअ-
 मत्थयत्था परमपयत्था अचित्तसामत्था । मंगलसिद्धपयत्था सिद्धा सरणं
 सुहपयत्था ॥ २५ ॥ मूलुक्खयपडिवक्खा अमूढलक्खा सजोगिपच्चक्खा ।
 साहाविअत्तसुक्खा सिद्धा सरणं परममुक्खा ॥ २६ ॥ पडिपिल्लिअपडिणीया
 समग्गभाणग्गि-दड्ढभववीआ । जोईसरसरणीया सिद्धा सरणं सुमर-
 णीया ॥ २७ ॥ पावियपरमाणंदा गुणानीसंदा विभिन्न(विईगण)भवकंदा ।
 लहुईकयरविचंदा सिद्धा सरणं खविअदंदा ॥ २८ ॥ उवलद्धपरमवंधा
 दुल्लहलंभा विमुक्कसंरंभा । भुवणघरधरणखंभा सिद्धा सरणं निरारंभा ॥ २९ ॥

सिद्धसरणेण नवबंभहेउसाहुगुण-जणिअबहुमाणो (अणुरात्रो) । मेइणिमिलंत-
सुपन्त्य-मन्थत्रो तत्थिमं भणइ ॥ ३० ॥ जिअलोअबंघुणो कुगइसिंधुणो
पारगा महाभागा । नाणाइएहिं सिवसुख-साहगा साहुणो सरणं ॥ ३१ ॥
केवलिणो परमोही विउलमई सुअहरा जिणमयंमि । आयरिअ उवज्झाया
ते सव्वे साहुणो सरणं ॥ ३२ ॥ चउदसदसनवपुव्वी दुवालसिक्कारसंगिणो
जे अ । जिणकप्पाहालंदिअ परिहारविसुद्धिसाहू अ ॥ ३३ ॥ खीरासव-
महुआसवसंभिन्नस्पोअकुट्टबुद्धि अ । चारणवेउव्विपयाणुसारिणो साहुणो
सरणं ॥ ३४ ॥ उज्झियवरविरोहा निच्चमदोहा पसंतमुहसोहा । अभिमय-
गुणमंदोहा हयमोहा साहुणो सरणं ॥ ३५ ॥ खंडिअसिणोहदामा अकाम-
धामा निकामसुहकामा । सुपुरिसमणाभिरामा आयारामा मुणी सरणं ॥ ३६ ॥
मित्तिअविसयकसाया उज्झियवरवरणिसंगसुहसाया । अकलिअहरिस-
विसाया साहू सरणं गयपमाया ॥ ३७ ॥ हिंसाइदोससुन्ना कयकारुन्ना सयं-
भुरूपन्ना (पुणणा) । अजरामरपहखुन्ना साहू सरणं सुकयपुन्ना ॥ ३८ ॥
कामविडंबणचुक्का कलिमलमुक्का विवि(मु)क्कचोरिका । पावरयसुरयरिका
साहू गुणरयणच(वि)चिका ॥ ३९ ॥ साहुत्तसुट्ठिया जं आयरिआई तत्रो य
ते साहू । साहुभणिएण गहिया तम्हा ते साहुणो सरणं ॥ ४० ॥ पडिवन्न-
साहुसरणो सरणं काउं पुणोवि जिणधम्मं । पहरिसरोमंचपवंच-कंचुअंचिअ-तणू
भणइ ॥ ४१ ॥ पवरसुकएहिं पत्तं पत्तेहिवि नवरि केहिवि न पत्तं । तं
केवलिपन्नत्तं धम्मं सरणं पवन्नोऽहं ॥ ४२ ॥ पत्तेण अपत्तेण य पत्ताणि अ
जेण नरसुरसुहाइं । मुक्खसुहं पुण पत्तेण नवरि धम्मो स मे सरणं ॥ ४३ ॥
निदल्लिअकलुसकम्मो कयसुहजम्मो खलीकयअहम्मो । पमुहपरिणामरम्मो
सरणं मे होउ जिणधमो ॥ ४४ ॥ कालत्तएहि न मयं जम्माणजरमरणवा-
हिसयसमयं । अमयं व बहुमयं जिणमयं च सरणं पवन्नोऽहं ॥ ४५ ॥ पस-
मिअकामपमोहं दिट्ठादिट्ठे सु नकलिअविरोहं । सिवसुहफलममोहं धम्मं सरणं

पवनोऽहं ॥ ४६ ॥ नरयगङ्गमणरोहं गुणसंदोहं पवाइनिकखोहं । निहणित्र-
 वम्महजोहं धम्मं सरणं पवनोऽहं ॥ ४७ ॥ भासुरसुवन्नसुंदर-रयणालंकारगा-
 रवमहग्घं । निहिमित्र दोगच्चहरं धम्मं जिणदेसित्रं वंदे ॥ ४८ ॥ चउसरणग-
 मणसंचित्र-सुवरित्रोमंच-अंचियसरीरो । कयदुकडगरिहा असुहकम्मकखय-कं-
 खिरो भणइ ॥ ४९ ॥ इहभवित्रमन्नभवित्रं मिच्छत्तपवत्तणं जमहिंजरणं ।
 जिणपवयणपडिकुट्टं दुट्ठं गरिहामि तं पावं ॥ ५० ॥ मिच्छत्ततमंधेणं अरि-
 हंताइसु अवन्नवयणं जं । अन्नाणेण विरइयं इणिह गरिहामि तं पावं
 ॥ ५१ ॥ सुअधम्मसंघसाहुसु पावं पडिणीअयाइ जं रइअं । अन्नेसु अ
 पावेसुं इणिह गरिहामि तं पावं ॥ ५२ ॥ अन्नेसु अ जीवेसुं मित्तीकरुणा-
 इगोयरेसु कयं । परिआवणाइ दुक्खं इणिह गरिहाति तं पावं ॥ ५३ ॥ जं
 मणवयकाएहिं कयकारित्रणुमईहिं आयरियं । धम्मविरुद्धमसुद्धं सव्वं गरि-
 हामि तं पावं ॥ ५४ ॥ अह सो दुक्कडगरिहा-दलिउक्कडदुकडो फुडं भणइ ।
 सुकडाणुरायसमुइन्न-पुन्नपुलयंकुरकरालो ॥ ५५ ॥ अरिहत्तं अरिहंतेसु जं च
 सिद्धत्तणं च सिद्धेसु । आयारं आयरिए उज्झायत्तं उवज्झाए ॥ ५६ ॥ साहूण
 साहुचरित्रं देसविरइं च सावयजणाणं । अणुमन्ने सव्वेसिं सम्मत्तं सम्मदिट्ठीणं
 ॥ ५७ ॥ अहवा सव्वं चित्र वीअरायवयणाणुसारि जं सुकयं । कालत्तएवि
 तिविहं (विहियं) अणुमोएमो तयं सव्वं ॥ ५८ ॥ सुहपरिणामो निच्चं चउसरणग-
 माइ आयरं जीवो । कुसलपयडीउ बंधइ बद्धाउ सुहाणुबंधाउ ॥ ५९ ॥
 मंदाणुभावा बद्धा तिव्वणुभावा उ कुणइ ता चेव । असुहाउ निरणुबंधा उ
 कुणइ तिव्वाउ मंदाउ ॥ ६० ॥ ता एयं कायव्वं बुहेहि निच्चंपि संकिलेसम्मि ।
 होइ तिकालं सम्मं असंकिलेसंमि सुकयफलं ॥ ६१ ॥ चउरंगो जिणधम्मो न
 कअो चउरंगसरणमवि न कयं । चउरंगभबुच्छेअो न कअो हा हारिअो
 जम्मो ॥ ६२ ॥ इअ-जीवपमायमहारि-वीरभदंतमेअमज्झयणं । भाएसु
 तिसंभ-मवंभकारणं निव्वुइसुहाणं ॥ ६३ ॥ इइ चउसरणं पयन्नं समत्तं ॥ १॥

॥ इति श्रीचतुःशरणप्रकीर्णकम् ॥ १ ॥

॥२॥ अथातुरप्रत्याख्यानप्रकीर्णकम् ॥

देसिकदेसविरत्रो सम्महिट्टी मरिज्ज जो जीवो । तं होइ बालपंडिय-मरणं
जिणसासणो भणियं ॥ १ ॥ पंच य अणुव्वयाइं सत्त उ सिक्खा उ देसजइ-
धम्मो । सव्वेण व देसेण व तेण जुत्रो होइ देसजई ॥ २ ॥ पाणिबहमुसा-
वाए अदत्तपरदारनियमणेहिं च । अगारिमिइच्छाओऽवि य अणुव्वयाइं
विरमणाइं ॥ ३ ॥ जं च दिसावेरमाणं अणत्थदंडाउ जं च वेरमाणं । देसाव-
गासियंपिय गुणव्वयाइं भवे ताइं ॥ ४ ॥ भोगाणं परिसंखा सामाइयअतिहिसं-
विभागो य । पोसहविही य सव्वो चउरो सिक्खाउ वुत्ताओ ॥ ५ ॥
आसुकारे मरणो अच्छिन्नाए य जीवियासाए । नाएहि वा अमुको पच्छिमसं-
लेहणमकिच्चा ॥ ६ ॥ आलोइय निस्सल्लो सघरे चेवारुहित्तु संथारं । जइ
मरइ देसविरत्रो तं वुत्तं बालपंडियं ॥ ७ ॥ जोभत्तपरिन्नाए उवक्कमो वित्थरेण
निहिट्टो । सो चेव बालपंडिय-मरणो नेत्रो जहाजुगं ॥ ८ ॥ वेमाणिएसु
कप्पो-वगेसु नियमेण तस्स उववाओ । नियमा सिज्झइ उको-सएण सो
सत्तंमंमि भवे ॥ ९ ॥ इय बालपंडियं होइ मरणमरिहंतसासणो दिट्ठं (भणियं) ।
इतो पंडियपंडिय-मरणं वुच्छं समासेणं ॥ १० ॥

इच्छामि भंते ! उत्तमट्ठं पडिक्कमामि अईयं पडिक्कमामि अणागयं
पडिक्कमामि पच्चुप्पन्नं पडिक्कमामि कयं पडिक्कमामि कारियं पडिक्कमामि
अणुमोइयं पडिक्कमामि मिच्छत्तं पडिक्कमामि असंजमं पडिक्कमामि कसायं
पडिक्कमामि पावप्पओगं पडिक्कमामि, मिच्छादंसाणपरिणामेसु वा इहलोगेसु वा
परलोगेसु वा सच्चित्तेसु वा अच्चित्तेसु वा पंचसु इंद्रियत्थेसु वा, अन्नाणंभाणो
अणायारंभाणो कुंदमणंभाणो कोहंभाणो माणंभाणो मायंभाणो लोभंभाणो
रागंभाणो दोसंभाणो मोहंभाणो इच्छंभाणो मिच्छंभाणो मुच्छंभाणो संकंभाणो कंखं-
भाणो गेहिंभाणो आसंभाणो तराहंभाणो छुहंभाणो पंथंभाणो पंथाणंभाणो निहं-
भाणो नियाणंभाणो नेहंभाणो कामंभाणो कलुसंभाणो कलहंभाणो जुज्झंभाणो

निजुज्झंभाणे संगंभाणे संगहंभाणे ववहारंभाणे कयविक्रयंभाणे अणत्थदं-
 डंभाणे आभोगंभाणे अणाभोगंभाणे अणाइल्लंभाणे वेरंभाणे वियवकंभाणे
 हिंसंभाणे हासंभाणे पहासंभाणे पत्रोसंभाणे फरुसंभाणे भयंभाणे रूवंभाणे
 अप्पसंसंभाणे परनिंदंभाणे परगरिहंभाणे परिग्गहंभाणे परपरिवायंभाणे
 परदूसणंभाणे आरंभंभाणे संरंभंभाणे पावाणुमोअणंभाणे अहिगरणंभाणे
 असमाहिमरणंभाणे कम्मोदयपच्चयंभाणे इड्डिगारवंभाणे रसगारवंभाणे साया-
 गारवंभाणे अवेरमाणंभाणे अमुत्तिमरणंभाणे, पसुत्तस्स वा पडिबुद्धस्स वा
 जो मे कोई देवसिअो राइअो उत्तमट्टे अइक्कमो वइक्कमो अईयारो अणायारो
 तस्स मिच्छामि दुक्कडं ॥ सूत्रं १ ॥

एस करेमि पणांमं जिणवरवसहस्स वद्धमाणस्स । सेसाणं च जिणाणं
 सगणहराणं च सव्वेसिं ॥ ११ ॥ सव्वं पाणारंभं पच्चक्खामित्ति अलियवयणं
 च । सव्वमदिन्नादाणं मेहुणणपरिग्गहं चेव ॥ १२ ॥ सम्मं मे सव्वभूएसु,
 वेरं मज्झ न केणई । आसाउ ओसिरित्ताणं, समाहिमणुपालए ॥ १३ ॥
 सव्वं चाहारविहिं सन्नाअो गारवे कसाए य । सव्वं चेव ममत्तं चएमि सव्वं
 खमावेमि ॥ १४ ॥ हुज्जा इमंमि समए उवक्कमो जीवियस्स जइ मज्झ । एयं
 पच्चक्खाणं विउला आराहणा होउ ॥ १५ ॥ सव्वदुक्खपहीणाणं, सिद्धाणं
 अरहो नमो । सद्दहे जिणपन्नत्तं, पच्चक्खामि य पावगं ॥ १६ ॥ नमुत्थु
 धुयपावाणं, सिद्धाणं च महेसिणं । संथारं पडिवज्जामि, जहा केवलिदेसियं
 ॥ १७ ॥ जं किंचिय दुच्चरियं तं सव्वं वोसिरामि तिविहेणं । सामाइयं च
 तिविहं करेमि सव्वं निरागारं ॥ १८ ॥ बज्झं अट्ठिभतरं उवहिं, सरीराइ
 सभोयणं । मणसावयकाएहिं, सव्वभावेण वोसिरे ॥ १९ ॥ सव्वं पाणारंभं
 पच्चक्खामित्ति अलियवयणं च । सव्वमदिन्नादाणं मेहुणणपरिग्गहं चेव
 ॥ २० ॥ सम्मं मे सव्वभूएसु, वेरं मज्झ न केणई । आसाउ ओसिरित्ताणं,
 समाहिमणुपालए ॥ २१ ॥ रागंबंधं पत्रोसं च, हरिसं दीणभावयं । उस्सुगतं

भयं सोगं, रइं अरइं च वोसिरे ॥ २२ ॥ ममत्तं परिवज्जामि, निम्ममत्तं उवट्ठिओ ।
 आलंबणं च मे आया, अवसेसं च वोसिरे ॥ २३ ॥ आया हु महं नाणे आया
 मे दंसणे चरित्ते य । आया पच्चक्खाणे आया मे संजमे जोगे ॥ २४ ॥ एगो वच्चइ
 जीवो, एगो चेवुववज्जई । एगस्स चेव मरणं, एगो सिज्झई नीरओ ॥ २५ ॥ एगो
 मे सासओ अप्पा, नाणदंसणसंजुओ । सेसा मे बाहिरा भावा, सव्वे संजोग-
 लक्खणा ॥ २६ ॥ संजोगमूला जीवेणं, पत्ता दुवखपरंपरा । तम्हा संजोग-
 संबंधं, सव्वं तिविहेण (सव्वभावेण) वोसिरे ॥ २७ ॥ मूलगुणे उत्तरगुणे जे
 मे नाराहिया पमाणं (पयत्तेणं) । तमहं सव्वं निदे पडिक्कमे आगमिस्साणं
 ॥ २८ ॥ सत्त भए अट्ठ मए सन्ना चत्तारि गारवे तिन्नि । आसायण तेत्तीसं
 रागं दोसं च गरिहामि ॥ २९ ॥ अस्संजममन्नाणं मिच्छत्तं सव्वमेव य
 ममत्तं । जीवेसु अजीवेसु य तं निदे तं च गरिहामि ॥ ३० ॥ निदामि
 निदण्णिज्जं गरिहामि य जं च मे गरहण्णिज्जं । आलोएमि य सव्वं सव्विभतर-
 बाहिरं उवहिं ॥ ३१ ॥ जह बालो जंपंतो कज्जमकज्जं च उज्जुयं भणइ । तं
 तह आलोइज्जा मायामोसं पमुत्तूणं (मायामयविष्णुमुक्को अ) ॥ ३२ ॥ नाणमि
 दसणमि य तवे चरित्ते य चउसुवि अकंपो । धीरो आगमकुसलो अपरिस्सावी
 रहस्साणं ॥ ३३ ॥ रागेण व दोसेण व जं भे अकयन्नुया पमाणं । जो मे
 किंचिवि भणिओ तमहं तिविहेण खामेमि ॥ ३४ ॥ तिविहं भणंति मरणं
 बालाणं बालपंडियाणं च । तइयं पंडितमरणं जं केवलिणो अणु-
 मरंति ॥ ३५ ॥ जे पुण अट्ठमईया पयलियसन्ना य वंकभावा य । अस-
 माहिणा मरंति न हु ते आराहगा भणिया ॥ ३६ ॥ मरणो विराहिए देव-
 दुग्गई दुल्लहा य किर बोही । संसारो य अणंतो होइ पुणो आगमिस्साणं
 ॥ ३७ ॥ का देवदुग्गई का अबोहि केणोव बुज्झई मरणं । केण अणंत-
 मपरं संसारं हिंडई जीवो ॥ ३८ ॥ कंदप्प-देवकिब्बिस-अभिओगां आसुरी
 य संमोहा । ता देवदुग्गईओ मरणमि विराहिए हुंति ॥ ३९ ॥ मिच्छ-

दंसणरत्ता सनियाणा कणहलेसमोगादा । इय जे मरंति जीवा तेसिं दुलहा
 भवे बोही ॥ ४० ॥ सम्मदंसणरत्ता अनियाणा सुकलेसमोगादा । इय जे
 मरंति जीवा तेसिं सुलहा भवे बोही ॥ ४१ ॥ जे पुण गुरुपडिणीया बहु-
 मोहा ससबला कुसीला य । असमाहिणा मरंति ते हुँति अणंत-
 संसारी ॥ ४२ ॥ जिणवयणो अणुरत्ता गुरुवयणं जे करंति भावेणं ।
 असबल असंकिलिट्ठा ते हुँति परित्तसंसारी ॥ ४३ ॥ बालमरणाणि बहुसो
 बहुयाणि अकामगाणि मरणाणि । मरिहंति ते वराया जे जिणवयणं न
 याणंति ॥ ४४ ॥ सत्थग्गहणं बिसभक्खणं च जलणं च जलपवेसो य ।
 अणायारभंडसेवी जम्माणमरणाणुबंधीणि ॥ ४५ ॥ उट्टमहे तिरियंमिवि
 मयाणि जीवेण बालमरणाणि । दंसणनाणसहगओ पंडिअमरणं अणुमरिस्सं
 ॥ ४६ ॥ उव्वेयणयं जाई मरणं नरएसु वेयणाओ य । एयाणि संभरंतो
 पंडियमरणं मरसु इगिंह ॥ ४७ ॥ जइ उप्पज्जइ दुक्खं तो दट्ठवो सहावओ
 नवरं । किं किं मए न पत्तं संसारे संसरंतेणं ? ॥ ४८ ॥ संसारचक्कवालंमि
 सव्वेऽविय पुग्गला मए बहुसो । आहारिया य परिणामिया य नाहं गओ
 तित्ति ॥ ४९ ॥ तणकट्ठेहि व अग्गी लवणजलो वा नईसहस्सेहिं । न
 इमो जीवो सक्को तिप्पेउं कामभोगेहिं ॥ ५० ॥ आहारनिमित्तेणं मच्छा
 गच्छंति सत्तमिं पुढविं । सच्चित्तो आहारो न स्वमो मणसावि पत्थेउं ॥ ५१ ॥
 पुव्विं कयपरिकम्मो अनियाणो ऊहिऊण मइबुद्धी । पच्छा मलियकसाओ
 सज्जो मरणं पडिच्छामि ॥ ५२ ॥ अक्कंडेऽचिरभाविय ते पुरिसा मरणदेस-
 कालमि । पुव्वकयकम्मपरिभा-वणाए पच्छा परिवडंति ॥ ५३ ॥ तम्हा
 चंदगविज्झं सकारणं उज्जुएण पुरिसेणं । जीवो अविरहियगुणो कायव्वो
 मुक्खमग्गंमि ॥ ५४ ॥ बाहिरजोगविरहियो अंभितरभाणजोगमल्लीणो ।
 जह तंमि देसकाले अमूढसत्तो चयइ देहं ॥ ५५ ॥ हंतूण रागदोसं छित्तूण
 य अट्ठकम्मसंघायं । जम्माणमरणसरहट्ठं भित्तूण भवा विमुच्चिहिति ॥ ५६ ॥

एयं सञ्चुवएसं जिणदिट्ठं सहहामि तिविहेणं । तसथावरस्वेमकरं पारं निब्बा-
णमग्गस्स ॥ ५७ ॥ न हु तम्मि देसकाले सक्को बारसविहो सुयक्खंधो ।
सव्वो अणुचिंतेउं धणियंपि समत्थचित्तेणं ॥ ५८ ॥ एगंमिवि जम्मि पए
संवेगं वीयरायमग्गंमि । गच्छइ नरो अभिक्खं तं मरणं तेण मरियव्वं ॥ ५९ ॥
ता एगंपि सिलोगं जो पुरिसो मरणदेसकालम्मि । आराहणोवउत्तो चिंततो
राहगो होइ ॥ ६० ॥ आराहणोवउत्तो कालं काऊण सुविहिओ सम्मं ।
उक्कोसं तिन्नि भवे गंतूणं लहइ निब्बाणं ॥ ६१ ॥ समणोत्ति अहं पढमं बीयं
सव्वत्थ संजओमिति । सव्वं च वोसिरामि एयं भणियं समासेणं ॥ ६२ ॥
लद्धं अलद्धपुव्वं जिणवयण सुभासियं अम(मि)यभूयं । गहिओ सुग्गइमग्गो
नाहं मरणस्स बीहेमि ॥ ६३ ॥ धीरेणवि मरियव्वं काउरिसेणवि अवस्स
मरियव्वं । दुगहंपि हु मरियव्वे वरं खु धीरत्तणे मरिउं ॥ ६४ ॥ सीलेणवि
मरियव्वं निस्सीलेणवि अवस्स मरियव्वं । दुगहंपि हु मरियव्वे वरं खु सील-
त्तणे मरिउं ॥ ६५ ॥ नाणस्स दंसणस्स य सम्मत्तस्स य चरित्तजुत्तरस्स ।
जो काही उवओगं संसारा सो विमुचिहिसि ॥ ६६ ॥ चिरउसियबंभयारी
पण्णोडेऊण सेसयं कम्मं । अणुपुव्वीइ विसुद्धो गच्छइ सिद्धिं धुयकिलेसो
॥ ६७ ॥ निकसायस्स दंतस्स, सूरस्स ववसाइणो । संसारपरिभीयस्स, पच्च-
क्खाणं सुहं भवे ॥ ६८ ॥ एयं पच्चक्खाणं जो काही मरणदेसकालम्मि ।
धीरो अमूढमन्नो सो गच्छइ सासयं ठाणं ॥ ६९ ॥ धीरो जरमरणविऊ वीरो
विन्नाणानाणसंपन्नो । लोगस्सुज्जोयगरो दिसउ खयं सव्वदुक्खाणं ॥ ७० ॥

॥ इति श्रीभानुरप्रत्याख्यानप्रकीर्णकम् ॥ २ ॥ (ग्रंथाग्रमादिनः १३३)

॥ ३ ॥ अथ श्रीमहाप्रत्याख्यानप्रकीर्णकम् ॥

एस करेमि पणामं तित्थयराणं अणुत्तरगईणं । सव्वेसिं च जिणाणं
सिद्धाणं संजयाणं च ॥ १ ॥ सव्वदुक्खप्पहीणाणं, सिद्धाणं अरहओ नमो ।
सहहे जिणपन्नत्तं, पच्चक्खामि य पावगं ॥ २ ॥ जं किंचिवि दुच्चरियं तमहं

निंदामि सव्वभावेणं । सामाइयं च तिविहं करेमि सव्वं निरागारं ॥ ३ ॥
 बाहिरब्भंतरं उवहिं, सरीरादि सभोअणं । मणसा वयकाएणं, सव्वं तिविहेण
 वोसिरे ॥ ४ ॥ रागबंधं पओसं च, हरिसं दीणभावयं । उस्सुअत्तं भयं सोगं,
 रइमरइं च वोसिरे ॥ ५ ॥ रोसेण पडिनिवेसेणं अकयराणुयाए तहेवप्स-
 ज्जाए । जो मे किंचिवि भणिओ तिविहं (तमहं) तिविहेण खामेमि
 ॥ ६ ॥ खामेमि सव्वजीवे, सव्वे जीवा खमंतु मे । आसाओ (आसवे)
 वोसिरित्ताणं, समाहिं पडिसंधए ॥ ७ ॥ निंदामि निंदणिज्जं गरिहामि य
 जं च मे गरहणिज्जं । आलोएमि य सव्वं जिणेहिं जं जं च पडिसिद्धं
 (कुट्टं) ॥ ८ ॥ उवही सरीरं चैव, आहारं च चउव्विहं । ममत्तं सव्वद-
 व्वेसु, परिजाणामि केवलं ॥ ९ ॥ ममत्तं परिजाणामि, निम्ममत्ते उवट्ठिओ ।
 आलंबणं च मे आया, अवसेसं च वोसिरे ॥ १० ॥ आया मे जं नाणे
 आया मे दंसणे चरित्ते य । आया पच्चक्खाणे आया मे संजमे जोगे ॥ ११ ॥
 मूलगुणे उत्तरगुणे जे मे नाराहिया पमाणं । ते सव्वे निंदामि पडिक्कमे
 आगमिस्साणं ॥ १२ ॥ इक्कोऽहं नत्थि मे कोई, न चाहमवि कस्सई । एवं
 अदीणमणसो, अप्पाणमणुसासए ॥ १३ ॥ इक्को उप्पज्जए जीवो, इक्को चैव
 विवज्जई । इक्कस्स होइ मरणं, इक्को सिज्झइ नीरओ ॥ १४ ॥ एक्को करेइ
 कम्मं फलमवि तस्सिक्कओ समणुहवइ । इक्को जायइ मरइ परलोअं इक्कओ
 जाइ ॥ १५ ॥ इक्को मे सासओ अप्पा, नाणदंसणसंजुओ (लक्खणो) ।
 सेसा मे बाहिरा भावा, सव्वे संजोगलक्खणा ॥ १६ ॥ संजोगमूला जीवेणं,
 पत्ता दुक्खपरंपरा । तम्हा संजोगसंबंधं, सव्वं तिविहेण वोसिरे ॥ १७ ॥
 अस्संजममराणां मिच्छत्तं सव्वओऽवि अ ममत्तं । जीवेसु अजीवेसु य तं
 निंदे तं च गरिहामि ॥ १८ ॥ मिच्छत्तं परिजाणामि सव्वं अस्संजमं अलीयं
 च । सव्वत्तो अ ममत्तं चयामि सव्वं च खमावेमि (खमावेमि) ॥ १९ ॥ जे मे
 जाणंति जिणा अवराहा जेसु जेसु ठाणोसु । तं तह आलोएमी उवट्ठिओ

सर्वभावेण ॥ २० ॥ उप्पन्नाणुप्पन्ना माया अणुमग्गओ निहंतव्वा । आलो-
यणनिंदणगरिहणाहिं न पुणत्ति या बीयं ॥ २१ ॥ जह बालो जंपन्तो
कज्जमकज्जं च उज्जुयं भणइ । तं तह आलोइज्जा मायामयविप्पमुक्को उ
॥ २२ ॥ सोही उज्जुयभूयस्स, धम्मो सुद्धस्स चिट्ठइ । निव्वाणं परमं जाइ,
घयसित्तुव पावए ॥ २३ ॥ न हु सिज्भइ ससल्लो जह भणियं सासणे
धुयरयाणं । उद्धरियसव्वसल्लो सिज्भइ जीवो धुअकिलेसो ॥ २४ ॥ सुबहुं पि
भावसल्लं आलोएऊण (जे आलोयंति) कुरुसगासंमि । निस्सल्ला संधारगमु-
विति आराहंगा हुंति ॥ २५ ॥ अप्पं पि भावसल्लं जे नालोयंति गुरुसगा-
संमि । धंतं पि सुयसमिद्धा न हु ते आराहगा हुंति ॥ २६ ॥ नवि तं सत्थं
च विसं च दुप्पउत्तो व कुणइ वेयालो । जंतं व दुप्पउत्तं सप्पुव पमायओ
कुद्धो ॥ २७ ॥ जं कुणइ भावसल्लं अणुद्धियं उत्तमट्टकालंमि । दुल्लभवोहि-
यत्तं अणंतसंसारियत्तं च ॥ २८ ॥ तो उद्धरंति गारव-रहिया मूलं पुणब्भ-
वलयाणं । मिच्छादंमणसल्लं मायासल्लं नियाणं च ॥ २९ ॥ कयपावोऽवि
माणो आलोइय निन्दिय (निंदियो) गुरुसगासे । होइ अइरेगलहुओ ओहरिय-
भरुव भारवहो ॥ ३० ॥ तस्स य पायच्छित्तं जं मग्गविऊ गुरु उवइसंति
(वइसंति) । तं तह अणुसरियव्वं अणवत्थपसंगभीएणं ॥ ३१ ॥ दसदोसवि-
प्पमुक्कं तम्हा सव्वं अगूहमाणेणं । जं किंपि कयमकज्जं तं जहवत्तं कहेयव्वं
॥ ३२ ॥ सव्वं पाणारंभं पच्चक्खामि य अलियवयणं च । सव्वमदिन्नादाणं
अव्वंमपरिग्गहं चेव ॥ ३३ ॥ सव्वं पि असणपाणं चउव्विहं जो अ बाहिरो
उवही । अविंभतरं च उवहिं सव्वं तिविहण वोसिरे ॥ ३४ ॥ कंतारे दुब्भि-
क्खे आयंके व महया समुप्पन्ने । जं पालियं न भग्गं तं जाणसु पालणा-
सुद्धं ॥ ३५ ॥ रागेण व दोसेण व परिणामेण व न दूसियं जं तु । तं
खलु पच्चक्खाणं भावविसुद्धं मुणोयव्वं ॥ ३६ ॥ पीयं थणअच्छीरं सागरस-
लिलाउ बहुतरं हुज्जा । संसारंमि अणंते माईणं अन्नमन्नाणं ॥ ३७ ॥ बहु-

सोऽवि मए रुग्णां पुणो पुणो तासु तासु जाईसु । नयणोदयंपि जाणसु
 बहुययरं सागरजलात्थो ॥ ३८ ॥ नत्थि किर सो पएसो लोए वालग्गको-
 ङिमित्तोऽवि । संसारे संसरंतो जत्थ न जात्थो मत्थो वावि ॥ ३९ ॥ चुल-
 सीई किल लोए जोणीणं पमुह (जोणी पमुहाइं) सयसहस्साइं । इक्खिक्कंमि
 य इत्तो अणंतखुत्तो समुप्पन्नो ॥ ४० ॥ उट्ठमहे तिरियंमि य मयाइं बहुयाइं
 बालमरणाइं । तो ताइं संभरंतो पंडियमरणं मरीहामि ॥ ४१ ॥ माया मित्ति
 पिया मे भाया भगिणी य पुत्त धूया य । एयाइं संभरंतो पंडियमरणं
 मरीहामि ॥ ४२ ॥ मायापिडंबंधूहिं संसारत्थेहिं पूरिअो लोगो । बहुजोणिवा-
 सिएहिं न य ते ताणं च सरणं च ॥ ४३ ॥ इको करेइ कम्मं इको अणुहवइ
 दुक्कयविवागं । इको संसरइ जिअो जरमरणचउग्गईगुविलं ॥ ४४ ॥ उव्वे-
 यणयं जम्माणमरणं नरएसु वेयणात्थो वा । एयाइं संभरंतो पंडियमरणं
 मरीहामि ॥ ४५ ॥ उव्वेयणयं जम्माणमरणं तिरिएसु वेयणात्थो वा । एयाइं
 संभरंतो पंडियमरणं मरीहामि ॥ ४६ ॥ उव्वेयणयं जम्माणमरणं मणुएसु
 वेयणात्थो वा । एयाइं संभरंतो पंडियमरणं मरीहामि ॥ ४७ ॥ उव्वेयणयं जम्-
 णमरणं चवणं च देवलोगात्थो । एयाइं संभरंतो पंडियमरणं मरीहामि
 ॥ ४८ ॥ इकं पंडियमरणं छिदइ जाईसयाइं बहुआइं । तं मरणं मरियव्वं जेण
 मत्थो सम्मत्थो होइ ॥ ४९ ॥ कइया णु तं सुमरणं पंडियमरणं जिणेहिं
 पन्नत्तं । सुद्धो उद्धि(उद्धरि)यसल्लो पात्थोवगत्थो मरीहामि ? ॥ ५० ॥ भव-
 संसारे सव्वे चउव्विहा पुग्गला मए बद्धा । परिणामपसंगेणं अट्ठविहे
 कम्मसंघाए ॥ ५१ ॥ संसारचक्कवाले सव्वे ते पुग्गला मए बहुसो । आहा-
 रिया य परिणामिया य नयऽहं गत्थो तित्ति ॥ ५२ ॥ आहारनिमित्तेणं
 अहयं सव्वेसु नरयलोएसु । उव्वराणोमि य बहुसो सव्वासु य मिच्छजाईसु
 ॥ ५३ ॥ आहारनिमित्तेणं मच्छा गच्छंति दारुणे नरए । सच्चित्तो आहारो
 न स्वमो मणसावि पत्थेउं ॥ ५४ ॥ तणकट्टेण व अग्गी लवणजलो वा

नईसहस्सेहिं । न इमो जीवो सको तिप्पेउं कामभोगेहिं ॥ ५५ ॥ तणकट्टेण
 व अग्गी लवणजलो वा नईसहस्सेहिं । न इमो जीवो सको तिप्पेउं अत्थ-
 सारेणं ॥ ५६ ॥ तणकट्टेण व अग्गी लवणजलो वा नईसहस्सेहिं । न
 इमो जीवो सको तिप्पेउं भोअणविहीए ॥ ५७ ॥ वलयामुहसामाणो दुप्पारो
 वणारओ अपरिमिज्जो । न इमो जीवो सको तिप्पेउं गंधमल्लेहिं ॥ ५८ ॥
 अवियद्धोऽ(अवित्तो) यं जीवो अईयकालम्मि आगमिस्साए । सहाण य
 रुवाण य गंधाण रसाण फासाणं ॥ ५९ ॥ कप्पतरुसंभवेसुं देवुत्तरकुरुवंस-
 पसूएसु । उववाए ण य तित्तो न य नरविज्जाहरसुरेसु ॥ ६० ॥ खइएण व
 पीएण व न य एसो ताइओ हवइ अप्पा । जह दुग्गइं न वच्चइ तो नूणं
 ताइओ होइ ॥ ६१ ॥ देविंदचक्कवट्टित्ताणं रज्जाइं उत्तमा भोगा । पत्ता
 अणंतखुत्तो न यऽहं तित्तिं गओ तेहिं ॥ ६२ ॥ खीरदगेच्छुरसेसुं साउसु
 महोदहीसु बहुसोऽवि । उववराणो ण य तरहा छिन्ना (भे) मे सीयलजलेणं
 ॥ ६३ ॥ तिविहेण य सुहमउलं तम्हा कामरइविसयसुक्खाणं । बहुसो सुहम-
 णुभूयं न य सुहतगहा परिच्छिगणा ॥ ६४ ॥ जा काइ पत्थणाओ कया
 मए रागदोसवसयेण । पडिबंधेण बहुविहं तं निंदे तं च गरिहामि ॥ ६५ ॥
 हंतूण मोहजालं छित्तूण य अट्ठकम्मसंकलियं । जम्माणमराणऽरहट्टं भित्तूण
 भवा विमुच्चिहिसि ॥ ६६ ॥ पंच य महव्वयाइं तिविहं तिविहेण
 चारुहेऊणं । मणवयणकायगुत्तो सज्जो मराणं पडिच्छिज्जा ॥ ६७ ॥
 कोहं माणं मायं लोहं पिज्जं तहेव दोसं च । चइऊण अप्पमत्तो
 रक्खामि महव्वए पंच ॥ ६८ ॥ कलहं अब्भक्खाणं पेसुराणंपि य परस्स
 परिवायं । परिवज्जंतो गुत्तो रक्खामि महव्वए पंच ॥ ६९ ॥ पंचिंदिय-
 संवरणं पंचेव निरुंभिऊण कामगुणे । अच्चासायणभीओ रक्खामि महव्वए
 पंच ॥ ७० ॥ किगहानीलाकाऊ-लेसा भाणाइं अट्ठरुहाइं । परिवज्जंतो गुत्तो
 रक्खामि महव्वए पंच ॥ ७१ ॥ तेऊपम्हासुका-लेसा भाणाइं धम्मसुकाइं ।

उवसंपन्नो जुत्तो रक्खामि महव्वए पंच ॥ ७२ ॥ मणसा मणसच्चविऊ वाया-
 सन्चेण करणसन्चेण । तिविहेणवि सच्चविऊ रक्खामि महव्वए पंच ॥ ७३ ॥
 सत्तभयविप्पमुक्को चत्तारि निरुंभिऊण य कसाए । अट्टमयट्ठाणजड्ढो रक्खामि
 महव्वए पंच ॥ ७४ ॥ गुत्तीओ समिई भावणाओ नाणं च दंसणं चेव ।
 उवसंपन्नो जुत्तो रक्खामि महव्वए पंच ॥ ७५ ॥ एवं तिदंडविरओ तिकर-
 णसुद्धो तिसल्लनिस्सल्लो । तिविहेण अप्पमत्तो रक्खामि महव्वए पंच ॥ ७६ ॥
 संगं परिजाणामि सल्लं तिविहेण उद्धरेऊणं । गुत्तीओ समिईओ मज्झं
 ताणं च सरणं च ॥ ७७ ॥ जह खुहियचक्कवाले पोयं रयणभरियं समु-
 हंमि । निज्जामगा धरिंती कयकरणा बुद्धिसंपराणा ॥ ७८ ॥ तवपोयं
 गुणभरियं परीसहुम्मीहि खुहियमारद्धं । तह आराहिंति विऊ उवएसवलंबगा
 धीरा ॥ ७९ ॥ जइ ताव ते सुपुरिसा आयारोवियभरा निरवयक्खा ।
 पब्भारकंदरगया साहिंती अप्पणो अट्ठं ॥ ८० ॥ जइ ताव ते सुपुरिसा
 गिरिकंदरकडगविसमदुग्गेसु । धिइधणियवद्धकच्छा साहिंती अप्पणो
 अट्ठं ॥ ८१ ॥ किं पुण अणगारसहायगेण अणगुणसंगहवलेणं । परलोए
 णं सक्को साहेउं अप्पणो अट्ठं ? ॥ ८२ ॥ जिणवयणमप्पमेयं महुरं कराणा-
 हुइं सुणंतेणं । सक्को हु साहुमज्जे साहेउं अप्पणो अट्ठं ॥ ८३ ॥
 धीरपुरिसपणत्तं सप्पुरिसनिसेवियं परमघोरं । धन्न सिलायलगया साहिंती
 अप्पणो अट्ठं ॥ ८४ ॥ बाहिंति इंदियाइं पुव्व-मकारियपइरणचारीणं ।
 अकयपरिकम्मकीवा मरणे सुहसंगता(वा)यंमि ॥ ८५ ॥ पुव्वमकारियजोगो
 समाहिकामो अ मरणकालंमि । न भवइ परीसहसहो विसयसुहसमुइओ
 अप्पा ॥ ८६ ॥ पुव्वि कारियजोगो समाहिकामो य मरणकालंमि । स
 भवइ परीसहसहो विसयसुहनिवारिओ अप्पा ॥ ८७ ॥ पुव्वि कारियजोगो
 अनियाणो ईहिऊण मइपुव्वं । ताहे मलियकसाओ सज्जो मरणं पडि-
 च्छिज्जा ॥ ८८ ॥ पावीणं पावाणं कम्माणं अप्पणो सकम्माणं । सक्का

पलाइउं जे तवेण सम्मं पउत्तेणं ॥ ८९ ॥ इक्कं पंडियमरणं पडिवज्जिय
सुपुरिसो असंभंतो । खिप्पं सो मरणाणं काही अंतं अणंताणं ॥ ९० ॥
किं तं पंडियमरणं ? काणि व आलंबणाणि भणियाणि ? । एयाइं नाऊणं
किं आयरिया पसंसंति ? ॥ ९१ ॥ अणसणपाओवगमं आलंबणभाण-
भावणाओ अ । एयाइं नाऊणं पंडियमरणं पसंसंति ॥ ९२ ॥ इंदिय-
सुहसाउलओ घोरपरीसहपराइयपरज्भो । अकयपरिकम्मकीवो मुज्झइ
आराहणाकाले ॥ ९३ ॥ लज्जाइ गारवेण य बहुसुयमएण वावि दुच्चरियं ।
जे न कहंति गुरूणं न हु ते आराहगा हुंति ॥ ९४ ॥ सुज्झइ दुक्करकारी
जाणइ मग्गंति पावए कित्तिं । विणिगूहंतो गिंदइ तम्हा आराहणा
सेया ॥ ९५ ॥ नवि कारणं तणमओ संथारो नवि य फासुया भूमी ।
अप्पा खलु संथारो होइ विसुद्धो मणो जस्स ॥ ९६ ॥ जिणवयणअणु-
गया मे होउ मई भाणजोगमल्लीणा । जह तंमि देसकाले अमूढसन्नो चयइ
देहं ॥ ९७ ॥ जाहे होइ पमत्तो जिणवयणसइरहिओ अणाइत्तो । ताहे
इंदियचोरा करिति तवसंजमविलोमं ॥ ९८ ॥ जिणवयणमणुगयमई जं
वेलं होइ संवरपविट्ठो । अग्गीव वाउसहिओ समूलडालं डहइ कम्मं ॥ ९९ ॥
जह डहइ वाउसहिओ अग्गी रुक्खे विहरिअवणखंडे । तह पुरिसकार-
सहिओ नाणी कम्मं खयं गोई ॥ १०० ॥ जं अन्नाणीकम्मं खवेइ बहुआइं
वासकोडीहिं । तं नाणी तिहिं गुत्तो खवेइ ऊसासमित्तेणं ॥ १०१ ॥
न हु मरणंमि उवग्गे सक्को बारसविहो सुयक्खंधो । सव्वो अणुचितेउं
धणियंपि समत्थचित्तेणं ॥ १०२ ॥ इक्कंमिवि जंमि पए संवेगं कुणइ वीय-
रायमए । मो तेण मोहजालं त्तिंदइ अज्झप्पओगेणं ॥ १०३ ॥ इक्कंमिवि
जंमि पए संवेगं कुणइ वीयरायमए । तं तस्स होइ नाणं जेण विरागत्तए मु-
वेइ ॥ १०४ ॥ इक्कंमिवि जंमि पए संवेगं कुणइ वीयरायमए । वच्चइ नरो
अभिक्खं तं मरणं तेण मरियव्वं ॥ १०५ ॥ जेण विरागो जायइ तं तं

सञ्चारयेण कायव्वं । मुच्चइ ढु संवेगी अणंतओ होइ असंवेगी ॥ १०६ ॥
 धम्मं जिणपन्नत्तं सम्ममिणं सहहामि तिविहेणं । तसथावरभूअहियं पंथं
 निव्वाणनगरस्स ॥ १०७ ॥ समणोमिति य पढं वीयं सब्बत्थ संजओ
 मिति । सब्बं च वोसिरामि जिणोहिं जं जं च पडिक्कुट्टं ॥ १०८ ॥ उवही
 सरीरगं चेव, आहारं च चउव्विहं । मणसावयकाएणं, वोसिरामिति भावओ
 ॥ १०९ ॥ मणसा अचित्तिणिज्जं सब्बं भासाइ अभसणिज्जं च । काएण
 अकरणिज्जं सब्बं तिविहेण वोसिरे ॥ ११० ॥ अस्संजमत्तो गसणं (अस्सं-
 जमे वेरमणं) उवही विवेगकरणं उवसमो य । अप्पडिरुयजोगविरओ खंती
 मुत्ती विवेगो अ ॥ १११ ॥ एयं पच्चक्खाणं आउरजण आवईसु भावेण ।
 अणणयरं पडिवरणो जंपंतो पावइ समाहिं ॥ ११२ ॥ एयंसि निमित्तमी
 पच्चक्खाऊण जइ करे कालं । तो पच्चक्खाइयव्वं इमेण इक्केणवि पएणं
 ॥ ११३ ॥ मम मंगलमरिहंता सिद्धा साहू सुयं च धम्मो य । तेसिं सरणो-
 वगओ सावज्जं वोसिरामिति ॥ ११४ ॥ अरहंता मंगलं मज्झ, अरहंता
 मज्झ देवया । अरहंते कित्तइत्ताणं, वोसिरामिति पावगं ॥ ११५ ॥ सिद्धा
 य मंगलं मज्झ सिद्धा य मज्झ देवया । सिद्धे य कित्तइत्ताणं, वोसिरामिति
 पावगं ॥ ११६ ॥ आयरिया मंगलं मज्झ, आयरिया मज्झ देवया । आयरिए
 कित्तइत्ताणं वोसिरामिति पावगं ॥ ११७ ॥ उज्झाया मंगलं मज्झ, उज्झाया मज्झ
 देवया । उज्झाए कित्तइत्ताणं, वोसिरामिति पावगं ॥ ११८ ॥ साहू य मंगलं
 मज्झ, साहू य मज्झ देवया । साहू य कित्तइत्ताणं, वोसिरामिति पावगं
 ॥ ११९ ॥ सिद्धे उवसंपरणो अरहंते केवलित्ति भावेण । इत्तो एगयरेणवि
 पएण आराहओ होइ ॥ १२० ॥ समुइरणवेयणो पुण समणो हियएण
 किंपि चित्तिज्जा । आलंबणाइं काइं काऊण मुणी दुहं सहइ ? ॥ १२१ ॥
 वेयणासु उइन्नासु, किं मे सत्तं निवेयए । किं वाऽऽलंबणं किच्चा, दुक्खमहिया-
 सए ? ॥ १२२ ॥ अणुत्तरेसु नरएसु, वेयणाओ अणुत्तरा । पमाए वट्टमा-

शोणं, मए पत्ता अणंतसो ॥ १२३ ॥ मए कयं इमं कम्मं, समासज्ज अबोहिअं ।
 पोराणगं इमं कम्मं, मए पत्तं अणंतसो ॥ १२४ ॥ ताहिं दुक्खविवागाहिं,
 उवचिराणाहिं तहिं तहिं । न य जीवो अजीवो उ, कयपुब्बो उ चित्ते
 ॥ १२५ ॥ अब्भुज्जुयं विहारं इत्थं जिणएसियं विउपसत्थं । नाउं महापुरि-
 ससेवियं अब्भुज्जुयं मरणां ॥ १२६ ॥ जह पच्छिमंमि काले पच्छिमत्तिथ-
 यरदेसियमुयारं । पच्छा निच्छयपत्थं उवेमि अब्भुज्जुयं मरणां ॥ १२७ ॥
 बत्तीसमंडियाहिं कडजोगी जोगसंगहबलेणां । उज्जमिऊणा य बारसविहेणा
 तवणोहपाणेणां ॥ १२८ ॥ संसाररंगमज्जे धिइबलववसायबद्धकच्छाओ ।
 हंतूणा मोहमल्लं हराहि आराहणपडागं ॥ १२९ ॥ पोराणगं च कम्मं खवेइ
 अन्नं नवं च न चिणाइ । कम्मकलंकलवल्लिं(लिवत्तिं) छिदइ संथारमारूढो
 ॥ १३० ॥ आराहणोवउत्तो सम्मं काउणा सुविहिओ कालं । उक्कोसं तिन्नि
 भवे गंतूणा लभिज्ज निव्वाणां ॥ १३१ ॥ धीरपुरिसपन्नत्तं सप्पुरिसनिसेवियं
 परमघोरं । ओइराणो हु सि रंगं हरसु पडायं अविग्घेणां ॥ १३२ ॥ धीर
 पडागाहरणां करेह जह तंमि देसकालंमि । सुत्तत्थमणुगुणांतो धिइनिबलबद्ध-
 कच्छाओ ॥ १३३ ॥ चत्तारि कसाए तिन्नि गारवे पंच इंदियग्गामे । हंता
 परीसहचमूं हराहि आराहणपडागं ॥ १३४ ॥ माऽऽया ! हु व चित्तिज्जा
 जीवामि चिरं मरामि व लहुंति । जइ इच्छसि तरिउं जे संसारमहोअहिमपारं
 ॥ १३५ ॥ जइ इच्छसि नित्थरिउं सब्बेसिं चेव पावकम्माणां । जिणवयणा-
 नाणदंसाणचरित्तभावुज्जुओ जग्गं ॥ १३६ ॥ दंसाणानाणचरित्तं तवे य
 आराहणा चउक्खंधा । सा चेव होइ तिविहा उक्कोसा मज्झिम जहन्ना ॥ १३७ ॥
 आराहेऊणा विऊ उक्कोसाराहणां चउक्खंधं । कम्मरयविप्पमुक्को तेषोव भवेणा
 सिज्झिज्जा ॥ १३८ ॥ आराहेऊणा विऊ जहन्नमाराहणां चउक्खंधं । सत्तट्ठभ-
 वग्गहणो परिणामेऊणा सिज्झिज्जा ॥ १३९ ॥ सम्मं मे सब्बभूएसु, वेरं मज्झ
 न केणाइ । स्वामेमि सब्बजीवे, खमामऽहं सब्बजीवाणां ॥ १४० ॥ धीरेणावि

मरियव्वं काऊरिसेणविज्वस्स मरियव्वं । दुगहंपि य मरणाणं वरं खु धीर-
त्तणे मरिउं ॥ १४१ ॥ एयं पच्चक्खाणं अणुपालेऊण सुविहिओ सम्मं ।
वेमाणिओ व देवो हविज्ज अहवावि मिज्जिभज्जा ॥ १४२ ॥ महापच्चक्खाण-
पइरणं संमत्तं ॥ ३ ॥

॥ इति श्री महाप्रत्याख्यान-प्रकीर्णकम् ॥ ३ ॥

॥४॥ अथ श्री भक्तपरिज्ञा प्रकीर्णकम् ॥

नमिऊण महाइसयं महाणुभावं मुणिं महावीरं । भणिमो भत्तपरिणणं
निअसरणट्ठा परट्ठा य ॥ १ ॥ भवगहणभमणीणा लहंति निव्वुइसुहं
जमलीणा । तं कप्पददुमकाणण-सुहयं जिणसासणं जट्ठ ॥ २ ॥ मणुअत्तं
जिणवयणं च दुल्लहं पाविऊण सण्पुरिसा ! । सासयसुहिकरसिण्हिं नाणव-
सिण्हिं होअव्वं ॥ ३ ॥ जं अज्ज सुहं भविणो संभरणीअं तयं भवे कल्लं ।
मग्गंति निरुवसग्गं अपवग्गसुहं बुहा तेणं ॥ ४ ॥ नरविबुहेसरसुक्खं दुक्खं
परमत्थओ तयं बिंति । परिणामदारुणमसासयं च जं ता अलं तेण ॥ ५ ॥
जं सासयसुहसाहण-माणाआराहणं जिणिंदाणं । ता तीए जइअव्वं जिण-
वयणविसुद्धबुद्धीहिं ॥ ६ ॥ तं नाणदंसणाणं चारित्ततवाण जिणपणीआणं ।
जं आराहणमिणमो आणाआराहणं बिंति ॥ ७ ॥ पव्वज्जाए अब्भुज्ज-
ओऽवि आराहओ अहासुत्तं । अब्भुज्जअमरणेणं अविगलमाराहणं
लहइ ॥ ८ ॥ तं अब्भुज्जुअमरणं अमरणधम्मेहिं वन्निअं तिविहं । भत्त-
परिज्ञा इंगिणि पाओवगमं च धीरेहिं ॥ ९ ॥ भत्तपरिज्ञामरणं दुविहं
सविआरमो य अविआरं । सपरकमस्स मुणिणो संलिहिअतणुस्स सवि-
आरं ॥ १० ॥ अपरकमस्स काले अण्णहुप्पंतंमि जं तमविआरं । तमहं
भत्तपरिन्नं जहापरिन्नं भणिस्सामि ॥ ११ ॥ धिइवलविअलाणमकाल-
मव्वुकलिआण-प्रकयकरणाणं । निरवज्जमज्जकालिअ-जईण जुग्गं निरु-
वस्सग्गं ॥ १२ ॥ परम(पसम)सुहसप्पिवासो असोअहासो सजीविअनिरासो ।

विसयसुहविगयरागो धम्मज्जमजायसवेगो ॥ १३ ॥ निच्छिन्नमरणावत्थो
 वाहिग्घत्थो जई गिहत्थो वा । भवित्रो भत्तपरिन्नाइ नायसंसारनिग्गुन्नो
 ॥ १४ ॥ पच्छायावपरद्धो पियधम्मो दोसदूसणसय(ह)राहो । अरहइ पासत्थाईवि
 दोसदोसिलकलित्तोऽवि ॥ १५ ॥ वाहिजरमरणमयरो निरंतरूपत्तिनीर-निकुरंबो ।
 परिणामदारुणादुहो अहो दुरंतो भवसमुहो ॥ १६ ॥ इत्थं कलिउण सहारिसं गुरुपा-
 मूलेऽभिगम्म विणएणां । भालयलमिलित्थकरकमलसेहरो वंदिउं भणइ ॥ १७ ॥
 आरुहिअमहं सुपुरिस ! भत्तपरिन्नापसत्थबोहित्थं । निज्जामएणा गुरुणा इच्छामि
 भवन्नवं तरिउं ॥ १८ ॥ कारुन्नामयनीसंद-सुंदरो सोऽवि से गुरू भणइ ।
 आलोअणवयखाभण-पुरस्सरं तं पवज्जेसु ॥ १९ ॥ इच्छामुत्ति भणित्ता भत्तीब-
 हुमाणसुद्धसंकप्पो । गुरुणो विगयावाए पाए अभिवंदिउं विहिणा ॥ २० ॥
 सल्लं उद्धरिउ मणो संवेगुवेअतिव्वसद्धाओ । जं कुणइ सुद्धिहेउं सो तेणा-
 राहओ होइ ॥ २१ ॥ अह सो आलोअणदोस-वज्जित्थं उज्जुअं जहाऽज्ज-
 रिअं । बालुव्व बालकालाउ देइ आलोअणं सम्मं ॥ २२ ॥ ठविए पाय-
 च्छित्ते गणिणा गणिसंपयासमग्गेणं । सम्ममणुमन्निअ तवं अपावभावो
 पुणो भणइ ॥ २३ ॥ दारुणादुहजलयरनिअर-भीमभवजलहितारणसमत्थो ।
 निप्पच्चवायपोए महव्वए अमह उक्खिवसु ॥ २४ ॥ जइऽवि स खंडिअचंडो
 अखंडमहव्वओ जई जइवि । पव्वज्जवउट्ठावण-मुट्ठावणमरिहइ तद्दावि ॥ २५ ॥
 पट्ठणो सुकयाणत्तिं भिच्चा(भव्वा)पच्चप्पिणंति जह विहिणा । जावज्जीवपइ-
 णणा-णत्तिं गुरुणो तहा सोऽवि ॥ २६ ॥ जो साइआरचरणो आउट्ठिअदं-
 डखंडिअवओ वा । तह तस्सवि सम्ममुवट्ठिअस्स उट्ठावणा भणिआ ॥ २७ ॥
 तत्तो तस्स महव्वय-पव्वयभारोनमंतसीस्स । सीसस्स समारोवइ सुगुरूवि
 महव्वए विहिणा ॥ २८ ॥ अह हुज्ज देसविरओ सम्मत्तरओ रओ अ
 जिणधम्मे(वयणो) । तस्सवि अणुव्वयाइं आरोविज्जंति सुद्धां ॥ २९ ॥
 अनियाणोदारमणो हरिसवसविसट्ठ-कंचुयकरालो । पूएइ गुरुं संघं साहम्मि-

अमाइ भत्तीए ॥ ३० ॥ निअदव्वमपुव्वजिणिंद-भवणजिणविंववरपइट्टासु ।
 विअरइ पसत्थपुत्थय-सुतित्थित्थयरपूआसु ॥ ३१ ॥ जइ सोऽवि सव्वविरई-
 कयाणुराओ विसुद्धमइकाओ । छिन्नसयणाणुराओ विसयविसाओ विरत्तो
 अ ॥ ३२ ॥ संथारयपव्वज्जं पडिव्वज्जइ सोऽवि निअम निरवज्जं । सव्व-
 विरइप्पहाणं सामाइअचरित्तमारुहइ ॥ ३३ ॥ अह सो सामाइअधरो पडिवन्न-
 महव्वओ अ जो साहू । देसविरओ अ चरिमं पच्चक्खामित्ति निच्छ-
 इओ ॥ ३४ ॥ गुरुगुणगुरुणो गुरुणो पयपंकय नमिअमत्थओ भणइ ।
 भयवं ! भत्तपरिन्नं तुम्हाणुमयं पवज्जामि ॥ ३५ ॥ आराहणाइ खेमं तस्सेव
 य अप्पणो अ गणिवसहो । दिव्वेण निमित्तेणं पडिलेहइ इहरहा
 दोसा ॥ ३६ ॥ तत्तो भवचरिमं सो पच्चक्खाइत्ति तिविहमाहारं । उक्कोसि-
 आणि दव्वाणि तस्स सव्वाणि दंसिज्जा ॥ ३७ ॥ पासित्तु ताइं कोई तीरं
 पत्तस्सिमेहिं किं मज्झ ? । देसं च कोई भुच्चा संवेगगओ विचित्तेइ ॥ ३८ ॥
 किं चत्तं(चेत्थ)नोवभुत्तं मे, परिणामासुई सुई । दिट्ठसारो सुहं भाइ, चोअ-
 गोसाज्वसीअओ ॥ ३९ ॥ उअरमलसोहणाट्टा समाहिपाणं मणुन्नमेसोऽवि ।
 महुरं पज्जेअव्वो मंदं च विरेयणं खमओ ॥ ४० ॥ एलतयनागकेसरतमा-
 लपत्तं ससकरं दुद्धं । पाऊण कट्ठिअसीअल-समाहिपाणं तओ पच्छा ॥ ४१ ॥
 महूरविरेअणमेसो कायव्वो फोफलाइदव्वेहिं । निव्वाविओ छ अग्गी
 समाहिमेसो सुहं लहइ ॥ ४२ ॥ जावज्जीवं तिविहं आहारं वोसिरइ इहं
 खवगो । निज्जवगो आयरिओ संघस्स निवेअणं कुणइ ॥ ४३ ॥ आराह-
 णापच्चइअं खमगस्स य निरुवसग्गपच्चइअं । तो उस्सग्गो संघेण होइ सव्वेण
 कायव्वो ॥ ४४ ॥ पच्चक्खावित्ति तओ तं ते खमयं चउव्विहाहारं । संघसमुदा-
 यमज्जे चिइवंदणपुव्वयं विहिणा ॥ ४५ ॥ अहवा समाहिहेउं सागारं चयइ
 तिविहमाहारं । तो पाणयंपि पच्छा वोसिरिअव्वं जहाकालं ॥ ४६ ॥ तो सो नमंत-
 सिरसंघडंतकर कमलसेहरो विहिणा । खामेइसव्वसंघं संवेगं संजणोमाणो ॥ ४७ ॥

आयरिअ उवज्भाए सीसे साहम्मिए कुलगणे य । जे मे केइ कसाया सव्वे
 तिविहेण खामेमि ॥ ४८ ॥ सव्वे अवरहणए खामे मि अहं स्वमेउ मे भयवं ! ।
 अहमवि खमामि सुद्धो गुणसंघायस्स संघस्स ॥ ४९ ॥ इअ वंदणखामणगरि-
 हणेहिं भवसयसमज्जिअं कम्मं । उवरोइ खणेण खयं मिगावई रायपत्तिव्व
 ॥ ५० ॥ अह तस्स महव्वयसुट्ठिअस्स जिणवयणभाविअमइस्स । पच्चक्खा-
 याहारस्स तिव्वसवेगसुहयस्स ॥ ५१ ॥ आराहणलाभाओ कयत्थमप्पाणयं
 मुणंतस्स । कलुसकलतरणलट्ठिं अणुसट्ठिं देइ गणिवसहो-॥ ५२ ॥ कुग्गह-
 परूढमूलं मूला उच्छिद वच्छ ! मिच्छत्तं । भावेसु परमतत्तं सम्मतं सुत्तनीईए
 ॥ ५३ ॥ भत्तिं च कुणसु तिव्वं गुणाणुराण वीअरायाणं । तह पंचनमुक्कारे
 पवयणसारे रइं कुणसु ॥ ५४ ॥ सुविहिअहिअनिज्भाए सज्भाएउज्जुओ सया
 होसु । निच्चं पंचमहव्वय-रक्खं कुण आयपच्चक्खं ॥ ५५ ॥ उज्झसु निआ-
 णसल्लं मोहमहल्लं सुकम्मनिस्सल्लं । दमसु अ मुणिंदसंदोहेनिंदिए इंदिअ-
 मइंदे ॥ ५६ ॥ निव्याणसुहावाए विइन्ननिरयाइदारुणावाए । हणसु कसाय-
 पिसाए विसयतिसाए सइसहाए ॥ ५७ ॥ काले अपहुण्णंते सामन्ने सावसेसिए
 इरिंह । मोहमहारिउदारण-असिलट्ठिं सुणसु अणुसट्ठिं ॥ ५८ ॥ संसारमूलवीअं
 मिच्छत्तं सव्वहा विवज्जेह । सम्मत्ते दढचित्तो होसु नमुक्कारकुसलो अ ॥ ५९ ॥
 मिगतिरिहअहिं तोअं मन्नंति नरा जहा सतरहाए । सुक्खाइं कुहम्माओ
 तहेव मिच्छत्तमूढमणो ॥ ६० ॥ नवि तं करेइ अग्गी नेअ विसं नेअ
 किगहसणो अ । जं कुणइ महादोसं तिव्वं जीवस्स मिच्छत्तं ॥ ६१ ॥ पावेइ
 इहेव वसणं तुरुमिणिदत्तुव्व दारुणं पुरिसो । मिच्छत्तमोहिअमणो साहुप-
 ओसाउ पावाओ ॥ ६२ ॥ मा कासि तं पमायं सम्मत्ते सव्वदुक्खनासणए ।
 जं सम्मत्तपइट्ठाइं नाणतवविरिअचरणाइं ॥ ६३ ॥ भावाणुरायपेमाणुरायसुगु-
 णाणुरायरत्तो अ । धम्माणुरायरत्तो अ होसु जिणसासणे निच्चं ॥ ६४ ॥
 दंसणभट्ठो भट्ठो नहु भट्ठो होइ चरणपब्भट्ठो । दंसणमणुपत्तस्स हु परिअडणं

नत्थि संसारे ॥ ६५ ॥ दंसणभट्टो भट्टो दंसणभट्टस्स नत्थि निव्वाणं । सिज्झन्ति
 चरणरहिआ दंसणरहिआ न सिज्झन्ति ॥ ६६ ॥ सुद्धे सम्मत्ते अविरओऽवि
 अज्जेइ तित्थयरनामं । जह आगमेसिभद्दा हरिकुलपहुसेणिआईया ॥ ६७ ॥
 कल्लाणपरंपरयं लहन्ति जीवा विसुद्धसम्मत्ता । सम्महंसणरयणं नऽग्घइ ससु-
 रासुरे लोए ॥ ६८ ॥ तेलुकस्स पहुत्तं लद्धूणवि परिवडन्ति कालेणं ।
 सम्मतं पुण लद्धुं अक्खयसुक्खं लहइ मुक्खं ॥ ६९ ॥ अरिहंतसिद्धचेइय-
 पवयणआयरिअसव्वसाहूसुं । तिव्वं करेसु भत्ति तिगरणसुद्धेण भावेणं
 ॥ ७० ॥ एगावि सा समत्था जिणभत्ती दुग्गइं निवारेउं । दुलहाइं लहा-
 वेउं आसिद्धि परंपरसुहाइं ॥ ७१ ॥ विज्जावि भत्तिमंतस्स सिद्धिमुवयाइ होइ
 फलया य । किं पुण निव्वुइविज्जा सिज्झिहिइ अर्भत्तिमंतस्स ? ॥ ७२ ॥ तेसिं
 आराहणनायगाण न करिज्ज जो नरो भत्तिं । धणिअंपि उज्जमतो सालिं सो
 ऊसरे ववइ ॥ ७३ ॥ बीएण विणा सस्सं इच्छइ सो वासमम्भएण विणा । आरा-
 हणमिच्छंतो आराहयभत्तिमकरंतो ॥ ७४ ॥ उत्तमकुलसंपत्तिं सुहनिप्पत्तिं च
 कुणइ जिणभत्ती । मणियारसिट्ठिजीवस्स दददुरस्सेव रायगिहे ॥ ७५ ॥
 आराहणापुरस्सरमाणन्नहियओ विसुद्धलेसाओ । संसारक्खयकरणां तं मा
 मुंची नमुक्कारं ॥ ७६ ॥ अरिहंतनमुकारोऽक्कोऽवि हविज्ज जो
 मरणकाले । सो जिणवरेहिं दिट्ठो संसारच्छेअणसमत्थो ॥ ७७ ॥ मिठो
 किलिट्ठकम्भो नमो जिणाणंतिसुकयपणिहाणो । कमलदलक्खो जक्खो
 जाओ चोरुति सूलिहओ ॥ ७८ ॥ भावनमुक्कारविवज्जिआइं जीवेण अकय-
 करणाइं । गहियाणि अ मुकाणि अ अणांतसो दव्वलिंगाइं ॥ ७९ ॥
 आराहणापडागागहणे हत्थो भवे नमोकारो । तह सुगइमग्गमणे रहुव्व
 जीवस्स अप्पडिहो ॥ ८० ॥ अन्नाणिऽवि अ गोवो आराहिता मओ
 नमुक्कारं । चंपाए सिट्ठिसुओ सुदंसणो विस्सुओ जाओ ॥ ८१ ॥ विज्जा
 जहा पिसायं सुट्ठुवउत्ता करेइ पुरिसवसं । नाणं हिअयपिसायं सुट्ठुवउत्तं

तह करेइ ॥ ८२ ॥ उवसमइ किराहसण्णो जह मंतेण विहिणा पउत्तेणं । तह
हिययकिराहसण्णो सुट्ठुवउत्तेण नाणेणं ॥ ८३ ॥ जह मक्कडओ खणमवि
मज्झत्थो अच्चिउं न सक्केइ । तह खणमवि मज्झत्थो विसएहिं विणा न
होइ मणो ॥ ८४ ॥ तम्हा स उट्ठिउमणो मणमक्कडओ जिणोवएसेणं । काउं
सुत्तनिबद्धो रामेअव्वो सुहज्जाणे ॥ ८५ ॥ सूई जहा ससुत्ता न
नस्सई कयवरंमि पडिआवि । जीवोऽवि तहससुत्तो न नस्सइ
गओवि संसारे ॥ ८६ ॥ खंडसिलोगेहि जवो जइ ता मरणाउ रक्खिओ
राया । पत्तो अ सुतामन्नं कि पुण जिणउत्तसुत्तेणं ? ॥ ८७ ॥ अहवा
विलाइपुत्तो पत्तो नाणं तहाऽमरत्तं च । उवसमविवेगसंवर-पयसुमरणमित्त-
सुअनाणो ॥ ८८ ॥ परिहर ऋज्जीववहं सम्मं मणवयणकायजोगेहिं । जीव-
विसेसं नाउं जावज्जीवं पयत्तेणं ॥ ८९ ॥ जह ते न पिअं दुक्खं जाणिअ
एमेव सव्वजीवाणं । सव्वायरमुवउत्तो अत्तोवम्मेण कुणसु दयं ॥ ९० ॥
तुंगं न मंदराओ आगासाओ विसालयं नत्थि । जह तह जयंमि जाणसु
धम्ममहिंसासमं नत्थि ॥ ९१ ॥ सव्वेवि य संबंथा पत्ता जीवेण सव्वजीवेहिं ।
तो मारंतो जीवे मारइ संबंथिनो सव्वे ॥ ९२ ॥ जीववहो अप्पवहो जीवदया
अप्पणो दया होइ । ता सव्वजीवहिंसा परिचत्ता अत्तकामेहिं ॥ ९३ ॥ जावइआइं
दुक्खाइं हुंति चउगइगयस्स जीयस्स । सव्वाइं ताइं हिंसाफलाइं निउणं विआ-
णाहि ॥ ९४ ॥ जंकिंचि सुहमुआरं पट्टत्तणं पयइसुंदरं जं च । आरुगं
सोहगं तं तमहिंसाफलं सव्वं ॥ ९५ ॥ पाणोऽवि पाडिहेरं पत्तो छूटोऽवि
सुंसुमारदहे । एगेणवि एगदिणाऽज्जिएणाऽहिंसावयगुणेणं ॥ ९६ ॥ परिहर
असच्चवयणं सव्वंपि चउव्विहं पयत्तेणं । संजमवंतावि जओ भासादोसेण
लिपंति ॥ ९७ ॥ हासेण व कोहेण व लोहेण भएण वावि तमसच्चं । मा
भणसु भणसु सच्चं जीवहिअत्थं पसत्थमिणं ॥ ९८ ॥ विस्ससणिज्जो माया
व होइ पुजो गुरुव लोअस्स । सयणुव्व सच्चवाईं पुरिसो सव्वस्स होइ

पित्रो ॥ १६ ॥ होउ व जडी सिंहडी मुंडी वा वक्कली व नग्गो वा । लोए
 असच्चवाई भन्नइ पासंडवंडालो ॥ १०० ॥ अलिअं सइपि भणिअं विहणाइ
 बहुआइं सच्चवयणाइं । पडिअो नरयंमि वसू इक्केण असच्चवयणेणं ॥ १०१ ॥
 मा कुणासु धीर बुद्धि ! अप्पं व बहुं व परधणं धितुं । दंतंतरसोहणां
 किलिंचमित्तंपि अविदिन्नं ॥ १०२ ॥ जो पुण अत्थं अवहरइ तस्स सो
 जीविअंपि अवहरइ । जं सो अत्थकएणां उज्झइ जीअं न उणा अत्थं ॥ १०३ ॥
 तो जीवदयापरमं धम्मं गहिऊण गिरह माऽदिन्नं । जिणागणहरपडिसिद्धं
 लोगविरुद्धं अहम्मं च ॥ १०४ ॥ चोरो परलोगंमिऽवि नारयतिरिएसु लहइ
 दुक्खाइं । मणुअत्तणेवि दीणो दारिदोवहुअो होइ ॥ १०५ ॥ चोरिकनि-
 वित्तीए सावयपुत्तो जहा सुहं लहई । किटि मोरपिच्छचित्तिअ गुट्ठीचोराण
 चलणेसु ॥ १०६ ॥ रक्खाहि बंभवेरं बंभगुत्तीहिं नवहिं परिसुद्धं । निच्चं
 जिणाहि कामं दोसपकामं विआणित्ता ॥ १०७ ॥ जावइआ किर दोसा
 इहपरलोए दुहावहा हुंति । आवहइ ते उ सव्वे मेहुणासन्ना मणू-
 सस्स ॥ १०८ ॥ रइअरइतरलजीहा-जुएण संकप्पउज्झडफणेणं । विसयबिल-
 वासिणा मयमुहेण विब्बोअरोसेणं ॥ १०९ ॥ कामभुअंगेण दट्ठा लज्जा-
 निम्मोअदप्पदाढेणं । नासंति नरा अवसा दुस्सहदुक्खा वहविसेणं ॥ ११० ॥
 ललक्कनिरयविअणाअो घोरसंसारसायरुवहणं । संगच्छइ न य पिच्छइ
 तुच्छत्तं कामिअसुहस्स ॥ १११ ॥ वम्महसरसयविद्धो गिद्धो वाणिउव्व
 रायपत्तीए । पाउक्खालयगेहे दुग्गंधेज्जोगसो वसिअो ॥ ११२ ॥ कामा-
 सत्तो न मुणइ गम्मागम्मंपि वेसिआणुव्व । सिट्ठी कुबेरदत्तो निअयसु-
 आसुरयरइरत्तो ॥ ११३ ॥ पडिपिलिअ कामकलिं कामघत्थासु मुअसु
 अणुबन्धं । महिलासु दोसविसवल्लरीसु पयइं नियच्छंतो ॥ ११४ ॥
 महिला कुलं सुवंसं पियं सुअं मायरं च पिअरं च । विसयंवा अगणंती
 दुक्खसमुहम्मि पाडेइ ॥ ११५ ॥ नीअंगमाहिं सुपअोहराहिं उप्पिच्छमंथर-

गईहिं । महिलाहिं निन्नयाहिं व गिरिवरगुरुआवि भिज्जंति ॥ ११६ ॥
सुट्ठुवि जिआसु सुट्ठुवि पिआसु सुट्ठुवि परूढपेमासु । महिलासु
भुअंगीसु व वीसंभं नाम को कुणइ ? ॥ ११७ ॥ वीसंभनिब्भरंपि हु उवया-
रपरं परूढपण्यंपि । कयविप्पिअं पिअं भत्ति निति निहणं हया-
साओ ॥ ११८ ॥ रमणीअदंसणाओ सोमालंगीओ गुणनिबद्धाओ ।
नवमालइमालाउ व हरंति हिअयं महिलिआओ ॥ ११९ ॥ किं तु
महिलाए तासिं दंसणसुंदर-जणिअमोहाणं । आलिंणमइरा देइ वज्झ-
मालाए व विणासं ॥ १२० ॥ रमणीए दंसणं चेव सुंदरं होउ संगम-
सुहेणं । गंधुच्चिय सुरहो मालाईइ मलणं पुण विणासो
॥ १२१ ॥ साकेअपुराहिवइ देवरई रज्जसुवख-पब्भटो । पंगुलहेतुं छूढो
बुढो अ नईइ देवीए ॥ १२२ ॥ सोअसरी दुरिअदरी कवडकुडी महि-
लिआ किलेसकरी । वइरविरोअण-अरणी दुक्खखणी सुवखपडिववखा
॥ १२३ ॥ अमुणिअ-मणपरिकम्मो सम्मं को नाम नासिउं तरइ । वम्मह-
सर-पसरोहे दिट्ठिच्छोहे मयच्छीणं ? ॥ १२४ ॥ घणमालाओ व दूरुन्न-मंत-
सुपओहराउ वडंति । मोहविसं महिलाओ अलकविसं व पुरिसस्स ॥ १२५ ॥
परिहरसु तओ तासिं दिट्ठिं दिट्ठीविसस्स व अहिरस । जं रमणिनयण-
बाणा चरित्तपाणे विणासंति ॥ १२६ ॥ महिला-संसग्गीए अग्गी इव जं
अप्पसारस्स । मयणं व मणो मुणिणोऽवि हंत सिग्घं(खणोणं) चिअ विलाइ
॥ १२७ ॥ जइवि परिचत्तसंगो तवतणुअंगो तहावि परिवडइ । महि-
लासंसग्गीए कोसाभवणूसिअव्व रिसी ॥ १२८ ॥ सिंगार-तारंगाए
विलासवेलाइ जुअणजलाए । के के जयंमि पुरिसा (पहसिअफेणाइ
मुणी) नारिर्नइए न बुडंति ? ॥ १२९ ॥ विसयजलं मोहकलं विला-
सविब्बोअ-जलयराइन्नं । मयमयरं उत्तिन्ना तारुन्नमहन्नवं धीरा ॥ १३० ॥
अड्ढिंभतर-बाहिरए सव्वे संगे (गंधे) तुमं विवज्जेहि । कयकारिअणुमईहिं

कायमणो-वायजोगेहिं किलेससयकरे निच्चं ॥ १३१ ॥ संगनिमित्तं मारइ
 भणइ अलीअं करेइ चोरिककं । सेवइ मेहुण मुच्छं अप्परिमाणं कुणइ
 जीवो ॥ १३२ ॥ संगो(गंथे) महाभयं जं विहेडिअो सावणण संतेणं ।
 पुत्तेण हिए अत्थंमि मणिवई कुंविणण जहा ॥ १३३ ॥ सब्बगंथ-विमुक्को
 सोईभूअो पसंतचितो अ । जं पावइ मुत्तिसुहं न चक्खवट्ठीवि तं लहइ
 ॥ १३४ ॥ निस्सल्लस्सेह महव्वयाइं अक्खंड-निव्वणगुणाइं । उवहम्मंति अ
 ताइं नियाणसल्लेण मुण्णिणोऽवि ॥ १३५ ॥ अह रागदोसगब्भं मोहगब्भं
 च तं भवे तिविहं । धम्मत्थं हीणकुलाइ-पत्थणं मोहगब्भं च ॥ १३६ ॥ रागेण
 गंगदत्तो दोसेणं विस्सभूमाईआ । मोहेण चंडपिंगल-माईआ हुंति दिट्ठंता
 ॥ १३७ ॥ अगणिअ जो मुक्खसुहं कुणइ निआणं असारसुहेउं । सो
 कायमणिकणं वेरुल्लिअमणिं पणासेइ ॥ १३८ ॥ दुक्खक्खय कम्मक्खय
 समाहिमरणं च बोहिलाभो अ । एअं पत्थेअव्वं न पत्थणिज्जं तअो
 अन्नं ॥ १३९ ॥ उज्झिअ-निआणसल्लो निसिभत्तनिअत्ति-समिइगुत्तीहिं ।
 पंचमहव्वयरक्खं कयसिअसुक्खं पसाहेइ ॥ १४० ॥ इंदिअ-विसयपसत्ता पडंति
 संसारसायरे जीवा । पक्खिअ द्विअपक्खा सुमोल गुण-पेहुण-दिहूणा ॥ १४१ ॥
 न लहइ जहा लिहंतो सुहिल्लिअं अट्ठिअं रसं सुणअो । सो सइय तालुअर-
 सिअं विलिहंतो मन्नए सुक्खं ॥ १४२ ॥ महिलापसंगसेयी न लहइ
 किंचिवि सुहं तहा पुरिसो । सो मन्नए वराअो सयकायपरिस्समं सुक्खं
 ॥ १४३ ॥ सुट्ठुवि मग्गिज्जंतो कत्थवि केलीइ नत्थि जह सारो । इंदिअ-
 विसएसु तहा नत्थि सुहं सुट्ठुवि गविट्ठं ॥ १४४ ॥ सोएण पवसिअपिआ
 चक्खूराएण माहुरो वणिअो । घाणेण रायपुत्तो निहअो जीहाइ सोदासो
 ॥ १४५ ॥ फासिंदिएण दुट्ठो नट्ठो सोमालिआ-महीपालो । इक्किक्केणवि
 निहया किं पुण जे पंचसु पसत्ता ? ॥ १४६ ॥ विमयाविक्खो निवडइ
 निरविक्खो तरइ दुत्तरभवोहं । देवीदेवसमागय-भाउयजुअलं व भणिअं च

(जिणवीरविणिदिट्ठो दिट्ठंतो बंधुजुयलेण) ॥ १४७ ॥ छलिआ अवयक्खंता
 निरावयक्खा गया अविग्घेण । तम्हा पवयणसारे निरावयक्खेण होअव्वं
 ॥ १४८ ॥ विसए अवियक्खंता पडंति संसारसायरे घोरे । विसएसु निरा-
 विक्खा तरंति संसारकंतरं ॥ १४९ ॥ ता धीर ! धीवलेणं दुद्धंते दमसु
 इंदियमइंदे । तेणुक्खयपडिवक्खो हराहि आराहणपडागं ॥ १५० ॥ कोहा-
 ईण विवागं नाऊण य तेसि निग्गहेण गुणं । निग्गिरह तेण सुपुरिस !
 कसायकलिणो पयत्तेणं ॥ १५१ ॥ जं अइतिक्खं दुक्खं जं च सुहं उत्तमं
 तिलोईए । तं जाण कसायाणं बुड्ढिक्खयहेउअं सव्वं ॥ १५२ ॥ कोहेण
 नंदमाई निहया माणेण फरसुरामाई । मायाइ पंडरजा लोहेणं लोहनंदाई
 ॥ १५३ ॥ इअ उवएसामयपाणएण पल्हाइअम्मि चित्तंमि । जाअो सुनिव्वुअो
 सो पाऊण व पाणिअं तिसिअो ॥ १५४ ॥ इच्छामो अणुसट्ठिं भंते ! भव
 पंकतरणददलट्ठिं । जं जह उत्तं तं तह करेमि विणअोणअो भणइ ॥ १५५ ॥
 जइ कहवि असुहक्खमोदएण देहम्मि संभवे वियणा । अहवा तणहाईआ
 परीसहा से उदीरिजा ॥ १५६ ॥ निज्जं महुरं पल्हार्याणज्जहिअयंगमं
 अणालिअं च । तो सेहावेअज्जो सो खवअो पन्नवंतेणं ॥ १५७ ॥ संभरसु
 सुअण ! जं तं मज्झंमि चउव्विहस्स संघस्स । वूढा महापइत्ता अहयं आरा-
 हइस्सामि ॥ १५८ ॥ अरिहंतसिद्धकेवलि-पच्चक्खं सव्वसंघसविस्सस्स । पच्च-
 क्खाणस्स कयस्स भंजणं नाम को कुणइ ? ॥ १५९ ॥ भालुकीए करुणं
 खज्जंतो धोरवियणत्तोऽवि । आराहणं पवन्नो भाणेण अवंतिसुकुमालो
 ॥ १६० ॥ मुग्गिलुगिरिंमि सुकोसलोऽवि सिद्धत्थदइअअो भयवं । वग्घीए
 खज्जंतो पडिवन्नो उत्तमं अट्ठं ॥ १६१ ॥ गुट्ठे पाअोवगअो सुबंधुणा
 गोमए पलिविअम्मि । डज्झंतो चाणको पडिवन्नो उत्तमं अट्ठं ॥ १६२ ॥
 अवलंबिऊण सत्तं तुमंपि ता धीर ! धीरयं कुणसु । भावेसु अ नेगुन्नं
 संसारमहासमुइस्स ॥ १६३ ॥ जम्मजरामरणजलो अणाइमं वसणसावयाइन्नो ।

जीवाण दुस्खहेऊ कट्टं रुदो भवसमुदो ॥ १६४ ॥ धन्नोऽहं जेण मए अणो-
 रपारंमि भवसमुदमि । भवसयसहस्सदुलहं लद्धं सद्धम्मजाणमिणं ॥ १६५ ॥
 एअस्स पभावेणं पालिज्जंतस्स सइ पयत्तेणं । जम्मंतरेऽवि जीवा पावंति न
 दुस्खदोगच्चं ॥ १६६ ॥ चिंतामणी अउव्वो एअमपुव्वो अ कप्परुक्खुत्ति ।
 एअं परमो मंतो एअं परमामयं सरिच्छं ॥ १६७ ॥ अह मणिमंदिरसुंदर-
 कुरंतजिए गुण-निरंजणुज्जोओ । पंचनमुक्कारसमे पाणे पणओ विसज्जेइ ॥ १६८ ॥
 परिणामविसुद्धीए सोहम्मे सुरवरो महिद्धीओ । आराहिऊण जायइ भत्तपरिन्नं
 जहन्नं सो ॥ १६९ ॥ उक्कोसेण गिहत्यो अच्चुअकप्पंमि जायइ अमरो ।
 निव्वाणसुहं पावइ साहू सब्बट्टसिद्धिं वा ॥ १७० ॥ इअ जोइसरजिणवीर-
 भद्दभणिआणुसारिणीमिणमो । भत्तपरिन्नं धन्ना पढंति निसुणंति भावेंति
 ॥ १७१ ॥ सत्तरिसयं जिणाण व गाहणं समयखित्तपन्नत्तं । आराहंतो
 विहिणा सासयसुक्खं लहइ मुक्खं ॥ १७२ ॥ इइ भत्तपरिन्नापयणायं
 सम्मत्तं ॥ ४ ॥

॥ इति श्रीभक्तपरिज्ञा प्रकीर्णकम् ॥ ४ ॥

॥५॥ अथ श्रीतंदुलवैचारिकप्रकीर्णकम् ॥

निज्जरियजरामरणं वंदित्ता जिणवरं महावीरं । वोच्छं पइन्नगमिणं
 तंदुलवेयालियं नाम ॥ १ ॥ सुणह गणिए दस दसा वाससयाउस्स जह
 विभज्जंति । संकलिए वाससए(वोगसिए) जं चाऊ सेसयं होइ ॥ २ ॥
 जत्तियमित्ते दिवसे जत्तिय राई मुहुत्त ऊसासे । गब्भंमि वसइ जीवो आहार-
 विहिं च वोच्छामि ॥ ३ ॥ (द्वारागाथा) दोन्नि अहोरत्तसए संपुराणे सत्तस-
 त्तरिं चेव । गब्भंमि वसइ जीवो अद्धमहोरत्तमन्नं च ॥ ४ ॥ एए उ अहो-
 रत्ता नियमा जीवस्स गब्भवासंमि । हीणाहिया उ इत्तो उवघायवसेण जायंति
 ॥ ५ ॥ अट्ट सहस्सा तिन्नि उ सया मुहुत्ताण पणणीसा य । गब्भगओ
 वसइ जीवो नियमा हीणाहिया इत्तो ॥ ६ ॥ तिन्नेव य कोढीओ चउदस

य हवन्ति सयसहस्साइं । दस चैव सहस्साइं दोन्नि सया पन्नवीसा य ॥ ७ ॥
 उस्सासा निस्सासा इत्तिअमित्ता हवन्ति संकलिया । जीवस्स गब्भवासे नियमा
 हीणाहिआ इत्तो ॥ ८ ॥ आउसो ! इत्थीए नाभिहिट्ठा सिरादुगं पुप्फना-
 लियागारं । तस्स य हिट्ठा जोणी अहोमुहा संठिया कोसा ॥ ९ ॥ तस्स य
 हिट्ठा चूयस्स मंजरी तारिसा उ मंसस्स । ते रिउकाले फुडिया सोणियलवया
 विमुचंति ॥ १० ॥ कोसायारं जोणीं संपत्ता सुक्कुमीसिया जइया । तइया
 जीवुववाए जोग्गा भणिया जिणिंदेहिं ॥ ११ ॥ बारस चैव मुहुत्ता उवरिं
 विद्धंम गच्छई सा उ । जीवाणं परिसंखा लक्खपुहुत्तं च उकोसा ॥ १२ ॥
 पणपणाय परेणं जोणी पमिलायए महिलियाणं । पणसत्तरीय परओ
 पाएण (वासेहि) पुमं भवेऽवीओ ॥ १३ ॥ वाससयाउयमेयं परेण जा होइ
 पुव्वकोडीओ । तस्सद्धे अमिलाया सव्वाउयवीसभागो उ ॥ १४ ॥ रत्तुकडा
 य इत्थी लक्खपुहुत्तं च बारस मुहुत्ता । पिउसंख सयपुहुत्तं बारस वासा उ
 गब्भस्स ॥ १५ ॥ दाहिणकुच्छी पुरिसस्स होइ वामा उ इत्थियाए उ । उभयं-
 तरं नपुंसे तिरिए अट्ठेव वरिसाइं ॥ १६ ॥ इमो खलु जीवो अम्मापिउसंयोगे
 माऊओयं पिउसुक्कं तं तदुभयसंसट्ठं कलुसं किव्विसं तप्पढमयाए आहारं
 आहारित्ता गब्भत्ताए ववमइ ॥ सू० १ ॥ सत्ताहं कललं होइ, सत्ताहं होइ
 अब्बुयं । अब्बुया जायए पेसी, पेसीओवि घणं भवे ॥ १७ ॥

तो पढमे मासे करिस्सूणं पलं जायई, बीए मासे पेसी संजायए घणा,
 तईए मासे माउए डोहलं जणेइ, चउत्थे मासे माऊए अंगाइं पीणेइ पंचमे मासे
 पंच पिंडियाओ पाणिं पायं सिरं चैव निव्वत्तेइ, छट्ठे मासे पित्तसोणियं
 उवचिणेइ सत्तमे मासे सत्त सिरासयाइं पंच पेसीसयाइं नव धमणीओ नवनउयं
 च रोमकूवसयसहस्साइं(११०००००) निव्वत्तेइ, विणा केसमंसुणा, सह
 केसमंसुणा अट्ठट्ठाओ रोमकूवकोडीउ निव्वत्तेइ (३५००००००), अट्ठमे
 मासे वित्तीकणो हवइ ॥ सूत्रं २ ॥ जीवस्स णं भंते ! गब्भगयस्स समाणस्स

अत्थि उच्चारैः वा पासवणैः वा खेलेः वा सिंघाणैः वा वंतेः वा पित्तेः वा सुक्केः वा सोणिएः वा ?, नो इण्ठे समट्ठे, से केण्ठेणं भंते ! एवं बुच्चइ-जीवस्स गब्भगयस्स समाणस्स नत्थी उच्चारैः वा जाव सोणिएः वा ?, गोयमा ! जीवे णं गब्भगए समाणे जं आहारमाहारेः तं चिणाइ सोइंदियत्ताए चक्खुइंदियत्ताए घाणिंदियत्ताए जिब्भदियत्ताए फासिंदियत्ताए अट्ठि-अट्ठिमिंजकेसमंसुरोमनहत्ताए, से एएणं अट्ठेणं गोयमा ! एवं बुच्चइ-जीवस्स णं गब्भगयस्स समाणस्स नत्थि उच्चारैः वा जाव सोणिए वा ॥ सू० ३ ॥ जीवे णं भंते ! गब्भगए समाणे प्हू मुहेणं कावलियं आहारं आहारित्तए ?, गोयमा ! नो इण्ठे समट्ठे, से केण्ठेणं भंते ! एवं बुच्चइ-जीवे णं गब्भगए समाणे नो प्हू मुहेणं कावलियं आहारं आहारित्तए ?, गोयमा ! जीवे णं गब्भगए समाणे सब्बओ आहारेः सब्बओ परिणामेः सब्बओ ऊससइ सब्बओ नीससइ अभिक्खणं आहारेः अभिक्खणं परिणामेः अभिक्खणं ऊससइ अभिक्खणं नीससइ आहच्च आहारेः आहच्च परिणामेः आहच्च ऊससइ आहच्च निस्ससइ, से माउजीवरसहरणी पुत्तजीवरसहरणी माउजीवपडिबद्धा पुत्तजीवं फुडा तम्हा आहारेः तम्हा परिणामेः, अवराऽवि य णं पुत्तजीवपडिबद्धा माउजीवफुडा तम्हा चिणाइ तम्हा उवचिणाइ, से एएणं अट्ठेणं गोयमा ! एवं बुच्चइ-जीवे णं गब्भगए समाणे नो प्हू मुहेणं कावलियं आहारं आहारित्तए ॥ सू० ४ ॥ जीवे णं गब्भगए समाणे किमाहारं आहारेः ?, गोयमा ! जं से माया नाणाविहाओ रसविगईओ तित्तकडुअकसायंभिलमहुराइं दब्बाइं आहारेः तओ एगदेसेणं ओअमाहारेः, तस्स फलबिंसरिसा उप्पलनालोवमा भवइ नाभी, रसहरणी जणाणीए सयाइ नाभीए पडिबद्धा नाभीए, ताओ गब्भो ओयं आइयइ, अराहयंतीए ओयाए तीए गब्भोऽवि वड्ढइ जाव जाउत्ति ॥ सूत्रं ५ ॥ कइ णं भंते ! माउअंगा परात्ता ?, गोयमा ! तओ माउअंगा परात्ता, तंजहा,

मंसे सोणिए मत्थुलुंगे । कइ णं भंते ! पिउअंग्गा पराणत्ता ?, गोयमा !
तथो पिउअंग्गा पराणत्ता, तंजहा-अट्ठि अट्ठिमिंजा केसमंसुरोमनहा
॥ सू० ६ ॥ जीवे णं भंते ! गब्भगए समाणे नरएसु उववज्जिजा ?,
गोयमा ! अत्थेगइए उववज्जिजा अत्थेगइए नो उववज्जिजा, से केणट्ठेणं
भंते ! एवं बुच्चइ-जीवे णं गब्भगए समाणे नरएसु अत्थेगइए उववज्जिजा
अत्थेगइए नो उववज्जिजा ?, गोयमा ! जे णं जीवे गब्भगए समाणे सन्नी
पंचिंदिए सव्वाहिं पज्जत्तीहिं पज्जत्तए वीरियलद्धीए विभंगनाणलद्धीए वेउव्वि-
अलद्धीए, वेउव्विलद्धिपत्ते पराणीअं आगयं सुच्चा निसम्म पएसे बिच्छूहइ
निच्छूहिता वेउव्वियसमुग्घाएणं समोहणइ समोहणित्ता चाउरंगिणिं सेन्नं
सन्नाहेइ सन्नाहित्ता पराणीएण सद्धिं संगामं संगामंइ, से णं जीवे अत्थकामए
रज्जकामए भोगकामए कामकामए, अत्थकंखिए रज्जकंखिए भोगकंखिए
कामकंखिए, अत्थपिवासिए रज्जपिवासिए भोगपिवासिए कामपिवासीए,
तच्चित्ते तम्मणे तल्लेसे तदज्भवसिए तत्तिव्वज्भवसाणे तयट्ठोवउत्ते तदप्पिय-
करणे तव्भावणाभाविए, एयंसि च णं अंतरंसि कालं करिज्जा नेरइएसु
उववज्जिजा, से एएणं अट्ठेणं एवं बुच्चइ-गोयमा ! जीवे णं गब्भगए समाणे
नेरइएसु अत्थेगइए उववज्जिजा, अत्थेगइए नो उववज्जिजा ॥ सू० ७ ॥
जीवे णं भंते ! गब्भगए समाणे देवलोएसु उववज्जिजा ?, गोयमा !
अत्थेगइए उववज्जिजा अत्थेगइए नो उववज्जिजा, से केणट्ठेणं भंते !
एवं बुच्चइ-अत्थेगइए उववज्जिजा अत्थेगइए नो उववज्जिजा ?
गोयमा ! जे णं जीवे गब्भगए समाणे सराणी पंचिंदिए सव्वाहिं पज्जत्तीहिं
पज्जत्तए विउव्वियलद्धीए वीरियलद्धीए ओहिनाणलद्धीए तहारूवस्स
समणस्स वा माहणस्स वा अंतिए एगमवि आयरियं धम्मियं सुवयणं सुच्चा
निसम्म तथो से भवइ तिव्वसंवेग-संजायसट्ठे तिव्वधम्माणुरायरत्ते, से णं जीवे
धम्मकामए पुण्णकामए सग्गकामए मुक्खकामए, धम्मकंखिए पुन्नकंखिए सग्ग-

कंखिए मुखकंखिए, धम्मपिवासिए पुन्नपिवासिए सग्गपिवासिए मुखपिवा-
 सिए, तच्चित्ते तम्मणे तल्लेसे तदज्झवसिए तत्तिवज्झवसाणे तदप्पियकरणे
 तयट्ठोवउत्ते तब्भावणाभाविए, एयंसि णं अंतरंसि कालं करिज्जा देवलोएसु
 उववज्जिज्जा, से एएणं अट्ठेणं गोयमा ! एवं बुच्चइ-अत्थेगइए उववज्जिज्जा
 अत्थेगइए नो उववज्जिज्जा ॥ सू० ८ ॥ जीवे णं भंते ! गब्भगए समाणे
 उत्ताणए वा पासिल्लए वा अंबखुज्जए वा अच्चिज्ज वा चिट्ठिज्ज वा णिसीइज्ज
 वा तुयट्ठिज्ज वा आसइज्ज वा सइज्ज वा माऊए सुयमाणीए सुइ जामर-
 माणीए जागरइ सुहियाए सुहियो भवइ दुहियाए दुक्खियो भवइ ?,
 हंता गोयमा ! जीवे णं गब्भगए समाणे उत्ताणए वा जाव दुक्खियाए
 दुक्खियो भवइ ॥ सू० ९ ॥ थिरजायंपि हु रक्खइ सम्मं सारक्खइ तथो
 जणणी । संवाहई तुयट्ठई रक्खइ अप्पं च गब्भं च ॥ १० ॥ अणुसुयइ
 सुयंतीए जागरमाणीए जागरइ गब्भो । सुहियाए होइ सुहियो दुहियाए
 दुक्खियो होइ ॥ ११ ॥ उच्चारे पासवणे खेले सिंघाणओवि से नत्थि ।
 अट्ठट्ठीमिंज-नहकेस-मंसुरोमेसु परिणामो ॥ २० ॥ आहारो परिणामो
 उस्सासो तह य चेव नीसासो । सब्बपएसेसु भवई कवलाहारो य से नत्थि ॥
 (प्र० एवं बुंदिमइगओ गब्भे संवसइ दुक्खियो जीवो । परम-तमसंय्यारे
 अमेज्झ-भरिए पएसंमि) ॥ २१ ॥ आउसो ! तथो नवमे मासे तीए वा
 पडुप्पन्ने वा अणागए वा चउराहं माया अन्नयरं पयायइ, तंजहा-इत्थि वा
 इत्थिरूवेणं १ पुरिसं वा पुरिसरूवेणं २ नपुंसगं वा नपुंसगरूवेणं ३ बिंवं
 वा बिंवरूवेणं ४ ॥ सूत्रं १० ॥ अप्पंसुक्कं बहुं अ(उ)उयं, इत्थीया तत्थ जायई ।
 अप्पं अ(उ)उयं बहुं सुक्कं, पुरिसो तत्थ जायइ ॥ २२ ॥ दुगहंपि रत्त-
 सुक्काणं, तुलभावे नपुंसओ । इत्थीओयसमाओगे, बिंवं वा तत्थ
 जायइ ॥ २३ ॥ अह णं पसवणकालसमयंसि सीसेण वा पाएहिं वा
 आगच्छइ समागच्छइ, तिरियमागच्छइ विणिघायमावज्जइ ॥ सू० ११ ॥

कोई पुण पावकारी बारस संवच्छराई उकोसं । अचछइ उ गब्भवासे असु-
 इप्पभवे असुइयंमि ॥ २४ ॥ जायमाणस्स जं दुक्खं, मरमाणस्स वा पुणो ।
 तेण दुक्खेण समूढो, जाइं सरइ नप्पणो ॥ २५ ॥ विस्सरसरं रसंतो अह
 सो जोणीमुहाउ निप्फिडइ । माऊए अप्पणोऽवि य वेयणमउलं जणे-
 माणे ॥ २६ ॥ गब्भवरयम्मि जीवो कुंभीपागम्मि नरयसंकासे । वुच्छो
 अमिज्झमज्जे असुइप्पभवे असुइयंमि ॥ २७ ॥ पित्तस्स य सिंभस्स य
 सुक्कस्स य सोणियस्सऽविअ मज्जे । मुत्तस्स पुरीसस्स य जायइ जह वच्चकि
 मिउव्व ॥ २८ ॥ तं दाणिं सोयकरणां केरिसयं होइ तरस जीवस्स ? ।
 सुकरुहिरागराओ जस्सुप्पत्ती सरीरस्स ॥ २९ ॥ एआरिसे सरीरे कलमल-
 भरिए अमिज्झसंभूए । निययं विगणिज्जंतं सोयमयं केरिसं तस्स ? ॥ ३० ॥
 आउसो ! एवं जायस्स जंतुस्स कमेण दस दसाओ एवमाहिज्जंति,
 तंजहा-बाला १ किड्डा २ मंदा ३ बला य ४ पन्ना य ५ हायणि ६
 पवंचा ७ । पम्भारा ८ मुम्मुही ९ सायणी य १० दसमा य
 कालदसा ॥ ३१ ॥ जायमित्तस्स जंतुस्स, जा सा पढमिआ दसा ।
 न तत्थ भुंजिउं भोए, जइ से अत्थि घरे धुवा ॥ ३२ ॥
 बीयाए किड्डया नामं, जं नरो दसमस्सिओ । किड्डारमणभावेण, दुलहं गमइ
 नरभवं ॥ ३३ ॥ तईयाए मंदया नामं, जं नरो दसमस्सिओ । मंदस्स मोह-
 भावेण, इत्थीभोगेहिं मुच्छिओ ॥ ३४ ॥ (जायमित्तस्स जंतुस्स, जासा पढ-
 मिया दसा । न तत्थ सुहं दुक्खं वा, बहूँ जाणंति बालया ॥ ३२ ॥ बिइयं
 च दसं पत्तो, नाणाकीलाहिं कीइई । न य से काम भोगेसु, तिव्वा उप्पज्जई
 रई ॥ ३३ ॥ तइअं च दसं पत्तो, पंच कामगुणो नरो । समत्थो भुंजिउं
 भोए, जइ से अत्थि घरे धुवा ॥ ३४ ॥) चउत्थी उ बलानाम, जं नरो दस-
 मस्सिओ । समत्थो बलं दरिसेउं, जइ सो भवे निरुवहवो ॥ ३५ ॥ पंचमीं
 तु दसं पत्तो, आणुपुव्वीइ जो नरो । समत्थोऽत्थं विचित्तेउं, कुडुबं चाभिग-

च्छइ ॥ ३६ ॥ छट्टी उ हायणी नाम, जं नरो दसमस्सिओ । विरज्जई अ
 कामेसुं, इंदिएसु पहायई ॥ ३७ ॥ सत्तमी य पवंचा उ, जं नरो दसमस्सिओ ।
 निच्छुभइ चिक्कणं खेलं, खासई य खणे खणे ॥ ३८ ॥ संकुइअवलीचम्मो,
 संपत्तो अट्टमिं दसं । नारीणं च अणिट्ठो य, जराए परिणामिओ ॥ ३९ ॥
 नवमी सुम्मुहीनाम, जं नरो दसमस्सिओ । जराघरे विणस्संते, जीवो वसइ
 अकामओ ॥ ४० ॥ हीणभिन्नसरो दीणो, विवरीओ विचित्तओ (विरुवओ) ।
 दुब्बलो दुक्खिओ सुयइ, संपत्तो दसमिं दसं ॥ ४१ ॥ दसगस्स उवक्खेवो
 वीसइवरिसो उ गिरहई विज्जं । भोगा य तीसगस्स य चत्तालीसस्स य
 विन्नाणं (बलमेव) ॥ ४२ ॥ पन्नासयस्स चक्खुं हायइ सट्ठिकयस्स बाहुबलं ।
 भोगा य सत्तरिस्स य, असीययस्सा य विन्नाणं ॥ ४३ ॥ नउई नमइ सरीरं
 वाससए जीविअं पुणो चयइ । कित्तिओऽथ सुहो भागो दुहभागो य
 कित्तिओ ? ॥ ४४ ॥ जो वाससयं जीवइ, सुही भोगे य भुंजई । तस्सावि
 सेविउं सेओ, धम्मो य जिणदेसिओ ॥ ४५ ॥ किं पुण सपच्चवाए, जो नरो
 निच्चदुक्खिओ । सुट्ठुयरं तेण कायव्वो, धम्मो य जिणदेसिओ ॥ ४६ ॥
 नंदमाणो चरे धम्मं, वरं मे लट्ठतरं भवे । अणंदमाणोवि चरे, मा मे पावतरं
 भवे ॥ ४७ ॥ नवि जाई कुलं वावि, विज्जा वावि सुसिक्खिया । तारे नरं
 व नारिं वा, सत्त्वं पुणणेहिं वड्ढई ॥ ४८ ॥ पुणणेहिं हायमाणेहिं, पुरिस-
 गारोऽवि हायई । पुणणेहिं वड्ढमाणेहिं, पुरिसगारोऽवि वड्ढई ॥ ४९ ॥
 पुणणाइं खलु आउसो ! किच्चाइं करणिज्जाइं पीइकराइं वन्नकराइं धणकराइं
 जसकराइं कित्तिकराइं, नो य खलु आउसो ! एवं चित्तेयव्वं—एसंति खलु
 बह्वे समया आवलिया खणा आणापाणू थोवा लवा मुहुत्ता दिवसा अहो-
 रत्ता पक्खा मासा रिऊ अयणा संवच्छरा जुगा वाससया वाससहस्सा
 वाससयसहस्सा वासकोडीओ वासकोडाकोडीओ जत्थ णं अम्हे बहूइं
 सीलाइं वयाइं गुणाइं वेरमणाइं पच्चक्खाणाइं पोसहोववासाइं पडिवज्जिस्सामो

पट्टविस्सामो करिस्सामो, ता किमत्थं आउसो ! नो एवं चिंतेयव्वं भवइ ?,
 अंतरापवहुले खलु अयं जीविण, इमे य बहवे वाइयपित्तिअ-सिंभियसन्निवाइया
 विविहा रोगायंका फुसंति जीविअं ॥ सू० १२ ॥ आमी य खलु आउसो !
 पुब्बि मणुया ववगयरोगायंका बहुवाससयसहस्सजीविणो, तंजहा जुयलधम्मिआ
 अरिहंता वा चक्खट्ठी वा बलदेवा वा वासुदेवा वा चारणा विज्जाहरा, ते णं
 मणुया अणतिवरसोमचारूवा भोगुत्तमा भोगलक्खणधरा सुजायसव्वंग-सुंद-
 रंगा रत्तुप्पलपउम-करचरणकोमलंगुलितला नगणगर-मगरसागर-चक्कं-धरं-
 लक्खणंकेयतला सुपइट्ठिय-कुम्मचारुचलणा अणुपुब्बिसुजाय-पीवरंगुलिआ
 उन्नयतणुतंव-निद्धनहा संठिअसुसिलिट्ठ गुट्टगुप्फा एणीकुरुविंदावत्त-वट्ठाणुपुब्बि-
 जंघा समुग्गनिम्मुग्ग-गूढजाणू गयससणसुजाय-सन्निभोरू वरवारण-मत्ततुल-
 विक्रम-विलासियगई सुजायवरतुरय-गुज्झदेसा आइन्नहयव्व निरुवलेवा पमु-
 इअवरतुरंग-सीह-अइरेगवट्ठियकडी साहअसोणंद-मुसल-दप्पणनिग्गरिय-वर-
 कणगच्छरू-सरिसवर-वइरवलिअमज्झा गंगावत्त-पयाहिणावत्त तरंगभंगुर-रवि-
 किरणतरुणबोहिय-उक्कोसायंतपउम-गभीरवियडनाभा उज्जुयसमसंहिय-सुजाय-
 जच्चतणुकिसिण-निद्धयाइज्ज-लडहसुकुमाल-मउयरमणिज्जरोमराई भसविहग-
 सुजायपीणकुच्छी भसोयरा पम्हविअडनाभा संगयपासा सन्नयपासा सुंदरपासा
 सुजायपामा मिअमाइयपीण-रइयपासा अकरंडुय-कणगस्यग-निम्मलसुजाय-निरु-
 वहयदेहधारी पसत्थवत्तीस-लक्खणधरा कणगसिलायलुज्जल-पसत्थसमतलउव-
 चिअत्रित्थिन्नपिहुलवच्छा सिरिवच्छकियवच्छा पुरवरफलिह-वट्ठियभुया भुयगी-
 सरविउल-भोगआयाण फलिहउच्छट्ठ-दीहबाहू जुगसन्निभ-पीणरइअ-पीवरपउट्ठ-
 संठिय-उवचियघणथिरसुबद्ध-सुवट्ठ-सुसिलिट्ठ-पव्वसंधी रत्ततलोव चिय-मउयमं-
 सल-सुजायलक्खण-पसत्थ-अच्छिहजालपाणी पीवरवट्ठिय-सुजायकोमल-वरं-
 गुलिआ तंवतलिण-सुइ रुइरनिद्धनवखा चंदपाणिलेहा सूरपाणिलेहा संखपा-
 णिलेहा चक्कपाणिलेहा सोत्थिअपाणिलेहा ससिरवि-संखचक्कसोत्थिय-विभत्तसु-

विरड्य-पाणिलेहा वरमहिस-वराहसीहसहूल-उसभनाग-वरविउल-उन्नयमउद-
 क्खंधा चउरंगुल-सुपमाण-कंबुवर-सरिसगीवा अवट्टिअ सुविभत्तचित्तमंसू मंसल-
 संठिय-पसत्थसहूल-विउलहणुआ ओअविय-सिलप्पवाल बिबफलसंनिभाधरुट्टा
 पंडुरससि-सगलविमल निम्मल-संखगोखीर-कुंददगरय-मुणालियाधवल-दंतसेदी
 अखंडदंता अफुडियदंता अविरलदंता सुनिद्धदंता सुजायदंता एगदंतसेदी विव
 अणोगदंता हुयवह-निद्धंतधोयतत्त-तवणिज्ज-रत्तल-तालुजीहा सारस-नवथणिय-
 महुरगंभीर-कुंचनिग्घोस-दुंदुहिसरा गरुलायय-उज्जुतुंगनासा अवदारिअ-
 पुंडरीयवयणा कोकासिय-धवलपुंडरिय-पत्तलच्छा आनामिअ चावरुल-कि-
 राहचिहुरराइ-सुसंठिय-संगयआयय-सुजायभुमया अलीणपमाण-जुत्तसवणा सुस-
 वणा पीणमंसल-कवोलदेसभागा अइरुगय-समग्गसुनिद्ध-चंदद्धसंठिअनिडाला
 उडुवइ-पडिपुन्न-सोमवयणा छत्तागारुत्तमंग-देसा घणनिचिय-सुवद्धलक्खणुन्नय-
 कूडागारनिरुवम-पिंडियभगसिरा हुयवहनिद्धंत-धोयतत्त-तवणिज्ज-केसंतकेस-
 भूमी सामलीवोड-घणनिचिअच्छोडिअ-मिउविसय-सुहुमलक्खण-पसत्थसुगं-
 धि-सुंदरभुयमोयग-भिगनील-कज्जल-पहट्टभमरगण-निद्धनिउरंबनिचिय-कुंचि-
 अ-पयाहिणावत्त-मुद्धसिरया लक्खणवंगण-गुणोववेया माणुम्माणपमाण-पडि-
 पुन्न-सुजायसवंग-सुंदरंगा ससिसोमागारा कंता पियदंसणा सव्भावसिंगार-
 चारुवा पासाईया दरिसणिज्जा अभिरुवा पडिरुवा, ते णं मणुया ओहस्सरा
 मेहस्सरा इंसस्सरा कोंचस्सरा नंदिस्सरा नंदिघोसा सीहस्सरा सीहघोसा मंजुस्सरा
 मंजुघोसा सुस्सरा सुसरघोसा अणुलोमवाउवेगा कंकग्गहणी कवोयपरिणामा
 सउणपोस-पिट्ठंतरोरुपरिणया पउमुप्पल-सुगंधिसरिस-नीसासा सुरभिवयणा
 छवी निरायंका उत्तमपसत्थाइसेस-निरुवमतणू जल्लमल-कलंकसेयरय-दोसवज्जि-
 यसरीरा निरुलेवा छायाउज्जोवियंगमंगा वज्जरिसहनाराय-संवयणा समचउरंस-
 संठाणसंठिया छधणुसहस्साइ उड्डं ऊच्चत्तेणं पणत्ता, ते णं मणुया दो छप्प-
 न्निपिट्ठ-करंडगसया पणत्ता, समणाउसो !, ते णं मणुया पगइभइया पगइ-

विणीया पगइउवसंता पगइपयणु-कोहमाण-मायालोभा मिउमहवसंपन्ना
अलीणा भइया विणीया अपिन्ना असन्निहिसंवया अचंडा असिमसि-
किसि-वाणिज्जविवज्जिया विडिमंतरनिवासिणो इच्छियकामकामिणो गेहा-
गारखस्व-कयनिलया पुढविपुफ-फलाहारा ते णं मणुयगणा पणत्ता
॥ सू० १३ ॥ आसी य समणाउसो ! पुब्बि मणुयाणं छव्विहे
संघयणे, तंजहा-वज्जरिसहनारायसंघयणे १ रिसहनारायसंघयणे २ नाराय-
संघयणे ३ अद्धनारायसंघयणे ४ कीलियासंघयणे ५ छेवट्टसंघयणे ६, संपइ
खलु आउसो ! मणुयाणं छेवट्टसंघयणे वट्टइ । आसी य आउसो ! पुब्बि-
मणुयाणं छव्विहे संघाणे, तंजहा-समचउरंसे १ नग्गोहपरिमंडले २ सादि ३
खुज्जे ४ वामणे ५ हुँडे ६, संपइ खलु आउसो ! मणुयाणं हुँडे संघाणे
वट्टइ ॥ सू० १४ ॥ संघयणं संघाणं उच्चत्तं आउयं च मणुयाणं । अणुसमयं
परिहायइ ओसपिणिकालदोसेणं ॥ ५० ॥ कोहमयमायलांभा, उरसन्नं वट्टए
य मणुयाणं । कूडतुला कूडमाणा तेणणुमाणेण सव्वन्ति ॥ ५१ ॥ विसमा अज्ज
तुलाओ विसमाणि य जणवणसु माणाणि । विसमा रायकुलाइं, तेण उ विसमाइं
वासाइं ॥ ५२ ॥ विसमेसु य वासेसु हुँति असाराइं ओसहिबलाइं । ओस-
हिदुब्बल्लेण य, आउं परिहायइ नराणं ॥ ५३ ॥ एवं परिहायमाणे लोए
चंदुव्व कालपक्खंमि । जे धम्मिया मणूमा सुजीवियं जीवियं तेसिं ॥ ५४ ॥

आउसो ! से जहा नामए केइ पुरिसे राहाए कयबलिकम्मे कयकोउय-
मंगलपायच्छित्ते सिरसिराहाए कंठेमालकडे आविद्धमणिसुवराणे अहअसु-
महग्घवत्थपरिहिए चंदणोकिराण-गायसरीरे सरससुरहिगंध-गोसीस-चंदणाणु-
लित्तगते सुइमालावन्नग-विलेवणे कप्पियहारद्धहार-तिसरय-पालंबपलंबमाणे
कडिसुत्तय-सुकयसोहे पिणिद्धगेविज्जे अंगुलिज्जग-ललियंगय-ललियकयाभरणे
नाणामणि-कणगरयण-कडग-तुडियथंभियभुए अहिअरूवे सस्सिरीए कुंडलु-
ज्जोवियाणणे मउडदित्तसिरए हारुच्छयसुकय-रइयवच्छे पालंबपलंबमाण-सुक-

यपडउत्तरिज्जे मुहियापिंगुलंगुलिए नाणामणिकणगरयण-विमलमहरिह-निउ-
 णोविय-मिसिमिसित-विरइय-सुसिलिट्ट-विसिट्ट-लट्ट-आविद्धवीर-वलए, किं
 बहुणा ? कप्परुक्खए चेव अलंकियविभूसिए सुइयए भवित्ता अम्मापियरो
 अभिवादइज्जा, तए णं तं पुरिसं अम्मापियरो एवं वइज्जा-जीव पुत्ता ! वास-
 सयंति, तंपि आउं तस्स नो बहुयं भवइ, कम्हा ? वाससयं जीवंतो वीसं
 जुगाइं जीवइ, वीसं जुगाइं जीवंतो दो अयणसयाइं जीवइ, दो अयणसयाइं
 जीवंतो छ उऊसयाइं जीवइ, छ उऊसयाइं जीवंतो बारस माससयाइं जीवइ,
 बारस माससयाइं जीवंतो चउवीसं पक्खसयाइं जीवइ, चउवीसं पक्खसयाइं
 जीवंतो छत्तीसं राइंदियसहस्साइं जीवइ, छत्तीसं राइंदियसहस्साइं जीवंतो
 दस असीयाइं मुहुत्तसयसहस्साइं जीवइ, दसअसीयाइं मुहुत्तसयसहस्साइं जीवंतो
 चत्तारि ऊसासकोडिसए सत्त य कोडीओ अडयालीसं च सयसहस्साइं चत्ता-
 लीसं च ऊसाससहस्साइं जीवइ, चत्तारि य ऊसासकोडिसए जाव चत्तालीसं
 च ऊसाससहस्साइं जीवंतो अद्धत्तेवीसं तंदुलवाहे भुंजइ, कहमाउसो ! अद्ध-
 त्तेवीसं तंदुलवाहे भुंजइ ? गोयमा ! दुब्बलाए खंडियाणं बलियाए छडि-
 याणं खइरमुसलपच्चाहयाणं ववगयतुसकणियाणं अखंडाणं अफुडियाणं
 फलगसरियाणं इक्किक्कीयाणं अद्धत्तेरसपलियाणं पत्थए, सेउवियं णं पत्थए
 मागहए, कल्लं पत्थे १ सायं पत्थो २, चउसट्टिसाहस्सीओ मागहओ पत्थो,
 विसाहस्सिएणं कवलेणं बत्तीसं कवला पुरिसस्स आहारो, अट्टावीसं इत्थि-
 याए, चउवीसं पंडगस्स, एवामेव आउसो ! एयाए गणणाए दो असईओ
 पसई, दो पसईओ य सेइया होइ, चत्तारि सेइया कुलओ, चत्तारि कुलया
 पत्थो, चत्तारि पत्थगा आढगं, सट्टिए आढगाणं जहन्नए कुंभे, असीईए आढ-
 याणं मज्झिमे कुंभे, आढगसयं उकोसए कुंभे, अट्टेव य आढगसयाणि वाहे,
 एएणं वाहप्पमाणेणं अद्धत्तेवीसं तंदुलवाहे भुंजइ ॥ सू० १५ ॥ ते य
 गणियनिदिट्ठा-चत्तारि य कोडिसया सट्ठिं चेव य इवंति कोडीओ ।

असीई च तंदुलसयसहस्साणि हवंतित्तिमक्खायं (४६०८०००००००)
 ॥ ५५ ॥ तं एवं अद्धत्तेवीसं तंदुलवाहे भुंजंतो अद्धद्धट्टे मुग्गकुंभे
 भुंजइ, अद्धद्धट्टे मुग्गकुंभे भुंजंतो चउवीसं गोहाढगसयाइं भुंजइ, चउवीसं
 गोहाढगसयाइं भुंजंतो छत्तीसं लवणपलसहस्साइं भुंजइ, छत्तीसं लवणपल-
 सहस्साइं भुंजंतो छप्पडसाडगसयाइं नियंसेइ, दोमासियणं परिअट्टएणं
 मासिएण वा परियट्टेणं बारस पडसाडगसयाइं नियंसेइ । एवामेव आउसो !
 वाससयाउयस्स सव्वं गणित्थं तुलित्थं मवियं नेहलवणभोयणच्छायणांपि,
 एयं गणियप्पमाणं दुविहं भणियं महरिसीहिं, जस्सऽत्थि तस्स गणिज्जइ,
 जस्स नत्थि तस्स किं गणिज्जइ ? ॥ सू० १६ ॥ ववहारगणित्थ-दिट्ठं सुहुमं
 निच्छययं मुणोयव्वं । जइ एयं नवि एयं विसमा गणणा मुणो-
 यव्वा ॥ ५६ ॥ कालो परमनिरुद्धो अविभज्जो तं तु जाण समयं तु ।
 समया य असंखिज्जा हवंति उस्सासनिस्सासे ॥ ५७ ॥ हट्ठस्स अणवगल्लस्स,
 निरुवकिट्ठस्स जंतुणो । एगे ऊसासनीसासे, एस पाणुत्ति बुच्चइ ॥ ५८ ॥
 सत्त पणूणि से थोवे, सत्त थोवाणि से लवे । लवाणं सत्तहत्तरीए, एस
 मुहुत्ते वियाहिए ॥ ५९ ॥ एगमेगस्स णं भंते ! मुहुत्तस्स केवइया ऊसासा
 वियाहिया ?, गोयमा !—तिन्नि सहस्सा सत्त य सयाइं तेवत्तरिं च ऊसासा ।
 एस मुहुत्तो भणित्थो सव्वेहिं अणंतनाणीहिं ॥ ६० ॥ दो नालिया मुहुत्तो
 सट्ठिं पुण नालिया अहोरत्तो । पन्नरस अहोरत्ता पक्खो पक्खा दुवे
 मासो ॥ ६१ ॥ दाडिमपुष्पागारा लोहमई नालित्था उ कायव्वा । तीसे
 तलम्मि छिहं छिहपमाणं पुणो वोच्छं ॥ ६२ ॥ छन्नउई पुच्छवाला तिवा-
 सजायाए गोतिहाणीए । अस्संवलिया उज्जुय नायव्वं नालियाछिहं ॥ ६३ ॥
 अहवा उ पुच्छवाला दुवासजायाए गयकरेणूए । दो वाला उ अभग्गा
 नायव्वं नालियाछिहं ॥ ६४ ॥ अहवा सुवराणमासा चत्तारि सुवट्ठिया घणा
 सूई । चउरंगुलप्पमाणानायव्वं नालियाछिहं ॥ ६५ ॥ उदगस्स नालि-

आए भवन्ति दो आढ्याउ परिमाणं । उदगं च भाणियव्वं जारिसयं तं
 पुणो वुच्छं ॥ ६६ ॥ उदगं खलु नायव्वं कायव्वं दूमपट्टपरिपूयं । मेहोदगं
 पसन्नं सारइयं वा गिरिनईए ॥ ६७ ॥ बारस मासा संवच्छरो उ पक्खा
 य ते उ चउवीसं । तिन्नेव य सट्टिसया हवन्ति राइंदिआणं च ॥ ६८ ॥
 एगं च सयसहस्सं तेरस चेव य भवे सहस्साइं । एगं च सयं नउयं हवन्ति
 राइंदिऊसासा ॥ ६९ ॥ तित्तीस सयसहस्सा पंचाणऊई भवे सहस्साइं । सत्त
 य सया अणूणा हवन्ति मासेण ऊसासा । ७० ॥ चत्तारि य कोडीओ सत्तेव
 य हुँति सयमहस्साइं । अडयालीससहस्सा चत्तारि सया य वरिसेणं । ७१ ॥
 चत्तारि य कोडिसया सत्त य कोडीउ हुँति अवरारो । अडयाल सयसहस्सा
 चत्तालीसं सहस्सा य ॥ ७२ ॥ वाससयाउस्सेण(नराणं)उस्सासा इत्तिया
 मुणोयव्वा । पिच्छह आउस्स खयं अहोणिसं भिज्जमाणास्स ॥ ७३ ॥
 राइंदिएण तीसं तु मुहुत्ता नव सया उ मासेणं । हायन्ति पमत्ताणं न य णं
 अबुहा वियाणन्ति ॥ ७४ ॥ तिन्नि सहस्से सगले छच्च सए उडुवरो हरइ
 आउं । हेमन्ते गिम्हासु य वासासु य होइ नायव्वं ॥ ७५ ॥ वाससयं परमाउं
 इत्तो पन्नास हरइ निहाए । इत्तो वीसइ हायई बालत्ते बुद्धभावे य ॥ ७६ ॥
 सीउराहपंथगमणे खुहा पिवासा भयं च सोगे य । नाणाविहा य रोगा
 हवन्ति तीसाइ(तीसाइ हरइ) पच्छे ॥ ७७ ॥ एवं पंचासीई नट्टा पन्नरसमेव
 जीवन्ति । जे हुँति वाससइया न य सुलहा वाससयजीवी ॥ ७८ ॥
 एवं निस्सारे माणुत्तणे जीविए अहिवडन्ते । न करेह चरणधम्मं पच्छा
 पच्छाणुतप्पिह हा ॥ ७९ ॥ घुट्टम्मि सयं मोहे जिणेहिं वरधम्मतिथ्यमग्गस्स ।
 अत्ताणं च न याणह इह जाया कम्मभूमीए ॥ ८० ॥ नइवेगसमं चवलं
 जीवियं जोव्वणं च कुसुमसमं । सुवखं च जमनियत्तं तिन्निवि तुरमाण-
 भुज्जाइं ॥ ८१ ॥ एयं खु जरामरणं परिखिवइ वग्गुरा व मियजूहं । न य
 णं पिच्छह पत्तं संमूढा मोहजालेणं ॥ ८२ ॥ आउसो ! जंपि इमं सरीरं

इदं पियं कंतं मणुराणं मणामं मणाभिरामं थेज्जं वेसासियं संमयं बहुमयं
 अणुमयं भंडकरंडगसमाणं रयणकरंडओविव सुसंगोवियं चेलापेढाएविव
 सुसंपरिवुडं तिल्लपेढाविव सुसंगोवियं मा णं उगहं मा णं सीयं मा णं खुहा
 मा णं पिवासा मा णं चोरा मा णं वाला मा णं दंसा मा णं मसगा मा णं
 वाइयपित्तिय-सिंभिय-संनिवाइया विविहा रोगायंका फुसंतुत्ति कट्ठ, एवंपि याइं
 अधुवं अनिययं असासयं चओवचइयं विप्पणासधम्मं पच्छा व पुरा व
 अवस्स विप्पचइयव्वं, एयस्सवि याइं आउसो ! अणुपुव्वेणं अट्टारस य
 पिट्टकरंडगसंधीओ बारस पांसुलिकरंडया ऋपंसुलिए कडाहे बिहत्थिया
 कुच्छी चउरंगुलिआ गीवा चउपलिआ जिब्भा दुपलियाणि अच्छीणि
 चउक्कवालं सिरं बत्तीसं दंता सत्तंगुलिया जीहा अद्धुट्ठपलियं हिययं पणावीस
 पलाइं कालिज्जं १ । दो अंता पंचवामा पराणत्ता, तंजहा—थूलंते य तणुअंते य,
 तत्थ णं जे से थूलंते तेणं उच्चारे परिणमइ, तत्थ णं जे से तणुयंते तेणं
 पासवणे परिणमइ, दो पासा पराणत्ता, तंजहा—वामे पासे दाहिणे पासे य,
 तत्थ णं जे से वामे पासे से सुहपरिणामे, तत्थ णं जे से दाहिणे पासे से
 दुहपरिणामे २ । आउसो ! इमंमि सरीरण सट्ठिं संधिसयं सत्तुत्तरं मम्मसयं
 तिन्नि अट्ठिदामसयाइं नव गहारुयसयाइं सत्त सिरासयाइं पंच पेसीसयाइं नव
 धमणीउ नवनउइं च रोमकूवसयसहस्साइं विणा केसमंसुणा, सह केसमंसुणा
 अट्ठुट्ठाउ रोमकूवकोडीओ ३ । आउसो ! इमंमि सरीरण सट्ठिं सिरासयं नाभि-
 प्पभवाणं उट्ठगामिणीणं सिरमुवागयाणं जाउ रसहरणीओत्ति वुच्चंति,
 जाणंसि निरुवघातेणं चक्खुसोयघाणजीहाबलं च भवइ, जाणंसि उवघाएणं
 चक्खुसोयघाणजीहाबलं उवहम्मइ, आउसो ! इमंमि सरीरण सट्ठं सिरासयं
 नाभिप्पभवाणं अहोगामिणीणं पायतलमुवगयाणं जाणंसि निरुवघाएणं
 जंघाबलं हवइ, जाणं चेव उवघाएणं सीसवेयणा अद्धसीसवेयणा मत्थयसूले
 अच्छीणि अंधिज्जंति ४ । आउसो ! इमंमि सरीरण सट्ठिं सिरासयं नाभिप्प-

भवाणं तिरियगामिणीणं हत्यतलमुवगयाणं जाणंसि निरुवघाएणं बाहुबलं
 हवइ, ताणं चेव से उवघाएणं पासवेयणा पोट्टवेयणा पुट्टिवेयणा कुच्छिवेयणा
 कुच्छिसूले भवइ ५ । आउसो ! इमस्स जंतुस्स सट्ठि सिरासयं नाभिप्पभवाणं
 अहोगामिणीणं गुदपविट्ठाणं जाणंसि निरुवघाएणं मुत्तपुरीसवाउकम्मं पव-
 त्तइ, ताणं चेव उवघाएणं मुत्तपुरीसवाउनिरोहेणं अरिसाओ खुब्भंति पंडु-
 रोगो भवइ ६ । आउसो ! इमस्स जंतुस्स पणवीसं सिराओ सिंभधारिणीओ,
 पणवीसं सिराओ पित्तधारणीओ दस सिराउ सुक्कधारिणीओ, सत्त सिरा-
 सयाइं पुरिसस्स तीसूणाइं इत्थीयाए वीसूणाइं पंडगस्स ७ । आउसो ! इमस्स
 जंतुस्स रुहिरस्स आढयं वसाए अद्धाढयं मत्थुलुंगस्स पत्थो मुत्तस्स आढयं
 पुरीसस्स पत्थो पित्तस्स कुलवो सिंभस्स कुलवो सुक्कस्स अद्धकुलवो, जं
 जाहे दुट्ठं भवइ तं ताहे अइप्पमाणं भवइ, पंचकोट्टे पुरिसे छकोट्टा इत्थिया,
 नवसोए पुरिसे इकारससोया इत्थिया, पंच पेसीसयाइं पुरिसस्स तीसूणाइं
 इत्थियाए वीसूणाइं पंडगस्स ८ ॥ सू० १६ ॥ अब्भंतरंसि कुणिमं जो (जइ)
 परियत्तेउ बाहिरं कुज्जा । तं असुइं दट्ठ्ठाणं सयावि जणणी दुगुं-
 छिज्जा ॥ ८३ ॥ माणुस्सयं सरीरं पूइयं मंससुक्कहट्ठेणं । परिसंठवियं सोहइ,
 अच्छायणागंधमल्लेणं ॥ ८४ ॥ इमं चेव य सरीरं सीसघडी-मेयमज्ज-मंस-
 ट्ठिय-मत्थुलुंगसोणिअ-वालुंडयचम्मकोस-नासियसिंघाणयधीमलालयं अमणु-
 राणागं सीसघडीभंजियं गलंतनयणा-कण्णोदुगंडतालुयं अवालुयाखिल्लं
 चिक्कणं चिलिचिलियं दंतमलमइलं वीमत्थदरिसणिज्जं अंसुलग-बाहुलग-
 अंगुलीयंगुट्ठग-नहसंधिसंगाय-संधियमिणं बहुरसिआगारं नालखंधच्छिरा-
 अणोगगहारु-बहुधमणिसंधिवद्धं पागडउदरकवालं कक्खनिकखुडं कक्खगक-
 लिअं दुरंतं अट्ठिधमणिसंताणसतयं सव्वओ समंता परिसवंतं च रोमकूवेहिं
 सयं असुइं सभावओ परमदुगंधि कालिज्जय-अंतपित्तजरहियय-फेफ(फिफिफ)
 सपिलिहोदर-गुज्झकुणिम-नवच्छिद्धिविथिविथिविथिवित्तहिययं दुरहिपित्त-सिंभ-

मुत्तोसहायतणं सव्वओ दुरंतं गुज्झोरुजाणु-जंघोपाय-संघायसंधियं असुइ
 कुण्णिमगंधि, एवं चित्तिज्जमाणां बीभत्थदरिसणिज्जं अधुवं अनिययं असासयं
 सडणपडणविद्धंसणधम्मं पच्छा व पुरा व अवस्सचइयव्वं निच्छयओ सुट्ठु-
 जाण एयं आइनिहणां, एरिसं सव्वमणुयाणा देहं, एस परमत्थओ सभावो
 ॥ सू० १७ ॥ सुक्कम्मि सोणियम्मि य संभूओ जणणिकुच्छिमज्झंमि !
 तं चेव अमिज्झरसं नवमासे घुं टिउं संतो ॥ ८५ ॥ जोणीमुहनिफिडिओ
 थणगच्छीरेण वड्ढिओ जाओ । पगईअमिज्झमइओ कह देहो धोइउं
 सको ? ॥ ८६ ॥ हा ! असुइसमुपपन्ना(न्नया) निग्गया य जेण चेव
 दारेणं । सत्ता(त्तया)मोहपसत्ता(त्तया) रमंति तत्थेव असुइदारम्मि ॥ ८७ ॥
 किह ताव घरकुडीरी कइसहस्सेहिं अपरितंतेहिं । वन्निज्जइ असुइविलं
 जघणांति सकज्जमूदेहिं ? ॥ ८८ ॥ रागेण न जाणांति य वराया कलमलस्स
 निद्धमणं । ताणां परिणंदंती फुल्लं नीलुप्पलवणां व ॥ ८९ ॥ किच्चिअमित्तं
 वराणे ? अमिज्झमइयम्मि वच्चसंघाए । रागो हु न कायव्वो विरागमूले
 सरीरम्मि ॥ ९० ॥ किमिकुलसयसंकिराणे असुइमचुक्खे असासयमसारे ।
 सेयमलपुञ्जडंमी निव्वेयं वच्चह सरीरे ॥ ९१ ॥ दंतमलकराणगूहग-सिंघाण-
 मले य लालमलवहुले । एयारिसे बीभत्थे दुगुंछणिज्जंमि को
 रागो ? ॥ ९२ ॥ को सडणपडणविकिरिण-विद्धंसण-त्रयणमरणधम्मम्मि ।
 देहम्मि अहीलासो ? कुहियकटिणकट्टुभूयम्मि ॥ ९३ ॥ कागसुणागाण भव्वे
 किमिकुलभत्ते य वाहिभत्ते य । देहम्मि मच्चु(मच्छ)भत्ते सुसाणभत्तम्मि को
 रागो ? ॥ ९४ ॥ असुईअमिज्झपुन्नं कुण्णिमकलेवरकुडिं परिसवंति ।
 आगंतुय संघवियं नवच्छिद्दमसासयं जाण (जाणे) ॥ ९५ ॥ पिच्छसि मुहं
 सतिलयं सविसेसं रायएण अहरेणं । सकडक्खं सवियारं तरलच्छिं जोव्वणा-
 त्थीए ॥ ९६ ॥ पिच्छसि बाहिरमट्ठं न पिच्छसी उज्झरं कलमलस्स । मोहेण
 नच्चयंतो सीसघडीकंजियं पियसि ॥ ९७ ॥ सीसघडीनिग्गालं जं निट्ठहसि दुगुं-

छसी जं च । तं चेव रागरत्तो मूढो अइमुच्छिओ पियसि ॥१८॥ पूइयसीसक-
 वालं पूइयनासं च पूइदेहं च । पूइअच्छिडुविच्छिडुं पूइअचम्मेण य पिण्डं ॥१९॥
 अंजणगुणसुविसुद्धं गहाणुव्वट्टणगुणेहिं सुकुमालं । पुण्फुम्मीसियकेसं जणोइ
 बालस्स तं रागं ॥ १०० ॥ जं सीसपूरउत्तिअ पुण्फाइं भणंति मंदविन्नाणा ।
 पुण्फाइं चिअ ताइं सीसस्स पूरयं मुणह ॥ १०१ ॥ मेदो वसा य रसिया
 खेले सिंघाणए य छुभसु एयं (छुभए अ) । अह सीसपूरओ मे नियग-
 सरीरम्मि साहीणो ॥ १०२ ॥ सा किर दुण्णडिपूरा वच्चकुडी दुण्णया नव-
 च्छिहा । उक्कडगंधविलित्ता बालजणो अइमुच्छियं गिद्धो ॥ १०३ ॥
 जं पेम्मरागरत्तो अवयासेऊण गूढ(थ)मुत्तोलिं । दंतमलचिकणंगं सोमघडी-
 कंजियं पियसि ॥ १०४ ॥ दंतमुसलेसु गहणं गयाण मंसे य ससयमीयाणं ।
 वालेसु य चमरीणं चम्मनहे दीवियाणं च ॥ १०५ ॥ पूइयकाए य इहं
 चवणमुहे निच्चकालवीसथो । आइवखसु सम्भावं किम्हजसि गिद्धो तुमं
 मूढ ! ॥ १०६ ॥ दंतावि अकज्जकरा वालावि विवड्ढमाणबीभच्छा ।
 चम्मंपि य बीभच्छं भण किमसि तं गओ रागं ? ॥ १०७ ॥ सिंमे
 पित्ते मुत्ते गूहाम्मे वसाइ दंतकुंडीलुं । भणसु किमत्थं
 तुज्झं असुइम्मिअि वड्ढिओ रागो ? ॥ १०८ ॥ जंघट्टियासु ऊरु पइट्टिया
 तट्टिया कडीपिट्टी । कडियट्टिवेट्टियाइं अट्टारस पिट्टिअट्टीणि ॥ १०९ ॥ दो
 अच्छिअट्टियाइं सोलस गीवट्टिया मुणोयव्वा । पिट्टीपइट्टियाओ बारस किल
 पंसुली हुंति ॥ ११० ॥ अट्टियकट्टिणे सिरगहारुबंधणे मंसचम्मलेवम्मि ।
 विट्ठाकोट्टागारे को वच्चघरोवमे रागो ? ॥ १११ ॥ जह नाम वच्चकूवो निच्चं
 भिणिभिणिभिणंत कायकली । किमिएहिं सुलसुलायइ सोएहि य पूइयं
 वहइ ॥ ११२ ॥ उद्धियनयणं खगमुह-विकट्टियं विण्णइन्नबाहुलयं । अंतविक-
 ट्टियमालं सीसघडीपागडियघोरं ॥ ११३ ॥ भिणिभिणिभिणंतमहं विसप्पियं
 सुलसुलंतमंसोडं । मिसिमिसिमिसंतकिमियं थिविथिविथिवंत-बीभत्थं ॥ ११४ ॥

पागडियपासुलीयं विगरालं सुकसंधिसंधायं । पडियं निव्वेयणयं सरीरमेया-
रिसं जाण ॥ ११५ ॥ वच्चाओ असुइतरे नवहिं सोएहिं परिगलंतेहिं । आम-
गमल्लगरूवे निव्वेयं वच्चह सरीरे ॥ ११६ ॥ दो हत्था दो पाया सीसं
उच्चंपियं कबंधम्मि । कलिमलकोट्टागारं परिवहसि दुयादुयं वच्चं ॥ ११७ ॥
तं च किर रूववंतं वच्चंतं रायमग्गमोइन्नं । परगंधेहिं सुगंधय मन्नंतो
अप्पणा गंधं ॥ ११८ ॥ पाडलचंपयमल्लिय-अगुरुयचंदणा-तुरुक्कवामीसं । गंधं
समोयरंतं मन्नंतो अप्पणो गंधं ॥ ११९ ॥ मुहवाससुरहिगंधं वातसुहं अगु-
रुगंधियं अंगं । केसा रहाणसुगंधा कयरो ते अप्पणो गंधो ? ॥ १२० ॥
अच्छिमलो कन्नमलो खेलो सिंघाणओ अ पूओ अ । असुई मुत्तपुरीसो
एओ ते अप्पणो गंधो ॥ १२१ ॥ जाओवि अ इमाओ इत्थयाओ अणोगेहिं
कइवरसहस्सेहिं विविहपासपडिबद्धेहिं कामरागमोहेहिं वान्नयाओ ताओऽवि
एरिसाओ, तंजहा-पगइविसमाओ (पियरुसणाओ कतिपयइ-चडुप्परुन्नातो
अवक्कहमिय-भासियविलासवीसंभभूयाओ अविणायवातुलीउ मोहमहावत्ति-
णीओ विसमाओ) पियवयणवल्लरीओ कइयवपेमगिरितडीओ अवराहसहस्स-
घरिणीओ ४, पभवो सोगस्स विणासो बलस्स सूणा पुरिसाणं नासो
लज्जाए संकरो अविणायस्स निलओ निअडीण १० खाणी वइरस्स सरीरं
सोगस्स भेओ मज्जायाणं आसओ रागस्स निलओ दुच्चरियाणं मा(म)ईए
सम्मोहो खलणा नाणस्स चलणं सीलस्स विग्घो धम्मस्स अरी साहूण २०
दूमणं आयारपत्ताणं आरामो कम्मरयस्स फलिहो मुक्खमग्गस्स भवणं दरिहस्स
२४, अवि आइं ताओ आमीविसो विव कुवियाओ मत्तगओ विव मयण-
परवसाओ वग्घी विव दुट्टहिअयाओ तणच्छन्नकूवो विव अप्पगासहिअयाओ
मायाकारओ विव उवयारसयाबंधणपओत्तीओ आयरिसबिंबपिव दुग्गिज्झ-
सब्भावाओ ३० कुंफया विव अंतोदहनसीलाओ नग्गयमग्गो विव अण-
वट्ठिअचित्ताओ अंतोदुट्ठवणो विव कुहियहिययाओ कण्हसण्णो विव अवि-

स्ससणिज्जाओ संधारो विव छन्नमायाओ संज्झम्भरागो विव मुहुत्तरागाओ
 समुद्दवीचीओ विव चलस्सभावाओ मच्छो विव दुपरियत्तणसीलाओ वानरो
 विव चलचित्ताओ मच्चू विव निव्विसेसाओ ४० कालो विव निरणुकंपाओ
 वरुणो विव पासहत्थाओ सलिलमिव निन्नगामिणीओ किवणो विव उत्ता-
 णहत्थाओ नरओ विव उत्तासणिज्जाओ खरो इव दुस्सीलाओ दुट्ठसो विव
 दुइमाओ बालो इव मुहुत्तहिययाओ अंधकारमिव दुप्पवेसाओ विसवल्ली विव
 अणल्लियणिज्जाओ ५० दुट्ठगाहा इव वावी अणवगाहाओ अणभट्टो विव
 इस्सरो अप्पसंसणिज्जाओ किंपागफलमिव मुहमहुराओ रित्तमुट्ठी विव बाल-
 लोभणिज्जाओ मंसपेसीगहणमिव सोवद्दवाओ जलियचुडली विव अमुच्चमा-
 णडहणसीलाओ अरिट्ठमिव दुल्लंवणिज्जाओ कूडकरिसावणो विव
 कालविसंवायणसीलाओ चंडसीलो विव दुक्खरक्खियाओ अइविसाओ ६०
 दुगुं छियाओ दुरुवचराओ अगंभीराओ अविस्ससणिज्जाओ अणवत्थियाओ
 दुक्खरक्खियाओ दुक्खपालियाओ अरइकराओ कक्कसाओ दद्वेराओ ७०
 रुवसोहग्गमउम्मत्ताओ भुयगगइकुडिलहिययाओ कंतारगइट्ठाणभूयाओ कुल-
 सयणमित्तभेयणकारियाओ परदोसपगासियाओ कयग्घाओ बलसोहियाओ
 एगंतहरणकोलाओ चंचलाओ जाइयभंडोवगारोविव (जच्चभंडोवरागो इव)
 मुहरागविरागाओ ८० अवि याइं ताओ अं(अणं)तरं भंगसयं अरज्जुओ
 पासो अदारुया अडवी अणालस्सनिलओ अणइवखा वेयरणी अनामिओ
 वाही अविओगो विप्पलावो अरू उवसग्गो रइवंतो चित्तविब्भमो सव्वंगओ
 दाहो ९० अणब्भप्पसूया(अणब्भा) वज्जासणी असलिलप्पवाहो समु-
 हरओ ९३ ॥ अवि याइं तासिं इत्थिआणं अणोगाणि नामनिरुत्ताणि पुरिसे
 कामरागप्पडिबद्धे नाणाविहेहिं उवायसयसहस्सेहिं वहबंधणमाणयंति पुरि-
 साणं नो अन्नो एरिसो अरी अत्थित्ति नारीओ, तंजहा-नारीसमान-नराणं
 अरीओ नारीओ, नाणाविहेहिं कम्मोहिं सिप्पाइएहिं पुरिसे मोहंतित्ति महि-

लाओ, पुरिसे मत्ते करंतित्ति पमयाओ, महंतं कलिं जणयंतित्ति महिलि-
याओ, पुरिसे हावभावमाइएहिं रमंतित्ति रामाओ, पुरिसे अंगणुराए
करितित्ति अंगणाओ, नाणाविहेसु जुद्धभंडणसंगामाडवीसु मुहारणगिरहण-
सीउरहदुक्ख-किलेसमाइएसु पुरिसे लालंतित्ति ललणाओ, पुरिसे जोगनि-
ओएहिं वसे ठावितित्ति जोसियाओ, पुरिसे नाणविहेहिं भावेहिं वणिणतित्ति
वणिआओ, काई पमत्तभावं काई पणयं सविब्भमं काई सासि(मि)व्व ववह-
रंति काई सत्तुव्व रोरो इव काई पय(ण)एसु पणमंति काई उवणएसु उव-
णमंति काई कोउयनम्मंतिकाउं रुकडवखनिरिविखएहिं सविलासमहुरेहिं
उवहसिएहिं उवगूहिएहिं उवसहेहिं गुज्झ । (रु)गदरिसणेहिं भूमिलिहण-
विलिहणेहिं च आरुहणनट्टणेहिं अ बालयउवगूहणेहिं च अंगुलीफोडणथण-
पीलण-कडितडजायणाहिं तजणाहिं च, अवि याइं ताओ पासो विव सिउं जे
पंकुव्व खुप्पिलं जे मच्छुव्व मारेउं जे अगणिव्व डहिउं जे असिब्व छिज्जिउं जे
॥सू० १८॥ असिमसिसारिच्छीणं कंतारकवाडचारयसमाणं । घोरनिउरंबकंदर-
चलंत-वीभच्छभावाणं ॥ २२ ॥ दोससयगागरीणं अजससय-विसप्पमाणं हिय-
याणं । कइयवपन्नत्तीणं ताणं अन्नायसीलाणं ॥ २३ ॥ अन्नं रयंति अन्नं रमंति
अन्नस्स दिति उल्लावं । अन्नो कडयंतरिओ अन्नो पडयंतरे ठविओ ॥ २४ ॥
गंगाए बालुयाए सायरे जलं हिमवओ य परिमाणं । उग्गस्स तवस्स गइं
गम्भुप्पत्तिं च विल(वाणि)याए ॥ २५ ॥ सीहे कुंडुबयारस्स पुट्टलं कुक्कुहाइयं
अस्से । जाणांति बुद्धिमंता महिलाहियं न याणांति ॥ २६ ॥ एरिसगुणजु-
त्ताणं ताणं कइयवसंठियमणाणं । न हु भे वीससियव्वं महिलाणं जीवलो-
गम्मि ॥ २७ ॥ निद्धन्नयं च खलयं पुप्फेहिं विदज्जियं च आरामं । निहुद्धियं
च धेणुं लोएवि अतिल्लियं पिंडं ॥ २८ ॥ जेणंतरेण निमिसंति लोयणा
तक्खणं च विगसंति । तेणंतरेण हियं वियार(चित्त)सहसाउलं
होइ ॥ २९ ॥ जड्ढाणं बुद्धाणं निव्विराणाणं च निव्विसेसाणं । संसार-

सूयराणं कहियं पि निरत्थयं होइ ॥ ३० ॥ किं पुत्तेहिं पियाहि व अत्थेण
 विढप्पिएणं (वि पिंडिएणं) बहुएणं । जो मरणदेसकाले न होइ आलं-
 बणं किंचि ॥ ३१ ॥ पुत्ता चयंति मित्ता चयंति भज्जावि णं मयं चयइ ।
 तं मरणदेसकाले न चयइ सुविइज्जओ (सुविअज्जिओ) धम्मो ॥ ३२ ॥
 धम्मो ताणं धम्मो सराणं धम्मो गई पइट्ठा य । धम्मेण सुचरिएण य गम्मइ
 अयरामरं ठाणं ॥ ३३ ॥ पीइकरो वराणकरो भासकरो जसकरो रइकरो य ।
 अभयकरनिव्वुइकरो (य अभयकरो । निव्वुडकरो य सययं) पारत्त-
 विइज्जओ धम्मो ॥ ३४ ॥ अमरवरेसु अणोवमरूवं भोगोवभोगरिद्धी
 य । विन्नाणानाणमेव य लब्भइ सुकएण धम्मेणं ॥ ३५ ॥ देविंदक्कवट्टि-
 त्ताणं रज्जाइं इच्छिया भोगा । एयाइं धम्मलाभा फलाइं जं वावि
 निव्वाणं ॥ ३६ ॥ आहारो उस्सासो संधिद्धिराओ य रोमकूवाइं । पित्तं
 रुहिरं सुक्कं गणियं गणियप्पहाणेहिं ॥ ३७ ॥ एयं सोउं सरीरस्स वासाणं
 गणिय पागडमहत्थं । मुखपउमस्स ईहह सम्मत्तहस्सपत्तस्स ॥ ३८ ॥
 एयं सगडसरीरं जाइजरामराणवेयणाबहुलं । तह घत्तह काउं जे जह मुच्चह
 सब्बदुक्खाणं ॥ ३९ ॥ ॥ तन्दुलवेयालीयपइराणयं सम्मत्तं ॥

॥ इति श्रौतन्दुलवैचारिकप्रकीर्णकम् ॥ ५ ॥

॥ ६ ॥ अथ श्रीसंस्तारक-प्रकीर्णकम् ॥

काऊण नमुक्कारं जिणवरवसहस्स वद्धमाणस्स । संथारंमि निबद्धं
 गुणपरिवाडिं निसामेह ॥ १ ॥ एस किराराहणया एस किर मणोरहो
 सुविहिआणं । एस किर पच्छिमंते पडागहरणं सुविहिआणं ॥ २ ॥
 भूर्इगहणं जह नक्कयाण अवमाणयं अवज्झा(वज्झा)णस्स । मल्लाणं च
 पडागा तह संथारो सुविहिआणं ॥ ३ ॥ पुरिसवरपुंडरीओ अरिहा इव
 सब्बपुरिससीहाणं । महिलाण भगवईओ जिणजणणीओ जयंमि
 जहा ॥ ४ ॥ वेरुलिउव्व मणीणं गोसीसं चंदणं व गंधाणं । जह व रयणेसु

वहरं तह संथारो सुविहिआणं ॥ ५ ॥ वंसाणं जिणवंसो सव्वकुलाणं च
सावयकुलाइं । सिद्धिगई य गईणं मुत्तिसुहं सव्वसुक्खाणं ॥ ६ ॥
धम्माणं च अहिंसा जणवयवयणाण साहुवयणाइं । जिणवयणं च सुईणं
सुद्धीणं दंसणं च जहा ॥ ७ ॥ कल्लाणं अब्भुदओ देवाणं दुल्लहं तिहु-
अणंमि । वत्तीसं देविंदा जं तं भायंति एगमणा ॥ ८ ॥ लद्धं तु तए एयं
पंडिअमरणं तु जिणवरक्खायं । हंतूण कम्ममल्लं सिद्धिपडागा तुमे-
लद्धा ॥ ९ ॥ भाणाण परमसुक्कं नाणाणं केवलं जहा नाणं । परि-
निव्वाणं च जहा कमेण भणिअं जिणवरेहिं ॥ १० ॥ सव्वुत्तमलाभाणं
सामन्नं चेव लाभं मन्नंति । परमुत्तम तित्थयरो परमगई परमसिद्धुत्ति ॥ ११ ॥
मूलं तह संजमो वा परलोगरयाण किलिट्ठकम्माणं । सव्वुत्तमं पहाणं
सामन्नं चेव मन्नंति ॥ १२ ॥ लेसाण सुक्कलेसा निअमाणं बंभवेरवासो
अ । गुत्तिसमिई गुणाणं मूलं तह संजमोवाओ ॥ १३ ॥ सव्वुत्तमतित्थाणं
तित्थयरपयासिअं जहा तित्थं । अभिसेउव्व सुराणं तह संथारो सुवि-
हियाणं ॥ १४ ॥ सिअकमल-कलससत्थिअ-नंदावत्तवरमल्ल-दामाणं । तेसिंपि
मंगलाणं संथारो मंगलं अहिअं(पढमं) ॥ १५ ॥ तवअग्गिनियमसूरा
जिणवरनाणा विसुद्धपत्थयणा । जे निव्वहंति पुरिसा संथारगइंदमा-
रुढा ॥ १६ ॥ परमट्ठो परमउलं परमाययणंति परमकप्पुत्ति । परमुत्त-
मतित्थयरो परमगई परमसिद्धित्ति ॥ १७ ॥ ता एअं तुमि लद्धं जिणवय-
णामयविभूसिअं देहं । धम्मरयणंसिआ(०णास्सिया ०णामथा) ते पंडिआ
भवणंमि वसुहारा ॥ १८ ॥ पत्ता उत्तमपुरिसा कल्लाणपरंपरा परमदिव्वा ।
पावयण साहु धीरं(०धीरी)कयं च ते अज्ज सप्पुरिसा ! ॥ १९ ॥
सम्मत्तनाणदंसण-वररयणा नाणतेअसंजुत्ता । चारित्तसुद्धसीला तिरयणमाला
तुमे लद्धा ॥ २० ॥ सुविहिअगुणवित्थारं संथारं जे लहंति सप्पुरिसा ।
तेसिं जिअलोगसारं रयणाहरणं कयं होइ ॥ २१ ॥ तं तित्थं तुमि लद्धं

जं पवरं सव्वजीवलोगंमि । रहाया जत्थ मुणिवरा निव्वाणमणुत्तरं
 पत्ता ॥ २२ ॥ आसवसंवरनिजर तिन्निवि अत्था समाहिआ जत्थ ।
 तं तित्थंति भणंती सीलव्वयबद्धसोवाणा ॥ २३ ॥ भंजिय परीस-
 हचमूं उत्तमसंजमबलेण संजुत्ता । भुंजंति कम्मरहिआ निव्वाणमणुत्तरं
 रज्जं ॥ २४ ॥ तिहुअणारजसमाहिं पत्तोऽसि तुमं हि (पि) समय-
 कप्पंमि । रज्जाभिसेयमउलं विउलफलं लोइ विहरंति ॥ २५ ॥ अभिनंदइ मे हिअयं
 तुब्भे मुक्खस्स साहणोवाओ । जं लद्धो संथारो सुविहिअ ! परमत्थनित्थारो
 ॥ २६ ॥ देवावि देवलोए भुंजंता बहुविहाइं भोगाइं । संथारं चिंतंता आस-
 णसयणाइं मुंचंति ॥ २७ ॥ चंदुव्व पिच्छणिज्जो सूरु इव तेअसा विदिप्पंतो ।
 धणवंतो गुणवंतो हिमवंतमहंतविक्खाओ ॥ २८ ॥ गुत्तीसमिइउवेओ संजम-
 तवनिअमजोगजुत्तमणो । समणो समाहिअमणो दंसणनाणे अणन्नमणो
 ॥ २९ ॥ मेरुव्व पव्वयाणं सयंभुरमणुव्व चेव उदहीणं । चंदो इव ताराणं
 तह संथारो सुविहिआणं ॥ ३० ॥ भण केरिसस्स भणिओ संथारो केरिसे
 व अवगासे । उक्खंपिगस्स (०भिकस्स) करणं एअं ता इच्छिमो नाउं ॥ ३१ ॥
 हायंति जस्स जोगा जरा य विविहा य हुँति आयंका । आरुहइ अ संथारं
 सुविसुद्धो तस्स संथारो ॥ ३२ ॥ जो गारवेण मत्तो निच्छइ आलोअणं
 गुरुसगासे । आरुहइ अ संथारं अविमुद्धो तस्स संथारो ॥ ३३ ॥ जो पुण
 पत्तब्भूओ करेइ आलोअणं गुरुसगासे । आरुहइ अ० सुवि० ॥ ३४ ॥
 जो पुण दंसणमइलो सिढिलचरित्तो करेइ सामन्नं । आरु० अवि० ॥ ३५ ॥
 जो पुण दंसणसुद्धो आयचरित्तो करेइ सामन्नं । आरु० सुवि० ॥ ३६ ॥
 जो रागदोसरहिओ तिगुत्तिगुत्तो तिसल्लमयरहिओ । आरुहइ० सुवि०
 ॥ ३७ ॥ तिहिं गारवेहिं रहिओ तिदंडपडिमोयगो परिअकित्ती । आरुहइ०
 सुवि० ॥ ३८ ॥ चउविहकसायमहणो चउहिं विकहाहिं विरहिओ निच्चं ।
 आरुहइ० सुवि० ॥ ३९ ॥ पंचमहव्वयकलिओ पंचसु समिईसु सुट्ठु

आउत्तो । आरुहइ० सुवि० ॥ ४० ॥ छक्काया पडिविरओ सत्तभयट्ठाणविर-
 हिअमईओ । आरुहइ० सुवि० ॥ ४१ ॥ अट्ठमयट्ठाणजदो कम्मट्ठविहस्स
 खवणहेउत्ति । आरुहइ० सुवि० ॥ ४२ ॥ नववंभचेरगुत्तो उज्जुत्तो दसविहे
 समणधम्मे । आरुहइ० सुवि० ॥ ४३ ॥ जुत्तस्स उत्तमट्ठे मलिअकसायस्स
 निव्वियारस्स । भण केरिसो उ लाभो संथारगयस्स समणस्स ? ॥ ४४ ॥ जुत्तस्स
 उत्तमट्ठे मलिअकसायस्स निव्वआरस्स । भण केरिसं च सुखं संथारगयस्स
 खमगस्स ? ॥ ४५ ॥ पढमित्तुगंमि दिवसे संथारगयस्स जो हवइ लाभो । को
 दाणि तस्स सक्को अग्घं काउं अणग्घस्स ॥ ४६ ॥ जो संखिज्जभवट्ठिइं सव्वंपि
 खवेइ सो तहिं कम्मं । अणुसमयं साहू वुत्तो तहिं समए ॥ ४७ ॥ तणसंथार-
 निसन्नोऽवि मुणिवरो भट्टरागमयमोहो । जं पावइ मुत्तिसुहं कत्तो तं चक्कव-
 ट्ठीवि ? ॥ ४८ ॥ तप्पु(नियपु०)रिसनाडयंमिवि न सा(जा)रई तह सहस्स
 (त्थ)वित्थारे । जिणवयणंमिवि सा ते हेउसहस्सोवगूढंमि ॥ ४९ ॥ जं राग-
 दोसमइअं सुखं जं होइ विसयमईयं च । अणुहवइ चक्कवट्ठी न होइ तं
 वीअरागस्स ॥ ५० ॥ मा होउ वासगणया न तत्थ वासाणि परिगणिज्जंति ।
 बहवे गच्छं वुत्था जम्माणमरणं च ते खुत्ता ॥ ५१ ॥ पच्छावि ते पयाया
 खिप्पं काहिति अप्पणो पत्थं । जे पच्छिमंमि काले मरंति संथारमारूढा
 ॥ ५२ ॥ नवि कारणं तणमओ संथारो नवि अ फासुआ भूमी । अप्पा
 खलु संथारो हवइ विसुद्धे चरित्तंमि ॥ ५३ ॥ निच्चंपि तस्स भावुज्जुअस्स
 जत्थ व जहिं व संथारो । जो होइ अहक्खाओ विहारमब्भुट्ठि(ज्जु)ओ
 लूहो ॥ ५४ ॥ वासारत्तंमि तवं चित्तविचित्ताइ सुट्ठु काऊणं । हेमंते संथारं
 आरुहइ सव्वऽवत्थासु ॥ ५५ ॥ आसीअ पोअणपुरे अज्जा नामेण पुण्फचू-
 लत्ति । तीसे भम्मायरिओ पविस्सुओ अन्निआउत्तो ॥ ५६ ॥ सो गंगमु-
 त्तरंतो सहसा उस्सारिओ अ नावाए । पडिवन्न उत्तिमट्ठं तेणवि
 आराहिअं मरणं ॥ ५७ ॥ पंचमहव्वयकलिआ पंचसया अज्जया

सुपुरिसाणं नयरंमि कुंभकारे कडगंमि निवेसिआ तइआ ॥ ५८ ॥ पंचमया
 एगूणा वायंमि पराजिएण रुट्टेणं । जंतंमि पावमइणा छुन्ना छन्नेण कम्मेण
 ॥ ५९ ॥ निम्ममनिरहंकारा निअयसरीरेवि अप्पडीबद्धा । तेवि तह छुज्ज-
 माणा पडिवन्ना उत्तमं अट्टं ॥ ६० ॥ दंडुत्ति विस्सुअजसो पडिमादसधारओ
 ठिओ पडिमं । जउणावंके नयरे सरेहिं विद्धो सयंगीओ ॥ ६१ ॥ जिण-
 वयणनिच्छिअमई निअयसरीरेऽवि अप्पडीबद्धो । सोऽवि तह विज्झमाणो
 पडिवन्नो ॥ ६२ ॥ आसी सुकोसलरिसी चाउम्मासस्स पारणादिवसे । ओरुह-
 माणो अ नगा खइओ मायाइ वग्घीए ॥ ६३ ॥ धीधणिअबद्धकच्छो पच्च-
 क्खाणम्मि सुट्ठु उवउत्तो । सो तहवि खज्जमाणो पडिवन्नो ॥ ६४ ॥ उज्जेणी-
 नयरीए अवंतिनामेण विस्सुओ आसी । पाओवगमनिवन्नो सुसाणमज्झम्मि
 एगंतं ॥ ६५ ॥ तिन्नि रयणीइ खइओ भल्लुंकी रुट्टिया विकट्टंती । सोवि तह
 खज्जमाणो पडिवन्नो ॥ ६६ ॥ जल्लमलपंकधारी आहारो सीलसंजमगुणाणं ।
 अजीरणो अ गीओ कत्तिअ अज्जो सुरवरं(णं)मि ॥ ६७ ॥ रोहीडगंमि
 नयरे आहारं फासुअं गवेसंतो । कोवेण खत्तिएण य भिन्नो सत्तिप्पहारेणं
 ॥ ६८ ॥ एगंतमणावाए विच्छिन्ने थंडिले चइअ देहं । सोवि तह भिन्नदेहो
 पडिवन्नो ॥ ६९ ॥ पाडलिपुत्तंमि पुरे चंदयगुत्तस्स चेव आसीअ । नामेण
 धम्मसीहो चंदसिरिं सो पयहिऊणं ॥ ७० ॥ कुल्लउरंमि पुरवरे अह सो
 अब्भुट्ठिओ ठिओ धम्मे । कासीअ गिद्धपट्टं पच्चक्खाणं विगयसोगो ॥ ७१ ॥
 अह सोवि चत्ततेहो तिरिअसहस्सेहिं खज्जमाणो अ । सोऽवि तह ॥ ७२ ॥
 पाडलिपुत्तंमि पुरे चाणको नाम विस्सुओ आसी । सव्वारंभनिअत्तो इंगिणि-
 मरणं अह निवन्नो ॥ ७३ ॥ अणुलोमपूअणाए अह से सत्तू जओ डहइ
 देहं । सो तहवि डज्झमाणो पडिवन्नो ॥ ७४ ॥ गुट्टयपाओवगओ सुबंधुणा
 गोमये पलिवियंमि । डज्झंतो चाणको पडि ॥ ७५ ॥ काइंदीनयरीए राया
 नामेण अमयघोसुत्ति । तो सो सुअस्स रज्जं दाऊणं इह चरे धम्मं ॥ ७६ ॥

आहिंङिऊण वसुहं सुत्तथविसारओ सुअरहस्सो । काईदिं चेव पुरिं अह
 पत्तो विगयसोगो सो ॥ ७७ ॥ नामेण चंडवेगो अह से पडिछिंदइ तयं
 देहं । सो तहवि छिज्जमाणो पडिवन्नो ॥ ७८ ॥ कोसंबीनयरीए ललिअ-
 घडा नाम विस्सुआ आसि । पाओवगमनिवन्ना बत्तीसं ते सुअरहस्सा
 ॥ ७९ ॥ जलमज्जे ओगाढा नईइ पूरेण निम्ममसरीरा । तहवि हु जलदह-
 मज्जे पडिवन्ना ॥ ८० ॥ आसी कुलाण(णाल)नयरे राया नामेण वेसमाण-
 दासो । तस्स अमच्चो रिट्ठो मिच्छदिट्ठी पडिनिविट्ठो ॥ ८१ ॥ तथ य मुणि-
 वरवसहो गणिपिडगधरो तहासि आयरिओ । नामेण उसहसेणो सुअसाय-
 रपारगो धीरो ॥ ८२ ॥ तस्सासी अ गणहरो नाणासत्थत्थगहिअपेआलो ।
 नामेण सीहसेणो वायंमि पराजिओ रुट्ठो ॥ ८३ ॥ अह सो निराणुकंपो
 अग्गिं दाऊण सुविहिअपसंते । सो तहवि डज्झमाणो पडि ॥ ८४ ॥ कुरु-
 दत्तोऽवि कुमारो सिंबलिफालिव्व अग्गिणा दट्ठो । सो तहवि डज्झ ॥ ८५ ॥
 आसी चिलाइपुत्तो मुइंगुलिआहिं चालणिव्व कओ । सो तहवि खज्जमाणो
 पडि ॥ ८६ ॥ आसी गयसुकुमालो अल्लयचम्मं व कीलयसएहिं । धरणीअले
 उव्विद्धो तेणवि आराहिअं मरणं ॥ ८७ ॥ मंखलिणावि य अरहओ
 सीसा तेअस्स उवगया दट्ठा । ते तहवि डज्झमाणा पडिवन्ना ॥
 ८८ ॥ परिजाणई तिगुत्तो जावजीवाइ सब्बमाहारं । संघसमवायमज्जे
 सागारं गुरुनिओगेणं ॥ ८९ ॥ अहवा समाहिहेउं करेइ सो पाणगस्स
 आहारं । तो पाणगंपि पच्छा वोसिरइ मुणि जहाकालं ॥ ९० ॥
 खामेति सब्बसंघं संवेगं सेसगाण कुणमाणो । मणवइजोगेहिं पुरा कयकारि-
 अ अणुमए वावि ॥ ९१ ॥ सब्बे अवराहपएएस खमावेमि अज्ज निस्सल्लो ।
 अम्मापिऊसरिसया सब्बेऽवि खमंतु मह जीवा ॥ ९२ ॥ धीरपुरिसपराणत्तं
 सप्पुरिसनिसेविअं परमधोरं । धन्ना सिलायलगया साहंती उत्तमं अट्ठं ॥ ९३ ॥
 नारयतिरिअगईए माणुसदेवत्तणे वसंतेणं । जं पत्तं सुहदुक्खं तं अणुचिते

अणन्नमणो ॥ १४ ॥ नरएसु वेअणाओ अणोवमाओ असायबहुलाओ ।
 कायनिमित्तं पत्तो अणंतखुत्तो बहुविहाओ ॥ १५ ॥ देवत्ते मणुअत्ते
 पराभिओगत्तणं उवगएणं दुक्खपरिकिलेसकरी अणंतखुत्तो समण-
 भूओ ॥ १६ ॥ तिरिअगइं अणुपत्तो भीममहावेअणा अणोअरया(यारा) ।
 जम्माणमरणएरहट्ठे अणंतखुत्तो परिब्भमिओ ॥ १७ ॥ सुविहिअ ! अईय-
 काले अणंतकालं तु आगयगएणं । जम्माणमरणमणंतं अणंतखुत्तो समण-
 भूओ ॥ १८ ॥ नत्थि भयं मरणसमं जम्माणसरिसं न विज्जे दुक्खं ।
 जम्माणमरणायंकं छिंद ममत्तं सरीराओ ॥ १९ ॥ अन्नं इमं सरीरं अन्नो
 जीवत्ति निच्छयमईओ । दुक्खपरिकिलेसकरं छिंद ममत्तं ॥ १०० ॥
 जावंति केइ दुक्खा सारीरा माणसा व संसारे । पत्तो अणंतखुत्तो कायस्स
 ममत्तदोसेणं ॥ १०१ ॥ तम्हा सरीरमाइं सब्भितर बाहिरं निरवसेसं ।
 छिंद ममत्तं सुविहिअ ! जइ इच्छसि उत्तमं ठाणं ॥ १०२ ॥ जगआहारो
 संघो सब्बो मह खमउ निरवसेसंपि । अहमवि खमामि सुद्धो मुणसंघायस्स
 संघस्स ॥ १०३ ॥ आयरिअ उवज्झाए सीसे साहम्मिए कुलगणे य ।
 जे मे केइ कसाया सब्बे तिविहेण खामेमि ॥ १०४ ॥ सब्बस्स समणसंघस्स
 भगवओ अंजलिं करिअ सीसे । सब्बं खमावइत्ता अहमवि खामेमि
 सब्बस्स ॥ १०५ ॥ सब्बस्स जीवरासिस्स भावओ धम्मनिहिअनिअचित्तो ।
 सब्बं खमावइत्ता अहयंपि खमामि सब्बेसिं ॥ १०६ ॥ इअ खामिआइआरो
 अणुत्तरं तवसमाहिमारूढो । पण्णोढंतो विहरइ बहुविहवा(आयविवा)हाकरं
 कम्मं ॥ १०७ ॥ जं बद्धमसंखिजाहिं असुभभवसयसहस्सकोडीहिं । एगस-
 मएण विहुणइ संधारं आरुहंतो य ॥ १०८ ॥ इह तह विहारिणो से
 विग्घकरी वेअणा समुट्ठेइ । तीसे विज्झवणाए अणुसट्ठिं दिति
 निज्जवया ॥ १०९ ॥ जइ ताव ते मुणिवरा आरोविअवित्थरा अपरिकम्मा ।
 गिरिपब्भार विलग्गा बहुसावयसंकडं भीमं ॥ ११० ॥ धीधणिअबद्धकच्छा

अणुत्तरविहारिणो समक्खाया । सावयदाढगयाविहु साहंती उत्तमं
 अट्टं ॥ १११ ॥ किं पुण्ण अणुगारसहायगेहिं धीरेहिं संगयमणेहिं ।
 नहु नित्थरिज्जइ इमो संथारो उत्तमं अट्टं ॥ ११२ ॥ उच्छूढसरीरघरा अन्नो
 जीवो सरीरमन्नंति । धम्मस्स कारणे सुविहिआ सरीरं पि छड्ढंति ॥ ११३ ॥
 पोराणिअ पच्चुप्पन्निआ उ अहिआसिऊण विअणाओ । कम्मकलंकलवल्लीं
 विहुण्णइ संथारमारूढो ॥ ११४ ॥ जं अन्नाणी कम्मं खवेइ बहुआहिं
 वासकोडीहिं । तं नाणी तिहिं गुत्तो खवेइ ऊसासमित्तेणं ॥ ११५ ॥
 अट्टविहकम्ममूलं बहुएहिं भवेहिं संचित्रं पावं । तं नाणी० ॥ ११६ ॥
 एवं मरिऊण धीरा संथारंमि उ गुरु पसत्थंमि । तइअभवेण व
 तेण व सिज्झिज्जा खीणकम्मरया ॥ ११७ ॥ गुत्तीसमिड्गुण्णो
 संजमतवनिअम-करणकयमउडो । सम्मत्तनाणदंसाण-तिरयण-संपाविअसमग्घो
 (महग्घो) ॥ ११८ ॥ संघो सइंदयाणं सदेवमणुआसरम्मि लोगम्मि ।
 दुल्लहतरो विसुद्धो सुविसुद्धो तो महामउडो ॥ ११९ ॥ डज्जंतेणवि गिम्हे
 कालसिलाए कवलिभूआए । सूरेण व चंडेण व किरणसहस्संपयंडेणं
 ॥ १२० ॥ लोगविजयं करितेण तेण भाणोवउत्तचित्तेणं । परिसुद्धनाणदं-
 साण-विभूज्जंतेण चित्तेणं ॥ १२१ ॥ चंदगविज्जं लद्धं केवलसरिसं समाउ
 परिहीणं । उत्तमलेसाणुगओ पडिवन्नो उत्तमं अट्टं ॥ १२२ ॥ एवं मए
 अभिथुआ संथारगइंद-खंधमारूढा । सुसमणनरिंदचंदा सुहसंकमणं सया दिंतु
 ॥ १२३ ॥ संथारगपइराणयं सम्मत्तं ।

॥ इति श्री संस्तारक प्रकीर्णकम् ॥ ६ ॥

॥ ७ ॥ अथ श्रीगच्छाचारप्रकीर्णकम् ॥

नमिऊण महावीरं तिअसिंद-नमंसियं महाभागं । गच्छायारं किंची
 उद्धरिमो सुअसमुहाओ ॥ १ ॥ अत्थेगे गोयमा ! पाणी, जे उम्मग्गपइट्टिए ।
 गच्छंमि संवसित्ताणं, भमइ भवपरंपरं ॥ २ ॥ जामद्धं जाम दिण पवखं,

मासं संवच्छरंपि वा । सम्मगपट्टिए गच्छे, संवसमाणस्स गोयमा ! ॥ ३ ॥
 लीलाअलसमाणस्स, निरुच्छाहस्स वीमणां । पक्खाविक्खीइ अन्नेसिं, महा-
 णुभागाण साहूणां ॥ ४ ॥ उज्जमं सव्वथामेसु, घोरंवीरतवाइअं । लज्जं संकं
 अइक्कम्म, तस्स विरियं समुच्छले ॥ ५ ॥ वीरिएणं तु जीवस्स, समुच्छलिएणं
 गोयमा ! । जम्मंतरकए पावे, पाणि मुहुत्तेण निदहे ॥ ६ ॥ तम्हा निउणं
 निहालेउं, गच्छं सम्मगपट्टियं । वसिज्ज तथ आजम्मं, गोयमा ! संजए
 मुणी ॥ ७ ॥ मेधी आलंबणं खंभं, दिट्ठी जाणं सुउत्तमं । सूरी जं होइ
 गच्छस्स, तम्हा तं तु परिस्सए ॥ ८ ॥ भयवं ! केहि लिंगेहिं, सूरि उम्म-
 ग्गपट्टियं ? । वियाणिज्जा छउमत्थे, मुणी तं मे निसामय ॥ ९ ॥ सच्छंदयारिं
 दुस्सीलं, आरंभेसु पवत्तयं । पीढयाइपडिबद्धं, आउक्कायविहिसगं ॥ १० ॥
 मूलुत्तरगुणभट्टं, सामायारीविराहअं । अदिन्नालोअणं निच्चं विगहपरायणं
 ॥ ११ ॥ छत्तीसगुसमन्नागएण तेणवि अवस्स दायव्वा । परसविस्वआ
 विसोही सुट्ठुवि ववहारकुसलेणं ॥ १२ ॥ जह सुकुसलोऽवि विज्जो अन्नस्स
 कहेइ अतणो वाहिं । विज्जुएसं सुवा पच्छा सो कम्ममायरइ ॥ १३ ॥ देसं
 खित्तं तु जाणित्ता, वत्थं पत्तं उवस्सयं । संगहे साहुवग्गं च, सुत्तत्थं च
 निहालई ॥ १४ ॥ संगहोवग्गहं विहिणा, न करेइ अ जो गणी । समणं
 समणिं तु दिक्खित्ता, सामायारिं न गाहए (निगूहए) ॥ १५ ॥ बालाणं जो
 उ सीसाणं, जीहाए उवलिपए । न सम्म मग्गं गाहेइ, सो सूरी जाण
 वेरिओ ॥ १६ ॥ जीहाए विलिहंतो न भइओ सारणा जहिं नत्थि । डंडे-
 णवि ताडंतो स भइओ सारणा जत्थ ॥ १७ ॥ सीसोऽवि वेरिओ सो उ,
 जो गुरुं नवि बोहए । पमायमइराघत्थं, सामायारीविराहयं ॥ १८ ॥ तुम्हा-
 रिसावि मुणिवर ! पमायवसगा हवंति जइ पुरिसा । तो को अन्नो अम्हं
 आलंबणं हुज्ज संसारे ? ॥ १९ ॥ नाणंमि दंसणमि अ चरणंमि य-तिसुवि
 समयसारेसु । चोएइ जो ठवेउं गणमप्पाणं च सो य गणी ॥ २० ॥ पिंडं

उवहिं च सिज्जं उग्गमउप्पायणोसणासुद्धं । चारित्तरक्खणाट्टा सोहिंतो होइ
सन्नरित्ती ॥ २१ ॥ अप्परिस्सावी सम्मं समपासी चेव होइ कज्जेसु । सो
रक्खइ चक्खुं पिव सत्तालवुट्ठाउलं गच्छं ॥ २२ ॥ सीआ वेइ विहारं सुहसी-
लीगुणेहिं जो अबुद्धीओ । सो नवरि लिंगधारी संजमजोए(सारे)ण
निस्सारो ॥ २३ ॥ कुलगा मनगररज्जं पयहिअ जो तेसु कुणइ
अ ममतं । सो नवरि लिंगधारी संजमजोएण निस्सारो ॥ २४ ॥
विहिणा जो उ चोएइ, सुत्तं अत्थं च गाहए । सो धरणो सो
य पुण्णो य, स बंधू मुखदायगो ॥ २५ ॥ स एव भव्वस-
त्ताणं, चक्खुभूए विआहिए । दंसेइ जो जिणुद्धिट्ठं, अणुट्ठाणं जहट्ठियं
॥ २६ ॥ तित्थयरसमो सूरी सम्मं जो जिणमयं पयासेइ । आणं अइकमंतो
सो कापुरिसो न सणुरिसो ॥ २७ ॥ भट्टायारो सूरी भट्टायाराणुवेवखओ
सूरी । उम्मग्गठिओ सूरी तिन्निवि मग्गं पणासंति ॥ २८ ॥ उम्मग्गठिए
सम्मग्गनासए जो अ सेवए सूरी । निअमेणं सो गोयम ! अप्पं पाडेइ
संसारे ॥ २९ ॥ उम्मग्गठिओ इकोऽवि नासए भव्वसत्तसंवाए । तं मग्गमणु-
सरंते जइ कुतारु नरो होइ ॥ ३० ॥ उम्मग्गमग्गसंपट्ठिआण सूरीण गोअमा
णुणं । संसारो य अणंतो होइ य सम्मग्गनासीणं । ३१ ॥ सुद्धं सुसाहुमग्गं
कहमाणो ठवइ तइयपक्खंमि । अप्पाणं इयरो पुण गिहत्यधम्माओ चुक्केति
॥ ३२ ॥ जइवि न सक्कं काउं सम्मं जिणभासियं अणुट्ठाणं तो सम्मं भासिज्जा
जह भणियं स्वीणरागेहिं ॥ ३३ ॥ ओसन्नोऽवि विहारे कम्मं सोहेइ सुलभ-
बोही अ । चरणकरणं विसुद्धं उववूहिंतो परूविंतो ॥ ३४ ॥ सम्मग्गमग्ग-
संपट्ठिआण साहूण कुणइ वच्छत्तलं । ओसहभेसज्जेहि अ सयमन्नेणं तु
कारेई ॥ ३५ ॥ भूए अत्थि भविस्संति केइ तेलुकनमिअकमजुअला । जेसिं
परहिअकरणेक्ख(ल)द्धलक्खाण वोलिही (कालो) ॥ ३६ ॥ तीआणागय-
काले केई होहिंति गोअमा ! सूरी । जेसिं नामग्गहणेवि हुज्ज नियमेण

पच्छित्तं ॥ ३७ ॥ जत्रो-सयरीभवन्ति अणविक्षयाइ जह भिच्चवाहणा लोए ।
 पडिपुच्छसोहिनोअण तम्हा उ गुरु सया भयइ ॥ ३८ ॥ जो उप्पमायदोसेणं,
 आलस्सेणं तहेव य । सीसवग्गं न चोएइ, तेण आणा विराहिया ॥ ३९ ॥
 संखेवेण मए सोम्म !, वणिणअं गुरुलक्खणं । गच्छस्स लक्खणं धीर !,
 संखेवेणं निसामय ॥ ४० ॥ गीयत्थे जे सुसंविग्गे, अणालसी दढ्वए ।
 अक्खलियचरित्ते सययं, रागदोसविवज्जए ॥ ४१ ॥ निट्ठवियअट्ठमयठाणे,
 सुसिअकसाए जिइंदिए । विहरिज्जा तेण सद्धिं तु, छउमत्थेणवि केवली
 ॥ ४२ ॥ जे अणहिअपरमत्था, गोअमा ! संजया भवे । तम्हा ते उ विवि-
 जिज्जा, दोग्गईपंथदायगे ॥ ४३ ॥ गीअत्थरस उ वयणेणं, विसं हलाहलं
 पिबे । निव्विकप्पो य भक्खिज्जा, तक्खणे जं समुद्वे ॥ ४४ ॥ परमत्थओ
 विसं णो तं, अमयरसायणं खु तं । निव्विग्घं जं न तं मारे, मओवि अम-
 यस्समो ॥ ४५ ॥ अगीअत्थस्स वयणेणं, अमयंपि न घुंटे । जेण नो तं
 भवे अमयं, जं अगीयत्थदेसियं ॥ ४६ ॥ परमत्थओ न तं अमयं, विसं
 हालाहलं खु तं । न तेण अजरामरो हुज्जा, तक्खणा निहणं वए ॥ ४७ ॥
 अगीअत्थकुसीलेहिं, संगं तिविहेण वोसिरे । मुक्खमग्गसिमे विग्घं, एहंमी
 तेणगे जहा ॥ ४८ ॥ पज्जलियं हुयवहं दट्ठुं, निस्संको तत्थ पवेसिउं ।
 अत्ताणं निद्वहिज्जाहि, नो कुसीलस्स अल्लिए ॥ ४९ ॥ पजलंति जत्थ धग-
 धगधगस्स गुरुणावि चोइए सीसा । रागदोसेण विअणुसएण तं गोअम !
 न गच्छं ॥ ५० ॥ गच्छो महाणुभावो तत्थ वसंताण निज्जरा विउला ।
 सारणवारणचोअणमार्इहिं न दोसपडिवत्ती ॥ ५१ ॥ गुरुणो छंदणुवित्ती
 सुविणीए जिअपरीसहे धीरे । णवि थद्धे णवि लुद्धे णवि गारवि न विग-
 हसीले ॥ ५२ ॥ खंते दंते गुत्ते मुत्ते वेरग्गमग्गमल्लीणे । दसविहसामाया-
 रीआवस्सगसंजमुज्जुत्ते ॥ ५३ ॥ खरफरुसककसाएणिट्ठुदुट्ठाइ निट्ठुरगिराए ।
 निब्भच्छणनिद्धाडणमार्इहिं न जे पउस्संति ॥ ५४ ॥ जे य न अकित्तिजणए

नाजसजणए नऽकज्जकारी अ । न पवयणउड्डाहकरे कंठगयपाणसेसेऽवि
 ॥ ५५ ॥ गुरुणा कज्जमकज्जे खरकक्कसदुट्ठनिट्ठुरगिराए । भणिए तहत्ति
 सीसा भणंति तं गोअमा ! गच्छं ॥ ५६ ॥ दूरुज्झिअ पत्ताइसु ममत्तए
 निप्पिहे सरीरेऽवि । जायमजायाहारे बायालीसेसणाकुसले ॥ ५७ ॥ तं पि न
 रूवरसत्थं न य वराणत्थं न चेव दप्पत्थं । संजमभरवहणत्थं अक्खोवंगं व
 वहणत्थं ॥ ५८ ॥ वेयण वेयावच्चे इरियट्ठाए य संजमट्ठाए । तह पाणवत्ति-
 याए छट्ठं पुण धम्मचिंताए ॥ ५९ ॥ जत्थ य जिट्ठकणिट्ठो जाणिज्जइ जिट्ठ-
 विणयबहुमाणो । दिवसेणवि जो जिट्ठो न हीलिज्जइ स गोअमा गच्छो
 ॥ ६० ॥ जत्थ य अज्जाकप्पं पाणच्चाएवि रो(घो)रदुब्बिक्खे । न य परि-
 भुंजइ सहसा गोअम ! गच्छं तयं भणियं ॥ ६१ ॥ जत्थ य अज्जाहि समं
 थेरावि न उल्लविति गयदसणा । न य भायंति थीणं अंगोवंगाइं तं गच्छं
 ॥ ६२ ॥ वज्जेह अप्पमत्ता अज्जासंसग्गि अग्गिविससरिसी । अज्जाणुचरो
 साहू लहइ अकिंति खु अचिरेण ॥ ६३ ॥ थेरस्स तवस्सियस्स व बहुसुयस्स
 व पमाणभूअस्स । अज्जासंसग्गीए जणजंपणयं हविज्जाहि ॥ ६४ ॥ किं
 पुण तरुणो अबहुस्सुओ अण यऽविहु विगिट्ठतवचरणो । अज्जासंसग्गीए
 जणजंपणयं न पाविज्जा ? ॥ ६५ ॥ जइवि सयं थिरचित्तो तहावि संसग्गि-
 लद्धपसराए । अग्गिसमीवेव घयं विलिज्ज चित्तं खु अज्जाए ॥ ६६ ॥
 सब्बत्थ इत्थिवग्गंमि अप्पमत्तो सया अवीसत्थो । नित्थरइ बंभचेरं तच्चिव-
 रीओ न नित्थरइ ॥ ६७ ॥ सब्बत्थेसु विमुत्तो साहू सब्बत्थ होइ अप्पवसो ।
 सो होइ अणप्पवसो अज्जाणं अणुचरंतो उ ॥ ६८ ॥ खेलपडिअमध्याणं न
 तरइ जह मच्छिआ विमोएउं । अज्जाणुचरो साहू न तरइ अप्पं विमोएउं
 ॥ ६९ ॥ साहूस्स नत्थि लोए अज्जासरिसी हु बंधणो उवमा । धम्मेण सह
 ठवंतो न य सरिसो जाण असिलेसो ॥ ७० ॥ वायामित्तेणवि जत्थ भट्ठच-
 रित्तस्स निग्गहं विहिणा । बहुलद्धिजुअस्सावि कीरइ गुरुणा तयं गच्छं

॥ ७१ ॥ जत्थ यं सन्निहिउक्खउ(ड)आहडमाईणं नामगहणोऽवि । पूर्वकम्मा
भीआ आउत्ता कप्पतिप्पेसु ॥ ७२ ॥ मउए निहुअसहावे हासदवविज्जिए
विगहमुक्के । असमंजसमकरिते गोअरभूमट्ट विहरंति ॥ ७३ ॥ मुण्णिणं
नाणाभिग्गह दुकरपच्छित्तमणुचरंताणं । जायइ चित्तचमवकं देविंदाणंपि तं
गच्छं ॥ ७४ ॥ पुढवि-दग-अगणि-मारुअ-वण्णफइ-तसाणं विविहजीवाणं ।
मरणंतेवि न पीडा कीरइ मणसा तयं गच्छं ॥ ७५ ॥ खज्जूरिपत्तमुंजेण,
जो पमज्जे उवस्सयं । नो दया तस्स जीवेसु, सम्मं जाणाहि गोयमा ! ॥ ७६ ॥
जत्थ यं बाहिरपाणिस्स बिंदूमित्तंपि गिहमाईसु । तरहासोसिअपाणा मरणो-
ऽवि मुणी न गिरहंति ॥ ७७ ॥ इच्छिज्जइ जत्थ सया बीअपएणावि फासुयं
उदयं । आगमविहिणा निउणं गोअम ! गच्छं तयं भणियं ॥ ७८ ॥ जत्थ
यं सूल विसूइअ अन्नयरे वा विचित्तमायंके । उप्पन्ने जलणुज्जालणाइ न
करेइ तं गच्छं ॥ ७९ ॥ बीअपएणं सारुविगाइसडाइमाइएहिं च । कारिंती
जयणाए गोयम ! गच्छं तयं भणियं ॥ ८० ॥ पुप्फाणं बीआणं तयमाईणं
च विविहदव्वाणं । संघट्टणपरिआवणं जत्थ न कुज्जा तयं गच्छं ॥ ८१ ॥
हासं खेड्डा कंदप्पं नाहियवायं न कीरए जत्थ । धावणडेवणालंघणममकारा-
वराणउच्चरणं ॥ ८२ ॥ जत्थित्थीकरफरिसं अंतरिअं कारणोऽवि उप्पन्ने ।
दिट्ठीविसदित्तगी विसं व वज्जिज्जए गच्छे ॥ ८३ ॥ बालाए वुड्डाए नत्तुय
दुहिआए अहव भइणीए । न यं कीरइ तणुफरिसं गोअम ! गच्छं तयं
भणियं ॥ ८४ ॥ जत्थित्थीकरफरिसं लिंगी अरिहावि सयमवि करिज्जा । तं
निस्सययओ गोअम ! जाणिज्जा मूलगुणभट्टं ॥ ८५ ॥ कीरइ बीअपएणं
सुत्तमभणियं न जत्थोविहिणा उ । उत्पन्ने पुणं कज्जे दिक्खाआयंकमाईए
॥ ८६ ॥ मूलगुणोहि विमुक्कं बहुगुणकलिअंपि लद्धिसंपराणं । उत्तमकुलेऽवि
जायं निद्धाडिज्जइ तयं गच्छं ॥ ८७ ॥ जत्थ हिरणसुवराणो धणधराणो
कंसतंबफलिहाणं । सयणाण आसणाण यं भुसिराणं चेव परिभोगो ॥ ८८ ॥

जत्थ य वारडिआणां तत(तेक्क)डिआणां च तह य परिभोगो । मोत्तुं
सुक्किलवत्थं का मेरा तत्थ गच्छम्मि ? ॥ ८९ ॥ जत्थ हिरणसुवराणां हत्थेणा
परागयं(णां)पि नो छिप्पे । कारणासमपिअंपि हु निमिसखाणद्धं तं गच्छं
॥ ९० ॥ जत्थ य अज्जालद्धं पडिगहमाई विविहमुवगराणां । परिभुंजइ
साह्वहिं तं गोअम ! केरिसं गच्छं ? ॥ ९१ ॥ अइदुल्लहभेसज्जं बलबुद्धि-
विवड्डाणांपि पुट्टिकरं । अज्जालद्धं भुंजइ का मेरा तत्थ गच्छम्मि ? ॥ ९२ ॥
एगो एगित्थिए सद्धिं, जत्थ चिट्ठिज गोयमा ! संजईए विसेसेणां, निम्मेरं तं
तु भासिमो ॥ ९३ ॥ दढचारित्तं मोत्तुं आइज्जं मयहरं च गुणारासिं । इक्को
अज्झावेई तमणायारं न तं गच्छं ॥ ९४ ॥ घणागज्जियहयकुहिअं विज्ज दुग्गिज्झ
गूढहअयाओ । अज्जा अवारिआओ इत्थीरज्जं न तं गच्छं ॥ ९५ ॥ जत्थ
समुद्देसकाले साह्वणां मंडलीइ अज्जाओ । गोअम ! ठवंति पाए इत्थीरज्जं
न तं गच्छं ॥ ९६ ॥ जत्थ मुणीणा कसाए जगडिज्जंतावि परकसाएहिं ।
निच्छंति समुट्ठेउं सुनिविट्ठो पंगुलो चेव ॥ ९७ ॥ धम्मंतरायभीए भीए
संसारगम्भवसहीणां । न उईरंति कसाए मुणी मुणीणां तयं गच्छं ॥ ९८ ॥
कारणमकारणेणां अह कहवि मुणीणा उट्ठहिं कसाए । उदिएवि जत्थ
रुंभन्ति खामिज्जइ जत्थ तं गच्छं ॥ ९९ ॥ सीलतवदाणाभावणा चउव्विहध-
म्मंतरायभयभीए । जत्थ बहू गीअत्थे गोअम ! गच्छं तयं भणियं ॥ १०० ॥
जत्थ य गोयम ! पंचगह कहवि सूणाणा इक्कमवि हुज्जा । तं गच्छं तिविहेणां
वोसिरिय वइज्ज अन्नस्थ ॥ १०१ ॥ सूणारंभपत्तं गच्छं वेसुज्जलं न सेविज्जा ।
जं चारित्तगुणेहिं उज्जलं तं तु सेविज्जा ॥ १०२ ॥ जत्थ य मुणीणो कयवि-
कयाइं कुव्वंति संजमुब्भट्ठा । तं गच्छं गुणसायर ! विसं व दूरं परिहरिज्जा
॥ १०३ ॥ आरंभेसु पसत्ता सिद्धंतपरम्मुहा विसयगिद्धा । मोत्तुं मुणीणो
गोअम ! वसिज्ज मज्जे सुविहिआणां ॥ १०४ ॥ तम्हा सम्मं निहालेउं,
गच्छं स्वम्मग्गपट्ठिअं । वसिज्जा पक्ख मासं वा, जावज्जीवं तु गोयमा

॥ १०५ ॥ कुड्डो बुड्डो तद्वा सेहो, जत्थ रक्खे उवस्सयं । तरुणो वा जत्थ एगागी, का मेरा तत्थ भासिमो ? ॥१०६॥ जत्थ य एगा खुड्डी एगा तरुणी उ रक्खए वसहिं । गोअम ! तत्थ विहारे का सुद्धी बंभचेरस्स ? ॥१०७॥ जत्थ य उवस्सयाओ राइं गच्छे दुहत्थ(मुहुत्त)मित्तंपि । एगारत्तिं समणीं का मेरा तत्थ गच्छस्स ? ॥१०८॥ जत्थ य एगा समणी एगो मसणो अ जंपए सोम्म ! । निअबंधुणावि सद्धिं तं गच्छं गच्छगुणदीणं ॥ १०९ ॥ जत्थ जयारमयारं समणी जंपइ गिहत्थपच्चक्खं । पच्चक्खं संसारे अज्जा पक्खिअवइ अण्णाणं ॥११०॥ जत्थ य गिहत्थभासाइ भासए अज्जिया सुरुट्ठावि । तं गच्छं गुणसायर ! समणगुणविवज्जिअं जाण ॥१११॥ गणि गोअम ! जा उचियं, सेअं वत्थं विवज्जिअं । सेवए चित्तरूवाणि, न सा अज्जा विआहिआ ॥११२॥ सीअणं तुअणं भरणं, गिहत्थाण तु जा करे । तिळ्ळुअवट्ठणं वावि, अण्णो य परस्स य ॥११३॥ गच्छइ सविलासगई सयणीयं तूलियं सविब्बोअं । उव्वट्ठेइ सरीरं सिण्णाणमाईणि जा कुणइ ॥११४॥ गेहेसु गिहत्थाणं गंतूण कहा कहेइ काहीआ । तरुणाइअहिअडंते अणुजाणे सा उ पडिणीया ॥११५॥ बुड्ढाणं तरुणाणं रत्तिं अज्जा कहेइ जा धम्मं । सा गणिणी गुणसायर ! पडणीआ होइ गच्छस्स ॥११६॥ जत्थ य समणी—णमसंखडाई गच्छंमि नेव जायंति । तं गच्छं गच्छवरं गिहत्थभासाओ नो जत्थ ॥११७॥ जो जत्तो वा जाओ नालोअइ दिवसपक्खिअं वावि । सच्छंदा समणीओ मयहरयाए न ठायंति ॥११८॥ विट्ठलिआणि पउंजंति गिलाणसेहीण नेव तिप्पंति । अण्णागाडे आगाढं करेंति आगाढि अण्णागाढं ॥११९॥ अजयणाए पकुव्वंति, पाहुणगाण अवच्छला । चित्तलयाणि सेवंति, चित्ता रयहरणे तद्वा ॥१२०॥ गइविब्भमाइएहिं आगारविगार तद्वा पगासिंति । जह बुड्ढाणवि मोहो समुईरइ किं नु तरुणाणं ? ॥१२१॥ बहुसो उच्छोलिंती मुहनयणे इत्थपायकक्खाओ । गिरहेइ रागमंडल

(मंडण) भोइंति अ तह य कब्बट्टे ॥१२२॥ जत्थ य थेरी तरुणी थेरी तरुणी
य अंतरे सुयइ । गोअम ! तं गच्छवरं वरणाचरित्तआहारं ॥१२३॥ धोइंति
कंठिआओ पोइंति तह य दिति पोत्ताणि । गिहकज्जचित्तगीओ न हु अज्जा
गोयमा ! ताओ ॥१२४॥ घरघोडाइट्टाणे वयंति ते वावि तत्थ वच्चंति ।
वेसिथीसंतग्गी उवस्सयाओ समीवंमि ॥ १२५ ॥ सज्जाय मुक्कजोगा
धम्मकहा विगहपेसण गिहीणं । गिहिनिस्सज्जं वाहिति संधवं तह
करंतीओ ॥१२६॥ समा सीसपडिच्छीणं, चोअणासु अणालसा । गणिणी
गुणसंपराणा, पसत्थपुरिसाणुगा ॥१२७॥ संविग्गा भीयपरिसा य,
उग्गदंडा य कारणे । सज्जायज्जाणजुत्ता य, संगहे अ विसारया ॥१२८॥
जत्थुत्तरपडित्तरवडिआ अज्जा व साहुणा सद्धि । पलवंति सुरुट्ठावी
गोअम ! किं तेण गच्छेण ? ॥१२९॥ जत्थ य गच्छे गोअम ! उप्पराणे
कारणंमि अज्जाओ । गणिणी पिट्ठीठिआओ भासंती मउअसद्देणं
॥ १३० ॥ माऊए दुहिआए सुरहाए अहव भइणिमाईणं । जत्थ न अज्जा
अक्खइ गुत्तिविभेयं तयं गच्छं ॥१३१॥ दंसणयारं कुणई चरित्तनासं जणेइ
मिच्छत्तं । दुगहवि वग्गेणज्जा विहारभेअं करेमाणि ॥१३२॥ तंमूलं
संसार जणेइ अज्जावि गोअमा ! नूणं । तम्हा धम्मवएसं मुत्तुं, अन्नं न
भासिज्जा ॥१३३॥ मासे मासे उ जा अज्जा, एगसिथेण पारए । कलहे
गिहत्यभासाहिं, सव्वं तीए निरत्थयं ॥ १३४ ॥ महानिसीहकप्पओ,
ववहाराओ तहेव य । साहुसाहुणिअट्टाए, गच्छायारं समुद्धिअं ॥१३५॥
पटंतु साहुणो एअं, असज्जायं विवज्जित्तं । उत्तमं सुयनिस्संदं, गच्छायारं तु
उत्तमं ॥१३६॥ गच्छायारं सुणिताणं, पटित्ता भिक्खुभिक्खुणी । कुणंतु जं
जहा भणियं, इच्छंता हियमप्पणो ॥ १३७ ॥ गच्छाचारपइराणयं सम्मत्तं ।

॥ इत्ति ओ गच्छाचारप्रकीर्णकम् ॥ ७ ॥

॥८॥ अथ श्रीगणिविद्याप्रकीर्णकम् ॥

बुच्छं बलाबलविहिं नवलविहिमुत्तमं विउपसत्थं । जिणवयण-
भासियमिणं पवयणसत्थम्मि जह दिट्ठं ॥ १ ॥ दिवस १ तिही २ नक्खता
३ करण ४ गगहदिवसया ५ मुहुत्तं च ६ । सउण्णवलं ७ लग्गवलं ८
निमित्तवलमुत्तमं वावि ॥ २ ॥ होराबलिआ दिवसा जुगहा पुण दुब्बला
उभयपक्खे । विवरीयं राईसु य बलाबलविहिं वियाणाहि ॥ ३ ॥ दारं
पाडिवए पडिवत्ती नत्थि विवत्ती भणंति बीआए । तइयाए अत्थसिद्धी
विजयग्गा पंचमी भणिया ॥ ४ ॥ जा एस सत्तमी सा उ बहुगुणा इत्थ
संसओ नत्थि । दसमीइ पत्थियाणं भवंति निक्कंटया पंथा ॥ ५ ॥
आरुग्गमविग्घं खेमियं च इक्कारसिं वियाणाहि । जेऽवि हु हुंति अमित्ता
ते तेरसी पिट्ठओ जिणइ ॥ ६ ॥ चाउहसिं पन्नरसिं वजिज्जा अट्ठमिं
च नवमिं च । छट्ठिं चउत्थि बारसिं च दुराहंपि पक्खाणं ॥ ७ ॥ पट्ठमीपंचमि
दसमी पन्नरसिक्कारसीविय तहेव एएसु य दिवसेसुं सेहे निक्खमणं करे
॥ ८ ॥ नंदा भदा विजया तुच्छा पुन्ना य पंचमी होइ । मासेण य छत्तारे
इक्किक्कावत्तए नियए ॥ ९ ॥ नंदे जए य पुन्ने, सेहनिक्खमणं करे । नंदे
भददे सुभदावे, पुन्ने अणमणं करे । १० ॥ दारं पुस्सऽस्सिणिमिगसिररेवई
य हत्थो तहेव चित्ता य । अणुराहजिट्ठमूला नव नक्खत्ता गमणसिद्धा
॥ ११ ॥ मिगसिर महा य मूलो विसाहा तहेव होइ अणुराहा । हत्थुत्तर-खइ-
अस्सिणी य सवणे य नक्खत्ते ॥ १२ ॥ एएसु य अद्धाणं पत्थाणं गणयं
च कायवं । जइ य गत्तुथं न चिट्ठइ संभामुवकं च जइ होइ ॥ १३ ॥
उप्पन्नभत्तपाणो अद्धाणम्मि सया उ जो होइ । फलपुण्णोवगवेओ गओवि
खेमेण सो एइ ॥ १४ ॥ संभागयं रविगयं विड्डेरं सग्गहं विलंबिं च ।
राहुगयं गहभिन्नं च वज्जए सव्वनक्खत्ते ॥ १५ ॥ अत्थमणे संभागय
रविगग जहियं ठिओ उ आइओ । विड्डेरमवहारिय सग्गह कूरग्गहठियं

तु ॥ १६ ॥ आइच्चपिट्ठियो से विलंबिराहुहयं जहिं गहणं । मज्जेण गहो
जस्स उ गच्छइ तं होइ गहभिन्नं ॥ १७ ॥ संभागयम्मि कलहो होइ
विवाओ विलंबिनस्वत्ते । विड्डेरे परविजओ आइच्चगए अनिब्बाणि
॥ १८ ॥ जं सग्गहम्मि कीरइ नस्वत्ते तत्थ निग्गहो होइ । राहुहयम्मि
य मरणं गहभिन्ने सोणिउग्गाले ॥ १९ ॥ संभागयं राहुगयं आइच्चगयं
च दुब्बलं रिक्खं । संभाइचउविमुक्कं गहमुक्कं चेव बलियाइं ॥ २० ॥ पुस्सो
हत्यो अभीई य, अस्सिणी भरणी तहा । एएसु य रिक्खेसुं, पाओवगमणं
करे ॥ २१ ॥ सवणेण धणिट्ठाइ पुणव्वसू नवि करिज्ज निक्खमणं । सय-
भिसयप्पसथंभे(हत्ये) विज्जारंभे पवित्तिज्जा ॥ २२ ॥ मिगसिर अहा पुस्सो-
पुव्वाइं मूलमस्सेसा । हन्थो चित्ता य तहा दस बुद्धिकराइं नाणस्स (तिन्नि
धणिट्ठा पुणव्वसू रोहिणी । पुस्सो य) ॥ २३ ॥ पुणव्वसूणा पुस्सेण,
सवणेण धणिट्ठया । एएहिं चउरिक्खेहिं, लोयकम्माणि कारण ॥ २४ ॥
कित्तियाहिं विसाहाहिं, मवाहिं भरणीहि य । एएहिं चउरिक्खेहिं, लोयक-
म्माणि वज्जए ॥ २५ ॥ तिहिं उत्तराहिं रोहिणीहिं कुज्जा उ सेहनिक्खमणं ।
सेहोवट्ठावणं कुज्जा, अणुन्ना, गणिवायए ॥ २६ ॥ गणसंगहणं कुज्जा,
गणहरं चेव ठवए । उग्गहं वसहिं ठाणं, थावराणि पवत्तए ॥ २७ ॥ पुस्सो
हत्यो अभीई, अस्सिणी य तहेव य । चत्तारि क्खिप्पकारीणी, कज्जारंभेसु
सोहणा ॥ २८ ॥ विज्जाणं धारणं कुज्जा, बंभजोगे य साहए । सज्भायं च
अणुन्नं च, उद्देसे य समुद्दिसे ॥ २९ ॥ अणुराहा रेवई चेव, चित्ता मिगसिरे
तहा । मिऊनियाणि चत्तारि, मिउकम्मं तेसु कारण ॥ ३० ॥ भिक्खाचरण-
मत्ताणं, कुज्जा गहणधारणं संगहोवग्गहं चेव, बालबुद्धाण कारण ॥ ३१ ॥
अहा अस्सेस जिट्ठा य, मूलो चेव चउत्थओ । गुरूणो कारण पडिमं, तवो-
कम्मं च कारण ॥ ३२ ॥ दिव्वमाणुसतेरिच्छे, उवसग्गाहियासए । गुरू
सुचरणकरणो, उग्गहोवग्गहं करे ॥ ३३ ॥ महा भरणि पुव्वाणि, तिन्नि

उग्गा वियाहिया । एणसु तवं कुज्जा, सन्भितरबाहिरं चेव ॥ ३४ ॥ तिन्नि
 सयाणि सट्ठाणि, तवोकम्माणि आहिया । उग्नवखत्तजोएसुं तेसुमन्नतरे
 करे ॥ ३५ ॥ कित्तिया य विसाहा य, उम्हा एयाणि दुन्नि उ । लिपणं
 सीवणं कुज्जा, संथारुग्गहधारणं ॥ ३६ ॥ उवकरणाभंडमाईणं, विवायं
 चीवराणि य । उवगरणं विभागं च, आयरियाणं तु कारण ॥ ३७ ॥
 धणिट्ठा सयभिसा साई, सवणो य पुणव्वसू । एणसु गुरुसुस्सूसं, चेइयाणं
 च पूयणं ॥ ३८ ॥ सज्झायकरणां कुज्जा, विज्जा विरइं च कारण । वओवट्ठा-
 वणं कुज्जा, अणुन्नं गणिवायए ॥ ३९ ॥ गणसंगहणं कुज्जा, सेहनिकख-
 मणं करे । संगहोवग्गहं कुज्जा, गणावच्छेइयं तहा ॥ ४० ॥ दारं ॥ ३॥
 बव १ बालवं च २ तह कोलवं च ३ थीलोयणं ४ गराइं च ५ ।
 वणियं ६ विट्ठी य तहा ७ सुद्धपडिवए निसाईया ॥ ४१ ॥ सउणि
 चउप्पय नागं किंथुग्घं च करणा धुवा हुंति । किगहचउदसि-रत्तिं सउणी
 पडिवज्जए करणां ॥ ४२ ॥ काऊण तिहिं बिगुणं जुगहगे सोहए न
 पुण काले । सत्तिहिं हरिज भागं सेसं जं तं भवे करणां ॥ ४३ ॥ बवे य
 बालवे चेव, कोलवे वणिए तहा । नागे चउप्पए यावि, सेहनिकखमणं करे
 ॥ ४४ ॥ बवे उवट्ठावणं कुज्जा, अणुन्नं गणिवायए । सउणीमि य विट्ठीए,
 अणसणं तत्थ कारण ॥ ४५ ॥ दारं ॥ ४ ॥ गुरुसुकसोमदिवसे, सेह-
 निकखमणं करे । वओवट्ठावणं कुज्जा, अणुन्नं गणिवायए ॥ ४६ ॥ रवि-
 भोमकोण(ड)दिवसे, चरणकरणाणि कारण । तवोकम्माणि कारिज्जा,
 पाओवगमणाणि य ॥ ४७ ॥ दारं ॥ ५ ॥ रुद्धो उ मुहुत्ताणं आई छन्नव-
 इअंगुलच्छाओ । सेओ उ हवइ सट्ठी बारसमित्तो हवइ जुत्तो ॥ ४८ ॥
 छच्चेव य आरभडो सोमित्तो पंचअंगुलो होइ । चत्तारि य वइरिज्जो
 दुच्चेव य सावसू होइ ॥ ४९ ॥ परिमंडलो मुहुत्तो असीवि मज्झंति ते
 ठिए होइ । दो होइ रोहणो पुणवलो य चउरंगुलो होइ ॥ ५० ॥

विजयो पंचंगुलित्रो छच्चव य नेरित्रो हवइ जुत्तो । वरुणो य हवइ
 बारस अजमदीवा हवइ सट्ठी ॥ ५१ ॥ छन्नउइ अंगुलाइं ॥ एए
 दिवसमुहत्ता रत्तिमुहत्ता वियाहिया । दिवसमुहत्तगईए छायामाणं मुणोयव्वं
 ॥ ५२ ॥ मित्ते नंदे तह सुट्टिए य, अभिई चंदे तहेव या । वरुणग्गिवेस-ईसाणो
 आणंदे विजए इय ॥ ५३ ॥ एएसु मुहत्तजोएसु, सेहनिक्खमणं करे ।
 वउवट्ठावणाइं च, अणुन्ना गणिवायए ॥ ५४ ॥ बंभे वलए वाउम्मि
 उसभे वरुणो तहा । अणसणपाउव-गमणं, उत्तमट्ठं च कारण ॥ ५५ ॥ दारं
 ६ ॥ पुन्नामधिज्ज-सउणोसु, सेहनिक्खमणं करे । थीनामेसु सउणोसु, समाहिं
 कारण विऊ ॥ ५६ ॥ नपुंसएसु सउणोसु, सब्बकम्माणि वज्जए । वामि-
 स्सेसु निमित्तेसु, सब्बारंभाणि वज्जए ॥ ५७ ॥ तिरियं बाहरंतेसु,
 अद्धाण गमणं करे । पुण्णियफलिए वच्चे, सज्जायं करणं करे ॥ ५८ ॥
 दुमस्वंधे बाहरंतेसु, सेहुवट्ठावणं करे । गयणो बाहरंतेसु, उत्तमट्ठं तु
 कारण ॥ ५९ ॥ बिलमूले बाहरंतेसु, ठाणं तु परिगिरहए । उप्पायम्मि वयं-
 तेसु, सउणोसु मरणं भवे ॥ ६० ॥ पक्कमंतेसु सउणोसु, हरिसं तुट्ठिं च वागरे ।
 दारं ७ । चलरासिविलग्गेसु, सेहनिक्खमणं करे ॥ ६१ ॥ थिररासिविलग्गेसु,
 वत्थोवट्ठावणं करे । सुयक्खंधाणुन्नात्रो, उद्दिसे य समुद्दिसे ॥ ६२ ॥ बिमरी-
 रविलग्गेसु, सज्जायकरणं करे । रविहोराविलग्गेसु, सेहनिक्खमणं करे ।
 ॥ ६३ ॥ चंदहोराविलग्गेसु, सेहीणं संगहं करे । सुम्मदिकोणालग्गेसु,
 चरणकरणं तु कारण ॥ ६४ ॥ कूणदिकोणालग्गेसु, उत्तमट्ठं तु कारण । एवं
 लग्गाणि जाणिज्ज, दिकोणोसु ण संसत्रो ॥ ६५ ॥ सोमग्गहविलग्गेसु,
 सेहनिक्खमणं करे । कूरग्गहविलग्गेसु, उत्तमट्ठं तु कारण ॥ ६६ ॥
 राहुकेउविलग्गेसु सब्बकम्माणि वज्जए । विलग्गेसु पसत्थेसु पसत्थाणि
 उ आरभे ॥ ५७ ॥ अप्पसत्थेसु लग्गेसु, सब्बकम्माणि
 वज्जए । विलग्गाणि उ जाणिजा, गहाण जिणभासिए ॥ ६८ ॥

दारं ८ । न निमित्ता विवज्जन्ति, न मिच्छा रिसिभासियं दुद्धिट्ठेणं निमित्तेणं,
 आदेसो उ विणस्सइ ॥ ६१ ॥ सुद्धिट्ठेण निमित्तेणं, आदेसो न विणस्सइ ।
 जा य उप्पाइया भासा, जं च जंपंति बालया ॥ ७० ॥ जंविथीओ पभासंति,
 नत्थि तस्स वड्ढमो । तज्जाएण य तज्जायं, तन्निभेण य तन्निभं ॥ ७१ ॥
 तारूवेण य तारूवं, सरिसं सरिसेण निद्दिसे । थीपुरिसनिमित्तेसु, सेहनि-
 क्खमणं करे ॥ ७२ ॥ नपुंसकनिमित्तेसु, सब्बकज्जाणि वज्जए । वामिस्सेसु
 निमित्तेसु, सब्बारंभे विवज्जए ॥ ७३ ॥ निमित्ते कित्तिमे नत्थि, निमित्ते
 भावि सुज्झए । जेण सिद्धा वियाणंति, निमित्तुप्पायलवखणं ॥ ७४ ॥ निमि-
 त्तेसु पसत्थेसु, दढेसु बलिएसु य । सेहनिवखमणं कुज्जा, वउवट्ठावणाणि य
 ॥ ७५ ॥ गणसंगहणं कुज्जा, गणहरे इत्थं वा वए । सुयक्खंधाणुन्नाओ
 अणुन्ना गणिवायए ॥ ७६ ॥ निमित्तेसुपसत्थेसु, सिद्धिलेसुज्वलेसु य । सब्ब-
 कज्जाणि वज्जिज्जा, अप्पसाहरणं करे ॥ ७७ ॥ पसत्थेसु निमित्तेसु, पसत्थाणि
 सयाऽऽरभे । अप्पसत्थनिमित्तेसु, सब्बकज्जाणि वज्जए ॥ ७८ ॥ दिवसाओ
 तिही बलिओ तिहीउ बलियं तु सुव्वई रिक्खं । नवखत्ता करणमाहंसु कर-
 णाउ गहदिणा बलिणो ॥ ७९ ॥ गहदिणाउ मुहुत्ता, मुहुत्ता सउणो बली ।
 सउणाओ बलवं लग्गं, तओ निमित्तं पहाणं तु ॥ ८० ॥ विलग्गाओ
 निमित्ताओ, निमित्तबलमुत्तमं । न तं संविज्जए लोए, निमित्ता जं बलं भवे
 ॥ ८१ ॥ एसो बलाबलविही समासओ कित्तिओ सुविहिण्हि । अणुओग-
 नाण-गेज्झो नायवो अप्पमत्तेहि ॥ ८२ ॥ गणिविज्जापइराणं सम्मत्तं ।

॥ इति श्रीगणिविद्याप्रकीर्णकम् ॥ ८ ॥

॥ ६ ॥ अथ श्रीदेवेन्द्रस्तवप्रकीर्णकम् ॥

अमरनरवंदिण वंदिऊण उसभाइजिणवरिंदे । वीरवरअपच्छिमतं
 तेलुकगुरु पणमिऊणं ॥ १ ॥ कोई पढमपाउसंमि सावओ समयनिच्छयवि-
 हिरण्ण । वन्नेइ थयमुयारं जिणमाणे (जाय माणो) वद्धमाणम्मि ॥ २ ॥

तस्स थुणंतस्स जिणं सोइयकडा पिया सुहनिसन्ना । पंजलिउडा अभिमुही
सुणइ थयं वद्धमाणस्स ॥ ३ ॥ इंदविलयाहिं तिलय-रयणंकिए लक्खणंकिए
सिरसा । पाए अवगयमाणस्स वंदिमो वद्धमाणस्स ॥ ४ ॥ विणायपणएहिं
सिद्धिमउडेहिं अप(पय)डियजसस्स (अप्पडिहयाजस्स) देवेहिं । पाया
पसंतरोसस्स वंदिमो वद्धमाणस्स ॥ ५ ॥ बत्तीसं देविंदा जस्स गुणेहिं उवहम्मिया
छायं । तो (नो) तस्स वियच्छेयं पायच्छायं उवेहामो ॥ ६ ॥ बत्तीसं देविं-
दत्ति भणियमित्तंमि सा पियं भणइ । अंतरभासं ताहे काहेमो कोउहत्तेणं ॥ ७ ॥
करे ते बत्तीसं देविंदा को व कथ परिचसइ । केवइया कस्स ठिई को भवण-
परिग्गहो तस्स ? ॥ ८ ॥ केवइया व विमाणा भवणा नगरा वहुंति केवइया ।
पुट्ठीण व बाहत्तं उच्चत्त विमाणवन्नो वा ? ॥ ९ ॥ का रंति व का लेणा
उक्कोसं मज्झिमजहराणं । उस्सास्सो निस्सासो ओही विसओ व को केसिं ?
॥ १० ॥ विणओवयार ओवहम्मियाइ हासवसमुच्चहंतीए । पडिपुच्छिए
पियाए भणइ सुअणु ! तं निसामेह ॥ ११ ॥ सुअणाण-सागराओ सुणिओ
पडिपुच्छणाइ जं लद्धं । पुण वागरणावल्लिअं नामावल्लियाइ इंदाणं ॥ १२ ॥
सुण वागरणावल्लिअं रयणं व पणामियं च वीरेहिं । तारावल्लिअं धवलं
हियण पसन्नचित्तेणं ॥ १३ ॥ रयणप्पभाइकुडनिकुडवासी सुतणु ! तेउलेसागा ।
वीसं विक्कासियनयणा भवणवई ते निसामेह (समदिट्ठी सब्बदेविंदा) ॥ १४ ॥
दो भवणवई इंदा चमरे वइरोअणे य असुराणं (चमरिंदबलिंद असुर-
निकायं च) । दो नागकुमारिंदा भूयाणंदे य धरणे य ॥ १५ ॥ दो
सुयणु ! सुवरिणदा वेणूदेवे य वेणूदाली य । दो दीवकुमारिंदा पुगणे
य तहा वसिठ्ठे य ॥ १६ ॥ दो उदहिकुमारिंदा जलकंते जसपभे य
नामेणं । अमियेगइ-अमियवाहण दिसाकुमाराण दो इंदा ॥ १७ ॥ दो वाउ-
कुमारिंदा वेलंब पभंजणे य नामेण । दो थणिय-कुमारिंदा घोसे य तहा
महाघोसे ॥ १८ ॥ दो विज्जुकुमारिंदा हरिकंत हरिस्सहे य नामेणं ।

अग्निसिंह-अग्निमाणव द्रुयासणवईवि दो इंदा ॥ १९ ॥ एए विकसिय-
 नयणे ! दसदिसिविय-सियजसा मए कहिया । भवणवर-सुहनिसन्ने सुण
 भवणपरिग्गहमिमेसिं ॥ २० ॥ चमरवइरोअणाणं असुरिंदाणं महाणुभा-
 गाणं । तेसिं भवणवराणं चउसट्ठिमहे सयसहस्से ॥ २१ ॥ नागकुमारिं-
 दाणं भूयाणंद-धरणाण दुगहंपि । तेसिं भवणवराणं चुलसीइमहे सयसहस्से
 ॥ २२ ॥ दो सुयणु ! सुवणिणदा वेणुदेवे य वेणुदाली य । तेसिं भवण-
 वराणं बावत्तरिमो सयसहस्सा ॥ २३ ॥ वाउकुमारिंदाणं वेलंबपभंज-
 णाण दुगहंपि । तेसिं भवणवराणं छन्नवइमहे सयसहस्सा ॥ २४ ॥
 चउसट्ठी असुराणं चुलसीई चेव होइ नागाणं । बावत्तरि सुवराणाणं
 वाउकुमाराण छन्नउई ॥ २५ ॥ दीवदिसाउदहीणं विज्जुक्कुमारिंद-थणिय-
 मग्गीणं । छगहंपि जुयलयाणं बा(द्धा)वत्तरिमो सयसहस्सा ॥ २६ ॥ इक्किक्किमि
 य जुयले नियमा बा(द्धा)वत्तरिं सयसहस्सा । सुंदरि ! लीलाइ ठिए ठिईविसेसं
 निसामेहि ॥ २७ ॥ चमरस्स सागरोवम सुंदरि ! उकोसिया ठिई
 भणिया । साहीया बोद्धवा बलिस्स वइरोयणिंदस्स ॥ २८ ॥ जे दाहि-
 णाण इंदा चमरं मुत्तूणं सेसया भणिया । पलिओवमं दिवट्ठं ठिई
 उकोसिया तेसिं ॥ २९ ॥ जे उत्तरेण इंदा बलिं पमुत्तूण सेसया भणिया ।
 पलिओवमाइं दुणिण उ देसूणाइं ठिई तेसिं ॥ ३० ॥ एसोवि ठिईविसेसो
 सुंदररूवे ! विसिट्ठरूवाणं । भोमिजसुरवराणं सुण अणुभागो सुनयराणं
 ॥ ३१ ॥ जोयणसहस्समेगं ओगाहित्तूण भवणनगराइं । रयणप्पभाइ सव्वे
 इकारस जोयणसहस्से ॥ ३२ ॥ अंतो चउरंसा खलु अहियमाणोहर-सहाव-
 रमणिज्जा । बाहिरओविय वट्ठा निम्मलवइरामया सव्वे ॥ ३३ ॥
 उक्किन्नंतर-फलिहा अब्भितरओ उ भवणवासीणं । भवणनगरा विरायंति
 कणग-सुसिलिट्ठ-पागारा ॥ ३४ ॥ वरपउमकणिणया मंडियाहिं हिट्ठा सहाव-
 लट्ठेहिं । सोहिंति पइट्ठाणेहिं त्रिविहमणि-भत्तिचित्तेहिं ॥ ३५ ॥ चंदण-

पयट्टिएहि य आसत्तोस्सत्त-मल्लदामेहिं । दारेहिं पुरवरा ते पडागमाला-उरा
रम्मा ॥ ३६ ॥ अट्ठेव जोयणाइं उव्विद्धा हुँति ते दुवारवरा । धूमघडि-
याउलाइं कंचण-दामोवणाद्धाणि ॥ ३७ ॥ जहिं देवा भवणावई वरतरुणी-
गीय-वाइयरवेणं । निच्चसुहिया पमुइया गयंपि कालं न याणांति ॥ ३८ ॥
चमरे धरणे तह वेणुदेव पुराणे य होइ जलकंते । अमियगई वेलंबे
घोसे हरी य अग्गिसिहे य ॥ ३९ ॥ कणागमणि-रयणाथूमिय-रम्माइं सवेइयाइं
भवणाइं । एसिं दाहिणाओ सेसाणं दाहिणे(उत्तरे) पासे ॥ ४० ॥ चउतीसा
चोयाला अट्ठतीसं च सयसहस्साइं । चत्ता पन्नासा खलु दाहिणाओ हुँति
भएणाइं ॥ ४१ ॥ तीसा चतालीसा चउतीसं चेव सयसहस्साइं । छत्तीसा
द्यायाला उत्तरओ हुँति भवणाइं ॥ ४२ ॥ भवणा-दिमाणावईणां तायत्तीसा
य लोगपाला य । सव्वेसिं तिन्नि परिसा समाणा-चउगुणायरक्खा उ ॥ ४३ ॥
चउसट्ठी सट्ठी खलु छच्च सहस्सा तहेव चत्तारि । भवणावइ-वाणावंतर-जोइसियाणं
च सामाणे ॥ ४४ ॥ पंचगमहिंसीओ चमरवलीणं हवंति नायव्वा । सेसय-भवणिं-
दाणं छच्चेव य अग्गमहिंसीओ ॥ ४५ ॥ दो चेव जंबुदीवे चत्तारि य माणुसुत्तरे
सेले । छव्वारुणे समुहे अट्ठ य अरुणम्मि दीवम्मि ॥ ४६ ॥ जंनामए
समुहे दीवे वा जंमि हुँति आवासा । तन्नामए समुहे दीवे वा तेसि उप्पाया
॥ ४७ ॥ असुराणं नागाणं उदहिकुमाराणं हुँति आवासा । वरुणावरे
दीवम्मी तत्थेव य तेसिं उप्पाया ॥ ४८ ॥ दीवदिसाअग्गीणं थणियकुमाराणं
हुँति आवासा । अरुणावरे दीवम्मि य तत्थेव य तेसिं उप्पाया ॥ ४९ ॥ वाउ-
सुवणिंणादाणं एसिं माणुसुत्तरे सेले । हरिणो हरिप्पहस्स य विज्जुप्पभमा-
लवंतेसु ॥ ५० ॥ एसिं देवाणं बलवीरिय-परक्कमो य जो जस्स । ते
सुंदरि ! वराणेऽहं अहक्कमं आणुपुव्वीए ॥ ५१ ॥ जाव य जंबुदीवो जाव य
चमरस्स चमरचंचा उ । असुरेहिं असुरकराणाहिं तस्स विसओ भरेउं जे ॥ ५२ ॥
तं चेव समइरेगं बलिस्स वइरोयणास्स बोद्धव्वं । असुरेहिं असुरकराणाहिं

तस्स विसत्रो भरेउं जे ॥ ५३ ॥ धरणोवि नागराया जंबुदीवं फडाइ छाइज्जा ।
 तं चेव समइरेगं भूयाणंदे य बोद्धव्वं ॥ ५४ ॥ गरुलोऽवि वेणुदेवो जंबुदीवं
 छइज्ज पक्खेणं । तं चेव समइरेगं वेणुदालिम्मि बोद्धव्वं ॥ ५५ ॥ पुण्णोवि
 जंबुदीवं पाणितलेणं छइज्ज इक्केणं । तं चेव समइरेगं हवइ वसिट्ठे वि
 बोद्धव्वं ॥ ५६ ॥ इकाइ जलुम्भीए जंबुदीवं भरिज्ज जलकंतो । तं चेव सम-
 इरेगं जलण्णमे होइ बोद्धव्वं ॥ ५७ ॥ अमियगइस्सवि विसत्रो जंबुदीवं तु
 पायपराहीए । कं पिज्ज निरवसेसं इयरो पुण तं समइरेगं ॥ ५८ ॥ इकाइ
 वायुगुंजाइ जंबुदीवं भरिज्ज वेलंबो । तं चेव समइरेगं पभंजणे होइ बोद्धव्वं
 ॥ ५९ ॥ घोसोऽवि जंबुदीवं सुंदरि ! इक्केण थणियसहेणं । बहिरीकरिज्ज
 सव्वं इयरो पुण तं समइरेगं ॥ ६० ॥ इकाइ विज्जुयाए जंबुदीवं हरी पकासिज्ज ।
 तं चेव समइरेगं हरिस्सह होइ बोद्धव्वं ॥ ६१ ॥ इकाइ अग्गिजालाइ जंबु-
 दीवं ढहिज्ज अग्गिसिहो । तं चेव समइरेगं माणवए होइ बोद्धव्वं ॥ ६२ ॥
 तिरियं तु असंखिज्जा दीवसमुद्दा सएहिं रूवेहिं । अवगाढाउ करिज्जा
 सुंदरि ! एएसि एगयरो ॥ ६३ ॥ पभू अन्नयरो इंदो जंबुदीवं तु वामह-
 त्थेण । छत्तं जहा धरिज्जा अन्नयत्रो मंदरं धित्तुं ॥ ६४ ॥ जंबुदीवं काउण
 छत्तयं मंदरं व से दंडं । पभू अन्नयरो इंदो एसो तेसिं बलविसेसो ॥ ६५ ॥
 एसा भवणवईणं भवणठिई वन्निया समासेणं । सुण वाणमंतराणं भवणवई-
 आणुपुव्वीए ॥ ६६ ॥ पिसाय भूया जक्खा य रक्खसा किन्नरा य
 किपुरिसा । महोरगा य गंधक्का अट्ठविहा वाणमंतरिया ॥ ६७ ॥ एए
 उ समासेणं कहिया भे वाणमंतरा देवा । पत्तेयंपि य बुच्छं सोलस इंदे
 महिड्डिए ॥ ६८ ॥ काले य महाकाले सुरूव पडिरूव पुन्नभहे य । अमरवइ
 माणभहे भीमे य तहा महाभीमे ॥ ६९ ॥ किन्नरकिपुरिसे खलु सप्पुरिसे
 खलु तहा महापुरिसे । अइकाय महाकाए गीयरई चेव गीयजसे ॥ ७० ॥
 सन्निहिए सामाणे धाइ विधाए इसी य इसिपाले । इस्सर महिस्सरे या हवइ

सुवच्छे विसाले य ॥ ७१ ॥ हासे हासरईविअ सेए अ तहा भवे महासेए ।
 पयए पययावईविय नेयवा आणुपुव्वीए ॥ ७२ ॥ उट्ठमहे तिरियंमिय व सहिं
 ओविंति वंतरा देवा । भवणा पुण्णह रयणप्पभाइ उवरिल्लए कंडे ॥ ७३ ॥
 इक्किम्मि य जुयले नियमा भवणा वरा असंखिज्जा । संखिज्जवित्थडा पुण
 नवरं एतत्थ नाणत्तं ॥ ७४ ॥ जंबुद्दीवसमा खलु उक्कोसेणं भवंति भवणवरा ।
 खुद्दा खित्तसमाविअ विदेहसमया य मज्झिमया ॥ ७५ ॥ जहं देवा
 वंतरिया वरतरुणीगीयवाइयरवेणं । निच्चसुहिया पमुइया गयंपि कालं
 न याणंति ॥ ७६ ॥ काले सुरूव पुण्णे भीमे तह किन्नरे
 य सप्पुरिसे । अइकाए गीयरई अट्टेव य हुंति दाहिणओ ॥ ७७ ॥ मणि-
 कणगरयणथूभिअ-जंबूणयवेइयाइं भवणाइं । एएसिं दाहिणओ सेसाणं उत्तरे
 पासे ॥ ७८ ॥ दस वाससहस्साइं ठिई जहन्ना उ वंतरसुराणं । पलिओवमं
 तु इक्कं ठिई उ उक्कोसिया तेसिं ॥ ७९ ॥ एसा वंतरियाणं भवणठिई
 वन्निया समासेणं । सुण जोइसालयाणं आवासविहिं सुरवराणं ॥ ८० ॥
 चंदा सूरा तारागणा य नक्खत्त गहगणा समत्ता । पंचविहा जोइसिया ठिई
 वियारी य ते गणिया ॥ ८१ ॥ अद्धकविट्ठगसंठाण-संठिया फालियामया
 रम्मा । जोइसियाण विमाणा तिरियंलोए असंखिज्जा ॥ ८२ ॥ धरणियलाउ
 समाओ सत्तहिं नउएहिं जोयणसएहिं । हिट्ठिल्लो होइ तलो सूरु पुण अट्ठहिं
 सएहिं ॥ ८३ ॥ अट्ठसए आसीए चंदो तह चेव होइ उवरितले । एगं दसु-
 त्तसयं बाहल्लं जोइसस्स भवे ॥ ८४ ॥ एगट्ठिभाय काऊण जोअणं तस्स
 भागद्धप्पराणं । चंदपरिमंडलं खलु अडयाला होइ सूरस्स ॥ ८५ ॥ जहिं
 देवा जोइसिया वरतरुणीगीयवाइयरवेणं । निच्चसुहिया पमुइया गयंपि कालं
 न याणंति ॥ ८६ ॥ छप्पन्नं खलु भागा विच्छिन्नं चंदमंडलं होइ । अड-
 वीसं च कलाओ बाहल्लं तस्स बोद्धवं ॥ ८७ ॥ अडयालीसं भागा
 विच्छिन्नं सूरमंडलं होइ चउवीसं च कलाओ बाहल्लं तस्स बोद्धवं ॥ ८८ ॥

अर्द्धजोयणिया उ गहा तस्सद्धं चेव होइ नक्खत्ता । नक्खत्तद्धे तारा तस्सद्धं
 चेव बाहल्लं ॥ ८९ ॥ जोयणमद्धं तत्तो गाऊअं पंचधणुसया हुँति । गहन-
 नक्खत्तगणाणं तारविमाणाण विक्खंभो ॥ ९० ॥ जो जस्सा विक्खंभो तस्सद्धं
 चेव होइ बाहल्लं । तं तिउणं सविसेसं परिरत्थो होइ बोद्धव्वो ॥ ९१ ॥ सोलस
 चेव सहस्सा अट्ट य चउरो य दुन्नि य सहस्सा । जोइसियाण विमाणा वहंति
 देवाभिओगाओ ॥ ९२ ॥ पुरओ वहंति सीहा दाहिणओ कुंजरा महाकाया ।
 पच्चत्थिमेण वसहा तुरगा पुण उत्तरे पासे ॥ ९३ ॥ चंदेहि उ सिग्घयरा
 सूरा सूरैहिं तह गहा सिग्घा । नक्खत्ता उ गहेहि य नक्खत्तेहिं तु ताराओ
 ॥ ९४ ॥ सव्वप्पगई चंदा तारा पुण हुँति सव्वसिग्घगई । एसो गईविसेसो
 जोइसियाणं तु देवाणं ॥ ९५ ॥ अप्पिड्डियाओ तारा नक्खत्ता खलु तओ
 महिड्डियए । नक्खत्तेहिं तु गहा गहेहिं सूरा तओ चंदा ॥ ९६ ॥ सव्वब्भि-
 तरओभीई मूलो पुण सव्वबाहिरो भमइ । सव्वोवरिं च साई भरणी पुण सव्व-
 हिट्ठिमया ॥ ९७ ॥ साहा गहनक्खत्ता मज्जेगा हुँति चंदसूराणं । हिट्ठा समं
 च उप्पि ताराओ चंदसूराणं ॥ ९८ ॥ पंचेव धणुसयाइं जहन्नयं अंतरं तु
 ताराणं । दो चेव गाउआइं निव्वाघाएण उकोसं ॥ ९९ ॥ दोन्नि सए द्वावट्ठे
 जहन्नयं अंतरं तु ताराणं । बारस चेव सहस्सा दो बायाला य उकोसा
 ॥ १०० ॥ एयस्स चंदजोगो सत्तट्ठिं खंडियो अहोरत्तो । ते हुँति नव
 मुहुत्ता सत्तावीसं कलाओ अ ॥ १०१ ॥ सयभिसया भरणीओ अहा अस्सेस
 साइ जिट्ठा य । एए छन्नक्खत्ता पन्नरसमुहुत्तसंजोगा ॥ १०२ ॥ तिन्नेव
 उत्तराइं पुणव्वसू रोहिणी विसाहा य । एए छन्नक्खत्ता पणयालमुहुत्तसंजोगा
 ॥ १०३ ॥ अवसेसा नक्खत्ता पन्नरसया हुँति तीसइमुहुत्ता । चंदमि एस
 जोगो नक्खत्ताणं मुण्येव्वो ॥ १०४ ॥ अभिई छच्च मुहुत्ते चत्तारि अ केवले
 अहोरत्ते । सूरेण समं वच्चइ इत्तो सेसाण वुच्छामि ॥ १०५ ॥ सयभिसया
 भरणीओ अहा अस्सेस साइ जिट्ठा य । वच्चंति छहोरत्ते इक्कीसं मुहुत्ते य

॥ १०६ ॥ तिन्नेव उत्तराङ्गं पुण्यवसू रोहिणी विसाहा य । वच्चन्ति मुहुत्ते
तिन्नि चेव वीस चऽहोरत्ते ॥ १०७ ॥ अवसेसा नक्खत्ता पराणरसवि सूरस-
हगया जन्ति । बारस चेव मुहुत्ते तेरस य समे अहोरत्ते ॥ १०८ ॥ दो चंदा
दो सूरान् नक्खत्ता खलु हवन्ति छप्पन्ना । छावत्तरं गहसयं जंघुहीवे वियारीणं
॥ १०९ ॥ इक्कं च सयसहस्सं तिन्तीसं खलु भवे सहस्साङ्गं । नव य सया
पराणासा तारागणकोडिकोडीणं ॥ ११० ॥ चत्तारि चेव चंदा चत्तारि य
सूरिया लवणतोये(जले) । बारं नक्खत्तसयं गहाण तिन्नेव बावन्ना ॥ १११ ॥
दो चेव सयसहस्सा सत्तट्ठि खलु भवे सहस्साङ्गं । नव य सया लवणजले
तारागणकोडिकोडीणं ॥ ११२ ॥ चउवीसं ससिरविणो नक्खत्तसया य
तिगिण छत्तीसा । इक्कं च गहसहस्सं छप्पन्नं धायईसंडे ॥ ११३ ॥ अट्टेव
सयमहस्सा तिगिण सहस्सा य सत्त य सया उ । धायईसंडे दीवे तारागणको-
डिकोडीणं ॥ ११४ ॥ बायालीसं चंदा बायालीसं च दिणयरा दित्ता ।
कालोदहिमि एण चरन्ति संबद्धलेसागा ॥ ११५ ॥ नक्खत्तमिगसहस्सं
एगमेव छावत्तरि च सयमन्नं । छच्च सया छन्नउत्था महग्गहाण तिन्नि य
सहस्सा ॥ ११६ ॥ अट्ठावीसं कालोदहिमि बारस य सयसहस्साङ्गं । नव
य सया पन्नासा तारागणकोडिकोडीणं ॥ ११७ ॥ चोयालं चंदसयं चोयालं
चेव सूरियाण सयं । पुक्खरवरमि एण चरन्ति संबद्धलेसाया ॥ ११८ ॥
चत्तारि च सहस्सा वत्तीसं चेव हुन्ति नक्खत्ता । छच्च सया बावत्तर महग्गहा
बारस सहस्सा ॥ ११९ ॥ छन्नउड् सयसहस्सा चोयालीसं भवे सहस्साङ्गं ।
चत्तारी य सयाङ्गं तारागणकोडिकोडीणं ॥ १२० ॥ बावत्तरि च चंदा बावत्तरि-
मेव दिणयरा दित्ता । पुक्खरवरदीवड् चरन्ति एण पगासित्ता ॥ १२१ ॥
तिगिण सया छत्तीसा छच्च सहस्सा महग्गहाणं तु । नक्खत्ताणं तु भवे
सोलाणि दुवे सहस्साणि ॥ १२२ ॥ अड्यालीसं लक्खा बावीसं खलु भवे
सहस्साङ्गं । दो य सय पुक्खरद्धे तारागणकोडिकोडीणं ॥ १२३ ॥ वत्तीसं

चंदसयं बत्तीसं चैव सूरियाण सयं । सयलं मणुस्सलोयं चरन्ति एष पयासिता
 ॥ १२४ ॥ इकारस य सहस्सा छप्पिय सोला महग्गहसया उ । छच्च सया
 छन्नउत्था नक्खत्ता तिग्गिण य सहस्सा ॥ १२५ ॥ अट्ठासीई चत्ताइं सयसह-
 स्साइं मणुयलोगम्मि । सत्त य सयामणूणा तारागणकोडिकोडीणं ॥ १२६ ॥
 एसो तासपिंडो सव्वसमासेण मणुयलोगिम्म । बहिया पुण ताराओ जिणेहिं
 भणिया असंखिज्जा ॥ १२७ ॥ एवइयं तारग्गं जं भणियं मणुयलोगमज्झ-
 म्मि । चारं कलंबुयापुप्फसंठियं जोइसं चरइ ॥ १२८ ॥ रविससिगहनक्खत्ता
 एवइत्था आहिया मणुयलोए । जेसिं नामागोयं न पागया पन्नवेइंति ॥ १२९ ॥
 छावट्ठि पिडयाइं चंदाइच्चाण मणुयलोगम्मि । दो चंदा दो सूरा य हुंति इक्कि-
 कए पिडये ॥ १३० ॥ छावट्ठि पिडयाइं नक्खत्ताणं तु मणुयलोगम्मि ।
 छप्पन्नं नक्खत्ता हुंति इक्किक्कए पिडए ॥ १३१ ॥ छावट्ठी पिडयाणं महग्ग-
 हाणं तु मणुयलोगम्मि । छावत्तरं गहसयं च होइ इक्किक्कए पिडए ॥ १३२ ॥
 चत्तारि य पंतीओ चंदाइच्चाण मणुयलोगम्मि । छावट्ठि छावट्ठि होइ इक्किक्कया
 पंती ॥ १३३ ॥ छप्पन्नं पंतीओ नक्खत्ताणं तु मणुयलोगम्मि । छावट्ठि
 छावट्ठि च होइ इक्किक्कया पंती ॥ १३४ ॥ छावत्तरं गहाणं पंतिसयं होइ
 मणुयलोगम्मि । छावट्ठि छावट्ठि च होइ इक्किक्कया पंती ॥ १३५ ॥ ते मेरुमाणु-
 सुत्तर-पयाहिणावत्तमंडला सव्वे । अणवट्ठिएहिं जोएहिं चंदा सूरा गहगणा य
 ॥ १३६ ॥ नक्खत्ततारयाणं अवट्ठिया मंडला मुणेयव्वा । तेवि य पयाहि-
 णावत्तमेव मेरुं अणुचरन्ति ॥ १३७ ॥ रयणियरदिणयराणं उट्ठमहे एव
 संकमो नत्थि । मंडलसंकमणं पुण अन्भितरवाहिरं तिरियं ॥ १३८ ॥ रयणि-
 यरदिणयराणं नक्खत्ताणं च महग्गहाणं च । चारविसेसेण भवे सुहदुक्ख-
 विही मणुस्साणं ॥ १३९ ॥ तेसिं पविसंताणं तावविस्वत्ते उ वड्ढए नियमा ।
 तेणेव कमेण पुणो परिहायइ निक्खमिन्ताणं ॥ १४० ॥ तेसिं कलंबुयापु-
 प्फसंठिया हुंति तावविस्वत्तमुहा । अंतो अ संकुला बाहिं च वित्थडा चंदसू-

राणं ॥१४१॥ केणं वड्डइ चंदो ? परिहाणी केण होइ चंदस्स ? । कालो वा जुगहा वा केणज्जाभावेण चंदस्स ? ॥१४२॥ किण्हं राहुविमाणं निच्चं चंदेण होइ अविरहियं । चउरंगुलमप्पत्तं हिट्ठा चंदस्स तं चरइ ॥ १४३ ॥ छावट्ठिं छावट्ठिं दिवसे दिवसे उ सुक्कपक्खस्स । जं परिवड्डइ चंदो खवेइ तं चेव कालेणं ॥ १४४ ॥ पन्नरसइभागेण य चंदं पन्नरसमेव चंक्रमइ । पन्नरस-
इभागेण य पुणोवि तं चेव पक्कमइ ॥ १४५ ॥ एवं वड्डइ चंदो परिहाणी एव होइ चंदस्स । कालो वा जुगहा वा तेण यज्जाभावेण चंदस्स ॥ १४६ ॥ अंतो मणुस्सखेत्ते हवंति चारोवगा य उववगणा । पंचविहा जोइसिया चंदो सूरा गहगणा य ॥ १४७ ॥ तेण परं जे सेसा चंदोइच्च गहतारनक्खत्ता । नत्थि गई नवि चारो अवट्ठिया ते सुणोयव्वा ॥ १४८ ॥ दो चंदो इह दीवे चत्तारि य सागरे लवणतोए । धायइसंडे दीवे बारस चंदो य सूरा य ॥ १४९ ॥ एगे जंबुदीवे दुगुणा लवणे चउग्गुणा हुंति । कालोयए तिगु-
णिया ससिसूरा धायइसंडे ॥ १५० ॥ धायइसंडप्पभिई उट्ठिट्ठा तिगुणिया भवे चंदो । आइल्लचंदसहिया अणंतराणंतरे खित्ते ॥ १५१ ॥ रिक्खग्गह-
तारग्गा दीवसमुदाण इच्छसे नाउं । तस्स ससोहि उ गुणियं रिक्खग्गहता-
रयग्गं तु ॥ १५२ ॥ बहिया उ माणुसनगस्स चंदसूराणज्जट्ठिया जोगा । चंदो अभीइजुत्ता सूरा पुण हुंति पुस्सेहिं ॥ १५३ ॥ चंदोओ सूरस्स य सूरा ससिणो य अंतरं होइ । पणणाससहस्साइं जोयणाणं अणूणाइं ॥ १५४ ॥ सूरस्स य सूरस्स य ससिणो ससिणो य अंतरं होइ । बहिया उ माणुसन-
गस्स जोअणाणं सयसहस्सं ॥ १५५ ॥ सूरंतरिया चंदो चंदंतरिया उ दिण-
यरा दित्ता । चित्तंतरलेसागा सुहलेसा मंदलेसा य ॥ १५६ ॥ अट्ठासीयं च गहा अट्ठावीसं च हुंति नक्खत्ता । एगससीपरिवारो एत्तो ताराण बुच्छामि ॥ १५७ ॥ छावट्ठि सहस्साइं नव चेव सयाइं पंचसयराइं । एगससीपरिवारो ताराणकोडिकोडीणं ॥ १५८ ॥ वाससहस्सं पलिओवमं च सूराण सा

ठिई भणिया । पलिओवम चंदाणं वाससयसहस्स-मब्भहियं ॥ १५१ ॥ पलि-
 ओवमं गहाणं नक्खत्ताणं च जाण पलियद्धं । पलियचउत्थो भाओ तारा-
 णवि सा ठिई भणिया ॥ १६० ॥ पलिओवमट्टभागो ठिई जहरणा उ
 जोइसगणस्स । पलिओवममुक्कोसं वाससयसहस्समब्भहियं ॥ १६१ ॥ भवणा-
 वइवाणवंतर-जोइसवासी ठिई मए कहिया । कप्पवईवि य वुच्छं बारस इंदे
 महिद्धीए ॥ १६२ ॥ पढमो सोहम्मवई ईसाणवई उ भन्नए बीओ । तत्तो
 सणकुमारो हवइ चउत्थो उ माहिंदो ॥ १६३ ॥ पंचमए पुण बंभो छट्ठो पुण
 लंतओऽथ देविंदो । सत्तमओ महसुक्को अट्ठमओ भवे सहस्सारो ॥ १६४ ॥
 नवमो अ आणइंदो दसमो उण पाणउऽथ देविंदो । आरण इकारसमो
 बारसमो अच्चुए इंदो ॥ १६५ ॥ एए बारस इंदा कप्पवई कप्पसामिया
 भणिया । आणईसरियं वा तेण परं नत्थि देवाणं ॥ १६६ ॥ तेण परं
 देवगणा सयइच्छियभावणाइ उववन्ना । गेविज्जेहिं न सको उववाओ अन्न-
 लिंगेणं ॥ १६७ ॥ जे दंसणवावन्ना लिंगगहणं करंति सामरणे । तेसिं-
 पिय उववाओ उक्कोसो जाव गेविज्जा ॥ १६८ ॥ इत्थ किर विमाणाणं
 बत्तीसं वरिणया सयसहस्सा । सोहम्मकप्पवइणो सकस्स महाणुभागस्स
 ॥ १६९ ॥ ईसाणकप्पइणो अट्ठावीसं भवे सयसहस्सा । बारस्स सयसहस्सा
 कप्पम्मि सणकुमारम्मि ॥ १७० ॥ अट्ठेव सयसहस्सा माहिदंमि उ भवंति
 कप्पम्मि । चत्तारि सयसहस्सा कप्पम्मि उ बंभलोगम्मि ॥ १७१ ॥ इत्थ किर
 विमाणाणं पन्नासं लंतए सहस्साइं । चत्तारि महासुक्के छच्च सहस्सा सहस्सारे
 ॥ १७२ ॥ आणयपाणयकप्पे चत्तारि सयाऽऽरणच्चुए तिन्नि । सत्त विमा-
 णसयाइं चउसुवि एएसु कप्पेसु ॥ १७३ ॥ एयाइ विमाणाइं कहियाइं जाइं
 जत्थ कप्पम्मि । कप्पवईणवि सुंदरि ! ठिईविसेसे निसामेहि ॥ १७४ ॥ दो
 सागरोवमाइं सकस्स ठिई महाणुभागस्स । साहीया ईसाणे सत्तेव सणकुमारम्मि
 ॥ १७५ ॥ माहिंदे साहियाइं सत्त दस चेव बंभलोगम्मि । चउदस लंतइ

कप्पे सत्तरस भवे महासुक्के ॥ १७६ ॥ कप्पम्मि सहस्सारे अट्टारस सागरो-
वमाइं ठिई । एगूणावीसाऽऽणायकप्पे वीसा पुण पाणए कप्पे ॥ १७७ ॥ पुणणा
य इक्कवीसा उदहिसनामाण आरणो कप्पे । अह अच्चुयम्मि कप्पे बावीसं
सागराण ठिई ॥ १७८ ॥ एसा कप्पवईणं कप्पठिई वणिणया समासेणं ।
गेविज्जाऽणुत्तराणं सुण अणुभागं विमाणाणं ॥ १७९ ॥ तिराणोव य गेविज्जा
हिट्ठिल्ला मज्झिमा य उवरिल्ला । इक्किक्कंपि य तिविहं नव एवं हुंति गेविज्जा
॥ १८० ॥ सुदंसणा अमोहा य, सुप्पबुद्धा जसोधरा । वच्छा सुवच्छा
सुमणा, सोमणासा पियदंसणा ॥ १८१ ॥ एक्कारसुत्तरं हेट्ठिमए सत्तुत्तरं च
मज्झिमए । सयमेगं उवरिमए पंचेव अणुत्तरविमाणा ॥ १८२ ॥ हेट्ठिमगे-
विजाणं तेवीसं सागरोवमाइं ठिई । इक्किक्कमारुहिज्जा अट्ठहिं सेसेहिं नमि-
यंगी ! ॥ १८३ ॥ विजयं च वेजयंतं जयंतमपराजियं च बोद्धव्वं । सव्वट्ठ-
सिद्धनामं होइ चउण्हं तु मज्झिमयं ॥ १८४ ॥ पुव्वेण होइ विजयं दाहि-
णायो होइ वेजयंतं तु । अवरेणं तु जयंतं अवराइयमुत्तरे पासे ॥ १८५ ॥
एएसु विमाणेसु उ तित्तीसं सागरोवमाइं ठिई । सव्वट्ठसिद्धनामे अजहन्नुक्कोस
तित्तीसा ॥ १८६ ॥ हिट्ठिल्ला उवरिल्ला दो दो जुयलऽद्धचंदसंठाणा । पडिपु-
णाचंदसंठाण-संठिया मज्झिमा चउरो ॥ १८७ ॥ गेविज्जाऽऽवलिसरिसा गेविज्जा
तिरिण तिरिण आसन्ना । हुल्लुयसंठाणाइं अणुत्तराइं विमाणाइं ॥ १८८ ॥
घणउदहिपइट्ठाणा सुरभवणा दोसु हुंति कप्पेसुं । तिसु वाउपइट्ठाणा तदुभ-
यसुपइट्ठिया तिन्नि ॥ १८९ ॥ तेण परं उवरिमया आगासंतरपइट्ठिया सव्वे ।
एस पइट्ठाणविही उड्डं लोए विमाणाणं ॥ १९० ॥ किण्हा नीला काऊ
तेऊलेसा य भवणवंतरिया । जोइससोहम्मीसाणं तेउलेसा मुणोयव्वा ॥ १९१ ॥
कप्पे सणांकुमारे माहिंदे चेव बंभलोए य । एएसु पम्हलेसा तेण परं सुक्कलेसा
उ ॥ १९२ ॥ कणागत्तयरत्ताभा सुरवसभा दोसु हुंति कप्पेसु । तिसु हुंति
पम्हगोरा तेण परं सुक्किल्ला देवा ॥ १९३ ॥ भवणवइवाणमंतर-जोइसिया

हुंति सत्तरयणीया । कप्पवईण्डसुंदरि ! सुण उच्चत्तं सुरवराणं ॥ ११४ ॥
 सोहम्मीसाणसुरा उच्चत्ते हुति सत्तरयणीया । दो दो कप्पा तुल्ला दोसुवि
 परिहायए रयणी ॥ ११५ ॥ गेविज्जेसु य देवा रयणीओ दुन्नि हुंति
 उच्चाओ । रयणी पुण उच्चत्तं अणुत्तरविमाणवासीणं ॥ ११६ ॥ कप्पाओ
 कप्पम्मि उ जस्स ठिई सागरोवमब्भहिया । उस्सेहो तस्स भवे इक्कारसभाग-
 परिहीणो ॥ ११७ ॥ जो अ विमाणस्सेहो पुढवीणं जं च होइ बाहल्लं ।
 दुराहंपि तं पमाणं बत्तीसं जोयणसयाइं ॥ ११८ ॥ भवणावइवाणमंतर-जोइसिया
 हुंति कायपवियारा । कप्पवईणवि सुंदरि ! बुच्छं पवियारणविही उ
 ॥ ११९ ॥ सोहम्मीसाणोसुं सुरवरा हुति कायपवियारा । सणकुमारमाहिंदेसु
 फासपवियारया देवा ॥ २०० ॥ बंभे लंतयकप्पे सुरवरा हुंति रूवपवियारा ।
 महसुकसहस्सारे सहपवियारया देवा ॥ २०१ ॥ आणयपाणयकप्पे आरण
 तह अच्चुए सुकप्पम्मि । देवा मणपवियारा तेण परं चूअपवियारा ॥ २०२ ॥
 गोसीसागुरुकेयइ-पत्तपुन्नाग-बउलगंधा य । चंपयकुवलयगंधा तगरेलसुगंधगंधा
 य ॥ २०३ ॥ एसा णं गंधविही उवमाए वणिणया समासेणं । दिट्ठीएवि
 य तिविहा थिरसुकुमारा य फासेणं ॥ २०४ ॥ तेवीसं च विमाणा चउरासीइं
 च सयसहस्साइं । सत्ताणउई सहस्साइं उड्डंलोए विमाणं ॥ २०५ ॥
 अउणाणउई सहस्सा चउरासीइं च सयसहस्साइं । एगूणयं दिवड्डं सयं च
 पुप्फावकिराणाणं ॥ २०६ ॥ सत्तेव सहस्साइं सयाइं बावत्तराइं अट्ठ भवे ।
 आवलियाइ विमाणा सेसा पुप्फावकिराणाणं ॥ २०७ ॥ आवलिआइ विमा-
 णाण अंतरं नियमसो असंखिज्जं । संखिज्जमसंखिज्जं भणियं पुप्फावकिनाणं
 ॥ २०८ ॥ आवलियाइ विमाणा वट्ठा तंसा तहेव चउरंसा । पुप्फावकिराणया
 पुण अणोगविह-रूवसंठाणा ॥ २०९ ॥ वट्ठं खु वलयगंपिव तंसा सिंघाडयंपिव
 विमाणा । चउरंसविमाणा पुण अक्खाडयसंठिया भणिया ॥ २१० ॥
 पढमं वट्ठविमाणं बीयं तंसं तहेव चउरंसं । एगंतरचउरंसं पुणोवि वट्ठं

पुणो तंसं ॥ २११ ॥ वट्टं वट्टस्सुवरिं तंसं तंसस्स उप्परि होइ । चउरसे
चउरंसं उट्ठं तु विमाणसेदीओ ॥ २१२ ॥ उवलंबयरज्जूओ सव्वविमाण्ण
हुंति समियाओ । उवरिमवरिमंताओ हिट्ठिलो जाव चरिमंतो ॥ २१३ ॥
पागारपरिक्खत्ता वट्टविमाण्ण हवन्ति सज्जेवि । चउरंसविमाण्णं चउहिसिं
वेइया भणिया ॥ २१४ ॥ जत्तो वट्टविमाणं तत्तो तंसस्स वेइया होइ । पागारो
बोद्धव्वो अवसेसाणं तु पासाणं ॥ २१५ ॥ जे पुण वट्टविमाण्ण एगदुवारा
हवन्ति सव्वेवि । तिन्नि य तंसविमाणे चत्तारि य हुंति चउरंसे ॥ २१६ ॥
सत्तेय य कोडीओ हवन्ति बावत्तरिं सयसहस्सा । एसो भवणसमासो भोमि-
ज्जाणं सुरवराणं ॥ २१७ ॥ तिरिओववाइयाणं रम्मा भोम्मनगरा असंखिज्जा ।
तत्तो संखिज्जगुणा जोइसियाणं विमाण्ण उ ॥ २१८ ॥ थोवा विमाण्णवासी
भोमिज्जा वाणमंतरमसंखा । तत्तो संखिज्जगुणा जोइसवासी भवे देवा ॥ २१९ ॥
पत्तेयविमाण्णं देवीणं छब्भवे सयसहस्सा । सोहम्मे कप्पम्मि उ ईसाणे हुंति
चत्तारि ॥ २२० ॥ पंचेवणुत्तराइं अणुत्तरगईहिं जाइं दिट्ठाइं । जत्थ अणुत्तर-
देवा भोगसुहमणुवमं पत्ता ॥ २२१ ॥ जत्थ अणुत्तरगंधा तहेव रूवा
अणुत्तरा सदा । अच्चित्तपुग्गलाणं रसो अ फासो अ गंधो अ ॥ २२२ ॥
पप्फोडियकलिकलुसा पप्फोडियकमलरेणुसंकासा । वरकुसुममहुकरा इव
सुहुमयरं नंदि (दंति) घोट्ठंति ॥ २२३ ॥ वरपउम-गब्भगोरा सव्वे ते एगग-
ब्भवसहीओ । गब्भवसहीविमुक्का सुंदरि ! सुक्खं अणुहवन्ति ॥ २२४ ॥ तेतीसाए
सुंदरि ! वाससहस्सेहिं होइ पुण्णोण । आहाराज्वहि देवाण्ण्णुत्तरविमाण्णवा-
सिणं ॥ २२५ ॥ सोलसहि सहस्सेहिं पंचेहिं सएहिं होइ पुण्णोहिं । आहारो
देवाणं मज्झिममाउं धरिंताणं ॥ २२६ ॥ दस वाससहस्साइं जहन्नमाउं धरंति
जे देवा । तेसिंपि य आहारो चउत्थमत्तेण बोद्धव्वो ॥ २२७ ॥ संवच्छरस्स
सुंदरि ! मासाणं अद्धपंचमाणं च । उस्सासो देवाणं अणुत्तरविमाण्णवासीणं
॥ २२८ ॥ अद्धट्ठमेहिं राइंदिणहिं अट्ठहि य सुत्तण ! मासेहिं । उस्सासो

देवाणं मज्झिममाउं धरिताणं ॥२२१॥ सत्तएहं थोवाणं पुण्णाणं पुण्णइंदुसरिस
 मुहे ! । ऊपासो देवाणं जहन्नमाउं धरिताणं ॥२२२॥ जइ सागरोयमाइं जस्स ठिई
 तस्स तत्तिएहिं पक्खेहिं । ऊपासो देवाणं वाससहस्सेहिं आहारो ॥ २२३ ॥
 आहारो ऊपासो एसो मे वन्निओ समासेणं । सुहुमंतरायनाहि ! (घणाहि)
 सुंदरि ! अचिरेण कालेण ॥ २२४ ॥ एएसिं देवाणं ओही उ विसेसओ
 उ जो जस्स । तं सुदरि ! वरणोऽहं अहकमं आणुपुव्वीए ॥ २२५ ॥ सोह-
 म्मीसाण पढमं दुच्चं च सणंकुमारमाहिंदा । तच्चं च बंभलंतग सुकसहस्सारय
 चउत्थि ॥ २२६ ॥ आणयपाणयकप्पे देवा पासंति पंचमिं पुढविं । तं चेव
 आरणच्चुय ओहियनाणेण पासंति ॥ २२७ ॥ छट्ठिं हिट्ठिममज्झिमगेविजा
 सत्तमिं च उररिल्ला । संभिन्नलोगनालिं पासंति अणुत्तरा देवा ॥ २२८ ॥
 संखिज्जजोयणा खलु देवाणं अद्धसागरे ऊणे । तेण परमसंखिजा जहन्नयं
 पन्नवीसं तु ॥ २२९ ॥ तेण परमसंखिजा तिरियं दीवा य सागरा चेव ।
 बहुययरं उवरिमया उड्डं तु सकप्पथूभाइं ॥ २३० ॥ नेरइयदेवतित्थंकरा य
 ओहिस्सज्वाहिरा हुंति । पासंति सव्वओ खलु सेसा देसेण पासंति ॥२३१॥
 ओहिन्नाणे विसओ एसो मे वणिणओ समासेणं । बाहल्लं उच्चत्तं विमाणवन्नं
 पुणो बुच्छं ॥ २३२ ॥ सत्तावीसं जोयणसयाइं पुढवीण ताण बाहल्लं ।
 सोहम्मीसाणेसुं रयणविचित्ता य सा पुढवी ॥ २३३ ॥ तत्थ विमाणा बहु-
 विहा पासायपगइ-वेइयारम्मा । वेरुलियथूभियागा रयणामय-दामलंकारा ॥२३४॥
 केइत्थऽसियविमाणा अंजणधाउसरिसा सभावेणं । अहयरिट्ठ-सवरणा जत्था-
 वासा सुरगणाणं ॥ २३५ ॥ केइ य हरियविमाणा मेयग-धाउसरिसा सभा-
 वेणं । मोरग्गीव-सवरणा जत्थावासा सुरगणाणं ॥ २३६ ॥ दीवसिहासरि-
 स-वणिणत्थ केइं जासुमणसूर-सरिसवन्ना । हिंगुलुय-धा-उवरणा जत्थावासा
 सुरगणाणं ॥ २३७ ॥ कोरिंट-धाउवरिणत्थ केइं फुल्लकणियार-सरिसवरणा
 य । हालिह-भेयवरणा जत्थावासा सुरगणाणं ॥ २३८ ॥ अविउत्त-मल्लदामा

निम्नजगाया सुगंवनीसासा । सवे अट्टियवया सयंपभा अणिमिसच्छा य
 ॥ २४७ ॥ बावतरि-कलापंडिया उ देवा हवन्ति सवेऽवि । भवसंकमणे तेसिं
 पडिवात्रो होइ नायव्वो ॥ २४८ ॥ कल्लाण-फलविवागा सच्छंद-विउव्विया-
 भरणधारी । आभरण-वसणरहिया हवन्ति साभावियसरीरा ॥ २४९ ॥ वत्तु-
 ल-सरिसवरूवा देवा इक्कम्मि ठिड्विसेसम्मि । पच्चग्गऽहीण-महिमा ओगाहणव-
 रणपरिमाणा ॥ २५० ॥ किण्हा नीला लोहिय हालिदा सुक्किळा विरा-
 यन्ति । पंचसए उव्विद्धा पासाया तेसु कप्पेसु ॥ २५१ ॥ तत्थासणा बहु-
 विहा सयणिज्जा मणिभत्ति-सयविचित्ता । विरइय-वित्थडभूसा रयणामय-दामलं-
 कारा ॥ २५२ ॥ छव्वीस जोयणसयाइं पुढ्वीणं ताण होइ बाहल्लं । सणंकु-
 मारमाहिंदे रयणविचित्ता य सा पुढ्वी ॥ २५३ ॥ तत्थ य नीला लोहिय
 हालिदा सुक्किळा विरायन्ति । छच्च सए उव्विद्धा पासाया तेसु कप्पेसु ॥ २५४ ॥
 तत्थ विमाणा बहुविहा पासायपगइ-वेइयारम्मा । वेरुलिय-थूभियागा रयणाम-
 यदामलंकारा ॥ २५५ ॥ पराणावीसं जोअणसयाइं पुढ्वीण होइ बाहल्लं ।
 बंभयलंतयकप्पे रयणविचित्ता य सा पुढ्वी ॥ २५६ ॥ तत्थ विमाणा
 बहुविहा पासायपगइ-वेइयारम्मा । वेरुलियथूभियागा रयणामय-दामलंकारा
 ॥ २५७ ॥ लोहियहालिदा पुण सुक्किलवरणा य ते विरायन्ति । सत्तसए
 उव्विद्धा पासाया तेसु कप्पेसु ॥ २५८ ॥ चउवीसं जोयणसयाइं पुढ्वीण
 होइ बाहल्लं । सुक्कं य सहस्सारे रयणविचित्ता य सा पुढ्वी ॥ २५९ ॥
 तत्थ विमाण बहुविहा पासायपगइ-वेइयारम्मा । वेरुलियथूभियागा रयणामय-
 दामलंकारा ॥ २६० ॥ हालिदभेयवराणा सुक्किलवरणा य ते विरायन्ति ।
 अट्ट य ते उव्विद्धा पासाया तेसु कप्पेसु ॥ २६१ ॥ तत्थासणा बहुविहा
 सयणिज्जा मणिभत्तिसयविचित्ता । विरइयवित्थडभूसा रयणामयदामलंकारा
 ॥ २६२ ॥ तेरीसं जोयणसयाइं पुढ्वीणं तासिं होइ बाहल्लं । आणयपाण-
 य-आरणच्चुए विचित्ता उ सा पुढ्वी ॥ २६३ ॥ तत्थ विमाणा बहुविहा

पासायपगइवेइयारम्मा । वेरुलियथूभियागा रयणामय-दामलंकारा ॥ २६४ ॥
 संखंक-सन्निकासा सव्वे दगरयतुसार-सरिवराणा । नव य सए उव्विद्धा
 पासाया तेसु कप्पेसु ॥ २६५ ॥ बावीसं जोयणसयाइं पुढवीण तासिं होइ
 बाहुल्लं । गेविज्जविमाणेसुं रयणविचित्ता उ सा पुढवी ॥ २६६ ॥ तत्थ
 विमाणा बहुविहा पासायपगइवेइयारम्मा । वेरुलियथूभियागा रयणामयदाम-
 लंकारा ॥ २६७ ॥ संखंकसन्निकासा सव्वे दगरयतुसारसरिवराणा । दस य
 सए उव्विद्धा पासाया ते विरायति ॥ २६८ ॥ एगवीस जोयणसयाइं
 पुढवीण तासिं होइ बाहुल्लं । पंचसु अणुत्तरेसुं रयणविचित्ता य सा पुढवी
 ॥ २६९ ॥ तत्थ विमाणा बहुविहा पासायपगइवेइयारम्मा । वेरुलियथूभियागा
 रयणामयदामलंकारा ॥ २७० ॥ संखंकसन्निकासा सव्वे दगरयतुसारसरिव-
 राणा । इकारस उव्विद्धा पासाया ते विरायंति ॥ २७१ ॥ तत्थासणा बहु-
 विहा सयणिज्जा मणिभत्तिसयविचित्ता । विरइयवित्थडभू(दू)सा य रयणाम-
 यदामलंकारा ॥ २७२ ॥ सव्वट्ठविमाणस्स उ सव्ववरिल्लाउ थूभियंताओ ।
 बारसहिं जोयणेहिं इसिपभारा तओ पुढवी ॥ २७३ ॥ निम्मलदगरयवराणा
 तुसारगोलीर-फेणसरिवराणा । भणिया उ जिणवरेहिं उत्ताणय-द्धत्तसंठाणा
 ॥ २७४ ॥ पणयालीसं आयाम-वित्थडा होइ सयसहस्साइं । तं तिउणं सवि-
 सेसं परीरओ होइ बोद्धवो ॥ २७५ ॥ एगा जोयणकोडी बायालीसं च
 सयसहस्साइं । तीसं चेव सहस्सा दो य सया अउणपन्नासा ॥ २७६ ॥
 खित्थय-विच्छिन्ना अट्टेव य जोयणाणि बाहुल्लं । परिहायमाणी चरिमंते
 मच्छियपत्ताउ तणुययरी ॥ २७७ ॥ संखंकसन्निकासा नामेण सुदंसणा
 अमोहा य । अज्जुण-सुवराणयमई उत्ताणय-द्धत्तसंठाणा ॥ २७८ ॥ ईसीप-
 भाराए सीयाए जोयणंमि लोगंतो । तस्सुवरिममि भाए सोलसमे सिद्धमो-
 गादे ॥ २७९ ॥ कहिं पडिहया सिद्धा ?, कहिं सिद्धा पइट्ठिया ? । कहिं
 बोदिं चइत्ताणं, कत्थ गंतूण सिज्भई ! ॥ २८० ॥ अलोए पडिहया सिद्धा,

लोयगो य पइट्टिया । इहं बोदिं चइत्ताणं, तत्थ गंतूण सिज्झई ॥ २८१ ॥
 जं संठाणं तु इहं भवं चयंतस्स चरमसमयम्मि । आसी य पएसघणं तं संठाणं
 तहिं तस्स ॥ २८२ ॥ दीहं वा हस्सं वा जं संठाणं हविज्ज चरमभवे । तत्तो
 तिभागहीणा सिद्धाणोगाहणा भणिया ॥ २८३ ॥ तिन्नि सया छासट्ठा
 धणुत्तिभागो य होइ बोद्धव्वो । एसा खलु सिद्धाणं उक्कोसोगाहणा भणिया
 ॥ २८४ ॥ चत्तारि य रयणीओ रयणी तिभागूणिया य बोद्धव्वा । एसा
 खलु सिद्धाणं मज्झिमयोगाहणा भणिया ॥ २८५ ॥ इक्का य होइ रयणी
 अट्ठेव य अंगुलाइं साहीया । एसा खलु सिद्धाणं जहरणयोगाहणा भणिया
 ॥ २८६ ॥ योगाहणाइ सिद्धा भवत्तिभागेण हुंति परिहीणा । संठाणमणि-
 त्थंत्थं जरामरणविप्पमुक्काणं ॥ २८७ ॥ जत्थ य एगो सिद्धो तत्थ अणंता
 भवक्खविमुक्का । अन्तुन्नसमोगादा पुट्ठा सव्वे अलोगंते ॥ २८८ ॥ अस-
 रीरा जीवघणा उवउत्ता दंसणे य नाणे य । सागारमणागारं लवखणमेयं तु
 सिद्धाणं ॥ २८९ ॥ फुसइ अणंते सिद्धे सव्वपएसेहिं णियमसो सिद्धो ।
 तेवि असंखिज्जगुणा देसपएसेहिं जे पुट्ठा ॥ २९० ॥ केवलनाणुवउत्ता
 जाणंती सव्वभावगुणभावे । पासंति सव्वओ खलु केवलदिट्ठीअणंताहिं
 ॥ २९१ ॥ नाणंमि दंसणम्मि य इत्तो एगयरम्मि उवउत्ता । सव्वस्स केवलिस्सा
 जुगवं दो नत्थि उवओगा ॥ २९२ ॥ सुरगणसुहं समत्तं सव्वद्धापिंडियं
 अणंतगुणं । नवि पावइ मुत्तिसुहं णंताहिं वग्गवग्गूहिं ॥ २९३ ॥
 नवि अत्थि माणुसाणं तं सुक्खं नवि य सव्वदेवाणं । जं सिद्धाणं सुक्खं
 अब्बावाहं उवगयाणं ॥ २९४ ॥ सिद्धस्स सुहो रासी सव्वद्धापिंडिओ जइ
 हविज्जा । णंतगुणवग्गमइओ सव्वागासे न माइज्जा ॥ २९५ ॥ जह नाम
 कोइ मिच्छो नयरगुणे बहुविहे वियाणंतो । न चएइ परिकहेउं उवमाए तहिं
 असंतीए ॥ २९६ ॥ इअ सिद्धाणं सुक्खं अणोवमं नत्थि तस्स ओवम्मं ।
 किंचि विसेसेणित्तो सारिक्खमिणं सुणह वुच्छं ॥ २९७ ॥ जह सव्वकाम-

गुणियं पुरिसो भोक्तृण भोयण कोई । तगहाकुहाविमुक्तो अचिद्धज जहा
 अमियतित्तो ॥ २९८ ॥ इय सब्बकालतित्ता अउलं निव्वाणमुवगया सिद्धा
 सासयमव्वाबाहं चिट्ठंति सुही सुहं पत्ता ॥ २९९ ॥ सिद्धत्ति य बुद्धत्ति य पारगयत्ति
 य परंपरगयत्ति । उम्मुक्ककम्मकवया अजरा अमरा असंगा य ॥ ३०० ॥
 बु(नि)च्छिन्नसव्वदुक्खा जाइजरामरण-बंधणविमुक्का । सासयमव्वाबाहं अणुह-
 वंति सुहं सया कालं ॥ ३०१ ॥ सुरगणइड्ढि-समग्गा सब्बद्धापिंडिया अणंत-
 गुणा । नवि पावइ जिणइड्ढिं णंतेहिंवि वग्गवग्गूहिं ॥ ३०२ ॥ भवणवइ-
 वाणमंतर-जोइसवासी विमाणवासी य । सब्बिद्धीपरियरिया अरहंते वंदया
 हुंति ॥ ३०३ ॥ भवणवइवाणमंतर-जोइसवासी विमाणवाणी य । इसिवालि-
 यमयमहिया करिंति महिमं जिणवराणं ॥ ३०४ ॥ इसिवालियस्स भद्दं सुरवर-
 थयकारयस्स वीरस्स । जेहिं सया थुव्वंता सब्बे इंदा पवरकित्ती ॥ ३०५ ॥
 इसिवा० तेसिं सुरासुरगुरु सिद्धा सिद्धिं उवणमंतु ॥ ३०६ ॥ भोमेज्जवण-
 यराणं जोइसियाणं विमाणवासीणं । देवनिकायाणं (णंदउ) थवो समत्तो
 (सहस्सं) अपरिसेसो ॥ ३०७ ॥ देविंदत्थयपइरण्यं सम्मत्तं ॥

॥ इति श्री देवेन्द्रस्तवप्रकीर्णकम् ॥ ९ ॥

॥ १० ॥ अथ श्रीमरणसमाधिप्रकीर्णकम् ॥

तिहुयणसरीरिवंदं सप्प(संघ)वयणारयणमंगलं नमिउं । समणस्स
 उत्तमद्वे मरणविहीसंगहं बुच्छं ॥ १ ॥ सुणह सुयसारनिहसं ससमयपरसम-
 यवायनिम्मायं । सीसो समणगुणइं परिपुच्छइ वायगं कंचि ॥ २ ॥ अभि-
 जाइसत्तविक्रम-सुयसीलविमुत्ति-खंतिगुणकलियं । आयारविणयमहव-विज्जाचर-
 णागरमुदारं ॥ ३ ॥ कित्तीगुणगम्भहरं जसखाणिं तवनिहिं सुयसमिद्धं ।
 सीलगुणनाणदंसण-चरित्तरयणागरं धीरं ॥ ४ ॥ तिविहं तिकरणसुद्धं मयर-
 हियं दुविहठाण पुणरत्तं (रुद्धं) । विणएण कमविसुद्धं चउस्सिरं बारसावत्तं
 ॥ ५ ॥ बुओणयं अहाजायं एयं काऊण तस्स किइकम्मं । भत्तीइ भरियहियओ

हरिस वसुन्भिन्न-रोमंचो ॥ ६ ॥ उवएसहेउकुसलं तं पवयणारयणसिरिघरं भणइ ।
 इच्छामि जाणित्तं जे मरणसमाहिं समासेणं ॥ ७ ॥ अब्भुज्जुयं विहारं इच्छं
 जिणदेसियं विउपसत्थं । नाउं महापुरिसदेसियं तु अब्भुज्जुयं मरणं ॥ ८ ॥
 तुब्भित्थ सामि ! सुअजलहि-पारगा समणसंघनिज्जवया । तुज्झं खु पायमूले
 सामन्नं उज्जमिस्सामि ॥ ९ ॥ सो भरियमहुरजलहर-गंभीरसरो निसन्नओ
 भणइ । सुण दाणि धम्मवच्छल ! मरणसमाहिं समासेणं ॥ १० ॥ सुण जह
 पच्छिमकाले पच्छिमतिथयर-देसियमुयारं । पच्छा निच्छियपत्थं उविति
 अब्भुज्जुयं मरणं ॥ ११ ॥ पव्वज्जाई सव्वं काऊणालोयणं च सुविसुद्धं ।
 दंसणनाणचरित्ते निस्सल्लो विहर चिरकालं ॥ १२ ॥ आउव्वेय-समत्ती
 तिगिच्छिए जह विसारओ विज्जो । रोआयंकागहिओ सो निरुयं आउरं
 कुणइ ॥ १३ ॥ एवं पवयणसुयसार-पारगो सो चरित्तसुद्धीए । पायच्छित्त-
 विहिन्नू तं अणगारं विसोहेइ ॥ १४ ॥ भणइ य तिविहा भणिया सुविहिय !
 आराहणा जिणिंदेहिं । सम्मत्तम्मि य पढ्मा नाणचरित्तेहिं दो अणणा
 ॥ १५ ॥ सहहगा पत्तियगा रोयगा जे य वीरवयणस्स । सम्मत्तमणुसरंता
 दंसणआराहगा हुंति ॥ १६ ॥ संसारसमावरणो य छव्विहे मुक्खमस्सिए
 चेव । एए दुविहे जीवे आणाए सहहे निच्चं ॥ १७ ॥ धम्माधम्मागासं च
 पुग्गले जीवमत्थिकायं च । आणाइ सहहंता सम्मत्ताराहगा भणिया ॥ १८ ॥
 अरहंतसिद्धचेइय-गुरूसु सुयधम्मसाहुवग्गे य । आयरियउवज्झाए पव्वयणो
 सव्वसंवे य ॥ १९ ॥ एएसु भत्तिजुत्ता पूयंता अहरहं अणारणमणा । सम्म-
 त्तमणुसरिन्ता परित्तसंसारिया हुंति ॥ २० ॥ सुविहिय ! इमं पइरणं अस-
 हहंतेहिं णोगजीवेहिं । बालमरणाणि तीए मयाइं काले अणंताइं ॥ २१ ॥
 एणं पंडियमरणं मरिऊण पुणो बहूणि मरणाणि । न मरंति अप्पमत्ता चरि-
 त्तमाराहियं जेहिं ॥ २२ ॥ दुविहम्मि अहक्खाए सुसंबुडा पुव्वसंगओमुक्का ।
 जे उ चयंति सरीरं पंडियमरणं मयं तेहिं ॥ २३ ॥ एयं पंडियमरणं जे धीरा

उवमया उवाएसां । तस्स उवाए उ इमा परिकम्मविही उ जुंजीया ॥ २४ ॥
 जे कुम्म-संखताडण-मारुअजिअ-गगणपंकय-तरुणां । सरिक्कया सुयकप्पिय-
 आहारविहारचिट्ठागा ॥ २५ ॥ निच्चं तिदंडविरया तिगुत्तिगुत्ता तिसल्लनि-
 सल्ला । तिविहेण अप्पमत्ता जगजीवदयावरा समणा ॥ २६ ॥ पंचमहव्वय-
 सुत्थिय संपुण्णचरित्त सीलसंजुत्ता । तह तह मया महेसी हवन्ति आराहगा
 समणा ॥ २७ ॥ इक्कं अप्पाणं जाणिऊण काऊण अत्तहियं च । तो
 नाणदंसणचरित्त-तवसु सुट्ठिया मुणी हुंति ॥ २८ ॥ परिणामजोगसुद्धा दोसु
 य दो दो निरासयं पत्ता । इहलोए परलोए जीवियमरणासए चेव ॥ २९ ॥
 संसारबंधणाणि य रागदोसनियलाणि छित्तूणां । सम्मदंसणसुनिसिय-सुति-
 वखधिइ-मंडलग्गेणां ॥ ३० ॥ दुप्पणिहिण य पिहिऊण तिन्नि तिहिं चेव
 मारवविमुक्का । कायं मणं च वायं मणव्वयसा कायसा चेव ॥ ३१ ॥ तवपर-
 सुणा य छित्तूण तिणिण उजुखंतिविहिय-निसिएणां । दुग्गइमग्गा नरिएणा
 मणव्वयसा कायए दंडे ॥ ३२ ॥ तं नाऊण कसाए चउरो पंचहि य पंच
 हन्तूणां । पंचासवे उदिराणे पंचहि य महव्वयगुणेहिं ॥ ३३ ॥ छज्जीवनि-
 काए रक्खिऊण छलदोसवज्जिया जइणो । तिगलेसापरिहीणा पच्छिमलेसा-
 तिगजुआ य ॥ ३४ ॥ एक्कगदुगतिगचउपण-सत्तट्ठगनव-इमगंठाणोसुं । असु-
 हेसु विप्पहीणा सुभेसु सय संठिया जे उ ॥ ३५ ॥ वेयणावेयावच्चे इरियट्ठाए
 य संजमट्ठाए । तह पाणवत्तियाए छट्ठं पुण धम्मविंताए ॥ ३६ ॥ छसु
 ठाणोसु इमेसु य अराणयरे कारणे समुप्पराणे । कडजोगी आहारं करन्ति
 जयणानिमित्तं तु ॥ ३७ ॥ जोएसु किलायंतीं सरीरसंकप्प-चेट्ठमचयंता ।
 अविकप्पज्वज्जभीरू उवित्ति अब्भुज्जयं मरणां ॥ ३८ ॥ आयंके उवसग्गे
 तित्तिक्खयावंधवेरगुत्तीसु । पाणिदयातवहेउं सरीरपरिहार बुच्छेओ ॥ ३९ ॥
 पडिमासु सीहनिक्कीलियासु घोरेसुऽभिग्गहाईसु । छच्चिय अब्भितरए बज्जे
 य तवे समणुरत्ता ॥ ४० ॥ अविकलसीलायारा पडिवन्ना जे उ उत्तमं अट्ठं ।

पुव्विल्लाण इमाण य भणिया आराहणा चेव ॥ ४१ ॥ जह पुव्वद्धुअगमणो
करणाविहीणोऽवि सागरे पोओ । तीरासन्नं पावइ रहिओऽवि अवल्लागईहिं
॥ ४२ ॥ तह सुकरणो महेसी तिकरण आराहओ धुवं होइ । अह लहइ
उत्तमट्ठं तं अइलाभत्तणं जाण ॥ ४३ ॥ एस समासो भणियो परिणामवसेण
सुविहियजणस्स । इत्तो जह करणिज्जं पंडियमरणं तहा सुणह ॥ ४४ ॥
फासेहिंति चरित्तं सव्वं सुहसीलयं पजहिऊणं । धोरं परीसहचमुं अहिया-
सितो धिइवलेणं ॥ ४५ ॥ सइ रूवे गंधे रसे य फासे य निग्घिणधिईए ।
सव्वेसु कसाएसु य निहंतु परमो सया होहि ॥ ४६ ॥ चइऊण कसाए
इंदिए य सव्वे य गारवे हंतुं । तो मलियरागदोसो करेह आराहणासुद्धिं
॥ ४७ ॥ दंसणानाणचरित्ते पव्वज्जाईसु जो य अइयारो । तं सव्वं आलोयहि
निरवसेसं पणिहियप्पा ॥ ४८ ॥ जह कंटण विद्धो सव्वंगे वेयणहिओ
होइ । तह चेव उद्धियंमि उ निसल्लो निव्वुओ होइ ॥ ४९ ॥ एवमाणुद्धि-
यदोसो माइओ तेण दुक्खिओ होइ । सो चेव चत्तदोसो सुविसुद्धो निव्वुओ
होइ ॥ ५० ॥ रागदोसाभिहया ससल्लमरणं मरंति जे मूढा । ते दुक्खसल्लव-
हुला भमंति संसारकंतारे ॥ ५१ ॥ जे पुण तिगारवज्जा निससल्ला दंसणो
चरित्ते य । विहरंति मुक्कसंगा खवंति ते सव्वदुक्खाइं ॥ ५२ ॥ सुचिरमवि
संकलिट्ठं विहरितं भाणसंवरविहीणं । नाणी संवरजुत्तो जिणइ अहोरत्तमित्तेणं
॥ ५३ ॥ जं निज्जरेइ कम्मं असंबुद्धो सुबहुणाऽवि कालेणं । तं संबुद्धो तिगुत्तो खवेइ
ऊसासमित्तेणं ॥ ५४ ॥ सुबहुस्सुयावि संता जे मूढा सीलसंजमगुणेहिं । न
करंति भावसुद्धिं ते दुक्खनिभेलणा हुंति ॥ ५५ ॥ जे पुण सुयसंपन्ना
चरित्तदोसेहिं नोवलिप्पंति । ते सुविसुद्धचरित्ता करंति दुक्खक्खयं साहू ॥ ५६ ॥
पुव्वमकारियजोगो समाहिकामोऽवि मरणकालम्मि । न भवइ परीसहसहो
विसयसुहपराइओ जीवो ॥ ५७ ॥ तं एवं जाणंतो महंतरं लाहणं सुविहिएसु ।
दंसणचरित्तसुद्धीइ निससल्लो विहर तं धीर ! ॥ ५८ ॥ इत्थ पुण भाव-

णाओ पंच इमा हुंति संकिलिटाओ । आराहित सुविहिया जा निच्चं
 वज्जणिज्जाओ ॥ ५९ ॥ कंदप्पा देवकिव्विस अभिओगा आसुरी य संमोहा ।
 एयाउ संकिलिटा असंकिलिटा हवइ छट्ठा ॥ ६० ॥ कंदप्प कोक्याइय
 दवसीलो निच्चहासणकहाओ । विम्हावितो उ परं कंदप्पं भावणं कुणइ
 ॥ ६१ ॥ नाणस्स केवलीणं धम्मायरियस्स संघसाहूणं । माई अवराणवाई
 किव्विसियं भावणं कुणइ ॥ ६२ ॥ मंताभिओगं कोउग भूईकम्मं च जो
 जणे कुणइ । सायरसइद्धिहेउं अभिओगं भावणं कुणइ ॥ ६३ ॥ अणुवद्धरो-
 स-बुग्गह-संपत्त तहा निमित्तपडिसेवी । एएहिं कारणेहिं आसुरियं भावणं कुणइ
 ॥ ६४ ॥ उम्मग्गदेसणा नाणमग्गइसणा मग्गविप्पणासो अ । मोहेणा
 मोहयंतंति भावणं जाण सम्मोहं ॥ ६५ ॥ एयाउ पंच वज्जिय इणामो छट्ठीइ
 विहर तं धीर । पंचसमिओ तिगुत्तो निस्संगो सव्वसंगेहिं ॥ ६६ ॥ एयाए
 भावणाए विहर विसुद्धाइ दीहकालम्पि । काऊण अंतसुद्धिं दंसणनाणे
 चरित्ते य ॥ ६७ ॥ पंचविहं जे सुद्धिं पंचविहविवेगसंजुयमकाउं । इह उव-
 णमंति मरणं ते उ समाहिं न पाविति ॥ ६८ ॥ पंचविहं जे सुद्धिं पत्ता
 निखिलेण निच्छयमईया । पंचविहं च विवेगं ते हु समाहिं परं पत्ता ॥ ६९ ॥
 लहिऊणं संसारे सुदुल्लहं कहवि माणुसं जम्मं । न लहंति मरणदुल्लहं जीवा
 धम्मं जिणक्खायं ॥ ७० ॥ किच्छाहि पावियम्मिवि सामराणे कम्मसत्तिओ-
 सन्ना । सीयंति सायदुलहा पंकोसन्नो जहा नागो ॥ ७१ ॥ जह कागणीइ हेउं
 मणिरयणाणं तु हारए कोडिं । तह सिद्धसुहपरुवत्ता अबुहा सज्जंति कामेसुं
 ॥ ७२ ॥ चोरो रक्खसपहओ अत्थत्थी हणइ पंथियं मूढो । इय लिगी सुहरक्ख-
 सपहओ विसयाउरो धम्मं ॥ ७३ ॥ तेसुवि अलद्धपसरा अवियराहा दुविख्या
 गयमईया । समुव्वंति मरणकाले पगामभयभेरवं नरयं ॥ ७४ ॥ धम्मो न कओ
 साहू न जेमिओ न य नियंसियं सराहं । इणिह परं परासुत्ति य नेव य पत्ताइं
 सुक्खाइं ॥ ७५ ॥ साहूणं नोवकयं परलोयच्छेय संजमो न कओ । दुहओऽवि

तत्रो विहजो अह जम्भो धम्मरुक्खाणं ॥७६॥ दिक्खं मइलेमाणा मोहमहावत्त-
सागराभिहया । तस्स अपडिक्कमंता मरंति ते बालमरणाइं ॥ ७७ ॥ इय अवि
मोहपउत्ता मोहं मोत्तूण गुरुसगासम्मि । आलोइय निस्सल्ला मरिउं आराहगा
तेऽवि ॥ ७८ ॥ इत्थ विसेसो भग्गाइ छलणा अवि नाम हुज्ज जिणकप्पो ।
किं पुण इयरमुणीणं तेण विही देसिओ इणमो ॥ ७९ ॥ अप्पविहीणा जाहे
धीरा सुयसारभरियपरमत्था । ते आयरिय विदिन्नं उविति अब्भुज्जयं मरणं
॥ ८० ॥ आलोयणाइ १ संलेहणाइ २ खमणाइ ३ काल ४ उस्सग्गे ५ ।
उग्गासे ६ संथारे ७ निसग्ग ८ वेरग्ग ९ मुक्खाए १० ॥ ८१ ॥ भाण-
विसेसो ११ लेसा १२ सम्मत्तं १३ पायग्गमणायं १४ चेव । चउदसओ एस
विही पढमो मरणंमि नायव्वो ॥ ८२ ॥ विणओवयार माणस्स भंजणा
पूयणा गुरुजणस्स । तिथयरणा य आणा सुयधम्माऽऽराहणाऽकिरिया ॥ ८३ ॥
छत्तीसाठणोसु य जे पवयणसारभरियपरमत्था । तेसिं पासे सोही पन्नत्ता धीरपु-
रिसेहिं ॥ ८४ ॥ वयच्छक्क ६ कायच्छक्कं १२ बारसगं तह अकप्प १३ गिहिभाणं
१४ । पलियंक १५ गिहिनिसिज्जा १६ ससोभ १७ पलिमज्जण सिणाणं
१८ ॥ ८५ ॥ आयारवं च १ उवधारवं च २ ववहारविहिविहिन्नू य ।
उव्वीलगा य धीरा परूवणाए विहिणाया या ३ ॥ ८६ ॥ तह य अवाय-
विहिन्नू ४ निज्जवगा ५ जिणमयम्मि गहियत्था ६ । अपरिस्साई ७ य तहा
विस्तासरहस्स निच्छिड्डा ८ ॥ ८७ ॥ पढमं अट्टारसगं अट्ट य ठाणाणि
एव भणियाणि । इतो दस ठाणाणि य जेसु उवट्ठावणा भणिया ॥ ८८ ॥
अणवट्ठतिगं पारंचिगं च तिगमेय छहि गिहीभूया ६ । जाणंति जे उ एए
सुअरयणकरंडगा सूरी ॥ ८९ ॥ सम्महंसणचत्तं जे य वियाणंति आगमवि-
हिन्नू ७ । जाणंति चरित्ताओ अ निग्गयं अपरिसेसाओ ८ ॥ ९० ॥ जो
आरंभे वट्टइ चित्रत्तकिच्चो अणणुतावी य ९ । सोगो य भवे दसमो १०
जेसूवट्ठावणा भणिया ॥ ९१ ॥ एएसु विहिविहणा छत्तीसाठणएसु जे

सूरी । ते पवयणसुहकेऊ छत्तीसगुणत्ति नायव्वो ॥१२॥ तेसिं मेरुमहोयहि-
मेयणि-ससिसूर-सरिसकप्पाणं । पायमूले य विसोही करणिज्जा सुविहियजणोणं
॥ १३ ॥ काइयवाइय-माणसिय-सेवणं दुप्पयोगसंभूयं । जो अइयारो कोई
तं आलोए अगूहितो ॥ १४ ॥ अमुगंमि इओकाले अमुगत्ये अमुगगाम-
भावेणं । जं जह निसेवियं खलु जेण य सव्वं तहाऽलोए ॥ १५ ॥ मिच्छा-
दंसणसल्लं मायासल्लं नियाणसल्लं च । तं संखेवा दुविहं दव्वे भावे य बोद्धव्वं
॥ १६ ॥ वि(ति)विहं तु भावसल्लं दंसणनाणे चरित्तजोगे य । सच्चित्ता-
चित्तेऽविय मीसए यावि दव्वंमि ॥ १७ ॥ सुहुमंपि भावसल्लं अणुद्धरित्ता उ
जो कुणइ कालं । लज्जाय गारवेण य न हु सो आराहओ भणिओ ॥१८॥
तिविहंपि भावसल्लं समुद्धरित्ता उ जो कुणइ कालं । पव्वज्जाई सम्मं स
होइ आराहओ मरणे ॥ १९ ॥ तम्हा सुत्तरमूलं अविकूलमवददुयं अणु-
व्विग्गो । निम्मोहिय-मणिगूढं सम्मं आलोअए सव्वं ॥ १०० ॥ जह बालो
जंपंतो कज्जमकज्जं च उज्जुयं भाणइ । तं तह आलोएज्जा मायमय-विप्पमुक्को
य ॥ १०१ ॥ कयपावोऽवि माणूसो आलोइय निदिउं गुरुसगासे । होइ
अइरेगलहुओ ओहरियभरोव्व भारवहो ॥ १०२ ॥ लज्जाइ गारवेण य ज
नालोयंति गुरुसगासम्मि । धंतंमि सुयसमिद्धा न हु ते आराहगा हुंति ॥
॥ १०३ ॥ जह सुकुसलोऽवि विज्जो अन्नस्स कहेइ अत्तणो वाहिं । तं तह
आलोयव्वं सुट्ठुवि ववहारकुसलेणं ॥ १०४ ॥ जं पुव्वं तं पुव्वं जहाणुव्वि
जहकमं सव्वं । आलोइज्ज सुविहिओ कमकालविहिं अभिंदंतो ॥ १०५ ॥
अत्तंपरजोगेहि य एवं समुवट्ठिए पओगेहिं । अमुगेहि य अमुगेहि य अमुयग-संठा-
णकरणेहिं ॥ १०६ ॥ वरणेहि य गंधेहि य सहफरिस-रसरूवगंधेहिं (सहे हि
य रसफरिसठणेहिं) । पडिसेवणा कया पज्जवेहिं कया जेहि य जहिं च ॥ १०७ ॥
जो जोगओ अपरिणामओ अ दंसणचरित्तअइयारो । छट्ठाण बाहिरो वा
छट्ठाणव्वंतरो वावि ॥ १०८ ॥ तं उज्जुभावपरिणउ रागं दोसं च पयण

काऊणं । तिविहेण उद्धरिजा गुरुभामूले अग्रहितो ॥१०१॥ नवि तं सत्थं च
 विसं च दुप्पउत्तुव्व कुणइ वेयालो । जंतं व दुप्पउत्तं सप्पुव्व पमाइणो कुद्धो ॥११०॥
 जं कुणइ भावसल्लं अणुद्धियं उत्तमट्टुकालम्भि । दुल्लहबोहीयत्तं च अणंत-
 संसारियत्तं च ॥ १११ ॥ तो उद्धरंति गारवरहिया मूलं पुण्णभव-लयाणं ।
 मिच्छादंसणसल्लं मायासल्लं नियाणं च ॥११२॥ रागेण व दोसेण व भएण
 हासेण तह पमाएणं । रोगेणायंकेण व वत्तीइ पराभिओगेणं ॥११३॥ गिहि-
 विजा-पडिएण व सपक्ख-परधम्मिओवसग्गेणं । तिरियं-जोगिगएण व दिव्वमणू-
 सोवसग्गेणं ॥११४॥ उवहिइ व नियडीइ व तह सावयपेलिएण व परेणं ।
 अण्णाण भएण कयं परस्स छंदाणुवत्तीए ॥११५॥ सहसकार-मणाभोगओ अ
 जं पवयणाहिगारेणं । सन्निकरणे विसोही पुण्णागारो य पणत्ता
 ॥ ११६ ॥ उज्जुअमालोइत्ता इत्तो अकरणपरिणाम जोगपरिसुद्धो । सो
 पयणुइ पइक्कमं सुग्गइमगं अभिमुहेइ ॥ ११७ ॥ उवहीनियडिपइट्ठो सोहिं
 जो कुणइ सोगईकामो । माई पलिकुंचतो करेइ बुंदुंछियं मूढो ॥११८॥
 आलोयणाइदोसे दस दोग्गइबंधणे परेहरंतो । तम्हा आलोइजा मायं मुत्तूण
 निस्सेसं ॥ ११९ ॥ जे मे जाणंति जिण्णा अवरहा जेसु जेसु ङणोसु । ते
 तह अलोएमी उवट्ठिओ सव्वभावेणं ॥ १२० ॥ एवं उवट्ठियस्सवि आलो-
 एउं विसुद्धभावस्स । जं किंचिवि विस्सरियं सहसकारेण वा चुक्कं ॥१२१॥
 आराहओ तहवि सो गारव-परिकुंचणामर्याविहूणो । जिण्णदेसियस्स धीरो सह-
 हगो मुत्तिमग्गस्स ॥ १२२ ॥ आकंपण १ अणुमाणण २ जंदिट्ठं ३ बायरं
 ४ च सुहुमं ५ च । छन्नं ६ सद्दाउलगं ७ बहुजण ८ अव्वत्त ९ तस्सेवी
 ॥१२३॥ आलोयणाइ दोसे दस दुग्गइवड्डणा पमुत्तूणं । आलोइज सुवि-
 हिओ गारवमाया-मयविहूणो ॥ १२४ ॥ तो परियागं च बलं आगम कालं
 च कालकरणं च । पुरिसं जीअं च तहा खित्तं पडिसेवणविहिं च ॥१२५॥ जोगं
 पायच्छित्तं तस्स य दाऊण बिंति आयरिया । दंसण्णाणचरित्ते तवे य कुणमप्प-

मायन्ति ॥ १२६ ॥ अणसणमूणोयरिया वित्तिच्छेत्रो रसस्स परिचात्रो ।
 कायस्म परिकिलेसो छट्ठो संलीणया चेव ॥ १२७ ॥ विणए वेयावच्चे पाय-
 च्छित्ते विवेग सज्जाए । अम्भितरं तवविहिं छट्ठं भाणं वियाणाहि ॥ १२८ ॥
 बारसविहम्मिवि तवे अम्भितरबाहिरे कुसलदिट्ठे । नवि अत्थि नवि य होही
 सज्जायसमं तवोकम्मं ॥ १२९ ॥ जे पयणुभत्तपाणा सुयहेऊ ते तवस्सिणो
 समए । जो अ तवो सुयहीणो बाहिरयो सो छुहाहारो ॥ १३० ॥ छट्ठमदस-
 मदुवालसेहिं अबहुसुयस्स जा सोही । तत्तो बहुतरगुणिया हविज्ज जिमियस्स
 नाणस्स ॥ १३१ ॥ कल्लं कल्लंपि वरं आहारो परिमित्रो अ पंतो अ ।
 न य खमणो पारणए बहु बहुतरो बहुविहो होइ ॥ १३२ ॥ एगाहेण
 तवस्सी हविज्ज नत्थित्थ संसत्रो कोइ । एगाहेण सुयहरो न होइ धंतंपि
 तूरमाणो ॥ १३३ ॥ सो नाम अणसणतवो जेण मणो मंगुलं न चित्तेइ ।
 जेण न इंदियहाणी जेण य जोगा न हायन्ति ॥ १३४ ॥ जं अन्नाणी कम्मं
 खवेइ बहुआहिं वासकोडीहिं । तं नाणी तिहिं गुत्तो खवेइ ऊसासमित्तेणं
 ॥ १३५ ॥ नाणे आउत्ताणं नाणीणं नाणजोगजुत्ताणं । को निज्जरं तुलिज्जा
 चरणो य परक्कमंताणं ? ॥ १३६ ॥ नाणेण वज्जणिज्जं वज्जिज्जइ किज्जई य
 करणिज्जं । नाणी जाणइ करणं कज्जमकज्जं च वज्जेउं ॥ १३७ ॥ नाण-
 सहियं चरित्तं नाणं संपायगं गुणसयाणं । एस जिणाणं आणा नत्थि चरित्तं
 विणा णाणं ॥ १३८ ॥ नाणं सुसिक्खियं वं नरेण लद्धूणं दुल्लहं बोहिं ।
 जो इच्छइ नाउं जे जीवस्स विसोहणामगं ॥ १३९ ॥ नाणेण सब्बभावा
 णज्जन्ती सब्बजीवलोयंमि । तम्हा नाणं कुसलेण सिक्खियव्यं पयत्तेणं
 ॥ १४० ॥ न हु सका नासेउं नाणं अरहंतभासियं लोए । ते धन्ना ते
 पुरिसा नाणी य चरित्तजुत्ता य ॥ १४१ ॥ बंधं मुक्खं गइरागयं च जीवाण
 जीवलोयम्मि । जाणन्ति सुयसमिद्धा जिणसासण-चेइयविहिराण ॥ १४२ ॥
 भइं सुबहुसुयाणं सब्बपयत्थेसु पुच्छणिज्जाणं । नाणेण जोऽवयारे सिद्धिपि

गणसु सिद्धेसु ॥ १४३ ॥ किं इतो लट्ठयरं अच्छेरययं व सुंदरतरं वा ? ।
चंदमिव सव्वलोगा बहुस्सुयमुहं पलोयंति ॥ १४४ ॥ चंदाउ नीइ जुगहा
बहुस्सुय-मुहाओ नीइ जिणवयणं । जं सोऊण सुविहिया तरंति संसारकंतरं
॥ १४५ ॥ चउदस-पुव्वधराणं ओहिनाणीण केवलीणं च । लोगुत्तम-पुरिसाणं
तेसिं नाणं अभिन्नाणं ॥ १४६ ॥ नाणेण विणा करणं न होइ नाणंपि
करणहीणं तु । नाणेण य करणेण य दोहिवि दुक्खस्सयं होइ ॥ १४७ ॥
दढमूल-महाणंमिवि वरमेगोऽवि सुयसील-संपराणो । मा हु सुयसीलविगला
काहिसि माणं पवयणम्मि ॥ १४८ ॥ तम्हा सुयम्मि जोगो कायव्वो होइ
अप्पमत्तेणं । जेणप्पाण परंपि य दुक्खसमुदाओ तारेइ ॥ १४९ ॥ परमत्थ-
म्मि सुद्धिं अविणट्ठेसु तवसंजमगुणेसु । लब्भइ गई विसुद्धा सरीरसारे
विणट्ठम्मि ॥ १५० ॥ अविरहिया जस्स मई पंचहिं समिईहिं तिहिवि गुत्तीहिं ।
न य कुणइ रागदोसे तस्स चरित्तं हवइ सुद्धं ॥ १५१ ॥ उक्कोसचरित्तोऽवि
य परिवडई मिच्छभावणं कुणइ । किं पुण सम्महिट्ठी सारागधम्मंमि वट्ठंतो ? ।
॥ १५२ ॥ तम्हा घत्तह दोसुवि काउं जे उज्जमं पयत्तेणं । सम्मत्तम्मि चरित्ते
करणम्मि अ मा पमाएह ॥ १५३ ॥ जाव य सुई न नासइ जाव य जोगा
न ते पराहीणा । सद्धा व जा न हायइ इंदियजोगा अपरिहीणा ॥ १५४ ॥
जाव य खेमसुभिक्षं आयरिया जाव अत्थि निज्जवगा । इड्डीगारव-रहिया
नाणचरण-दंसणंमि रया ॥ १५५ ॥ ताव खमं काउं जे सरीरनिक्खेवणं
विउपसत्थं । समय-पडागाहरणं सुविहिय-इट्ठं नियमजुत्तं ॥ १५६ ॥ हंदि
अणिच्चा सद्धा सुई य जोगा य इंदियाइं च । तम्हा एयं नाउं विहरह तवसंज-
मुज्जुत्ता ॥ १५७ ॥ ताएयं नाऊणं ओवायं नाणदंसणचरित्ते । धीरपुरिसा-
णुचिन्नं करिति सोहिं सुयसमिद्धा ॥ १५८ ॥ अब्भितर-आहिरियं अह ते
काऊण अप्पणो सोहिं । तिविहेण तिविहकरणं तिविहे काले वियडभावा
॥ १५९ ॥ परिणाम-जोगसुद्धा उवहिविवेगं च गणविसग्गे य । अज्जाइय-उव-

स्सय-वज्जणं च विगईविवेगं च ॥१६०॥ उग्गम-उप्पायण-एसणा-विसुद्धिं च
 परिहरणसुद्धिं । सन्निहि-संनिचयंमि य तववेयावच्च-करणे य ॥ १६१ ॥ एवं
 करंतु सोहि नवसारय-सलिल-नहयल-सभावा । कमकाल-दब्बपज्जव-अत्तपरजोग-
 करणे य ॥१६२॥ तो ते कयसोहीया पच्छित्ते फासिए जहाथामं । पुप्फावकि-
 न्नयम्मि य तवम्मि जुत्ता महासत्ता ॥१६३॥ तो इंदिय-परिकम्मं करिति विस-
 यसुह-निग्गहसमत्था । जयणाइ अप्पत्ता रागदोसे पयणुयंता ॥१६४॥ पुव्व-
 मकारिय-जोगा समाहि-कामावि मरणकालम्मि । न भवंति परीसहसहा विसयसु-
 हपमोइया-अप्पा ॥१६५॥ इंदियसुह-साउलओ घोरपरीसह-पराइयपरज्जो । अक-
 य-परिकम्म-कीवो मुज्झइ आराहणाकाले ॥१६६॥ बाहंति इंदियाइं पुव्वि दुन्नि-
 यमियप्पयाराइं । अकय-परिकम्मकीवं मरणे सुअसंपउत्तंपि ॥१६७॥ आगमम-
 यप्पभाविय इंदियसुह-लोलुयाइडट्टस्स । जइवि मरणे समाही हुज्ज न सा होइ
 बहुयाणं ॥ १६८ ॥ असमत्तसुओइवि मुणी पुव्वि सुकयपरिकम्म-परिहत्यो ।
 संजमनियम-पइन्नं सुहमतहिओ समरणोइ ॥ १६९ ॥ न चयंति किंनि काउं
 पुव्वि सुकयपरिकम्म-जोगस्स । खोहं परीसहचमू धिईबल-पराइया मरणे ॥ १७०॥
 तोतेइवि पुव्वचरणा जयणाए जोगसंगह-विहीहिं । तो ते करिति दंसणचरित्तसइ
 भावणाहेउं ॥ १७१ ॥ जा पुव्वभाविया किर होइ सुई चरणदंसणे
 बहुहा । सा होइ बीयभूया कयपरिकम्मस्स मरणम्मि ॥ १७२ ॥
 तं फासेहि चरित्तं तुमंपि सुहमीलयं पमुत्तूणं । सव्वं परीसहचमू अहियासंतो
 धिइबलेणं ॥ १७३ ॥ सहे रूवे गंधे रसे य फासे य सुविहिय ! जणेहिं ।
 सव्वेसु कसाएसु अ निग्गहपरमो सया होहि ॥ १७४ ॥ सव्वे रसे पणीए
 निज्जहेऊण पंतलुक्खेहिं । अन्नयरेण-वहाणेण संलिहे अप्पगं कमसो ॥ १७५ ॥
 संलेहणा य दुविहा अब्भितरिया य बाहिरा चेव । अब्भितरिय कसाए बाहि-
 रिया होइ य सरीरे ॥ १७६ ॥ उग्गम-उप्पायण-एसणा-विसुद्धेण असणपाणेणं ।
 मियविरस-जुक्खलूहेण दुब्बलं कुणसु अप्पागं ॥ १७७ ॥ उल्लीणोल्लीणेहि

य अहव न एगंत-वद्धमाणेहिं । संलिह सरीरमेयं आहारविहिं पयंगुयंतो
 ॥ १७८ ॥ तत्तो अणुपुण्वेणाहारं उवहिं सुओवएसेणं । विविह-तवोकम्मेहि
 य इंदिय-विकीलियाईहिं ॥ १७९ ॥ तिविहाहिं एसणाहि य विविहेहि
 अभिग्गेहिं उग्गेहिं । संजम-मविराहितो जहाबलं संलिह सरीरं ॥ १८० ॥
 विविहाहि व पडिमाहि य बलवीरियजई य संपहोइ सुहं । ताओवि न
 बाहिंती जहकमं संलिहंतम्मि ॥ १८१ ॥ ढम्मासिया जहन्ना उक्कोसा
 बारिसेव वरिसाई । आयंबिलं महेसी तत्थ य उक्कोसयं विति ॥ १८२ ॥
 छट्टुम-दसम-दुवालसेहिं भत्तेहिं चित्तकट्टेहिं । मियलहुकं आहारं करेहि
 आयंबिलं विहिणा ॥ १८३ ॥ परिवट्ठिओवहाणो गहारु-विराविय-वियडपा-
 सुलि-कडीओ । संलिहिय-तणुसरीरो अज्झप्परओ मुणी निच्चं ॥ १८४ ॥
 एवं सरीरसंलेहणा-विहिं बहुविहंपि फासितो । अज्झवसाण-विसुद्धिं
 खणंपि तो मा पमाइत्था ॥ १८५ ॥ अज्झवसाण-विसुद्धी-विवज्जिया जे तवं
 विगिट्टमवि । कुवंति बाललेसा न होइ सा केवला सुद्धी ॥ १८६ ॥ एयं
 सराग-संलेहणा-विहिं जइ जई समायरइ । अज्झप्प-संजुयमई सो पावइ केवलं सुद्धिं
 ॥ १८७ ॥ निखिला फासेयव्वा सरीरसंलेहणा-विही एसा । इत्तो कसायजोगा
 अज्झप्पविहिं परम वुच्छं ॥ १८८ ॥ कोहं खमाइ माणं मइवया अज्जवेण मायं
 च । संतोसेण व लोहं निज्जिण चत्तारिवि कसाए ॥ १८९ ॥ कोहस्स व
 माणस्स व मायालोभेसु वा न एएसिं । वच्चई वसं खणंपि हु दुग्गइगइ-वड्ड-
 णकराणं ॥ १९० ॥ एवं तु कसायाग्गि संतोसेणं तु विज्झवेयव्वो । रागदो-
 सपवत्तिं वज्जेमाणस्स विज्झाइ ॥ १९१ ॥ जावंति केइ ठाणा उदीरगा हुंति
 हु कसायाणं । ते उ सया वज्जंतो विमुत्तसंगो मुणी विहरे ॥ १९२ ॥
 संतोवसंतधिइमं परीसहविहिं व समहियासंतो । निस्संगयाइ सुविहिय ।
 संलिह मोहे कसाए य ॥ १९३ ॥ इट्ठाणिट्ठेसु सया सहफरिसरसरूवगंधेहिं ।
 सुहदुवख-निव्विसेसो जियसंग-परीसहो विहरे ॥ १९४ ॥ समिईसु पंचस-

मित्रो जिणाहि तं पंच इंदिए सुट्टु । तिहिं गारवेहिं रहिओ होह तिगुतो
 य दंडेहिं ॥ १९५ ॥ सन्नासु आसवेसु अ अट्टे रुहे अ तं विसुद्धप्पा ।
 रागदोसपवंचे निज्जिणिउं सब्बणोज्जुत्तो ॥ १९६ ॥ को दुक्खं पावेज्जा ?
 कस्स य सुक्खेहिं विम्हओ हुज्जा ? । को व न लभिज्ज मुक्खं ? रागदोसा जइ
 न हुज्जा ॥ १९७ ॥ नवि तं कुणइ अमितो सुट्टु विय विराहिओ समत्थोवि ।
 जं दोवि अनिग्गहिया करंति रागो य दोसो य ॥ १९८ ॥ तं मुयह
 रागदोसे सेयं चित्तेह अप्पणो निच्चं । जं तेहिं इच्छह गुणं तं बुक्कह बहुतरं
 पच्छा ॥ १९९ ॥ इहलोए आयासं अयसं च करंति गुणविणासं च ।
 पसवंति य परलोए सारीरमणोगए दुक्खे ॥ २०० ॥ धिद्धी अहो अकज्जं
 जं जाणंतोऽवि रागदोसेहिं । फलमउलं कडुपरसं तं चेव निसेवए जीओ
 ॥ २०१ ॥ तं जइ इच्छसि गंतुं तीरं भवसायरस्स घोरस्स । तो तवसंजम-भंडं
 सुविहिय ! गिरहाहि तूरंतो ॥ २०२ ॥ बहुभयकर-दोसाणं सम्मत्तचरित्त-
 गुणविणासाणं । न हु वसमागंतव्वं रागदोसाण पावाणं ॥ २०३ ॥ जं न
 लहइ सम्मत्तं लद्धूणवि जं न एइ वेरगं । विसयसुहेसु य रज्जइ सो दोसो
 रागदोसाणं ॥ २०४ ॥ भवसयसहस्स-दुलहे जाइजरामरण-सागरुत्तारे । जिण-
 वयणम्मि गुणागर ! खणमवि मा काहिसि पमायं ॥ २०५ ॥ दंडेहिं
 पंजवेहि य ममत्तसंगेहिं सुट्टुवि जियप्पा । निप्पणय-पेमरागो जइ सम्मं नेइ
 मुक्खत्थं ॥ २०६ ॥ एवं कयसंलेहं अब्भितर-आहिरम्मि संलेहे । संसारमुक्ख-
 बुद्धी अनियाणो दाणि विहराहि ॥ २०७ ॥ एवं कहिय समाही तहविह
 संवेग-करणगंभीरो । आउरपच्चक्खाणं पुणरवि सीहावलोएणं ॥ २०८ ॥
 न हु सा पुणरुत्तविही जा संवेगं करेइ भगणंती । आउरपच्चक्खाणे तेण
 कहा जोइया भुज्जो ॥ २०९ ॥ एस करेमि पणामं तित्थयराणं अणुत्तरगईणं ।
 सब्बेसिं च जिणाणं सिद्धाणं संजयाणं च ॥ २१० ॥ जं किंचिवि दुच्चरियं
 तमहं निंदामि सब्बभावेणं । सामाइयं च तिविहं तिविहेण करेमण्णागारं ॥ २११ ॥

अभिमतरं च तह बाहिरं च उवर्ही सरीर साहारं । मणवयणकाय-तिकरणसु-
द्धोऽहं मित्ति पकरेमि ॥ २१२ ॥ बंधपओसं हरिसं रडमरइं दीणयं भयं
सोगं । रागदोस विसायं उस्सुगभावं च पयहामि ॥ २१३ ॥ रागेण व
दोसेण व अहवा अकयन्तुया पडिनिवेसेणं । जो मे किंचिवि भणिओ
तमहं तिविहेण खामेमि ॥ २१४ ॥ सव्वेसु य दव्वेसु य उवट्ठिओ एस
निम्ममत्ताए । आलंबणं च आया दंसणनाणे चरित्ते य ॥ २१५ ॥ आया
पच्चस्वाणे आया मे संजमे तवे जोगो । जिणवयण-विहिविलग्गो अवसेसविहिं
तु दंसेहि ॥ २१६ ॥ मूलगुण उत्तरगुणा जे मे नाराहिया
पमाएणं । ते सव्वे निंदामि पडिक्कमे आगमिस्साणं ॥ २१७ ॥
एगो सयंकडाइं आया मे नाणदंसणवलक्खो । संजोगलवस्सणा खलु
सेसा मे बाहिरा भावा ॥ २१८ ॥ पत्ताणि दुहसयाइं संजोगस्सा-
(वसा)णुएण जीवेणं । तम्हा अणतदुक्खं चयामि संजोगसंबंधं ॥ २१९ ॥
अस्संजममराणाणं मिच्छत्तं सव्वओ ममत्तं च । जीवेसु अजीवेसु य तं निंदे
तं च गरिहामि ॥ २२० ॥ परिजाणे मिच्छत्तं सव्वं अस्संजमं अकिरियं च ।
सव्वं चेव ममत्तं चयामि सव्वं च खामेमि ॥ २२१ ॥ जे मे जाणंति जिणा
अवराहा जेसु जेसु ठाणेसु । ते तह आलोएमि उवट्ठिओ सव्वभावेणं
॥ २२२ ॥ उप्पन्ना उप्पन्ना माया अणुमग्गओ निहंतव्वा । आलोयण निंद-
ण-गरिहणाहिं न पुणोत्ति या विइयं ॥ २२३ ॥ जह बालो जंपंतो कज्जमकज्जं
च उज्जुयं भणइ । तं तह आलोयव्वं मायं मुत्तूण निस्सेसं ॥ २२४ ॥
सुबहुँपे भावसल्लं आलोएऊण गुरुसगासम्मि । निस्सल्लो संथारं
उवेइ आराहओ होइ ॥ २२५ ॥ अप्पं पि भावसल्लं जे णालोयंति
गुरुसगासम्मि । धंतं पि सुयसमिद्धा न हु ते आराहगा हुँति ॥ २२६ ॥
नवि तं विसं च सत्थं च दुप्पउत्तो व कुणइ वेयालो । जं तं व दुप्पउत्तं
सप्पो व पमायओ कुविओ ॥ २२७ ॥ जं कुणइ भावसल्लं अणुद्धियं

उत्तमदृक्कालम्भि । दुल्लहबोहीयत्तं अणंतसंसारियत्तं च ॥ २२८ ॥ तो उद्धरंति
 गारवरहिया मूलं पुण्णभव-लयाणं । मिच्छादंसणसल्लं मायासल्लं नियाणं
 च ॥ २२९ ॥ कयपावोऽवि मणूसो आलोइय निंदिय गुरुसगासे । होइ
 अइरेगलहुओ ओहरियभरुव्व भारवहो ॥ २३० ॥ तस्स य पायच्छित्तं जं
 मग्गविऊ गुरु उवइसंति । तं तह अणुचरियव्वं अणवत्थपसंगभीएणं
 ॥ २३१ ॥ दसदोस-विप्पमुक्कं तम्हा सव्वं अगूह(मग्ग)माणेणं । जं किंचि
 कयमकज्जं आलोए तं जहावत्तं ॥ २३२ ॥ सव्वं पाणारंभं पच्चक्खामित्ति
 अलियवयणं च । सव्वं अदिन्नदाणं अब्बंभ-परिग्गहं चेव ॥ २३३ ॥ सव्वं
 च असणपाणं चउव्विहं जा य बाधिरा उवही । अब्भितरं च उवहिं जाव-
 जीवं तु वोसिरामि ॥ २३४ ॥ कंतारे दुब्भिवस्से आयंके वा महया समुप्पन्ने ।
 जं पालियं न भग्गं तं जाणसु पालणासुद्धं ॥ २३५ ॥ रागेण व दोसेण व
 परिणामेण व न दूसियं जं तु । तं खलु पच्चक्खाणं भावविसुद्धं मुणोयव्वं
 ॥ २३६ ॥ पीयं थणअच्छीरं सागरसलिलाउ बहुयरं हुज्जा । संसारे संस-
 रंतो माऊणं अन्नमन्नाणं ॥ २३७ ॥ नत्थि किर सो पएसो लोए वालग्ग-
 कोडिमित्तोऽवि । संसारे संसरंतो जत्थ न जाओ मओ वाऽवि ॥ २३८ ॥
 चुलसीई किर लोए जोणीणं पमुह सयसहस्साइं । इक्किंमि य इत्तो अणं-
 तखुत्तो समुप्पन्नो ॥ २३९ ॥ उड्डमह तिरियम्मि य मयाणि बालमरणाणिऽ-
 णंताणि । तो ताणि संभरंतो पंडियमरणं मरीहामि ॥ २४० ॥ माया मित्ति
 पिया मे भाया भज्जत्ति पुत्त धूया य । एयाणिऽचित्तयंतो पंडियमरणं
 मरीहामि ॥ २४१ ॥ मायापिइ-बंधूहिं संसारत्थेहिं पूरिओ लोगो ।
 बहुजोणि-निवासीहिं न य ते ताणं च सरणं च ॥ २४२ ॥ इको जायइ मरइ
 इको अणुहवइ दुक्कयविवागं । इको अणुसरइ जीओ जरमरण-चउग्गई-गुविलं
 ॥ २४३ ॥ उव्वेयणयं जम्मण-मरणं नरएसु वेयणाओ य । एयाणि संभरंतो
 पंडियमरणं मरीहामि ॥ २४४ ॥ इक्कं पंडियमरणं छिंदइ जाईसयाणि

बहुयाणि । तं मरणं मरियव्वं जेण मत्तो सुम्मत्तो (मुक्कत्तो) होइ ॥ २४५ ॥ कइया णु तं मुमरणं पंडियमरणं जिणेहि पराणत्तं । सुद्धो उद्धि-
यसल्लो पात्तोवगमं मरीहामि ॥ २४६ ॥ संसारचक्कवाले सव्वेऽवि य पुग्गला
मए बहुसो । आहारिया य परिणामिया य न य तेसु तित्तोऽहं ॥ २४७ ॥
आहारनिमित्तेणं मच्छा वच्चंतिऽणुत्तरं नरयं । सच्चित्ताहारविहिं तेण उ मण-
साऽवि निच्छामि ॥ २४८ ॥ तणकट्ठेण व अग्गी लवणसमुद्दोव नईस-
हस्सेहिं । न इमो जीवो सक्को तिप्पेउं कामभोगेहिं ॥ २४९ ॥ लवणयमुह-
सामाणो दुप्पूरो धणरत्तो अपरिमिज्जो । न हु सक्को तिप्पेउं जीवो संसारिय-
सुहेहिं ॥ २५० ॥ कप्पतरु-संभवेसु य देवुत्तरकुरुवंसपसूएसुं । परिभोगेण न
तित्तो न य नरविज्जाहर-सुरेसुं ॥ २५१ ॥ देविंद-चक्कवट्ठित्तणाइं रज्जाइं उत्तमा
भोगा । पत्ता अणत्तखुत्तो न यऽहं तित्तिं गत्तो तेहिं ॥ २५२ ॥ पयक्खीरु-
च्छुरसेसु य साऊसु महोदहीसु बहुसोवि । उववन्नो न य तरहा छिन्ना ते
सीयल-जलेहिं ॥ २५३ ॥ तिविहेणवि सुहमउलं जम्हा कामरइ-विसयसुवखाणं ।
बहुसोऽवि समणभूयं न य तुह तरहा परिच्छिन्ना ॥ २५४ ॥ जा काइ
पत्थणात्तो कया मए रागदोसवसएणं । पडिबंधेण बहुविहा तं निदे तं च
गरिहामि ॥ २५५ ॥ हंतूण मोहजालं छित्तूण य अट्टकम्म-संकलियं । जम्माण-
मरणऽरहट्टं भित्तूण भवा णु मुच्चिहिसि ॥ २५६ ॥ पंच य महव्वयाइं तिविहं
तिविहेणं आरुहंऊणं । मणवयणकायगुत्तो सज्जो मरणं पडिच्छिज्जा(लहिज्जा)
॥ २५७ ॥ कोहं माणं मायं लोहं पिज्जं तहेव दोसं च । चइऊण अप्पमतो
रक्खामि महव्वए पंच ॥ २५८ ॥ कलहं अब्भक्खाणं पेमुन्नपि य परस्स
परिवायं । परिवज्जितो गुत्तो रक्खामि महव्वए पंच ॥ २५९ ॥ किण्हा
नीला काऊ लेसं भाणाणि अप्पसत्थाणि । परिवज्जितो गुत्तो रक्खामि मह-
व्वए पंच ॥ २६० ॥ तेऊ पम्हं सुक्कं लेसा भाणाणि सुप्पसत्थाणि । उवसं-
पन्नो जुत्तो रक्खामि महव्वए पंच ॥ २६१ ॥ पंचिंदियसंवरणं पंचेव

निरुंभिऊण कामगुणो । अच्चासायण-विरत्रो रक्खामि महव्वए पंच । २६२ ॥
 सत्तभय-विप्पमुक्को चत्तारि निरुंभिऊण य कसाए । अट्टमय-ट्ठाणजट्ठो रक्खामि
 महव्वए पंच ॥ २६३ ॥ मणसा मणसच्चविऊ वायासच्चेण करणसच्चेण ।
 तिविहेण अप्पमतो रक्खामि महव्वए पंच ॥ २६४ ॥ एवं तिदंडविरत्रो
 तिकरणसुद्धो तिसल्लनिस्सल्लो । तिविहेण अप्पमतो रक्खामि महव्वए पंच
 ॥ २६५ ॥ सम्मतं समिईत्रो गुत्तीत्रो भावणात्रो नाणं च । उवसंपन्नो
 जुत्तो रक्खामि महव्वए पंच ॥ २६६ ॥ संगं परिजाणामि सल्लंपि य उद्ध-
 रामि तिविहेण । गुत्तीत्रो समिईत्रो मज्झं ताणं च सराणं च ॥ २६७ ॥
 जह खुहियचक्कवाले पोयं रयणभरियं समुहम्मि । निज्जामया धरिंती कयरय-
 (कर)णा बुद्धिसंपगणा ॥ २६८ ॥ तवपोअं गुणभरियं परीसहुम्मीहि धणि-
 यमाइद्धं । तह आराहिति विऊ उवएसज्वलंबगा धीरा ॥ २६९ ॥ जइ ताव
 ते सुपुरिसा आयारोवियभरा निरवयक्खा । गिरिकुहर-कंदरगया साहंति य
 अप्पणो अट्टं ॥ २७० ॥ जइ ताव सावयाकुल-गिरिकंदर-विसमदुग्ग-मग्गेसु ।
 धिइधणिय-बद्धकच्छा साहंति य उत्तमं अट्टं ॥ २७१ ॥ किं पुण अणगारस-
 हायगेण वेरग्ग-संगहबलेण । परलोण्ण ण सक्का संसारमहोदहिं तरिउं ?
 ॥ २७२ ॥ जिणवयण-मप्पमेयं महुरं कन्नामयं सुणंताणं । सक्का हु साहुमम्भा
 साहेऊं अप्पणो अट्टं ॥ २७३ ॥ धीरपुरिस-पराणत्तं सप्पुरिस-निसेवियं परम-
 धोरं । धन्ना सिलातलगया साहिंती अप्पणो अट्टं ॥ २७४ ॥ बाहेइ इंदि-
 याइं पुव्वमकारिय-पइट्ठ(राण)चारिस्स । अकयपरिकम्म कीवं मरणेस अ संपउ-
 त्तंमि ॥ २७५ ॥ पुव्वमकारिय-जोगो समाहिकामोऽवि मरणकालम्मि । न भवइ
 परीसहसहो विसयसह-पराइत्रो जीवो ॥ २७६ ॥ पुव्वं कारियजोगो समाहि-
 कामो य मरणकालम्मि । होइ उ परीसहसहो विसयसुह-निवारित्रो जीवो
 ॥ २७७ ॥ पुव्वं कारियजोगो अनियाणो ईहेउण सुहभावो । ताहे मलि-
 यकसात्रो सज्जो मरणं पडिच्छिज्जा ॥ २७८ ॥ पावाणं पावाणं कम्माणं अप्पणो

सकम्माणं । सका पलाइं जे तवेण सम्मं पउत्तेणं ॥ २७६ ॥ इक्कं पंडिय-
मरणं पडिवज्जइ सुपुरिसो असंभंतो । खिप्पं सो मरणाणं काहिइ अंतं
अणंताणं ॥ २८० ॥ किं तं पंडियमरणं ? काणि व आलंबणाणि भणि-
याणि ? । एयाइं नाऊणं किं आयरिया पसंसंति ? ॥ २८१ ॥ अणसण-पा-
उवगमणं आलंबण भाण भावणाओ अ । एयाइं नाऊणं पंडियमरणं पसं-
संति ॥ २८२ ॥ इंदियसुह-साउलओ घोरपरीसह-पराइय-परज्झो । अकयपरि-
कम्म कीवो मुज्झइ आराहणा-काले ॥ २८३ ॥ लज्जाइ गारवेणं बहुसुय-मएण
वावि दुच्चरियं । जे न कहिति गुरूणं न हु ते आराहगा हूँति ॥ २८४ ॥
सुज्झइ दुक्करकारी जाणइ मगंति पावए कित्ति । विणिगूहितो निंदं तम्हा
आलोयणा सेया ॥ २८५ ॥ अग्गिम्मि य उदयम्मि य पाणेसु य पाणबीयह-
रिएसुं । होइ मओ संथारो पडिवज्जइ जो(जइ) असंभंतो ॥ २८६ ॥ नवि
कारण तणमओ संथारो नवि य फासुया भूमी । अण्णा खलु संथरो
होइ विसुट्ठो मरंत्तस्स ॥ २८७ ॥ जिणवयण-मणुगया मे होउ मई
भाणजोग-मल्लीणा । जह तम्मि देसकाले अमूढसन्नो चए देहं ॥ २८८ ॥
जाहे होइ पमत्तो जिणवयणरहियो अणायत्तो । ताहे इंदियचोरा करेंति
तवसंजम-विलोमं ॥ २८९ ॥ जिणवयण-मणुगयमई जंवेलं होइ संवरपविट्ठो ।
अग्गी व वायसहियो समूलडालं डहइ कम्मं ॥ २९० ॥ जह डहइ वायस-
हियो अग्गी हरिएवि रुक्खसंघाए । तह पुरिसकार-सहियो नाणी कम्मं खयं
नेइ ॥ २९१ ॥ जह अग्गिंमि व पबले खड्गूलिय खिप्पमेव भामेइ । तह
नाणीवि सकम्मं खवेइ ऊसाममित्तेणं ॥ २९२ ॥ न हु मरणम्मि उवग्गे सका
बारसविहो सुयक्खंधो । सब्बो अणुचित्तेउं धंतंपि समत्थचित्तेणं ॥ २९३ ॥
इक्कम्मिवि जंमि पए संवेगं कुणइ वीयरामए । वच्चइ नरो अविग्घं तं मरणं
तेण मरितव्वं ॥ २९४ ॥ इक्कम्मिवि जम्मि पए संवेगं कुणइ वीयरामए ।
सो तेण मोहजालं त्रिंदइ अज्झप्पओगेणं ॥ २९५ ॥ जेण विरागो जायइ

तं तं सव्वायरेण करणिज्जं । मुच्चइ हु ससंवेगी अणंतओ होइ असंदेगी ।
 ॥ २१६ ॥ धम्मं जिणपगणत्तं सम्मतमिणं सहहामि तिविहेणं । तसवायरभू-
 यहियं पंथं निव्वाणमग्गस्स ॥ १ ॥ (प्रत्यंतरेऽधिका) ॥ समणोऽहंति य पढं
 बीयं सव्वत्थ संजओमिति । सव्वं च वोसिरामी जिणेहिं जं जं पडिक्कुट्टं
 ॥ २१७ ॥ मणसाऽवि अचित्तिणिज्जं सव्वं भामाइ अभासणिज्जं च । काएण
 अकरणिज्जं वोसिरि तिविहेण सावज्जं ॥ २१८ ॥ अस्संजम-वोसिरणं उव-
 हिविवेगो तहा उवसमो अ । पडिख्व-जोगविरिओ खंतो मुत्तो विवेगो य
 ॥ २१९ ॥ एयं पच्चक्खाणं आउरजण आवईसु भावेणं । अन्नतरं पडिवन्नो
 जंपंतो पावइ समाहिं ॥ ३०० ॥ मम मंगलमरिहंता सिद्धा साहू सुयं च
 धम्मो य । तेसिं सरणोवगओ सावज्जं वोसिरामिति ॥ ३०१ ॥ (इति सिरि-
 मरणविभत्तिसुए संलेहणासुयं सम्मत्तं ॥ २ ॥ अथ आराहणासुयं) सिद्धे
 उवसंपन्नो अरिहंते केवली य भावेण । इत्तो एगतरेणवि पएण आराहओ
 होइ ॥ ३०२ ॥ समुइवदेयणो पुण समणो हिययम्मि किं निवेसिजा ?
 आलंबणं च काइं काऊण मुणी दुहं सहइ ? ३०३ ॥ नरएसु अणुत्तरेसु
 अ अणुत्तरा वेयणाओ पत्ताओ । वट्टंतेण पमाए ताओवि अणंतसो पत्ता
 ॥ ३०४ ॥ एयं सयं कयं मे रिणं व कम्मं पुरा असायं तु । तमहं एस धुणामी
 मणम्मि सत्तं निवेसिजा ॥ ३०५ ॥ नाणाविह-दुक्खेहि य समुइन्नेहि उ सम्म
 सहणिज्जं । न य जोवो उ अजीवो कयपुव्वो वेयणाईहिं ॥ ३०६ ॥ अब्भुजयं
 विहारं इत्थं जिणमदेसियं विउपसत्थं । नाउं महापुरिस-सेवियं जं अब्भुजयं
 मरणं ॥ ३०७ ॥ जह पच्छिमम्मि काले पच्छिमतिन्थयर-देसियमुयारं । पच्छानिच्छ-
 यपत्थं उवेइ अब्भुजयं मरणं ॥ ३०८ ॥ छत्तीस-मट्ठि(मंडि)याहि य कडजोगी जोग
 संगहबलेणं ॥ उज्जमिऊणं बारसविहेण तवनियमठाणेणं ॥ ३०९ ॥ संसारं-
 गमज्जे धिइवल-सन्नद्ध-बद्धकच्छाओ । इंतूण मोहमल्लं हराहि आराहण पडागं
 ॥ ३१० ॥ पोराणयं च कम्मं खवेइ अन्नन्नबंधणाया यं (इं) । कम्मकलंकल-

वल्लिं त्रिंद्दइ संधारमारुढो ॥ ३११ ॥ धीरपुरिसेहिं कहियं सप्पुरिसनिसेवियं
 परमघोरं । उत्तिरणोमि हु रंगं हरामि आराहणपडागं ॥ ३१२ ॥ धीर पडा-
 गाहरणं करेहि जह तंसि देसकालमि । सुत्तत्थमणुगुणितो धिडिन्चलबद्धक-
 च्छाओ ॥ ३१३ ॥ चत्तारि कसाए तिन्नि गारवे पंच इंदियग्गामे । जिणितुं
 परिसहसहे हराहि आराहणपडागं ॥ ३१४ ॥ न य मणसा चिंतिज्जा जीवामि
 चिरं मरामि व लहुंति । जइ इच्छसि तरितुं जे संसारमहो अहिंमपारं
 ॥ ३१५ ॥ जइ इच्छसि निसरितुं सव्वेसिं चेव पावकम्माणं जिणवयणानाण-
 दंसणचरित्त-भावुज्जुओ जग्ग ॥ ३१६ ॥ दंसणानाणचरित्ते तवे य आराहणा
 चउक्खंधा । सा चेव होइ तिविहा उकोसा मज्झिम जहरणा ॥ ३१७ ॥ आरा-
 हेऊण विऊ उकोसाराहणं चउक्खंधं । कम्मरयविप्पमुक्को तेणेव भवेण
 सिज्झिज्जा ॥ ३१८ ॥ आराहेऊण विऊ मज्झिमआराहणं चउक्खंधं ।
 उकोसेण य चउरो भवे उ गंतूण सिज्झिज्जा ॥ ३१९ ॥ आराहेऊण विऊ
 जहन्नमाराहणं चउक्खंधं । सत्तट्ट भवग्गहणे परिणामेऊण सिज्झिज्जा
 ॥ ३२० ॥ धीरेणवि मरियव्वं काउरिसेणवि अवस्स मरियव्वं । तम्हा अवस्स-
 मरणे वरं खु धीरत्तणे मरितुं ॥ ३२१ ॥ एयं पच्चक्खाणं अणुपालेऊण
 सुविहिओ सम्मं । वेमाणिओ व देवो हविज्ज अहवावि सिज्झिज्जा ॥ ३२२ ॥
 एसो सवियारकओ उवक्कमो उत्तमट्टकालमि । इत्तो उ पुणो बुच्छं जो उ
 कमो होइ अवियारे ॥ ३२३ ॥ साहू कयसंलेहो विजियपरीसह-कसायसंताणो ।
 निज्जवए मग्गिज्जा सुयरयण-रहस्सनिम्माए ॥ ३२४ ॥ पंचममिए तिगुत्ते
 अणिस्सिए रागदोसमयरहिए । कडजोगी कालराणू नाएचरणदंसणसमिद्धे
 ॥ ३२५ ॥ मरणसमाहीकुसले इंगियपत्थिय-सभाववेत्तारे । ववहारविहिविहिराणू
 अब्भुज्जयमरणसारहिणो ॥ ३२६ ॥ उव-एसहेउकारण-गुणनिसदा गायकारण-
 विहराणू । विराणाणानाणकराणो-वयारसुय-धारणसमत्थे ॥ ३२७ ॥ एगंतगुणे
 रहिया बुद्धीइ चउव्विहाइ उववेया । छंदराणू पव्वइया पच्चक्खाणमि य

विहराण ॥ ३२८ ॥ दुगहं आयरियाणं दो वेयावच्चकरणानिज्जुत्ता । पाणग-
 वेयाच्चे तवस्सिणो वत्ति दो पत्ता ॥ ३२९ ॥ उव्वत्तण परिवत्तण उच्चारुस्सास-
 वकरणजोगेसुं । दो वायगत्ति णज्जा असुत्तकरणे जहन्नेणं ॥ ३३० ॥ असइह
 वेयणाए पायच्छित्ते पडिक्कमणाए य । जोगायकहाजोगे पच्चक्खाणे य आयरियो
 ॥ ३३१ ॥ कप्पाकप्पविहिन्नू दुवालसंगसुयसारही सव्वं । छत्तीसगुणोवेया
 पच्छित्तविसा(या)रया धीरा ॥ ३३२ ॥ एए ते निज्जवया परिकहिया अट्ठ
 उत्तमट्ठमि । जेसिं गुणसंखाणं न समत्था पायया वुत्तुं ॥ ३३३ ॥ एरिसयाण
 सगासे सूरीणं पवयणाप्पवाईणं । पडिवज्जिज्ज महत्थं समणो अब्भुज्जयं
 मरणं ॥ ३३४ ॥ आयरियउवज्झाए सीसे साहम्मिए कुलगणे य । जे मे
 किया कसाथा (जंमि कसाथो कोइवि) सव्वे तिविहेण खामेमि ॥ ३३५ ॥
 सव्वस्सवि समणसंघस्स भा(भग)वओ अंजलिं करे सीसे । सव्वं खमावइत्ता
 खमामि सव्वस्स अहयंपि (खमिज्ज सव्वस्सवि सयंमि ॥ ३३६ ॥ गरहिता
 अप्पाणं अपुणकारं पडिक्कमित्ताण । नाणम्मि दंसणम्मि अ चरित्तजोगाइयारे
 अ ॥ ३३७ ॥ तो सीलगुणसमग्गो अणुवहयक्खो बलं च थामं च ।
 विहरिज्ज तवसमग्गो अनियाणो आगमसहाओ ॥ ३३८ ॥ तवसोसियंगमंगो
 संधिसिराजाल-पागडसरीरो । किच्छाहिय-परिहत्यो परिहरइ क्लेवरं जाहे
 ॥ ३३९ ॥ पच्चक्खाइ य ताहे अन्नन्नसमाहि पत्तियंमिती । तिविहेणाहारविहि
 दियसुग्गइ-कायपगईए ॥ ३४० ॥ इहलोए परलोए निरातओ जीविए अ
 मरणे य । सायाणुभवे भोगे जस्स य अवहट्ठणाईए ॥ ३४१ ॥ निम्ममनिर-
 हंकारो निरासयोऽकिंचणो अपडिक्कम्मो । वोमट्ठविसट्ठंगो चत्तचियत्तेण
 देहेणं ॥ ३४२ ॥ तिविहेणवि सहमाणो परीसंहं दूसहे अ ऊसग्गे । विहरिज्ज
 विसयतरहा-रयमलमसुभं विहुणमाणो ॥ ३४३ ॥ नेहक्खए व दीवो जह
 खयमुवणेइ दीववट्ठिट्ठिपि । खीणाहारसिणेहो सरीरवट्ठिं तह खवेइ ॥ ३४४ ॥
 एव परज्झा असई परक्कमे पुव्वभणियसूरीणं । पासम्मि उत्तमट्ठे कुज्जा तो

एस परिकम्भं ॥ ३४५ ॥ आगरसमुद्रियं तह अज्भुसिरवागतण-पत्तकडए
य । कटुसिल्लाफलगंमि व अणभिज्जय निप्पकप्पंमि ॥ ३४६ ॥ निस्संधिणा
तणंमि व सुहपडिलेहेण जइपसत्थेणं । संथारो कायव्वो उत्तरपुव्वसिरो वावि
॥ ३४७ ॥ दोसुत्थ अप्पमाणो अंधकारे समम्मि अ णिसिट्ठे । निरुवहयम्मि
गुणमाणे वणम्मि गुत्ते (थणंनिगुत्ते) य संथारो ॥ ३४८ ॥ जुत्ते पमाणरइअओ
उभअोकाल-पडिलेहणासुद्धो । विहिविहिअओ संथारो आरुहियव्वो तिगुत्तेणं
॥ ३४९ ॥ आरुहियचरित्तभरो अन्नेसु उ (अन्नसउ) परमगुरुसगासम्मि ।
दव्वेसु पज्जवेसु य खित्ते काले य सव्वंमि ॥ ३५० ॥ एएसु चेव ठाणेसु
चउसु सव्वो चउव्विहाहारो । तवसंजमुत्ति किच्चा वोसिरियव्वो तिगुत्तेणं
॥ ३५१ ॥ अहंवा समाहिहेउं कायव्वो पाणगस्स आहारो । तो पाणगंमि
पच्छा वोसिरियव्वं जहाकाले ॥ ३५२ ॥ निसिरेत्ता अप्पाणं सव्वगुणसम-
न्नियम्मि निज्जए । संथारगसंनिविट्ठो अनियाणो चेव विहरिज्जा ॥ ३५३ ॥
इहलोए परलोए अनियाणो जीविए य मरणे य । वासीचंदणकप्पो समो य
माणावमाणेसु ॥ ३५४ ॥ अह महुरं फुडवियडं तहप्पसायकरणिज्जविसयकयं ।
इज्ज कंढं निज्जवअओ सुईसमन्नाहरणहेउं ॥ ३५५ ॥ इहलोए परलोए
नाणचरणदंसणंमि य अवायं । दंसेइ नियाणम्मि य मायामिच्छत्तसल्लेणं
॥ ३५६ ॥ बालमरणे अवायं तह य उवायं अबालमरणम्मि । उरसासरज्जु-
वेहाणसे य तह गिद्धपट्ठे य ॥ ३५७ ॥ जह य अणुद्धुयसल्लो ससल्लमरणेण
कइ मरेऊणं । दंसणनाणविहूणो मरंतिअसमाहिमरणेणं ॥ ३५८ ॥ जह
सायरसे गिद्धा इत्थिअहंकार-गावसुयमत्ता । ओसन्नबालमरणा भमंति संसार-
कंतारं ॥ ३५९ ॥ अह मिच्छत्त ससल्ला मायासल्लेण जह ससल्ला य । जह
य नियाण ससल्ला मरंति असमाहिमरणेणं ॥ ३६० ॥ जह वेयणावसट्ठा
मरंति जह केइ इंदियवसट्ठा । जह य कसायवसट्ठा मरंति असमाहिमरणेणं
॥ ३६१ ॥ जह सिद्धिमग्ग दुग्गइ-सग्गगल-मोडणाणि मरणाणि । मरिऊण

केइ सिद्धिं उविति सुसमाहिमरणेणं ॥३६२॥ एवं बहुण्यारं तु अवायं उत्तम-
 ट्टकालम्भि । दंसंति अवायराणू सल्लुद्धरणे सुविहियाणं ॥ ३६३ ॥ दिति
 य सिं उवएसं गुरुणो नाणाविहेहिं हेऊहिं । जेण सुगइं भयंतो संसारभय-
 ददुआ(ददुहो) होइ ॥ ३६४ ॥ न हु तेसु वेयणं खलु अहो चिरम्मिति
 दारुणं दुक्खं । सहणिज्जं देहेणं मणसा एवं विचित्तिजा ॥ ३६५ ॥ सागर-
 तरणत्थमइ इयस्स पोयस्स जए (उज्जवे) धूवे । जो रज्जु (रक्ख) मुक्खकालो
 न सो विलंबति कायव्वो ॥ ३६६ ॥ तिल्लविहूणो दीवो न चिरं दिप्पइ
 जगम्भि पच्चक्खं । न य जलरहिओ मच्छो जिअइ चिरं नेव उपमाइ ॥३६७॥
 अन्नं इमं सरीरं अन्नोऽहं इय मणम्मि ठाविज्जा । जं सुचिरेणवि मोच्चं देहे
 को तत्थ पडिबंधो ? ॥ ३६८ ॥ दूरत्थंपि विणासं अवस्सभावं उवट्ठियं
 जाण । जो अह वट्ठइ कालो अणागओ इत्थ आसिगहा ॥ ३६९ ॥ जं
 सुचिरेणवि होहिइ अणावसं तंमि को ममीकारो ? । देहे निस्संदेहे पिएवि
 सुयणत्तणं नत्थि ॥ ३७० ॥ उवलद्धो सिद्धिपहो न य अणुचिरेणो पमाय-
 दोसेणं । हा जीव ! अप्पवेरिय ! न हु ते एयं न तिप्पिहिइ ॥ ३७१ ॥ नत्थि
 य ते संघयणं घोरा य परीसहा अहे निरया । संसारो य असारो अइयमाओ अ
 तं जीव ! ॥ ३७२ ॥ कोहाइकसाया खलु बीयं संसारभेरवदुहाणं । तेसु पम-
 त्तेसु सया कत्तो सुक्खो य मुक्खो वा ? ॥ ३७३ ॥ जाओ परव्वसेणं संसारे
 वेयणाओ घोराओ । पत्ताओ नारगत्ते अहुआ ताओ विचित्तिजा ॥३७४॥
 इण्हि सयं वसिस्स उ निरुयमसुक्खायसाणमुद्धूयं(कडुयं) । कल्लाणमोसहं
 पिब परिणामसुहं न तं दुक्खं ॥ ३७५ ॥ संबंधि बंध्वेसु य न य अणुराओ
 खणंपि कायव्वो । तेच्चिय हूँति अमित्ता जह जणणी बंभदत्तस्स ॥ ३७६ ॥
 वसिऊण व सुहिमज्जे वच्चइ एगाणियो इमो जीवो । मोत्तूण सरीरवरं जह
 कण्हो मरणकालम्भि ॥ ३७७ ॥ इण्हि व मुहुत्तेणं गोसे व सुएं व अद्वरत्ते
 वा । जस्स न नज्जइ वेला कद्विदसं गच्छिइ जीवो ? ॥ ३७८ ॥ एवमणुचित-

यंतो भावणुभावणुरत्त सिलेओ । तद्विषस मरिउकामो व होइ भाणमि
उज्जुत्तो ॥ ३७९ ॥ नरगतिरिक्खगईसु य माणुसदेवत्तणे वसंतेणं । जं
सुहदुक्खं पत्तं तं अणुचिंतिज्ज संधारे ॥ ३८० ॥ नरएसु वेयणाओ अणोवमा
सीयउण्हवेरा(गा)ओ । कायनिमित्तं पत्ता अणंतखुत्तो बहुविहाओ ॥ ३८१ ॥
देवत्ते माणुस्से परादिओगत्तणं उवगएणं । दुक्खपरिक्केसविही अणंतखुत्तो
समणुभूया ॥ ३८२ ॥ भिन्निदियपंचिंदिय-तिरिक्खकायमि रोगसंठारो ।
जम्माणमरणएरहट्टं अणंतखुत्तो गओ जीवो ॥ ३८३ ॥ सुविहिय ! अईय-
काले अणंतकाएसु तेण जीवेणं । जम्माणमरणमणंतं बहुभवगहणं समणुभूयं
॥ ३८४ ॥ घोरमि गब्भवासे कलमलजंबाल-असुइवीभच्छे । वसिओ
अणंतखुत्तो जीवो कम्माणभावेणं ॥ ३८५ ॥ जोणीमुह निग्गच्छंतेण संसार
इमे(रिमे)ण जीवेणं । रसियं अइवीभच्छं कडीकडाहंतरगएणं ॥ ३८६ ॥
जं असियं बीभच्छं अउईयोरमि गब्भवासमि । तं चिंतिऊण सयं मुक्खमि
मइं निवेसिजा ॥ ३८७ ॥ वसिऊण विमाणेसु य जीवो पसरंतमणिमऊहेसु ।
वसिओ पुणोवि सुच्चिय जोणिसहस्संधयारेसुं ॥ ३८८ ॥ वसिऊण देवलोए
निच्चुज्जोए सयंपभे जीवो । वसइ जलवेग-कलमल-विउल-वलयामुहे घोरे
॥ ३८९ ॥ वसिऊण सुरनरीसर-चामीयररिद्धि-मणहरवरेसु । वसिओ नरग-
निरंतर-भयभेरवपंजरे जीवो ॥ ३९० ॥ वसिऊण विचित्तेसु अ विमाणगणभयण
सोभसिहरेसु । वसइ तिरिएसु गिरि-गुहविवर-महाकंदरदरीसु ॥ ३९१ ॥ सुत्तूणवि
भोगसुहं सुरनरखयरेसु पुण पमाएणं । पियइ नरएसु भेरव-कलंत-तउतंबराणाइं
॥ ३९२ ॥ सोऊण मुइय-णारवइ-भवे अ जयसहमंगलरवोधं । सुणइ नरएसु
दुहपरं अक्कंदुडामसहाइं ॥ ३९३ ॥ निहण हण गिगह दह पय उव्वंध
पबंध बंध रुद्धाहि । फाले लोले घोले थूरे खारेहि से गत्तं ॥ ३९४ ॥ वेयर-
णिखारकलिमल-वेसत्तलंकुमल-करकयकुलेसु । वसिओ नरएसु जीवो हणहण-
घणघोरसहेसुं ॥ ३९५ ॥ तिरिएसु व भेरवसह-पक्खण-परपक्खण-च्छणस-

एषु । वसिष्ठो उव्वियमाणो जीवो कुडिलम्मि संसारे ॥ ३९६ ॥ मणुयत्त-
 गोवि बहुविह विणिवाय-सहस्सभेसण-घणम्मि । भोगपिवासाणुगओ वसिष्ठो
 भय(व)पंजरे जीवो ॥ ३९७ ॥ वसियं दरीसु वसियं गिरीसु वसियं समुह-
 मज्जेसु । रुक्खग्गेसु य वसियं संसारे संसरंतेणं ॥ ३९८ ॥ पीयं थणअच्छीरं
 सागरसलिलाओ बहुयरं हुज्जा । संसारम्मि अणंते माईणं अरणमराणाणं
 ॥ ३९९ ॥ नयणोदगंपि तासिं सागरसलिलाओ बहुयरं हुज्जा । गलियं रुयमा-
 णीणं माईणं अरणमराणाणं ॥ ४०० ॥ नत्थि भयं मरणसमं जम्माणसरिसं न
 विज्जए दुक्खं । तम्हा जरमरणकरं छिंद ममत्तं सरीराओ ॥ ४०१ ॥ अन्नं इमं
 सरीरं अरणो जीवुत्ति निच्छियमईओ । दुक्खपरीकेसकरं छिंद ममत्तं
 सरीराओ ॥ ४०२ ॥ जावइयं किंचि दुहं सारीरं माणसं च संसारे । पत्तो
 अणंतखुत्तो कायस्स ममत्तदोसेणं ॥ ४०३ ॥ तम्हा सरीरमाई अम्भितर
 बाहिरं निरवसेसं । छिंद ममत्तं सुविहिय ! जइ इच्छसि मुच्चिउ दुहाणं
 ॥ ४०४ ॥ सव्वे उवसग्ग परीसहे य तिविहेण निज्जिणाहि लहु । एएसु
 निज्जिएसुं होहिसि आराहओ मरणे ॥ ४०५ ॥ मा हु य सरीरसंताविओ
 अ तं भाहि अट्टरुइं । सुट्ठुवि रुवियलिंगेवि अट्टरुइणि रुवंति ॥ ४०६ ॥
 मित्तसुयबंधवाइसु इट्ठाणिट्ठेसु इंदियत्थेसुं । रागो वा दोसो वा ईसि मणेणं
 न कायव्वो ॥ ४०७ ॥ रोगायंकेसु पुणो विउलासु य वेयणासुइन्नासु ।
 सम्मं अहियासंतो इणमो हियएण चित्तिजा ॥ ४०८ ॥ बहुपलियसागराइं
 सोट्ठाणि मे नरयतिरियजाईसुं । किं पुण सुहावसाणं इणमो सारं नरदुहंति ?
 ॥ ४०९ ॥ सोलस रोगायंका सहिया जह चक्किणा चउत्थेणं । वाससहस्सा
 सत्त उ सामराणधरं उवगएणं ॥ ४१० ॥ तह उत्तमट्टुकाले देहे निरक्खयं
 उवगएणं । तिलच्छित्तलावगा इव आयंका विसहियव्वाओ ॥ ४११ ॥
 पारियव्वायगभत्तो राया पट्टीइ सेट्ठिणो मूढो । अच्चुराहं परमन्नं दासी य
 सुकोवियमाणस्सा ॥ ४१२ ॥ सा य सलिलुल्लोहिय-मंसवसा-पेसिथिगलं

धितुं । उपइया पट्टीओ पाई जह रक्खसवहुव्व ॥४१३॥ तेण य निव्वेएणं
निगंतूणं तु सुविहियसगासे । आरुहियचरित्तभरो सीहोरसियं समारूढो
॥ ४१४ ॥ तम्मि य महिहरसिहरे सिलायले निम्मले महाभागो । वोसिरइ
थिरइन्नो सव्वाहारं महत्तणू य ॥ ४१५ ॥ तिविहोवसग्ग सहित्तं पडिमं सो
अद्धमासियं धीरो । ठइ य पुव्वाभिमुहो उत्तमधिइसत्तसंजुत्तो ॥४१६॥ सा य
पगतंतलोहिय-मेयवसा-मंसल-परी(लंघरा)पट्टी । खज्जइ खगेहिं दूसहनिसट्ठव-
चुप्पहारेहिं ॥ ४१७ ॥ मसएहिं मच्छियाहि य कीडीहिवि-मंससंपलगाहिं ।
खज्जंतोवि न कंप्पइ कम्मविवागं गणेमाणो ॥ ४१८ ॥ रत्तिं च पयइविहसि-
य-सियालियाहिं निरणुकंपाहिं । उवसग्गिज्जइ धीरो नाणाविहरूवधाराहिं
॥ ४१९ ॥ चित्तेइ य खरकरवय-असिपंजरखग्ग-मुग्गरपहाओ । इणमो न हु
कट्ठयरं दुक्खं निरयग्गिदुक्खाओ ॥ ४२० ॥ एवं च गओ पक्खो बीओ
पक्खो य दाहिणादिसाए । अवरेणवि पक्खोवि य समइक्कंतो महेसिस्स
॥ ४२१ ॥ तह उत्तरेण पक्खं भगवं अविकंपमाणसो सहइ । पडिओ य
दुमासंते नमोत्ति वोत्तुं जिणिंदाणं ॥ ४२२ ॥ कंचणपुरम्मि सिट्ठी जिणधम्मो
नाम सावओ आभी । तस्स इमं चरियपयं तउ एयं कित्तिम मुणिस्स ॥४२३॥
जह तेण वितथमुणिणा उवसग्गा परमदूसहा सहिया । तह उवसग्गा सुवि-
हिय ! सहियव्वा उत्तमट्ठंमि ॥ ४२४ ॥ निप्फेडियाणि दुग्गिणवि सीसावेढेण
जस्स अच्छीणि । न य संजमाउ चलिओ मेअज्जो मंदरगिरिव्व ॥ ४२५ ॥
जो कुंचगावराहे पाणिदया कुंचगंपि नाइक्खे । जीवियमाणुपेहंतं मेयज्जरिसि
नमंसामि ॥ ४२६ ॥ जो तिहिं पएहिं धम्मं समइगओ संजमं समारूढो ।
उवसमविवेगसंवर चिलाइपुत्तं नमंसामि ॥ ४२७ ॥ सोएहिं अइगयाओ
लोहियगंधेण जस्स कीडीओ । स्वायंति उत्तमंगं तं दुकरकारयं वंदे
॥ ४२८ ॥ देहो पिपीलियाहिं चिलाइपुत्तस्स चालणिव्व कओ । तणुओवि
मणपओसो न य जाओ तस्स ताणुवरिं ॥ ४२९ ॥ धीरो चिलाइपुत्तो मूहं-

गलियाहिं चालिणिञ्च कथ्यो । न य धम्मात्रो चलित्रो तं दुक्करकारयं वंदे
 ॥ ४३० ॥ गयसुकुमालमहेसी जह दड्डो पिडवणंसि ससुरेणं । न य धम्मात्रो
 चलित्रो तं दुक्करकारयं वंदे ॥ ४३१ ॥ जह तेण सो हुयासो सम्मं अइरेग-
 दूसहो सहित्रो । तह सहियञ्चो सुविहिय ! उवसग्गो देहदुक्खं च ॥ ४३२ ॥
 कमलामेलाहरणो सागरचंदो सुईहिं नभसेणं । आगंतूण सुरत्ता संपइ संपाइणो
 वारे ॥ ४३३ ॥ जा तस्स खमा तइया जो भावो जा य दुक्करा पडिमा । तं अण-
 गार ! गुणागर तुमंपि हियएण चित्तेहिं ॥ ४३४ ॥ सोऊण निसासमए नलिणि-
 विमाणस्स वराणणं धीरो । संभरियदेवलोत्रो उज्जेणि अवंतिसुकुमालो ॥ ४३५ ॥
 धित्तूण समणदिक्खं नियमुज्झिय-सव्वदिव्वआहारो । बाहिं वंसकुडंगे पायव-
 गमणं निवराणो उ ॥ ४३६ ॥ वोसट्टनिसट्टंगो तहिं सो भुल्लंकियाइ
 खइत्रो उ । मंदरगिरिनिक्कंपं तं दुक्करकारयं वंदे ॥ ४३७ ॥ मरणंमि जरस
 मुक्कं सुकुसुमगंधोदयं च देवेहिं । अज्जवि गंधवई सा तं च कुडंगी-सरट्टाणं
 ॥ ४३८ ॥ जह तेण तत्थ मुणिणा सम्मं सुमणेण इंगिणी तिगणा । तह
 तूरह उत्तमट्टं तं च मणे सन्निवसेह ॥ ४३९ ॥ जो निच्छएण गिराहइ देह-
 चाएवि न अट्टियं कुणइ । सो साहेइ सकज्जं जह चंदवडिंसत्रो राया ॥ ४४० ॥
 दीवाभिग्गहधारी दूसहघणविणय-निच्चलनगिंदो । जह सो तिगणपइराणो तह
 तूरह तुमं पइन्नंमि ॥ ४४१ ॥ जह दमदंतमहेसी पडयकोरव मुणी थुयगरहित्रो ।
 आसि समो दुराहंपि हु एव समा होह सव्वत्थ ॥ ४४२ ॥ जह खंदगसीसेहिं
 सुक्कमहाभाण-संसियमणेहिं । न कथ्यो मणप्पत्रोसो पीलिज्जंतेसु जंतंमि
 ॥ ४४३ ॥ तह धन्नसालिभद्दा अणगारा दोवि तवमहिद्धीया । वेभारगिरिसमीवे
 नालंदाए समीवंमि ॥ ४४४ ॥ जुअलसिलासंधारे पायवगमणं उवगया
 जुगवं । मासं अणूणगं ते वोसट्टनिसट्टसव्वंगा ॥ ४४५ ॥ सीयायव-भडियंगा
 लग्गुद्धिय-मंसराहारुणि विणट्टा । दोवि अणुत्तरवासी मंहसिणो रिद्धिसंपराणा
 ॥ ४४६ ॥ अच्चेरयं च लोए ताण तहिं देवयाणुभावेणं । अज्जवि

अट्टिनिवेसं पंकिव्व सनामगा हत्थी ॥ ४४७ ॥ जह ते समंसचम्मे दुबलवि-
लगेवि णो सयं चलिया । तह अहियासेयव्वं गमणे थेवंपिमं दुक्खं ॥ ४४८ ॥
अयत्तगाम कुडुंबिय सुरइयसय-देवसमणायसुभहा । सव्वे उ गया खमगं
गिरिगुह-निलयन्नियच्छीय ॥ ४४९ ॥ ते तं तवोकिलंतं वीसामेऊण विणाय-
पुव्वगं । उवलद्धपुगणपावा फासुयसुमहं करेसीह ॥ ४५० ॥ सुगहियसाव-
यधम्मा जिणमहिमाणेसु जणियसोहग्गा । जसहरमुण्णिणो पासे निक्खंता
तिव्वसंवेगा ॥ ४५१ ॥ सुगहिय-जिणवयणामय-परिपुट्ठा सीलसुरहिगंधवा ।
विहरिय गुरुस्सगासे जिणवरवसुपुज्जतित्थंमि ॥ ४५२ ॥ कणगावलिमुत्तावलि-
रयणावलि-सीहकीलियकलंता । काही य ससंवेगा आयंबिलवड्डमाणं च
॥ ४५३ ॥ ओसरिया य मणोहर-सिहरंतर-संचरंतपुक्खरयं । आइकरचलण-
पंकय-सिर-सेवियमाल हिमवंतं ॥ ४५४ ॥ रमणिज्जहरय-तरुवर-परहुअ-सिहिभमर-
महुयरिविलोले । अमरगिरिविसय-मणहर-जिणवयण-सुकाणणुदेसे ॥ ४५५ ॥
तंमि सिलायल पुहवी पंचवि देहट्ठिईसु मुणियत्था । कालगया उववराणा
पंचवि अपराजियविमाणे ॥ ४५६ ॥ ताओ चइऊण इहं भारहवासे असेसरि-
उदमणा । पंडुनराहिवतणया जाया जयलच्छिभत्तारा ॥ ४५७ ॥ ते कणह-
मरण-दूसह-दुक्खसमुपपन्न-तिव्वसंवेगा । सुट्ठियथेरसगासे निक्खंता खायकित्ती-
या ॥ ४५८ ॥ जिट्ठो चउदसपुव्वी चउरो इक्कारसंगवी आसी । विहरिय
गुरुस्सगासे जसपडहभरंत-जियलोया ॥ ४५९ ॥ ते विहरिऊण विहिणा
नवरि सुरट्ठं कमेण संपत्ता । सोउं जिणनिव्वाणं भत्तपरिन्नं करेसीय
॥ ४६० ॥ घोराभिग्गहधारी भीमो कुंतग्गगहिय-भिक्षाओ । सत्तुंजयसेल-
सिहरे पाओवगओ गयभवोघो ॥ ४६१ ॥ पुव्वविराहिय-वंतर-उवसग्गस-ह-
स्समारुयनगिंदो । अविकंपो आसि मुणी भाईणं इक्कासम्मि ॥ ४६२ ॥ दो मासे
संपुगणे सम्मं धिइधणिय-बद्धकच्छाओ । ताव उवसग्गिओ सो जाव उ परिनि-
व्वुओ भगवं ॥ ४६३ ॥ सेसावि पंडुपुत्ता पाओवगया उ निव्वूया सव्वे । एवं

धिसंपन्ना अरणोवि दुहात्र्यो मुच्चन्ति ॥ ४६४ ॥ दंडोवि य अणगारो
 आयावणभूमिसंठित्रो वीरो । सहिऊण बाणघायं सम्मं परिनिवुत्रो भगवं
 ॥४६५॥ सेलम्मि चित्तकूडे सुकोसलो सुट्टित्रो उ पडिमाए । नियजणणीए स्वइत्रो
 वग्घीभावं उवगयाए ॥४६६॥ पडि(णिय)मायगत्रो अ मुणी लंबेसु ठित्रो
 बहूसु ठाणोसुं । तहवि य अकलुसभावो सा हु खमा सव्वसाहूणं ॥४६७॥
 पंचमयापरिवुडया वइररिसी पव्वए रहावत्ते । मुत्तूणखुडुगं किर अन्नं गिरि-
 मस्सित्रो सुजसो ॥४६८॥ तत्थ य सो उवलतले एगागी धीरनिच्छयमईत्रो ।
 वोसिरिऊण सरीरं उगहम्मि ठित्रो वियप्पा(विगयण)णो ॥४६९॥ ता सो
 अइसुकुमालो दिणयरकिरणगि-तावियसरीरो । हविपिंडुव्व विलीणो उवव-
 राणो देवलोयम्मि ॥ ४७० ॥ तस्स य सरीरपूयं कासीय रहेहि लोगपाला
 उ । तेण रहावत्तगिरी अज्जवि सो विस्सुत्रो लोए ॥ ४७१ ॥ भगवंपि
 वइरसामी बिइयगिरि-देवयाइ कन्नपूत्रो । संपूइत्रोऽथ मरणे कुंजरभरिण
 सक्केणं ॥ ४७२ ॥ पूइयसुविहियदेहो पयाहिणं कुंजरेण तं सेलं । कासीय
 सुरवरिंदो तम्हा सो कुंजरावत्तो ॥ ४७३ ॥ तत्तो य जोगसंगह-उवहाण-
 वखाणयम्मि कोसंबी । रोहगमवंतिसेणो रुज्जेइ मणिप्पभो भासो(ज्जभासं)
 ॥ ४७४ ॥ धम्मगसुसीलजुयलं धम्मजसे तत्थ राणदेसम्मि । भत्तं पच्चक्खा-
 इय सेलम्मि उ वच्छगातीरे ॥ ४७५ ॥ निम्ममनिरहंकारो एगागी सेलकंद-
 रसिलाए । कासीय उत्तमट्टं सो भावो सव्वसाहूणं ॥ ४७६ ॥ उगहम्मि
 सिलावट्टे जह तं अरहराणएण सुकुमालं । विग्घारियं सरीरं अणुचिंतिजा
 तमुच्छाहं ॥ ४७७ ॥ गुब्बर पात्रोवगत्रो सुबुद्धिणा णिग्घिणेण चाणको ।
 दड्ढो न य संचलित्रो सा हु धिई चिंतणिजा उ ॥ ४७८ ॥ जह सोऽवि
 सप्पएसी वोसट्टनिसिट्ट-वत्तदेहो उ । वंसीपत्तेहिं विनिग्गएहिं आगासमुविसत्तो
 ॥ ४७९ ॥ जह सा बत्तीसघडा वोसट्टनिसिट्ट-वत्तदेहागा । धीरा-वाएण उ
 दीवएण विगलिम्मि ओलइया ॥ ४८० ॥ जंतेण करकएण व सत्थेहिं व

सावएहिं विविहेहिं । देहे विद्धस्संते ईसिंपि अकप्पणारु(भ)मणा ॥ ४८१ ॥
 पडिणीययाइ केसिं चम्मंसे खीलएहिं निहणित्ता । महुघय-मक्खियदेहं पिवी-
 लियाणं तु दिज्जाहि ॥ ४८२ ॥ जेण विरागो जायइ तं तं सव्वायरेण
 करणिज्जं । सुव्वइ हु ससंवेगो इत्थ इलापुत्तदिट्ठंतो ॥ ४८३ ॥ समुइरणोसु
 य सुविहिय ! घोरेसु परीसहेसु सहणेणं । सो अत्थो सरणिज्जो जोऽधीओ
 उत्तरज्झयणे ॥ ४८४ ॥ उज्जेणि हत्थिमित्तो सत्थसमग्गो वणम्मि कट्ठेणं ।
 पायहरो संवरण चिल्लगभिवखा वण सुरेसुं ॥ ४८५ ॥ तत्थेव य धणमित्तो
 चेल्लगमरणं नईइ तगहाए । निच्छरणोसुज्जाज्जंत विट्ठियविस्सारणं कासि
 ॥ ४८६ ॥ मुणिचंदेण विदिणस्स रायगिहि परीसहो महाघोरो । जत्तो
 हरिवंसविट्ठसणस्स वच्छं जिणिंदस्स ॥ ४८७ ॥ रायगिहनिग्गया खलु
 पडिमापडिवन्नगा मुणी चउरो । सीयविट्ठय कमेणं पहरे पहरे गया सिद्धि
 ॥ ४८८ ॥ उसिणे तगरऽरहन्नग चंपा मसएसु सुमणभहरिसो । खमसमण
 अज्जरक्खिय अचेल्लय यत्ते अ उज्जेणी ॥ ४८९ ॥ अरईय जाइसूकरो
 मूयो भज्जो अ दुलहवोहीओ । कोसंबीए कहियो इत्थीए थूलभहरिसो
 ॥ ४९० ॥ कुलइरम्मि य दत्तो चरियाइ परीसहे समक्खाओ । सिट्ठिसुयति-
 गिच्छणं अंगुलदीवो य वासम्मि ॥ ४९१ ॥ गयपुर कुरुदत्तसुओ निसी-
 हिया अडविदेस पडिमाए । गाविकुविण्ण दड्ढो गयसुकुमालो जहा भगवं
 ॥ ४९२ ॥ दो अणगारा धिज्जाइयाइ कोसंबि सोमदत्ताई । पाओवगया
 णदिणेसिज्जाए सागरे छूटा ॥ ४९३ ॥ महुराइ महुरखमओ अकोसपरीसहे
 उ सविसेसो । बीओ रायगिहम्मि उ अज्जुणमालारदिट्ठंतो ॥ ४९४ ॥
 कुंभारकडे नगरे खंदगसीसाण जंतपीलणया । एवंविहे कडिज्जइ जह सहियं
 तस्स सीसेहिं ॥ ४९५ ॥ तह भाणनाणवु(जु)त्तं गीए संठि(पट्ठि)यस्स
 समुयाणं । तत्तो अलाभगंमि उ जह कोहं निज्जिणे कगहो ॥ ४९६ ॥
 किसिपारासरदंढो बीयं तु अलाभगे उदाहरणं । कगहबलभहमन्नं चइज्जा

स्वमन्त्रिन्त्रो सिद्धो ॥ ४१७ ॥ महुरा जियसत्तुसुत्रो अणगारो कालवेसिन्त्रो
 रागे । मोग्गलसेलसिहरे खइत्रो किल सरसियालेणं ॥ ४१८ ॥ सावत्थी
 जियसत्तूतण्णो निक्खमण पडिम तण्णफासे । वीरिय पविय विकंत्तण कुसले-
 सण्णकट्ठणासहणं ॥ ४१९ ॥ चंपासु रांदगं चिय साहुदुगुंछाइ जलखउरंगे ।
 कोसंबि जम्मनिक्खमण वेयणं साहुपडिमाए ॥ ४२० ॥ महुराइ इंददत्तो-
 सकारा पायछेयणो सद्धो । पन्नाइ अज्जकालग सागरस्वमणो य दिट्ठंतो
 ॥ ४२१ ॥ नाणे असगडतात्रो खंभगनिधी अणहियासणे भद्दो । दंसणप-
 रीसहम्मि उ आसाढभूई उ आयरिया ॥ ४२२ ॥ चरियाए मरणमि उ
 समुद्राणपरीसहो मुणी एवं । भाविज्ज निउणजिणमय-उवएससुईइ अप्पाणं
 ॥ ४२३ ॥ उम्मग्गसंपयायं मणहत्थि विसयसुमरियमणंतं । नाणंकुसेण
 धीरो धरेइ दित्तंपिव गइंदं ॥ ४२४ ॥ एए उ अहासूरा महिड्डिए को व
 भाणिउं सत्तो ? किं वातिमूवमाए जिणगणधर-थेरचरिएसुं ॥ ४२५ ॥
 किं चित्तं जइ नाणी सम्महिट्ठी करंति उच्छाहं । तिरिएहिवि दुरणुचरो
 केहिवि अणुपालिन्त्रो धम्मो ॥ ४२६ ॥ अरुणसिंहं दट्ठूणं मच्छो सरणी
 महासमुद्दम्मि । हा ण गहिउत्ति काले भस(ड)त्ति संवेगमावरणो ॥ ४२७ ॥
 अप्पाणं निंदंतो उत्तरिऊणं महन्नवजलात्रो । सावज्जजोगविरत्रो भत्तपरि-
 राणं करेसीय ॥ ४२८ ॥ खगतुंडभिन्नदेहो दूसह-सूरग्गिताविय-सरीरो ।
 कालं काऊण सुरो उववन्नो एव सहणिज्जं ॥ ४२९ ॥ सो वानरजूहवई
 कंतारे सुविहियाणुकंपाए । भासुरवर-बुंदिधरो देवो वेमाणिन्त्रो जात्रो
 ॥ ४३० ॥ तं सीहसेण-गयवरचरियं सोऊण दुक्करं रणणे । को हु ण तवे
 पमायं करेज्ज जात्रो मणुस्सेसुं ? ॥ ४३१ ॥ भुयग-पुरोहियडको राया
 मरिऊण सल्लइवणम्मि । सुपसत्थ-गंधहत्थी बहुभयगय-भेलणो जात्रो ॥ ४३२ ॥
 सो सीहचंदमुणिवर-पडिमापडिबोहित्रो सुसंवेगो । पाणवहालिदत्तो-रिय-अ-
 भपरिग्गह-नियत्तो ॥ ४३३ ॥ रागदोसनियत्तो छट्ठस्वमणस्स पारणे ताहे ।

आससिऊणं पंडं आयवतत्तं जलं पासी ॥ ५१४ ॥ खमगत्तणनिम्मंसो
धवणिसिरोजाल-संतयसरीरो । विहरिय अप्पणाणो मुण्णिवएसं विचित्तंतो
॥ ५१५ ॥ सो अन्नया णिदाहे पंकोसन्नो वणं निरुत्थारो । चिरवेरिएण
दिट्ठो कुक्कुडसप्पेण घोरेण ॥ ५१६ ॥ जिणवयणमणुगुणितो ताहे सव्वं
चउव्विहारं । वोसिरिऊण गइंदो भावेण जिणे नमंसीय ॥ ५१७ ॥ तत्थ
य वणायरसुरवर-विम्हियकीरंत-पूयसकारो । मज्झत्थो आसी किर कलहेसु य
जजरिज्जंतो ॥ ५१८ ॥ सम्मं सहिऊण तथो कालगत्थो सत्तमंमि कप्पमि ।
सिरितिलयम्मि विमाणो उक्कोसठिई सुरो जात्थो ॥ ५१९ ॥ सुयदिट्ठिवायक-
हियं एयं अत्तखाणयं निसामित्ता । पंडियमरणम्मि मइं दढं निवेसिज्ज भावेणं
॥ ५२० ॥ जिणवयणमणुस्सट्ठा दोवि भुयंगा महाविसा घोरा । कासीय
कोसियासथ तणुसु भत्तं मुइंगाणं ॥ ५२१ ॥ एगो विमाणवासी जात्थो
वरवज्जि-पंजर-सरीरो । बीत्थो उ नंदणकुले बलुत्ति जवसो महड्डित्थो ॥ ५२२ ॥
हिमचूलसुरुप्पत्ती भद्दगमहिसी य थूलभद्दो य । वेरोवसमे कहणा सुरभावे
दंसणं खमणो ॥ ५२३ ॥ बावीसमाणुपुट्ठि तिक्खमणुयावि भेसणट्ठाए । विसया-
कंपरद्वखण करेज्ज देवा उ उवसग्गं ॥ ५२४ ॥ संघयणधिईजुत्तो नवदसपुव्वी
सुएण अंगा वा । इंगिणि पात्थोवगमं पडिवज्जइ एरिसो साहू ॥ ५२५ ॥
निच्चल निष्पडिकम्मो निविखवए जं जहिं जहा अंगं । एयं पात्थोवगमं
सनिहारिं वा अनीहारिं ॥ ५२६ ॥ पात्थोवगमं भणियं समविसमे पायवुव्व
जह पडित्थो । नवरं परप्पत्थोगा कंपिज्ज जहा फलतरुव्व ॥ ५२७ ॥ तस-
पाणवीयरहिए विच्छिण्णवियारथंडिलविसुद्धे । एगंते निद्दोसे उविति
अब्भुज्जयं मरणं ॥ ५२८ ॥ पुव्वभवियवेरेणं देवो साहरइ कोऽवि पायाले ।
मा सो चरिमसरीरो न वेअणं किंचि पाविज्जा ॥ ५२९ ॥ उप्पन्ने उवसग्गे
दिव्वे माणुस्सए तिरिक्खे अ । सव्वे पराजिणित्ता पात्थोवगया पविहरंति
॥ ५३० ॥ जह नाम असी कोसा अन्नो कोसो असीवि खलु अन्नो । इय

मे अनो जीवो अनो देहुत्ति मन्निजा ॥ ५३१ ॥ पुन्वावर-दाहिणउत्तरेण
 वाएहिं आवडंतेहिं । जह नवि कंपइ मेरु तह भाणाओ नवि चलंति
 ॥ ५३२ ॥ पढमम्मि य संघयणे वट्टंते सेलकुडुसामाणे । तेसिंपिय बुच्छेओ
 चउदसपुब्बीण बुच्छेए ॥ ५३३ ॥ पुढविदगअगणिमारुय-तरुमाइ तसेसु कोइ
 साहरइ । वोसट्टवत्तदेहो अहाउअं तं परि(डि)विखजा ॥ ५३४ ॥ देवो
 नेहेण णए देवागमणं च इंदगमणं वा । जहियं इड्डी कंता सव्वसुहा हुंति
 सुहभावा ॥ ५३५ ॥ उवसग्गे तिविहेवि य अणुकूले चेव तह य पडिकूले ।
 सम्मं अहियासंतो कम्मवखयकारओ होइ ॥ ५३६ ॥ एयं पाओवगमं इंगिणि
 पडिकम्म वणिणयं सुत्ते । तित्थयरगणहरेहि य साहूहि य सेवियसुयारं
 ॥ ५३७ ॥ सव्वे सव्वद्धाए सव्वन्नू सव्वकम्मभूमीसु । सव्वगुरू सव्वहिया
 सव्वे मेरुसु अहिसित्ता ॥ ५३८ ॥ सव्वाहिवि लद्धीहिं सव्वेऽवि परीसहे
 पराइत्ता । सव्वेऽविय तित्थयरा पाओवगयाउ सिद्धिगया ॥ ५३९ ॥ अव-
 सेसा अणगारा तीयपडुप्पन्नऽणागया सव्वे । केई पाओवगया पच्चवखाणि-
 गिणिं केई ॥ ५४० ॥ सव्वावि अ अजाओ सव्वेऽवि य पढमसंघयणावजा ।
 सव्वे य देसविरया पच्चवखाणेण य मरंति ॥ ५४१ ॥ सव्वसुहप्पभवाओ
 जीवियसाराओ सव्वजणिगाओ । आहाराओ रयणं न विज्जए उत्तमं लोए
 ॥ ५४२ ॥ विग्गमहगए य सिद्धे मुत्तुं लोगम्मि जंमिया जीवा । सव्वे
 सव्वावत्थं आहारे हुंति आउत्ता ॥ ५४३ ॥ तं तारिसगं रयणं सारं जं
 सव्वलोय-रयणाणं । सव्वं परिचइत्ता पाओवगया प(रि)विहरंति ॥ ५४४ ॥
 एयं पाओवगमं निप्पडिकम्मं जिणेहिं पन्नत्तं । तं सोऊणं खमओ ववसायपर-
 क्कमं कुणइ ॥ ५४५ ॥ धीरपुरिसपराणत्ते सप्पुरिसनिसेविए परमरम्मे । धराणा
 सिलायलगया निरावयक्का णिवज्जंति ॥ ५४६ ॥ सुव्वंति य अणगारा
 घोरासु भयाणियासु अडवीसुं । गिरिकुहर-कंदरासु य विजणोसु य रुक्खहे-
 ट्ठेसुं ॥ ५४७ ॥ धीधणिय-बद्धकच्छा भीया जरमरण-जम्माणसयाणं । सेल-

सिना-सयणत्था साहंति उ उत्तमट्टाडं ॥ ५४८ ॥ दीवोदहि-रगणोसु य खयरा-
वहियासु पुणारविय तासु । कमलसिरी-महिलादिसु भत्तपरिन्ना कया थीसु
॥ ५४९ ॥ जह ताव सावयाकुल-गिरिकंदर-विसमकडग-दुग्गासुं । साहंति
उत्तमट्टं धिइधणिय-सहायगा धीरा ॥ ५५० ॥ किं पुण अणगारसहायगेण
अणणुन्नसंगहबलेणं । परलोए य न सका साहेउं अण्णो अट्टं ? ॥ ५५१ ॥
समुइन्नेसु अ सुविहिय ! उवसग्गमहब्भएसु विविहेसुं । हियएण चित्तिणि-
ज्जं रयणनिही एस उवसग्गो ॥ ५५२ ॥ किं जायं जइ मरणं अहं च
एगाणिओ इहं पाणी । वसिओऽहं तिरियत्ते बहुसो एगाणिओ रगणे ॥ ५५३ ॥
वसिऊणऽवि जणमज्जे वच्चइ एगाणिओ इमो जीवो । मुत्तूण सरीरघरं
मच्चुमुहा-कड्डिओ संतो ॥ ५५४ ॥ जह बीहंति अ जीया विविहाण विहा-
सियाण एगागी । तह संसारगएहिं जीवेहिं विहेसिया अन्ने ॥ ५५५ ॥
सावयभयाभिभूओ बहूसु अडवीसु निरभिरामासु । सुरहिहरिण-महिस-सूयर-
करवोडिय रुक्खच्छायासु ॥ ५५६ ॥ गयगवय-खग्गगंडय-वग्घतरच्छच्छ-भल्ल-
चरियासु । भल्लुं कि-कंक-दीविय-संचरसब्भाव-किराणासुं ॥ ५५७ ॥ मत्तगइंद-
निवाडिय-भिल्लपुलिंदावकुंडियवणासुं । वसिओऽहं तिरियत्ते भीसणसंसार-
चारम्मि ॥ ५५८ ॥ कथं य मुद्धमिगत्ते बहुसो अडवीसु पयइविसमासु ।
वग्घमुहावडिणं रसियं अइभीयहियएणं ॥ ५५९ ॥ कथइ अइदुप्पिक्खो
भीसणविगराल-घोरवयणोऽहं । आसि महंविय वग्घो रुक्खमहिस-वराह-विइवओ
॥ ५६० ॥ कथइ दुव्विहिणहिं रक्खसवेयालभूयरूवेहिं । छलिओ वहिओ
य अहं मणुस्सजम्ममि निस्सारो ॥ ५६१ ॥ पयइकुडिलमि कथइ संसारे
पाविऊण भूयत्तं । बहुसो उव्वियमाणो मएवि बीहाविया सत्ता ॥ ५६२ ॥
विरसं आरसमाणो कथइ रगणोसु घाइओ अहयं । सावयगहणम्मि वणो
भयभीरू खुभियचित्तोऽहं ॥ ५६३ ॥ पत्तं विचित्तविरसं दुक्खं संसारसागर-
गएणं । रसियं च असरणेणं कयंत-दंतंतरगएणं ॥ ५६४ ॥ तइया कीस न

हायइ जीवो जइया सुसाणपरिविद्धं । भल्लु कि-कंक-वायससणसु दोकिज्जए देहं
 ॥ ५६५ ॥ ता तं निज्जिणिऊणं देहं मुत्तूण वच्चए जीवो । सो जीवो अवि-
 णासी भणिओ तेलुकदंसीहिं ॥ ५६६ ॥ तं जइ ताव न मुच्चइ जीवो मरण-
 स्स उव्वियंतोऽवि । तम्हा मज्झ न जुज्जइ दाऊण भयस्स अप्पाणं ॥ ५६७ ॥
 एवमणुचितयंता सुविहिय ! जरमरणभावियमईया । पावंति कयपयत्ता मरण-
 समाहिं महाभागा ॥ ५६८ ॥ एवं भावियचित्तो संथारवरंमि सुविहिय !
 सयावि । भावेहि भावणाओ बारस जिणवयणदिट्ठाओ ॥ ५६९ ॥ इह इत्तो चउ-
 रंगे चउत्थभग्गं(मंगं) सुसाहुधम्ममि । वन्नेइ भावणाओ बारसंगविऊ ॥ ५७० ॥
 समणोण सावएण य जाओ निच्चंपि भावणिज्जाजो । दट्ठसंवेग-करीओ विसे-
 सओ उत्तमट्ठमि ॥ ५७१ ॥ पढमं अणिच्चभावं असरणयं एगयं च अन्नत्तं ।
 संसार-मसुभयाविय विविहं लोगस्सहावं च ॥ ५७२ ॥ कम्मस्स आसवं
 संवरं च निज्जरणमुत्तमे य गुणो । जिणसासणमि बोहिं च दुल्लहं चित्तए
 मइमं ॥ ५७३ ॥ सव्वट्ठाणाइं असासयाइं इह चेव देवलोगे य । सुरअसुर-
 नराईणं रिद्धिविसेसा सुहाइं वा ॥ ५७४ ॥ मायापिईहिं सहवट्ठिएहिं मित्तेहिं
 पुत्तदारेहिं । एगयओ सहवासो पीई पणओऽविअ अणिच्चो ॥ ५७५ ॥
 भवणोहिं व वणोहि य सयणासण-जाणवाहणाईहिं । संजोगोऽवि अणिच्चो
 तह परलोगेहिं सह तेहिं ॥ ५७६ ॥ बलवीरिय-रूवजोव्वण-सामग्गीसुभगया
 वप्पसोभा । देहस्स य आरुग्गं असासयं जीवियं चेव ॥ ५७७ ॥ जम्मजरामरणभए
 अभिदुए विविह वाहिसंतत्ते । लोगमि नत्थि सरणं जिणिंदवर-सासणं मुत्तुं
 ॥ ५७८ ॥ आणोहि य हत्थीहि य पव्वयमित्तेहिं निच्चमित्तेहिं । सावरणपहर-
 णोहि य बलवयमित्तेहिं जोहेहिं ॥ ५७९ ॥ महया भडचडगर-पहकरेण अवि
 चक्कवट्ठिणा मच्चू । न य जियपुव्वो केणइ नीइबलेणावि लोगमि ॥ ५८० ॥
 विविहेहि मंगलेहि य विज्जामंतोसही-पओगेहिं । नवि सका तारेउं मरणा
 णवि रुग्गसोएहिं ॥ ५८१ ॥ पुत्ता मित्ता य पिया सयणो बंधवजणो अ

अथो य । न समत्था ताएउं मरणा सिंदावि देवगणा ॥ ५८२ ॥ सयणास्स
य मज्झगओ रोगाभिहओ किलिस्सइ इहेगो । सयणोऽविय से रोगं न विरिं-
चइ नेव नासेइ ॥ ५८३ ॥ २ । मज्झम्मि बंधवाणां इको मरइ कलुणारुयं-
ताणां । न य गां अन्नेति तओ बंधुजणो नेव दाराइं ॥ ५८४ ॥ इको करेइ
कम्मं फलमवि तस्सेकओ समणुहवइ । इको जायइ मरइ य परलोअं इकओ
जाई ॥ ५८५ ॥ पत्तेयं पत्तेयं नियगं कम्मफल-मणुहवंताणां । को कस्स जए
सयणो ? को कस्स व परजणो भणियो ? ॥ ५८६ ॥ को केण समं जायइ
को केण समं च परभवं जाई । को वा करेइ किंओ कस्स व को कं नियत्तेइ ?
॥ ५८७ ॥ अणुसोअइ अणजणं अन्नभवंतरगयं तु बालजणो । नवि
सोयइ अप्पाणं किलिस्समाणां भवसमुदे ॥ ५८८ ॥ ३ । अन्नं इमं सरीरं
अन्नोऽहं बंधवाविमे अन्ने । एवं नाऊण खमं कुसलस्स न तं खमं काउं ?
॥ ५८९ ॥ ४ । हा ! जह मोहियमइणा सुग्गइमग्गं अजाणमाणेणं । भीमे
भवकंतारे सुचिरं भमियं भयकरम्मि ॥ ५९० ॥ जोणिसय-सहस्सेसु य असइं
जायं मयं वज्जोगासु । संजोग विप्यओगा पत्ता दुक्खाणि य बहूणि ॥ ५९१ ॥
सग्गेसु य नरगेसु य माणुस्से तह तिरिक्खजोणीसुं । जायं मयं च बहुसो
संसारे संसरंतेणं ॥ ५९२ ॥ निब्भत्थणावमाणण-वहबंधण-रुंधणा धणावि-
णासो । गेगा य रोगसोगा पत्ता जाईसहस्सेसुं ॥ ५९३ ॥ सो नत्थि
इहोगासो लोए वालग्गकोडिमित्तोऽवि । जम्मणमरणाबाहा अणोगसो जत्थ
न य पत्ता ॥ ५९४ ॥ सव्वाणि सव्वलोए रूवी दव्वाणि पत्तपुव्वाणि ।
देहोवक्खर-परिभोगयाइ दुवस्सेसु य बहूसुं ॥ ५९५ ॥ संबंधि-बंधवत्ते सव्वे
जीवा अणोगसो मज्झं । विविहवद-वेरजणया दासा सामी य मे आसी
॥ ५९६ ॥ लोगसहावो धी धी जत्थ व माया मया हवइ धूया । पुत्तोऽवि
य होइ पिया पियावि पुत्तत्तणमुवेइ ॥ ५९७ ॥ जत्थ पियपुत्तगस्सवि माया
छाया भवंतरगयस्स । तुट्ठा खायइ मंसं इत्तो किं कट्ठयरमन्नं ? ॥ ५९८ ॥

धी संमारो जहियं जुवाणओ परमरूव-गव्वियओ । मरिऊण जायइ किमी
 तत्थेव कलेवरे नियए ॥ ५११ ॥ बहुसो अणुभूयाइं अईयकालम्मि सव्व-
 दुवखाइं । पाविहिइ पुणो दुवखं न करेहिइ जो जणो धम्मं ॥ ६०० ॥ ५ ।
 धम्मेण विणा जिणदेसिएण नन्नत्थ अत्थि किंचि सुहं । ठाणं वा कज्जं वा
 सदेवमणुयासुरे लोए ॥ ६०१ ॥ अत्थं धम्मं कामं जाणि य कजाणि तिन्नि
 मिच्छंति । जं तत्थ धम्मकज्जं-तं सुभमियराणि असुभाणि ॥ ६०२ ॥ आया-
 सकिलेसाणं वेराणं आगरो भयकरो य । बहुदुक्ख-दुग्गइकरो अत्थो मूलं
 अणत्थाणं ॥ ६०३ ॥ किच्छाहि पाविउं जे पत्ता बहुभय-किलेस-दोसकरा ।
 तक्खणसुहा बहुदुहा संसारविवद्धणा कामा ॥ ६०४ ॥ ६ । नत्थि इहं
 संसारे ठाणं किंचिवि निरुवद्दुयं नाम । ससुरासुरेसु मणुए नरएसु तिरि-
 व्वखजोणीसुं ॥ ६०५ ॥ बहुदुक्ख-पीलियाणं मइमूढाणं अणप्पवसगाणं ।
 तिरियाणं नत्थि सुहं नेरइयाणं कओ चेव ? ॥ ६०६ ॥ हव्वगम्भवास जम्म-
 ण-वाहिजरामरण-रोगसोगेहिं । अभिभूए माणुस्से बहुदोसेहिं न सुहमत्थि
 ॥ ६०७ ॥ मंसट्ठियसंघाए मुत्तपुरीसभरिए नवच्छिद्दे । असुइं परिस्सवंते
 सुहं सरीरम्मि किं अत्थि ? ॥ ६०८ ॥ इट्ठजण-विप्पओगो चयणभयं चेव
 देवलोगाओ । एयारिसाणि सग्गे देवावि दुहाणि पावित्ति ॥ ६०९ ॥
 ईसाविसाय-मयकोह-लोहदोसेहिं एवमाईहिं । देवावि समभिभूया तेसुवि य
 कओ सुहं अत्थि ? ॥ ६१० ॥ एरिसय-दोसपुणणे खुत्तो संसारसायरे जीवो ।
 जं अइचिरं किलिस्सइ तं आसवहेउअं सव्वं ॥ ६११ ॥ रागदोसपमत्तो
 इंदियवसओ करेइ कम्माइं । आसवदारेहिं अविगुहेहिं तिविहेण करणेणं
 ॥ ६१२ ॥ धीधी मोहो जेणिह हियकामो खलु स पावमायरइ । न हु पावं
 हवइ हियं विसं जहा जीवियत्थिस्स ॥ ६१३ ॥ रागस्स य दोसस्स य
 धिरत्थु जं नाम सहदंतोऽवि । पावेसु कुणइ भावं आउरविज्जव्व अहिएसुं
 ॥ ६१४ ॥ लोभेण अहव घत्थो कज्जं न गणेइ आय-अहियंपि । अइलो-

हेण विणस्सइ मच्छुव्व जहा गलं गिलिओ ॥ ६१५ ॥ अत्थं धम्मं कामं
तिग्गिणवि बुद्धो जणो परिच्चयइ । ताइं करेइ जेहि उ (न) किलिस्सइ
इहं परभवे य ॥ ६१६ ॥ हुँति अजुत्तस्स विणासगाणि पंचिंदियाणि
पुरिस्स ॥ उरगा इव उग्गविसा गहिया मंतोसहीहि विणा
॥ ६१७ ॥ आसवदारेहिं सया हिंसाईएहिं कम्ममासवइ । जह
नावाइ विणासो छिद्देहि जलं उयहि-मज्जे ॥ ६१८ ॥ ८ । कम्मासवदाराइं
निरुंभियव्वाइं इंदियाइं च । हंतव्वा य कसाया तिविहं तिविहेण मुखत्थं
॥ ६१९ ॥ निग्गहिय-कसाएहिं आसवा मूलओ हया हुँति । अहियाहारे मुखे
रोगा इव आउरजणस्स ॥ ६२० ॥ नाणेण य भाणेण य तवोबलेण य बला
निरुंभंति । इंदियविसय-कसाया धरिया तुरगा व रज्जूहिं ॥ ६२१ ॥ हुँति
गुणकारगाइं सुयरज्जूहिं धणियं नियमियाइं । नियगाणि इंदियाइं जइणो
तुरगा इव सुदंता ॥ ६२२ ॥ मणवयण कायजोगा जे भणिया करणसरिणया
तिग्गिण । ते जुत्तस्स गुणकरा हुँति अजुत्तस्स दोसकरा ॥ ६२३ ॥ जो
सम्मं भूयाइं पासइ भूए अ अण्णभूए य । कम्ममलेण न लिप्पइ सो संवरिया-
सवदुवारो ॥ ६२४ ॥ ९ । धराणा सत्त हियाइं सुणंति धराणा करंति
सुणियाइं । धराणा सुग्गइमग्गं मरंति धराणा गया सिद्धिं ॥ ६२५ ॥ धराणा
कलत्तनियलेहिं विप्पमुक्का सुसत्तसंजुत्ता । वारीओव गयवरा घरवारीओवि
निप्पिडिया ॥ ६२६ ॥ धराणा उ करंति तवं संजमजोगेहिं कम्ममट्टविहं ।
तवसलिलेणं मुणिया धुणंति पोराणयं कम्मं ॥ ६२७ ॥ नाणमयवायसहिओ
सीलुज्जलिओ तवो मओ अग्गी । संसारकरणवीयं दहइ दवग्गीव तणरासिं
॥ ६२८ ॥ १० । इणमो सुगइगइपहो सुदेसिओ उविखओ य जिणवरेहिं ।
ते धन्ना जे एयं पहमाणवज्जं पवज्जंति ॥ ६२९ ॥ जाहे य पावियव्वं इह परलोए
य होइ कल्लाणं । ता एयं जिणकहियं पडिवज्जइ भावओ धम्मं ॥ ६३० ॥
जह जह दोसोवरमो जह जह विसएसु होइ वेरग्गं । तह तह विजाणयाहि

आसन्नं स पयं परमं ॥ ६३१ ॥ ११ । दुग्गो भवकंतारे भममाणोहिं
 सुचिरं पणट्ठेहिं । दिट्ठो जिणोवदिट्ठो सुग्गइमग्गो कहवि लद्धो ॥ ६३२ ॥
 माणुस्स-देसकुल-कालजाइ-इंदियबलोवयाणं च । विन्नाणं सद्धा दंसणं च दुलहं
 सुसाहूणं ॥ ६३३ ॥ पत्तेसुवि एएसुं मोहस्सुदएण दुल्लहो सुपहो । कुपहव
 हुयत्तणेण य विसयसुहाणं च लोभेणं ॥ ६३४ ॥ सो य पहो उवलद्धो
 जस्त जए बाहिरो जणो बहुओ । संपत्तिच्चिय न चिरं तम्हा न खमो पमाओ
 भे ॥ ६३५ ॥ जह जह दढप्पइराणो समणो वेरग्गभावणं कुणइ । तह तह
 असुभं आयव-हयं व सीयं खयमुवेइ ॥ ६३६ ॥ एगअहोरत्तेणवि दढपरिणामा
 अणुत्तरं जंति । कंडरियो पुंडरियो अहरगई-उट्ठगमणेसुं ॥ ६३७ ॥ १२ ।
 बारसवि भावणाओ एवं संखेवओ समत्ताओ । भावेमाणो जीवो जाओ
 समुवेइ वेरग्गं ॥ ६३८ ॥ भाविज्ज भावणाओ पालिज्ज वयाइं रयणमरिसाइं ।
 पडिपुण-पावखमणे अइरा सिद्धिपि पावहिसि ॥ ६३९ ॥ कथइ सुहं
 सुरसमं कथइ निरओवमं हवइ दुक्खं । कथइ तिरियसरित्थं माणुमजाइं
 बहुविचित्ता ॥ ६४० ॥ दट्ठणवि अप्पसुहं माणुस्सं गोगदोस(सोग)-
 संजुत्तं । सुट्ठुवि हियमुवइट्ठं कज्जं न मुणेइ मूढजणो ॥ ६४१ ॥ जह नाम
 पट्ठणगआ सते मुल्लंमि मूढभावेणं । न लहंति नरा लाहं माणुसभावं तहा
 पत्ता ॥ ६४२ ॥ संपत्ते बलविरिए सवभाव-परिक्खणं अजाणंता । न लहंति
 बोहिलाभं (नरा बोहिं) दुग्गइमग्गं च पावंति ॥ ६४३ ॥ अम्मापियरो भाया
 भज्जा पुत्ता सरीर अत्थो य । भवसागरंमि घोरे न हुंति ताणं च सरणं च
 ॥ ६४४ ॥ नवि माया नवि य पिया न पुत्तदारा न चेव बंधुजणो । नवि
 य धणं नवि धन्नं दुक्खमुइन्नं उवसमेंति ॥ ६४५ ॥ जइया सयणिज्जगओ
 दुक्खत्तो सयणबंधु-परिहीणो । उव्वत्तइ परियत्तइ उरगो जह अग्गिमज्झमि
 ॥ ६४६ ॥ असुइ सरीरं रोगा जम्माण-सयसाहणं छुहा तरहा । उराहंसीयं वाओ
 पहाभिवाया यऽगोगविहा ॥ ६४७ ॥ सोगजरामरणाइं परिस्समो दीणया य

दारिद्रं । तदयं पियविष्पत्रोगा अपियजण-संपत्रोगा य ॥ ६४८ ॥ एयाणि
य अण्णाणि य माणुस्से बहुविहाणि दुक्खाणि । पच्चक्खं पिक्खंतो को न
मरइ तं विचिंततो ? ॥ ६४९ ॥ लद्धूणावि माणुस्सं सुदुल्लहं केइ कम्मदोसेणं ।
सायासुह-मणुरत्ता मरणसमुद्देज्जगाहिंति ॥ ६५० ॥ तेण उ इहलोगसुहं
मोत्तूणं माणसंसिय-मईओ । विरतिवख-मरणभीरू लोगसुई-करण-दोगुंछी
॥ ६५१ ॥ दारिद्र-दुक्खवेयण-बहुविहसीउगह-खुप्पिवासाणं । अरईभयसोग-
सामिय-तकरदुब्बिक्ख-मरणाइं ॥ ६५२ ॥ एएसिं तु दुहाणं जं पडिवक्खं
सुहंति तं लोए । जं पुण अच्चंतसुहं तस्स परुक्खा सया लोया ॥ ६५३ ॥
जस्स न दुहा ण तगहा नय सीउगहं न दुक्खमुक्किट्ठं । न य असुइय सरीरं
तस्सऽसणाईसु किं कज्जं ? ॥ ६५४ ॥ जह निबदु-मुप्पन्नो कीडो कडुयंपि
मन्नए महुरं । तह मुखसुह-परुक्खा संसारदुहं सुहं विंति ॥ ६५५ ॥ जे
कडुयदु-मुप्पन्ना कीडा वरक्क-पायव-परुक्खा । तेसिं विसालवल्ली विसं व सग्गो
य मुखो य ॥ ६५६ ॥ तह परतित्थियकीडा विसयविसंकुर-विमूढदिट्ठीया ।
जिणसासणकप्पतरु-वरपाख्खरसा किलिस्संति ॥ ६५७ ॥ तम्हा सुक्खमहा-
तरु-सासयसिवफलय-सुक्खसत्तेणं । मोत्तूण लोगसराणं पंडियमरणेण मरियव्वं
॥ ६५८ ॥ जिणमय-भाविअचित्तो लोगसुईमल-विरेयणं काउं । धम्मंमि तओ
भाणे सुक्के य मइं निवेसेह ॥ ६५९ ॥ सुणह-जह जिणवयणामय रस
भावियहियएण भाणवावारो । करणिज्जो समणेणं जं भाणं जेसु भायव्वं
॥ ६६० ॥ इति संले(आरा)हणासुयं ॥ एयं 'मरणविभत्तिमरणविसोहिं' च
नाम गुणरयणं । मरणसमाही^३ तइयं संलेहणासुयं^४ चउत्थं च ॥ ६६१ ॥
पंचम भत्तपरिणणा छट्ठं आउरपच्चक्खाणं च । सत्तम महपच्चक्खाणं अट्ठम
आराहणपइराणो ॥ ६६२ ॥ इमाओ अट्ठ सुयाओ भावा उ गहियंमि लेस
अत्थाओ । मरणविभत्ती रइयं बिय नाम मरणसमाहिं च ॥ ६६३ ॥ इति
सिरिमरणविभत्तीपइराणयं संमत्तं ॥

॥ इति श्री मरणसमाधि(विभक्ति)प्रकीर्णकम् ॥ १० ॥

॥ परिशिष्टम् ॥ मतान्तरेण प्रकीर्णकदशकगत-प्रकीर्णद्वयम् ॥

॥१॥ श्रीचन्द्रवेध्यक-प्रकीर्णकम् ॥

जगमत्थयद्वियाणं विगसिय-व-रणाणदंसण-धराणं । नाणुज्जोयगराणं
लोगम्मि नमो जिणवरणं ॥ १ ॥ इणमो सुणह महत्थं निस्संदं सुवस्समग्ग-
सुत्तस्स । विगहनियत्तिअचित्ता सोऊण य मा पमाइत्थ ॥ २ ॥ विणायं आय-
रियगुणे सीसगुणे विणायनिग्गहगुणे य । नाणगुणे चरणगुणे मरसगुणे
इत्थ वुच्छामि ॥ ३ ॥ दारगाहा ॥

(१) विणायो :-

जो परिभवइ मणुस्सो आयरियं जत्थ सिस्सए विज्जं । तस्स गहि-
यावि विज्जा दुव्वेणवि निप्फला होइ ॥ ४ ॥ थद्धो विणायविहूणो न
लहइ कित्तिं जसं च लोगम्मि । जो परिभवं करेइ गुरुण गुरुआइ कम्माणं
॥ ५ ॥ सव्वत्थ लभिज्ज नरो विस्संभं पच्चयं च कित्तिं च । जो गुरुजणोव-
इट्ठं विज्जं विणएण गिह्मिज्जा ॥ ६ ॥ अविणीयस्स पणस्सइ जइवि न
भस्सइ न जुज्जइ गुणेहिं । विज्जा सुसिविस्वया वि हु गुरुपरिभव बुद्धिदोसेणं
॥ ७ ॥ विज्जांमणुसरियवा न हु दुव्विणीयस्स होइ दायवा । परिभवइ
दुव्विणीयो तं विज्जं तं च आयरियं ॥ ८ ॥ विज्जं परिभवमाणो आयरि-
याणं गुणेऽय्यासितो । रिसिआयग.ण लोयं वच्चइ मिच्छत्तसंजुत्तो ॥ ९ ॥
विज्जावि होइ बलिया गहिया पुरिसेण भागधिज्जेण । सुकुलकुलबालिया
विव असरिसपुरिसं पइं पत्ता ॥ १० ॥ सिक्खाहि ताव विणायं किं ते विज्जाइ
दुव्विणीयस्स । दुस्सिक्खाओ हु विणयो सुलहा विज्जा विणीयस्स ॥ ११ ॥
विज्जं सिक्खह विज्जं गुणेह गहियं च मा पमाएह । गहियगुणिया हु
विज्जा परलोयसुहावहा होइ ॥ १२ ॥ विणएण सिक्खियाणं विज्जाणं परि-
समत्तसुत्ताणं । सका फलमणुभुत्तुं गुरुजण-तुट्ठोवइट्ठाणं ॥ १३ ॥ दुल्लभया
आयरिया विज्जाणं दायगा समत्ताणं । ववगय-चउकसाया दुल्लहगा सिक्खगा

सीसा ॥ १४ ॥ पञ्चइयस्स गिहिस्स वा विणयं चेव कुसला पसंसंति । न
हु पावइ अविणीओ कित्ति च जसं च लोगमि ॥ १५ ॥ जाणंतावि य
विणयं केइ कम्माणुभाव-दोसेण । निच्छंति पउजित्ता अभिभूया रागदोसेहिं
॥ १६ ॥ अभणंतस्स य कस्सवि पसरइ कित्ती जसं च लोगमि । पुरिसस्स
महिलियाए विणीयविणयस्स दंतस्स ॥ १७ ॥ दित्ति फलं विज्जाओ पुरि-
साणं भागधिज्जभरियाणं । न हु भागधिज्ज-परिवज्जियस्स विज्जा फलं दित्ति
॥ १८ ॥ विज्जं परिभवमाणो आयरियाणं गुणे पणासंतो । रिसिघायगाण लोयं
वच्चइ मिच्छत्तसंजुत्तो ॥ १९ ॥ न हु सुलहा आयरिया विज्जाणं दायगा
समत्ताणं । उज्जुय अपरित्तंता न हु सुलहा सिक्खगा सीसा ॥ २० ॥
विणयस्स गुणविसेसा एव मए वन्निया समासेणं । आयरियाणं च गुणे
एगमणा भे निसामेह ॥ २१ ॥

(२) आयरियगुणे :-

बुच्छं आयरियगुणे अणोगगुण-सयसहस्सधारीणं । ववहारदेसगाणं सुयरयाण-
सुसत्थवाहाणं ॥ २२ ॥ पुढवीविव सव्वसहं मेरुव्व अकंपिरं ठियं धम्मे ।
चंदुव्व सोमलेसं तं आयरियं पसंसंति ॥ २३ ॥ अपरिस्साविं आलोयणारिहं
हेउकारणविहिराणुं । गंभारं दुद्धरिसं तं आयरियं पसंसंति ॥ २४ ॥ कालराणुं
देसराणुं भावराणुं अतुरियं असंभंतं । अणुवत्तयं अमायं तं आयरियं पसंसंति
॥ २५ ॥ लोइय वेइय सामाइएसु सत्थेसु जरस वक्खेवो । ससमय-परसमयविऊ तं
आयरियं पसंसंति ॥ २६ ॥ बारसहिवि अंगेहिं सामाइयमाइ-पुव्वनिबद्धे । लच्छट्ठं
गहियट्ठं तं आयरियं पसंसंति ॥ २७ ॥ आयरियसहस्साइं लहइ य जीवे
भवेहिं बहुएहिं । कम्मेसु य सिप्पेसु य अन्नेसु य धम्मचरणेसु ॥ २८ ॥
जे पुण जियोवइट्ठे निगंथे पवयणंमि आयरिया । संसारमुक्खमग्गस्स
देसगा ते हु आयरिया ॥ २९ ॥ जह दीवा दीवसयं पइप्पए सो उ दिप्पए
दीवो । दीवसमा आयरिया अप्पं च परं च दीवंति ॥ ३० ॥ धन्ना आयरि-

याणां निच्चं आइच्चंदभूयाणां । संसारमहराणव-तारयाणां पाप पणिवयंति ॥ ३१ ॥ इहलोइयं च किसिं लहइ य आयरियभत्तिराएण । देवगइं सुवि-
सुद्धं धम्मे य अणुत्तरं बोहिं ॥ ३२ ॥ देवा वि देवलोए निच्चं दिव्वोहिणा
वियाणित्ता । आयरियाण सरंता आसणसयणाइं मुंचंति ॥ ३३ ॥ देवावि
देवलोए निग्गंथं पवयणां अणुसरंता । अच्चरगणमज्झगया आयरिए
वंदयाइंति ॥ ३४ ॥ छट्ठट्ठम-दसमदुवालसेहिं भत्तेहिं उववसंता वि । अकरिंता
गुरुवयणां ते हुँति अणंतसंसारी ॥ ३५ ॥ एए अन्ने य बहू आयरियाणां
गुणा अयरिमिज्जा । सीसाण गुणविसंसे केवि समासेण वुच्छामि ॥ ३६ ॥

(३) सीसगुणे :-

नीयावित्ति विणीयं अमत्तयं गुणवियाणयं सुयणं । आयरियमइ-वियाणि
सीसं कुसला पसंसंति ॥ ३७ ॥ सीयसहं उरहसहं वायसहं खुह-पिवास-
अरइसहं । पुढवीविव सव्वसहं सीसं कुसला पसंसंति ॥ ३८ ॥ लाभेसु अलाभेसु
य अविवरणो होइ जस्स मुहवरणो । अपिच्छं संतुट्ठं सीसं कुसला पसंसंति
॥ ३९ ॥ छविहविणय-विहिन्नू अज्झइओ सो हु वुचइ विण(णी)ओ ।
इट्ठीगारवरहियं सीसं कुसला पसंसंति ॥ ४० ॥ दसविह-वेयावच्चंमि उज्जुयं
उज्ज(न्न)यं च सज्झाए । सव्वावस्सगजुत्तं सीसं कुसला पसंसंति ॥ ४१ ॥
आयरियवन्नवाइं गणिसेविं कित्तिवद्धणं धीरं । धीधणिय-बद्धकच्छं सीसं
कुसला पसंसंति ॥ ४२ ॥ हंतूण सव्वमाणं सीसो होऊण ताव सिक्खाहि ।
सीसस्स हुँति सीसा न हुँति सीसा असीसस्स ॥ ४३ ॥ वयणाइं सुकड्डयाइं
पणायसिद्धाइं विसहियव्वाइं । सीसेणायरियाणं नीसेसं मग्गमाणेणं ॥ ४४ ॥
जाइकुल-रूवजुव्वण-बलविरिय-समत्तसत्तसंजुत्तं । मिउसइ-वाइमपिसुण-मसदमथद्धं
अलोभं च ॥ ४५ ॥ पडिपुणपाणिपायं अणुलोमं निद्धउवाचियसरीरं ।
गंभीरतुंगनासं उदारदिट्ठिं विसालच्छं ॥ ४६ ॥ जिणसासणमणुरत्तं गुरुज-
ण-मुहपिच्छगं च धीरं च । सद्धागुण पडिपुन्नं विकारविरयं विणयमूलं ॥ ४७ ॥

कालन्तुं देसन्तुं समयन्तुं सीलरूपविणयन्तुं । लोहभय-मोहरहियं जियनि-
दपरीसहं चेव ॥ ४८ ॥ जइवि सुयणाणकुसलो होइ नरो हेउकारणविहिन्नु ।
अविणीयं गारवियं न तं सुयहरा पसंसंति ॥ ४९ ॥ सीसं सुइमणुरत्तं निच्चं
विणयोवयारसंजुत्तं । वायजवगुणजुत्तं पवयणसोहाकरं धीरं ॥ ५० ॥ इत्तो
जो परिहीणो गुणेहिं गुणस्यनयोववेएहिं । पुत्तं पि न वाएज्जा किं पुण
सीसं गुणविहीणं ॥ ५१ ॥ एसा सीसपरिक्खा कहिया निउणत्थसत्थ
उवइट्ठा । सीसो परिक्खयव्वो पारत्तं मग्गमाणेण ॥ ५२ ॥ सीसाणं गुण-
कित्ती एसा मे वन्निया समासेणं । विणयस्स निग्गहगुणे ओहियहियया
निसामेह ॥ ५३ ॥

(४) विणयनिग्गहगुणे :—

विणयो मुखस्सरं विणयं माहु कयावि छड्डिज्जा । अप्पसुओवि हु
पुरिसो विणएण खवेइ कम्माइं ॥ ५४ ॥ जो अविणीयं विणएण जिणइ
सीलेण जिणइ निस्सीलं । सो जिणइ तिन्निलोए पावमपावेण सो जिणइ
॥ ५५ ॥ जइवि सुयणाणकुसलो होइ नरो हेउकारणविहिन्नु । अविणीयं गारवियं
न तं सुयहरा पसंसंति ॥ ५६ ॥ सुवहुस्सुयं पि पुरिसं कुसला अप्पसुयंमि
ठवंति । गुणहीण विणयहीणं चरित्तजोगेहिं पासत्थं ॥ ५७ ॥ तवनियमसी-
ललियं उज्जुत्तं नाणदंसणचरित्ते । अप्पसुयं पि हु पुरिसं बहुस्सुयपयंमि ठवंति
॥ ५८ ॥ सम्मत्तंमि य नाणं आयत्तं दंसणं चरित्तंमि । खंतिबलाउ य तवो
नियमविसेसो य विणयाओ ॥ ५९ ॥ सव्वे य तवविसेसा नियमविसेसा य
गुणविसेसा य । नत्थि हु विणयो जेसिं मुखफलं निरत्थयं तेसिं ॥ ६० ॥
पुव्वं परुविओ जिणवरेहिं विणयो अणंतनाणीहिं । सव्वासु कम्मभूमिसु
निच्चं चिय मुखमग्गंमि ॥ ६१ ॥ जो विणयो तं नाणं जं नाणं सो हु वुच्चइ
विणयो । विणएण लहइ णाणं नाणेण वि जाणइ विणयं ॥ ६२ ॥ सव्वो
चरित्तसारो विणयंमि पइट्ठिओ मणुस्साणं । न हु विणयविप्पहीणं निग्गंथ-

रिसी पसंसंति ॥६३॥ सुबहुस्सुओ वि जो खलु अविणीओ मंसद्वमंवेगो ।
 नाराहेइ चरित्तं चरित्तमट्ठो भमइ जीवो ॥ ६४ ॥ थेवेण वि संतुट्ठो सुएण
 जो विणायकरणासंजुत्तो । पंचमहव्वयजुत्तो गुत्तो आराहओ होइ ॥ ६५ ॥
 बहुयंपि सुयमहीयं किं काही विणायविप्पहीणस्स । अंधस्स जह पलित्ता
 दीवसय-सहस्सकोडी वि ॥ ६६ ॥ विणायस्स गुणविसेसा एव मए वन्निया
 समासेणं । नाणस्स गुणविसेसा ओहियहियया निसामेह ॥ ६७ ॥

(५) नाणगुणे :-

न हु सका नाउं जे नाणं जिणदेसियं महाविसयं । ते धन्ना जे
 पुरिमा नाणी य चरित्तमंता य ॥ ६८ ॥ सका सुयनाणाओ उट्ठं च अहे च
 तिरियलोयं च । ससुरासुरमणायं सगरुलभुयगं संगंधव्वं ॥ ६९ ॥ जाणंति
 बंधमुक्खं जीवाजीवे य पुराणपावं च आसवसंवरनिज्जर तो किर नाणं
 चरणहेऊ ॥ ७० ॥ नायाणं दोसाणं विवज्जणा सेवणा गुणाणं च । धम्मस्स
 साहणाइं दुन्निवि किर नाणसिद्धाइं ॥ ७१ ॥ नाणेण विणा करणं करणेणं
 विणा न तारयं नाणं । भवसंसारसमुदं नाणी करणट्ठिओ तरइ ॥ ७२ ॥
 नाणी वि अट्ठंतो गुणेषु दोसे य ते अवज्जितो । दोसाणं च न मुचइ तेसिं
 नवि ते गुणे लहइ ॥ ७३ ॥ अस्संजमेण बद्धं अन्नाणेण य भवेहि बहुएहिं ।
 कम्ममलं सुहमसुहं करणेण ददो धुणइ नाणी ॥ ७४ ॥ सत्थेण विणा जोहो
 जोहेण विणा य जारिसं सत्थं । नाणेण विणा करणं करणेण विणा तहा
 नाणं ॥ ७५ ॥ नादंसाणस्स नाणं न विणा नाणस्स हुंति करणगुणा ।
 अगुणस्स नत्थि मुक्खो नत्थि अमुक्ख(त्त)स्स निव्वाणं ॥ ७६ ॥ जं नाणं तं
 करणं जं करणं पवयणस्स सो सारो । जो पवयणस्स सारो सो परमत्थत्ति नाय-
 व्वो ॥ ७७ ॥ परमत्थगहियसारा बंधं मुक्खं च ते वियाणंता । नाऊण बंध-
 मुक्खकं खवित्ति पोराणयं कम्मं ॥ ७८ ॥ नाणेण होइ करणं करणं नाणेण
 फासियं होइ । दुगइं पि समाओगे होइ विसोही चरित्तरस ॥ ७९ ॥ नाणं

पयासयं सोहयो तवो संजमो य गुत्तिक(ध)रो । तिगहं पि समात्रोगे मुखो
जिणसासणे भणियो ॥ ८० ॥ किं इत्तो लट्ठयरं अच्छेरतरं सुंदरतरं वा ।
चंदमिव सब्वलोगा बहुस्सुयमुहं पलोयति ॥ ८१ ॥ चंदाओ नियइ जोराहा
बहुस्सुयमुहाउ नियइ जिणवयणं । जं सोऊण मणुस्सा तरंति संसारकंतारं
॥ ८२ ॥ सूई जहा ससुत्ता न नस्सई कयवरंमि पडियावि । जीवो तहा
ससुत्तो न नस्सइ गयो वि संसारे ॥ ८३ ॥ सूई जहा असुत्ता नासइ सुत्ते अदिस्स-
माणंमि । जीवो तहा असुत्तो नासइ मिच्छत्तसंजुत्तो ॥ ८४ ॥ परमत्थंमि
सुदिट्ठे अविणट्ठे सुतवसंजमगुणोसु । लब्भइ गई विसिट्ठा सरीरसारे विनट्ठे वि
॥ ८५ ॥ जह आगमेण विज्जो जाणइ वाहिं तिगिच्छिउं निउणो । तह
आगमेण नाणी जाणइ सोहिं चरित्तस्स ॥ ८६ ॥ जह आगमेण हीणो
विज्जो वाहिस्स न मुणइ तिगिच्छं । तह आगमपरिहीणो चरित्तसोहिं न
याणेइ ॥ ८७ ॥ तम्हा तित्थयरपरुवियंमि नाणम्मि अत्थजुत्तम्मि । उज्जोओ
कायव्वो नरेण मुख्खाभिकामेण ॥ ८८ ॥ बारसविहंमि वि तवे सव्विभतर
बाहिरे जिणक्खाए । नवि अत्थि नवि य होही सज्झायसमं तवोकम्मं
॥ ८९ ॥ मेहा होज्ज न हुज्ज व जं मेहा उवसमेण कम्माणं । उज्जोओ
कायव्वो नाणं अभिकंखमाणेण ॥ ९० ॥ कम्ममसंखिज्जभवं खवेइ अणुसम-
यमेव आउत्तो । बहुयभवसंचियं पि हु सज्झाएणं खणे खवइ ॥ ९१ ॥
सतिरिय-सुरासुरनरो सकिंनर-महोरगो सगंधव्वो । सव्वो छउमत्थजणो पडि-
पुच्छइ केवलं लोए ॥ ९२ ॥ इक्कंमि वि जम्मि पए संवेगं वच्चइ नरो
अभिवखं । तं तरस होइ नाणं जेण विरागत्तणमुवेइ ॥ ९३ ॥ इक्कंमि वि
जंमि पए संवेगं वीयरायमग्गंमि । वच्चइ नरो अभिवखं तं मरणंते ण मुत्त-
व्वं ॥ ९४ ॥ इक्कंमि वि जंमि पए संवेगं कुणह वीयरायमए । सो तेण
मोहजालं खवेइ अज्झप्पजोगेहिं ॥ ९५ ॥ न हु मरणंमि उवग्गे सक्को
बारसविहो सुयक्खंधो । सव्वो अणुचित्तेउं धणियंमि समत्थचित्तेण ॥ ९६ ॥

तम्हा इक्कपि पयं चित्ततो तम्मि देसकालंमि । आराहणोवउत्तो जिणोहिं
 आराहगो भणियो ॥ १७ ॥ आराहणोवउत्तो सम्मं काऊण सुविहियो
 कालं । उक्कोमं तिगिण भवे गंतूणं लहइ निव्वाणं ॥ १८ ॥ नाणस्स
 गुणविसेसा केइ मए वन्निया समासेणं । चरणरस गुणविसेसा ओहियहियया
 निसामेह ॥ १९ ॥

(६) चरणगुणो :-

ते धन्ना जे धम्मं चरेउं जिणदेसियं पयत्तेणं । गिहपासबंधाओ
 उम्मुक्का सव्वभावेणं ॥ १०० ॥ भावेण अण्णमणा जिणवयणं जे नरा
 अणुचरंति । ते मरणंमि उयग्गे न विसीयन्ति गुणसमिद्धा ॥ १०१ ॥ सीयंते
 ते मणुस्सा सामणं दुल्लहंमि लद्धूण । जो अण्णा न निउत्तो दुक्खविमुक्खंमि
 मगंमि ॥ १०२ ॥ दुक्खाण ते मणुस्सा पारं गच्छंति जे य ददधीया ।
 भावेण अण्णमणा पारत्तहियं गवेसंति ॥ १०३ ॥ मगंति परमसुहं ते
 पुरिसा जे खविति उज्जुत्ता । कोहं माणं मायं लोभं अरइं दुगंछं च ॥ १०४ ॥
 लद्धूण वि माणुस्सं सुदुल्लहं जे पुणो विराहंति । ते भिन्नपोय-संजत्तिया व
 पच्छा दुही हुंति ॥ १०५ ॥ लद्धूण वि सामन्नं पुरिसा जोगेहि जे न हायंति ।
 ते लद्धपोयसंजत्तिया व पच्छा न सोयंति ॥ १०६ ॥ नहु सुजहं माणुस्सं
 लद्धूण वि होइ दुल्लहा बोही । बोहीए वि य लंभे सामन्नं दुल्लहं होइ
 ॥ १०७ ॥ सामन्नस्स निवलम्भे नाणाभिगमो य दुल्लहो होइ । नाणंमिय
 आगमिए चरित्तसोही हवइ दुल्लहा ॥ १०८ ॥ अत्थि पुण केइ
 पुरिसा संमत्तं नियमसो पसंसंति । केई चरित्तसोहिं नाणं च तद्वा पसंसंति
 ॥ १०९ ॥ सम्मत्तचरित्ताणं दुगहंमि समागयाण सत्ताणं । किं तत्थ गिरिह-
 यव्वं पुरिसेणं बुद्धिमत्तेणं ॥ ११० ॥ सम्मत्तं अचरित्तस्स हवइ जहा कणह-
 सेणियाणं तु । जे पुण चरित्तमंता तेसिं नियमेण संमत्तं ॥ १११ ॥ भट्टेण
 चरित्ताओ सुट्टयरं दंसणं गदेयव्वं । सिज्झंति चरणरहिया दंसणरहिया न

सिज्मंति ॥ ११२ ॥ उक्कोसचरित्तो वि य पडेइ मिच्छत्तभावओ कोइ ।
किं पुण सम्महिट्ठी सारागधम्मंमि वट्ठंतो ॥ ११३ ॥ अविरहिया जस्स मई
पंचहि समिईहिं तीहिं गुत्तीहिं । न कुणइ रागदोसे तस्स चरित्तं हवइ सुद्धं
॥ ११४ ॥ तम्हा तेसु पवत्तह कज्जेसु य उज्जमं पयत्तेण । सम्मत्तंमि चरित्ते
नाणंमि य मा पमाएह ॥ ११५ ॥ चरणस्स गुणविसेसा एए मइ वन्निया
समासेण । मरणस्स गुणविसेसा ओहियहियया निसामेह ॥ ११६ ॥

(७) मरणगुणे :-

जह अनियमियतुरए अयाणमाणो नरो समारूढो । इच्छेइ पराणीयं
अइवकंतुं जो अकयजोगो ॥ ११७ ॥ सो पुरिसो सो तुरओ पुवं अनि-
यमिय-करणजोगेण । दट्ठण पराणीयं भज्जंति दोवि संगामे ॥ ११८ ॥ एवमका-
रियजोगो पुरिसो मरणे उवट्ठिए संते । न भवइ परीसहसहो अंगेसु परीस-
हनियाए ॥ ११९ ॥ पुवं कारियजोगो समहिकामो य मरणकालंमि ।
भवइ य परीसहसहो विसयसुहनिवारओ अण्णा ॥ १२० ॥ पुवं कयपरि-
कम्मो पुरिसो मरणे उवट्ठिए संते । छिंदइ परीसहचमूं निच्छय-परसुण्णहारेण
॥ १२१ ॥ बाहंति इंदियाइं पुवंमकारिय-पइत्तचारिस्स । अकयपरिकम्मकीवो
मुज्झइ आराहणाकाले ॥ १२२ ॥ आगमसंजुत्तस्स वि इंदियरसलोलुपं
पइट्ठस्स । जइ वि मरणे समाही हदिज्ज न वि हुज्ज बहुयाणं ॥ १२३ ॥
अमत्तसुओ वि मुणो पुवं सुकयपरिकम्म-परिहत्थो । संजममरण-पइरणं
सुहमव्वहियो समाणेइ ॥ १२४ ॥ इंदियसुह-साउलओ घोरपरीसह-परव्वस-
विउत्तो । अकयपरिकम्मकीवो मुज्झइ आराहणाकाले ॥ १२५ ॥ न चएइ
किंचि काउं पुवं सुकयपरिकम्मबलियस्स । खोहं परीसहचमूं धिइबलविणि-
वारिया मरणे ॥ १२६ ॥ पुवं कारियजोगो अनियाणो ईहिऊण मइकुसलो ।
सव्वत्थ-अपडिबद्धो सकज्जजोगं समाणेइ ॥ १२७ ॥ उण्णोलिया सरासण-
गहियाउह-चावनिच्छय-मईओ । विंधइ चंदगविज्मं ज्मयंतो अण्णो सिक्खं

॥ १२८ ॥ जइ य करेइ पमायं थोवंपि य अन्नचित्तदोसेणं । तह कयसंधाणो
विय चंदगविज्झं न विंधेइ ॥ १२९ ॥ तम्हा चंदगविज्झस्स कारणा अप्प-
माइणा निच्चं । अविराहियगुणो अप्पा कायव्वो मुखमग्गंमि ॥ १३० ॥
संमत्तलट्ठुद्धिस्स चरिमसमयंमि वट्टमाणस्स । आलोइय-निंदिय-गरहियस्स
मरणं हवइ सुद्धं ॥ १३१ ॥ जे मे जाणंति जिणा अवराहा नाणदंसण-
चरित्ते । ते सव्वे आलोए उवट्ठिओ सव्वभावेणं ॥ १३२ ॥ जो दुन्नि जीवस-
हिया रुंभइ संसारबंधणा पावा । रागं दोसं च तहा सो मरणे होइ कयजोगो
॥ १३३ ॥ जो तिन्नि जीवसहिया दंडा मणवयणकायगुत्तीओ । नाणंकुसेण
गिरहइ सो मरणे होइ कयजोगो ॥ १३४ ॥ जो चत्तारि कमाए घोरे सस-
रीरसंभवे निच्चं । जिणगरहिए निरुंभइ सो मरणे होइ कयजोगो ॥ १३५ ॥
जो पंचइंदियाइं सन्नाणी विसय-संपलित्ताइं । नाणंकुसेण गिरहइ सो मरणे
होइ कयजोगो ॥ १३६ ॥ छजीवनिकायहियो सत्तभयट्ठाण-विरहिओ साहू ।
एगंत-मद्वमओ सो मरणे होइ कयजोगो ॥ १३७ ॥ जेण जिया अट्टमया गुत्तो
वि हु नवहिं बंभगुत्तीहिं । आउत्तो दसकज्जे सो मरणे होइ कयजोगो ॥ १३८ ॥
आसायणा-विरहिओ आराहिसु दुल्लहं मुखं । सुहुज्झाणाभिमुहो सो मरणे
होइ कयजोगो ॥ १३९ ॥ जो वि सहइ बावीसंपरीसहा दुस्सहा उ उवसग्गा ।
सुगणे व आउले वा सो मरणे होइ कयजोगो ॥ १४० ॥ धन्नाणं तु कसाया
जगडिज्जंता वि परकसाएहिं । निच्छंति समुट्ठित्ता सुनिविट्ठो पंगुलो चेव
॥ १४१ ॥ सामन्न-माणचरंतस्स कसाया जस्स उक्कडा हुंति । मन्नामि उच्छु-
पुप्फं व निष्फलं तस्स सामन्नं ॥ १४२ ॥ जं अज्जियं चरित्तं देसूणाए य
पुव्वकोडीए । तं पि कसाइयचित्तो हारेइ नरो मुहुत्तेण ॥ १४३ ॥ जं
अज्जियं च कम्मं अणंतकालं पमायदोसेणं । तं निहय-रागदोसो खविज्ज
पुव्वण कोडीए ॥ १४४ ॥ जइ उवसंतकसाओ लहइ अणंतं पुणोवि
पडिवायं । किं सका वीससिउं थोवेवि कसायसेसंमि ॥ १४५ ॥ खीणेषु

जाण खेमं जियं जिएसु अभयं अभिहएसु । नट्टेसु याविणट्ठं सुक्खं च
जत्रो कमायाणं ॥ १४६ ॥ धन्ना निच्चमरागा जिणवयणारया नियत्तियक-
साया । निस्संगनिम्ममत्ता विहरंति जहिच्छिया साहू ॥ १४७ ॥ धन्ना
अधिरहिय-गुणा विहरंती मुक्खमग्गमल्लीणा । इहय परत्थय लोए जीवियमरणे
अपडिच्छा ॥ १४८ ॥ मिच्छत्तं वमिऊणं सम्मत्तंमि धणियं अहीगारो ।
कायव्वो बुद्धिमया मरणसमुग्घायकालंमि ॥ १४९ ॥ हंत ! बलियंमि धीरा
मरणे पच्छा उवट्ठिए संते । मरणसमुग्घाएणं अवसा निज्जंति मिच्छत्तं
॥ १५० ॥ तो पुवं बुद्धिमया आलोइय निदिउं गुरुसगासे । कायव्वा
अणसुद्धी पव्वजाइ य जं सरइ ॥ १५१ ॥ ताहे जं दिज्ज गुरु पायच्छित्तं
जहारिहं जस्म । इच्छामित्ति भणित्ता अहमवि नित्थारित्रो तुब्भे ॥ १५२ ॥
परमत्थाउ मुणीणं अत्राहो नेव होइ कायव्वो । च्छलियस्स पमाएणं पच्छि-
त्तमवस्स कायवां ॥ १५३ ॥ पच्छित्तेण विसोही पमायबहुलस्स होइ जीव-
स्स । तेण तयंकुपभूयं चरियव्वं चरणरक्खट्ठा ॥ १५४ ॥ न वि मुज्झंति
ससल्ला जह भणियं सव्वभावदंसीहिं । मरणपुण्णभव-रहिया आलोयण-निंदणा
साहू ॥ १५५ ॥ इत्थं ससल्लमरणं मरिऊण महब्भवं(यं)मि संसारे । पुणरवि
भमंति जीवा जम्मणमरणाइं बहुयाइं ॥ १५६ ॥ पंचसमित्रो तिगुत्तो मुचिरं
कालं मुणी विहरिऊणं । मरणे विराहयंतो धम्ममणाराहयो भणियो
॥ १५७ ॥ बहुमोहो विहरित्ता पच्छिमकालंमि संबुडो सो उ । आहारणो-
वउत्तो जिणेहि आराहयो भणियो ॥ १५८ ॥ तो सव्वभावसुद्धो आराह-
णमभिमुहो विसंभंतो । संथारं पडिवन्नो इणमं हियए विचिंतिज्जा ॥ १५९ ॥
इको मे सासयो अप्पा नाणदंसणसंजुयो । सेसा मे बाहिरा भावा सव्वे
संजोगलक्खणा ॥ १६० ॥ इको हं नत्थि मे कोइ नत्थि वा कस्सइ अहं ।
न तं पिक्खामि जस्साहं न सो भावो य जो महं ॥ १६१ ॥ देवत्त-माणुसत्तं
तिरिक्खजोणीं तहेव नरयं च । पत्तो अणत्तखुत्तो पुवं अन्नाणदोसेणं

॥ १६२ ॥ न य संतोसं पत्तो सएहि कम्मेहि दुक्खमूलेहिं । न य लद्धा परि-
सुद्धा बुद्धी सम्पत्तसंजुत्ता ॥ १६३ ॥ सुचिरं पि ते मणुस्सा भमंति संसार-
सायरे दुग्गे । जे य करंति पमायं दुक्खविमुक्खंमि धम्मंमि ॥ १६४ ॥
दुक्खाण ते मणूपा पारं गच्छंति जे य ददधिईया । पुव्वपुरिसाणुचिन्नं
जिणवयणपहं न मुंचंति ॥ १६५ ॥ मग्गंति परममुक्खं ते पुरिसा जे खवंति
उज्जुत्ता । कोहं माणं मायं लोभं तह रागदोसं च ॥ १६६ ॥ नवि माया
नवि य पिया न बंधवा नवि पियाइं मित्ताइं । पुरिसस्स मरणकाले न हुंति
आलंबणं किंचि ॥ १६७ ॥ हिरन्नसुवन्नं वा दासीदासं च जाणज्जुग्गं वा ।
पुरिसस्स मरणकाले न हुंति आलंबणं किंचि ॥ १६८ ॥ आसबलं हत्थिबलं
जोहबलं धणुबलं रहबलं च । पुरिसस्स मरणकाले न हुंति आलंबणं किंचि
॥ १६९ ॥ एवं आराहितो जिणोवइट्ठं समाहिमरणं तु । उद्धरिय-भावसल्लो
सुज्झइ जीवो धुयकिलेसो ॥ १७० ॥ जाणंतेण वि जइणा वयाइयारस्स
सोहणोवायं । परसविख्या विसोही कायव्वा भावसल्लस्स ॥ १७१ ॥ जह
सुकुमलो वि विज्जो अन्नस्स कहेइ आप्पणो वाही(हिं) । सो से करेइ तिगि-
च्छं साहूवि तहा गुरुसगासे ॥ १७२ ॥ इत्थं समुप्पइ मुणिलो पव्वज्जा
मरणकालसमयंमि । जो उ न मुज्झइ मरणे साहू(सो हु) आराहयो भणियो
॥ १७३ ॥ विणायं^१ आयरियगुणे^२ सीसगुणे^३ विणायनिग्गहगुणे^४ य ।
नाणगुणे^५ चरणगुणे^६ मरणगुणविहिं^७ च सोऊण ॥ १७४ ॥ तह वत्तह काउं
जे जह मुंचह गव्ववास-वसहीणं । मरणपुणव्वभव-जम्मा-दुग्गइ-विणिवायग-
मणाणं ॥ १७५ ॥ इइ सिरि चंदावेज्झय(चंदगविज्झं) पइराणयं ॥

॥ इति श्री चन्द्रवेध्यकप्रकीर्णकम् ॥१॥

॥२॥ अथ श्री वीरस्तव-प्रकीर्णकम् ॥

नमिऊण जिणं जगजीव-बंधवं भविय-कुमुय-रयणियरं । वीरं गिरि-
दधीरं थुणामि पयडत्थनामेहिं ॥१॥ अरुह अरिहंत अरहंत देव जिण वीर
(जिणावर) परमकारुणिय । सव्वन्तु सव्वदंसण, पारय तिकालविऊ नाह
॥२॥ जय वीयराय केवलि तिहुयणगुरु सव्व तिहुयणवरिट्ठ । भयवं
तित्थयर त्ति य सक्केहिं नमंसिय जिणिंद ॥३॥ सिरिवद्धमाण-हरिहर-
कमलासणपमुह-नामधेएहिं । अन्नत्थ-गुणजुएहिं जडमइवि सुयाणुसारेण
॥४॥ भववीयंकुरभूयं कम्मं डहिऊण भाणजलणेण । न रहसि भववण-
गहणे तेण तुमं नाह अरुहोसि ॥५॥ घोरुवसग्ग-परीसह-कसाय करणाणि
पाणिणं अरिणो । सयलाण नाह ! ते हणसि जेण तेणारिहंतोऽसि ॥६॥
वंदण थुणाण नमंसण पूयण सक्करण सिद्धिगमणंमि । अरिहोऽसि जेण
वरपहु ! तेण तुमं होसि अरहंतो ॥७॥ अमर-नर-असुर-वर-पहु-गणाण
पूयाए जेण अरिहोऽसि । धीर(सिद्धारमण)मणुन्मुको (?) तेण तुमं देव !
अरहंतो ॥८॥ रहगदिसेससंगह-निदरिसणमंतो गिरिगुहमणाणं । तं ते
नत्थि दुयंपि हु (?) जिणिंद ! तेणारिहंतोऽसि ॥९॥ रहमग्गं तो अन्नंपि
मरणमवणीय जेण वरनाणा । संपन्न-निय-सरूवो देव ! तुमं तेण अरहंतो
॥१०॥ न रहसि सदाइ-मणोहरेसु अमणोहरेसु तं जेण । समधारं जिय-
मणकरणजोग तेणारहंतोऽसि ॥११॥ अरिहा जोगा पूयाईयाण देविंद-
णुत्तरसुराई । ताणंपि य अंतो सीमाकोडी तं तेणऽरहंतो ॥१२॥ सिद्धिवहु-
संग-कीलापरोऽसि विज्जइ समो मोहरिउवग्गेणं । सुहपुन्न-परिणइ-परिगय
तं तेण देवुत्ति ॥१३॥ रागाइवेरि-निक्कितणेण दुहउ वि वयसमाहाणा ।
जय सत्तुकरिसगुणाइणहिं तेणं जिणो देव ॥१४॥ दुट्ठुक्कम्मगंढि-
प्पवियारणलद्धलद्धि-संससद्द तव सिरिवरगणकेलिय-सोहतं तेण वीरोसि
॥१५॥ पढमवयगहणदिवसे संकंदण-विणायकरण-गयतराहा । जाओसि

जेण वरमुणि अह तेण तुमं महावीरो ॥१६॥ सचराचर जंतुपुहुत्त भत्त
 थुइ सत्तसत्तुमित्तेसु । करुणारसरंजियमाणो तेण तुमं परमकारुणिउ ॥१७॥ जेसु
 य भविस्स भवंति भाव-सब्भावभावणपरेण । नाणेण जेण जाणसि भन्नसि तं
 तेण सब्वन्नू ॥१८॥ ते कसिण-भुवण-भवणो य रिद्धिया निय-निय-रुवेण ।
 सामन्नउवलोयसि तेण तुमं सब्व-दरिसित्ति ॥१९॥ पारं कम्मस्स भवस्स
 वा वि सुयजलहिणो व नेयस्स । सब्वस्स उ जेणं भन्नसि तं पारगो
 तेणं ॥२०॥ पच्चुप्पन्न-अणागयतीयद्धा-वत्तिणो जे पयत्था । करयल-
 कलियामलयं व मुणसि तिकालविऊ तेण ॥२१॥ नाहो विनाहनाहाण
 भीमभवमहाण-मज्झवडियाण । उवणसदाणाउ मग्गनयणाउ होसि तं जेण
 ॥२२॥ रागोऽई सुभेयरवत्थुसु जंतूण वित्तविणिवेशो ! सो रागो
 दोसो उण तव्विवरीओ मुणोयव्वो ॥२३॥ सो कमलासण-हरिहर-दिणयर-
 पमुहाण माणदलणेण । लद्धेकरसो पत्तो जिण तथो मूले नउ तुमए
 ॥२४॥ जं मलण-दलण-विहलण-म(कव)लणवि-समत्थो जो य जीवोवि ।
 करचरण-नयण-कररुह-अहरदलं वसइ अणुजं च ॥२५॥ दोसो वि ऊ
 डिलंकुंतलभू-पम्हल-नयण-तारियमिसेण । गुरुनिकरणं सूयइ तं मन्ने
 गुणकरे लऊणो ॥२६॥ जह वि बहु रूवधारी वसंति ते देव तुह सरीरंमि ।
 तक्कय-विगार-रहिओ तहवि तुमं वीयरगोत्ति ॥२७॥ जं सब्वदव्वपज्जव-
 पत्ते य पत्तेयमाणंत-परिणइ-सरूवं । भगवं मुणइ तिकालसंठियं केवलं तमिह
 ॥२८॥ ता ते अप्पहयसत्तिपसर-माणयरय-मविगलं अत्थि । मुणिणो वि
 मुणियपयत्थो तेण तुमं केवलं बिंति ॥२९॥ पंचेंदिसन्निणो जे तिऊयण
 सहेण तेत्थ णज्जंति (गिज्झंति) । तेसि सधम्म-निउयणेण तं तिहुयण-
 गुरुत्ति ॥३०॥ पत्तेयर-सुहुमेयर-जिएसु गुरुहुह-विलप्पमाणोसु । सब्वेसु वि
 हियकारी तेसु तेसु तुमं तेण सब्वोसि ॥३१॥ बल-विरिय-सत्त-सोहग्ग-रूव-
 विन्नाण-नाणपवरोऽसि । उत्तम-पय-कयवासो तेण तुमं तिहुयण-वरिट्ठो

॥३२॥ षडिपुत्र-रूढ-धृष्ट-धन-कंति-उज्जम-जसाण भयसन्ना । ते अत्थि अवि-
यला तुम्ह नाह ! तेणाऽसि भयवं तो ॥३३॥ इह-परलोयाईयं भयंति
वावन्नयंति सत्तविहं । तेण चिय परिचत्तो जिणोस ! तं तेण भयवंतो
॥३४॥ तित्थं चउविहसंधो पढमो चिय गणहरोऽहवा तित्थं । तत्तित्थ-कर-
णसीलो तंसि तुमं तेण तित्थयरो ॥३५॥ एवं गुणगणसकस्स कुण्ड
सक्कोवि किमिह अच्छरियं । अभिवंदणं जिणोसर ता सकभिवंदिय नमो
ते ॥३६॥ मणपज्जवोहि-उवसंत-खीणमोहा-जिणत्ति भन्नंति । ताणं चिय
तं इंदो परमिस्सरिया जिणिंदुत्ति ॥३७॥ सिरिसिद्धत्थ-नरेसर-गिहंमि
धणकणय-देस-कोसेहिं वड्डे सि तं जिणोसर ! तेण तुमं वद्धमाणोसि ॥३८॥
हरसि खमं कमलालय-करयलगय-संखचक-सारंगो । दाणवरिसुत्ति जिणवर !
तेण तुमं भन्नसे विगहू ॥३९॥ हरसि रयं जंतूणं बज्जं अब्भितरं नरवट्ठं
(तं) । नयनीलकण्ठकलिउ हरो त्ति तं भणसे तह वि ॥४०॥ कमला-
सणोवि जेण दाणाई चउह-धम्म-चउवयणो । हंसगमणो यं गमणो तेण तुमं
भन्नसे बंभो ॥४१॥ बुद्धं अवगयमेगट्ठियं ति जीवाइतत्त-मवसेसं । वरवि-
मल-केवलाउ तेण तुमं भन्नसे बुद्धो ॥४२॥ इय नामावलि-संथुय
सिरिवीरजिणिंद मंद पुन्नस्स । वियर कस्साइ जिणवर सिवपय-
मणहत्थिरं वीरं ॥४३॥

॥ इति श्री वीरस्तव-प्रकीर्णकम् ॥२॥

(आ वीरस्तवपयन्ना ना संशोवनमां शेठ अणंदजी कल्याणजी पेढी लिबडी ना
हस्तलिखित भंडारनी प्रतनो उपयोग पण करवामा आव्यो छे)

॥ श्री आगमसुधासिन्धुः ॥
अष्टमो विभागः
समाप्तः ॥

